

12

12



2122  
TEOLOGIA I

*Le  
B.*

*Cruc.*

*C. D.  
10.*

Theat

2122



REGIA  
CRVCIS  
VIA.

8

REGIA

CHRISTIANISS

VI

*B. Benedicto Praepositi Majoris Aed. Praemonstr.*



REGIA  
VIA  
CRVCIS

Auctore  
D Benedicto Haefeno  
Ultraiectino

*Reformati Monasterij Afflige-  
niensis Ordinis S. Benedicti  
Praepositi.*

ANTVERPÆ EX OFFICINA PLANTINIANA  
BALTHASARIS MORETI. M. DC. XXXV.

REGIA  
VIA  
CROCI



ANTWERP EN OFFICIALE  
BIBLIOTHEEK

V

EXCEL<sup>MO</sup> ET ILLVST<sup>MO</sup>  
DOMINO  
D. IACOBO  
DE NOYELLE

MARCHIONI AC CASTELLANO  
LISBURGENSI,  
COMITI DE CROIX,

*Viccomiti de Nielles, Baroni de Malde-  
gem, Guize, Contsy, Toparchæ de Laires,  
Boucourt, &c.*

ÆRARI REGII PRÆFECTO,  
*Et renouandis per Flandriam Magistrati-  
bus Commissario Regio.*



VÆ nobis è solo  
ad cælum à cælesti  
Rege demonstrata  
iam olim strataque  
est REGIA CRVCIS  
VIA, eam, COMES EXCELL<sup>ME</sup>,

\* 3

calamo

vj  
calamo nostro adumbratam no-  
mini Tuo imus consecratum.  
Dux siquidem & præcursor no-  
ster, qui non sine comitatu suam  
sibi in Caluariae locum detulit  
CRUCEM, per omnes sæculorum  
ætates itineris huius comites re-  
quirit. Quemadmodum enim

Iudic. 9, 48 strenuus ille Abimelech *ascendens  
in montem cum omni populo suo,  
arrepit à securi præcidit arboris ra-  
mum, impositumq; ferens humero,  
dixit ad socios: Quod me videtis  
facere, citò facite: non secùs supre-  
mus noster Imperator, qui*

Lucan. l. 9. — *primus arenas  
Ingrediens, primusq; gradus in pul-  
uere ponens,  
omnibus idemtidem inclamat:  
Ioan. 13, Exemplum dedi vobis, ut quemad-  
15. modum*

*modum ego feci, ita & vos faciatis.*

*&: Si quis vult post me venire,* Matth. 16, 24.

*abneget semetipsum, & tollat CRUCEM suam, & sequatur me.*

Hinc maxima CRUCEM ferendi Christianis imposita necessitas.

*nam qui dicit se in CHRISTO manere, debet, sicut ille ambulavit, & ipse ambulare.* \* I. Ioan. 2, 6.

*\* Quomodo autem putas CHRISTVM sequendum, nisi lege quâ docuit,*

*& formâ quam prætulit? \* Sequendus, inquam, est CRUCE* \* Paulin. Epist. 5. ad Seuerum.

*assumptâ, & passionis suæ si non sorte, at tamen voluntate comitandus.* \* Hilarius Pict. can. 16. in Matthæum.

In hoc comitantium agmine quòd primas, EXCEL<sup>ME</sup> COMES, Tibi deferam, non Comitatus Tui dumtaxat titulus, sed rara in Deum pietas fecit. Nam præ na-

viii

Deut. 13.4  
ita legit  
Ambrosius.

Eccli. 23,  
38.

S. Hilar.  
Arelat.  
Serm. de  
S. Hono-  
rat.

talium splendore, omnibusq; qui-  
bus merito Tuo illustraris nomi-  
nibus, gloriosum ducis, in Te im-  
pleri, quod scriptum est: *Post Do-  
minum Deum tuum ambulabis: &  
ipsi soli adharebis.* Quid enim? an  
non *gloria magna est sequi Domi-  
num?* & huius non modò comi-  
tem fieri, sed & filium? *Fastigium*  
scilicet *nobilitatis est, inter Dei filios*  
*computari: nec addere nobis quid-*  
*quam ad dignitatem ferreæ originis*  
*decus, nisi contemptu suo potest.*  
*Nemo est in caelestibus gloriosior,*  
*quàm qui repudiato Patrum stem-*  
*mate, solâ elegit CHRISTI pater-*  
*nitate censerî.*

Maçte hac virtute, COMITVM  
PUISSIME, tanti Ducis insiste ve-  
stigijs, certus, quòd, vt dici solet,  
Bonus

*Bonus Dux, bonum reddet Comitem.* imò iam reddidit. Ab illo enim sunt, quæ in Te suspicimus, non vulgaria ornamenta. Ab illo singularis ea, quam dixi, in Deum pietas, in Regem fides, iuuandæ Reip. studium indefessum. Ab illo nota illa in rebus arduis prudentia, in dubiis consilium, in prosperis moderatio, in aduersis æquanimitas, & benigna in omnes comitas. Quæ sanè Catholici Regis permouerint Maiestatem, vt nouo Te, quem gratulamur, MARCHIONIS ornaret titulo; cui & ipse futurus sis ornamento. Quid dicam de Tuo in Dei Seruos amore, quos inter nostræ Congregationis homines ita complecteris, vt operam Tuam, cum eâ

x

opus est, perhumaniter iis proli-  
xeque impendas.

Hæc aliaque, quæ recensere  
promptum esset, lubens prætereo,  
quia

*Fucati sermonis operam mens con-  
scia laudis*

*Abnuitt: —*

& vna ac verissima hæc Tua laus,  
posse, nec velle laudari. In par-  
tem tamen gratitudinis CRV-  
CEM hanc VIAM Q. accipe:  
hanc, vt teras; illam, vt feras; &  
vtriusque tandem præmium re-  
feras æternum. Affligenio, Nonis  
Ianuarij, anni M. DC. XXXV.

EXCELLENTIAE TVAE

*obsequiis addictissimus.*

F. BENEDICTVS HAEFTENVS.

GLORIOSISSIMÆ  
 VIRGINI  
 S. TERESIAE  
 A I E S V

Carmelitarum Excalceat.

FVNDATRICI.



AS mihi sit, arden-  
 tissima CRVCIS  
 CHRISTI Amatrix,  
 Seraphica virgo TE-  
 RESIA, REGIAM  
 hanc CRVCIS VIAM sacris Tuis  
 substernere pedibus, & nomini  
 Tuo longè celeberrimo consecra-  
 re. Quamquam enim cælestis vr-  
 banitatis ignari, nimix id forsitan  
 adscri-

xij

adscribent audaciæ; ego tamen  
vel hoc pacto perennem illum  
Tuum erga CRUCES afflictionesq;  
amorem venerari mihi posse vi-  
deor. Etenim *dilectus Tuus candi-  
dus & rubicundus, electus ex milli-  
bus*, vnam Te ex multis elegit mil-  
libus, ad similitudinem suam vir-  
ginitate candidam, patiendi desi-  
derio rubicundam, cui diuitias &  
delicias CRUCIS suæ luculentius  
aperiret. Hinc vitæ Tuæ cursus a-  
liud fuisse non videtur, quàm ad-  
scensus purpureus, quo per CRU-  
CES & dolores ad ferculi Salomo-  
nis reclinatorium aureum pene-  
trasti. Non modicum Tibi præbe-  
bant CRUCES solatium; poenæ &  
tormenta Tibi videbantur orna-  
menta: opprobria & conuitia vel-

Cant. 5.  
19.

ut

ut suauiſſima quædam harmonia  
 Tu is inſonabant auribus. Parum  
 Tibi erat , ô Magnanima He-  
 roina , tribulationes æquo animo  
 tolerare, niſi etiam flagrantiffimo  
 eas deſiderio à Deo flagitares, &  
 crebrò Tibi eſſet in corde, crebrò  
 in ore;

AVT PATI, AVT MORI: Tereſ. Vi-  
 tæ ſuæ c. 40  
 & quòd, vt ipſa litteris conſigna-  
 ſti, *afflictiones cum omnibus mundi*  
*theſauris non commutares.* Tereſ. in  
 Concep.  
 diuin. a-  
 mor. c. 6. Vnde  
 autem hæc vota ? vnde hæc af-  
 flictionis æſtimatio ? vnde hoc  
 deſiderium ? Ab Amore Tuo  
 Crucifixo CRVCIS hunc amo-  
 rem hauſiſti : impatiens hoc pa-  
 tiendi deſiderium ab eo procul-  
 dubio proceſſit, qui ſe patientiæ  
 præceptorem fecit & exemplum.  
 Nimi-

Nimirum totus Tibi fixus erat in corde, qui pro Te totus fixus fuerat in CRUCE.

Sed finem non habent amantium vota, nec mortali clauditur vitâ immortale desiderium. Manet iam cælo receptæ eadem Tibi, si non maior, patiendi voluntas. Et si quâ causâ, interminâ illâ carere velles beatitudine, hac solâ id velles, vt posses pati. Ergone cælestes animæ, si hæc in eas cadat affectio, mortalibus CRUCES inuideant? Auxisti, ô prudentissima Negotatrix, auxisti hoc Tuo suffragio tribulationis & CRUCIS pretium: tantumque piorum mentibus calcar addidisti, nemo vt iam sit, qui vel longiorem, vel æquo grauiorem que-

queratur, quam à Cælitibus ambizioso didicerit voto posse concupisci.

Tibi igitur, ô sacra Virgo, REGIAM hanc CRVCIS VIAM sacro. Digna enim es, quæ post Agnum crucifixum, Ducemque nostrum, CRUCEM ferentium

agmen deducas, *quæ CRVCIS diu portata vexilla circumfers.* Post

Moysem præeuntem *in veteri Testamento virgo Hebraorum per mare duxit exercitum.* Felici

Tu cum IESV contubernio, per sæculi huius pelagus CRUCE suâ iter pandente, piorum præibis exercitum; omnibus Apostolicum illud ingeminans: *Imitatores mei estote, sicut & ego CHRISTI.*

Neque verò nouum quid abs

Te

Sidon. l. 6.  
Epist. 1.

Ambros.  
Epist. 7. ad  
Siricum  
Papam.

1. Cor. 4.  
16.

xvj

Te peto. Etenim cùm communi nobiscum hîc forte degeres, CRVCIS trophæa passim erigebas. Iam tum, velut altera Machabæa, *Tu supra modum Mater mirabilis, & bonorum memoriâ digna, lectissimam quam condidisti gentem hortabaris voce patriâ fortiter, repleta sapientiâ, & femineæ cogitationi masculinum animum inserens, dicebas: \* HOC SYMBOLVM & axioma vestrum esse credite: QV AE PLVS PATI POTEST, PLVRA DEI NOMINE PATIATVR; hæcquæ omnium erit beatissima. \* Quæcumq; autem hoc patiendi in se desiderium non sentiet, illa se veram Discalceatam esse non existimet; cùm non tam recreationes quàm patiendi mate-*

2. Macha.  
7. 20.

\* Teref.  
Castell.  
anim.  
manf. 2.

\* Lib. 2.  
Fundat.  
cap. 27.

*materiam desiderare debeamus .*

Quod in CHRISTI Sponsis potissimum requirebas, insignis erga illum erat amor : sed huius mensuram CRUCEM esse voluisti, *certissimum arbitrata pro magnâ* Via perfect. c. 32. *aut parvâ in CRUCE ferendâ resolutione, amorem esse solere, iuxtaque eam debere commensurari .*

O voces prudentissimâ virgine, fortiq̄ue viragine dignas ! voces quæ tenerrimis etiam virgunculis CRUCIS amplexum serîo persuaserunt !

Patere igitur, ô gloriosa patientiæ Magistra, Te, post Agnum quem sequeris, REGIÆ huius VIÆ ductricem Doctrinamque nominari : instrue, quæso, errantes, iacentes erige, euntes dirige.

\*\*

Pro

xviii

Pro hoc verò qualiquali scripto,  
quod sanctissimo nomini Tuo  
supplex veneransque inscribo,  
CRVCIS & CRVCIFIXI amo-  
rem tabulis cordis mei inscribe,  
& Clientum Tuorum me, licet  
indignum, numero adscribe.



A D

A D  
PIVM LECTOREM  
SEV  
VIATOREM  
PRÆFATIO.



AELESTEM, exul homo  
& peregrine, inquiris pa-  
triam? REGIA huc CRV-  
CIS ducit VIA. Quam, ne  
vagus forsitan & incertus  
oberrares, diuinus Ductor Doctorque, qui  
regnauit à ligno, suis olim calcavit pedibus,  
inculcauit sermone, signauit Sanguine.  
Hanc denuò tibi sub eius personâ proponi-  
mus, & utcumque exponimus. Sequere,  
Viator, præeuntis vestigia, & exhortantis  
verba libenter excipe. Si quis, inquit, vult Luc. 9. 23.  
post me venire, abneget semetipsum,  
& tollat CRUCEM suam quotidie,  
& sequatur me.

Sur. in Vi-  
tâ, 29. De-  
cembris.

Hoc Opusculi huius argumentum , hoc  
Hodœporicon regni cœlestis , & iti-  
nerarium est vitæ æternæ. Sententiam  
hanc cum ex Euangelio sanctus legisset  
Ebrulphus , attentiusque apud animum  
suum, quam vulgò solemus, considerasset;  
non insuper habendam ratus est conditio-  
nem, quam non homo Rex, sed Deus offer-  
ret. Mox igitur aula Regis Gallie, con-  
iugi, liberis, opibus & clientelis vale-  
ultimum dixit, Angeloque duce in solitudi-  
nem sese abdidit, verus Crucifixi IESU  
futurus discipulus. Hæc ipsa verba cum  
beato Siluestro ( qui Monachorum Siluestri-  
norum sub Regulâ sancti Patris Benedicti  
deinde fundator fuit ) aliquando occurrif-  
sent, facillè ei persuaserunt, vt relicto sæ-  
culo eremum peteret, vbi vigiliis, oratio-  
nibus, ieiuniisque deditus, crudas tantùm  
herbas in cibum sapiùs adhibebat. Fuit  
& vir quidam Religiosus in paucis; cuius  
( vt Granatensis testatur ) continuum stu-  
dium, sententiam hanc diligenter expende-  
re: adeò enim illi placebat, dicere vt sole-  
ret,

Gran. in  
Catechif.  
maiore  
lib. 3. c. 25.

ret, librum se conscripturam, cuius singulas paginas his CHRISTI insigniret verbis. Intelligebat scilicet, iis omnia contineri quæ ad salutem necessaria. Votum hoc viri verè pij secuti, eadem Redemptoris nostri verba pro modulo nostro illustravimus; ipso illo fine, quo ab eo prolata.

Ipsam prouide CHRISTVM cum Staurophilâ eiusque sororibus dialogismi formâ differentem introducimus. Hanc enim & Platonem, & Tullium, & ex S S. Patribus Augustinum, Chrysostomum, Magnum Gregorium, aliosque adamasse constat: quoniam & ipse Spiritus sanctus amoris illud Epithalamium dramatico flore depinxit. Gratiore nempe solent esse colloquia, quàm perpetui libri. Condimenta namque ac pigmenta multa adhiberi queunt: continuatæ tractus vniformis orationis, haud rarò strigosus est; aut æqualitate, succedentiumque catenatâ sententiarum similitudine tædium parit sæpenumerò. Et hac causâ versiculi & imagines insertæ, vt horrorem, quem

Scaliger  
Exercit.  
108. in  
Cardan.

CRUX & tribulatio adferre solent, aliquousque leniant, & Lectorem nonnihil oblectent.

Lucret.  
lib. 1. de  
Rer. nat.  
& iterum  
lib. 4.

—Veluti, inquit ille, pueris absynthia  
tetra medentes

Cùm dare conantur, prius oras pocula circum

Contingunt mellis dulci flauoque  
liquore.

*Exempla sparsim miscuimus, vt Viatores nostri in hoc itinere comites, imò & duces habeant, quorum insistant vestigiis.*

Seneca  
Epist. 6.

Semper enim homines amplius oculis quàm auribus credunt. Longum iter est per præcepta, breue & efficax per exempla. Nam ideò Deus Sanctos tribulari permittit, vt reliqui in grauia incidentes, sufficientem mitigationem & consolationem habeant, in eos respicientes. *Scripturæ sacre hæc vox est:*

Chrysoft.  
Hom. 1.  
ad Pop.  
Antioch.

Tob. 2, 12.

Hanc tentationem ideò permisit Dominus euenire *Tobia*, vt posteris daretur exemplum patientiæ eius, sicut & sancti Iob.

*Dicendi*

*Dicendi porrò character hîc varius est, & esse etiam debuit. Cùm enim inuentio tota & ordo à nobis sint, verba tamen & sententias variè conquisiuimus, à Scripturâ in primis sacrâ, & Auctõribus priscis & recentibus. Nec verò nudas aut sparsas sententias dedimus; ne diffluerent, & esset, quod dicitur, arena sine calce: sed eas aut inter se utcumque iunximus, aut interdum velut cæmento quodam commisimus nostrorum verborum. Ad summam, ut Phrygiones è varij coloris filonum aliquod aulæum formant: sic nos è mille aliquot particulis vniforme hoc & cohærens corpus. Quæ autem CHRISTO hîc tribuuntur, non ea maioris censei debent auctõritatis, quàm fides mereatur eorum, quòs ad marginalem citamus oram.*

*Non me fugit, Auctõres bonos, quã veteres quàm Neotericos, in hoc argumento multa & bona scripsisse, & benè; hos ego à longè subsequi conatus sum, non*

Lipf. Præ-  
fat. ad  
Polit.

Sueton.  
Calig.

Gregor.  
Nyssen.  
Orat. ad-  
uerf. Fœ-  
nerat.

*assequi : nec alia scribere volui , sed aliter ,  
nullo aliorum detrimento. Nam & one-  
rariam nauem , quæque millenis mer-  
cibus referta hinc inde impellitur , se-  
quitur exigua quædam cymbula , idem  
secans æquor ; virisque athletico more  
& ritu depugnantibus , eâdem lege  
diglantur & pueri. Sed & vniuersè  
utile est , plures à pluribus fieri libros  
diuerso stylo , non diuersâ fide , etiam  
de quæstionibus eisdem ; vt ad pluri-  
mos res ipsa perueniat , ad alios sic , ad  
alios autem sic.*

Aug. lib. I.  
De Trinit.  
cap. 3.

Iob 4, 6.

*Ceterum ne quis fortè mihi illud obii-  
ciat : Vbi est fortitudo tua , patientia  
tua , & perfectio viarum tuarum ?  
lubet humillimam vetusti Scriptoris in si-  
mili causâ protestationem pro me adscri-  
bere.*

Tertull.  
lib. De  
Patient.  
cap. I.

Confiteor ad Dominum Deum , sa-  
tis temerè me , si non etiam impu-  
denter , de CRUCE & patientiâ com-  
ponere ausum , cui præstandæ idoneus  
omnino non sum , vt homo nullius bo-  
ni :

ni: *vereor*que, ne dicta factis deficientibus erubescant. Atque utinam erubescere istud, remedium ferat, ut pudor non exhibendi, quod aliis suggestum imus, exhibendi fiat magistrum! Itaque velut solatium erit, disputare super eo quod frui non datur, vice languentium, qui cum vacent à sanitate, de bonis eius tacere non norunt. Ita miserrimus ego, semper æger caloribus impatientiæ, quam non obtineo patientiæ sanitatem, & suspirem, & inuocem, & perorem necesse est.



## C E N S U R A.

**V**T mundi huius euadas labyrinthum, auream hanc è sacra Scripturæ sanctorumque Patrum sententiis variegatam apprehende Catenam, quâ R. D. *Benedictus Haestenus Affligeniensis Præpositus* fidelium pedes ceu Ariadnæo filo per REGIAM CRUCIS VIAM dirigit in vitam æternam. Publico proinde bono lucem adspiciet, vt eam viatoribus omnibus præferat. Ita censui hac XXIII. Februarij, anno M. DC. XXXIII.

*Henricus Calenus S. Tholog. Licent.  
Archipresbyter Bruxellensis, Librorum Censor.*

## SVMMA PRIVILEGII.

**P**HILIPPVS IV. Hispaniarum & Indiarum Rex Catholicus, ac Potentissimus Belgarum & Burgundionum Princeps, Diplomate suo sanxit, nequis *Regiam Viam CRVCIS*, *Auctore D. Benedicto Haefteno Ultraeetino, Reformati Monasterij Affligeniensis Ordinis sancti Benedicti Praeposito*, praeter Balthafaris Moreti voluntatem villo modo intra sexennium imprimat, aut alibi terrarum impressam in Inferioris Germaniae ditones importet, venalemve habeat. Qui secus faxit, confiscatione Librorum & alia graui poena mulctabitur, vti latius patet in literis datis Bruxellae XI. Septembris anno M. DC. XXXIV.

Signat.

*Steenhuysse.*

I N-

INDEX  
AUCTORVM  
QVI  
IN HIS LIBRIS CITANTVR.

A.



C T A S. Andreae.

Acta canonizationis S. Tereſiæ.

Acta canonizationis S. Xauerij.

Ambroſius.

Anſelmus.

Antiochus.

Antonius Balinghem.

Antonius Hemartius.

Archita Tarentinus.

Athanaſius.

Auguſtinus.

B.

Baronius.

Baſilius Magnus.

Baſilius Seleuciæ Episcopus.

Beda.

Benedictus Abbas.

Bernardinus Senenſis.

Bernardus.

Biblia ſacra.

Birgitta.  
 Boëtius.  
 Bonauentura.  
 Breuiarium Romanum.

## C.

Carolus Scribanus.  
 Chryfillus.  
 Cicero.  
 Clemens Alexandrinus.  
 Clemens Romanus.  
 Concilium Tridentinum.  
 Cornelius à Lapide.  
 Cyprianus.

## D.

Daniel Mallonius.  
 Didymus.  
 Dionysius Areopagita.  
 Dionysius Carthusianus.  
 Dorotheus.

## E.

Ealredus.  
 Ephræm.  
 Epictetus.  
 Euripides.  
 Euthymius.

## F.

Faustus Rhegiensis.  
 Franciscus Labata.  
 Franciscus Ribera.

## G.

Gertrudis Abbatissa.  
 Gregorius Magnus.  
 Gregorius Nazianzenus.  
 Gregorius Nyssenus.

## H.

Henricus Suso.  
 Herodotus.  
 Hieremias Drexelius.  
 Hieronymus.  
 Hieronymus Platus.  
 Hilarius Arelatenfis.  
 Hilarius Pictaviensis.  
 Horatius.  
 Hugo de S. Victore.

## I.

Iacobus Corenus.  
 Iacobus Salianus.  
 Idiota.  
 Ignatius Martyr.  
 Ioannes Auila.  
 Ioannes Baptista Vilalpandus.  
 Ioannes Brugmannus.  
 Ioannes Cassianus.  
 Ioannes Cedrenus.  
 Ioannes Chrysofomus.  
 Ioannes Climachus.  
 Ioannes Damascenus.  
 Ioannes Gerson.

Ioannes

Ioannes Lorinus.  
 Ioannes Ruysbrochius.  
 Ioannes Stobæus.  
 Ioannes Taulerus.  
 Isidorus Hispalensis.  
 Isidorus Pelusiota.  
 Iulius Scaliger.  
 Iustinus Martyr.  
 Iustus Lipsius.

## L.

Lactantius.  
 Laurentius Iustinianus.  
 Laurentius Surius.  
 Leo.  
 Leonardus Lessius.  
 Leontius.  
 Lucanus.  
 Lucas Pinellus.  
 Lucretius.  
 Ludolphus Carthusianus.  
 Ludouicus Blosius.  
 Ludouicus de Ponté.  
 Ludouicus Granatensis.

## M.

Marcus Eremita.  
 Martialis Episcopus.  
 Matthæus Raderus.  
 Maximus Taurinensis.  
 Minutius Felix.

Missale Romanum.

N.

Nicetas Choniates.

Nicetas Serronius.

Nilus Abbas.

O.

Origenes.

Ouidius.

P.

Paulinus.

Pelagius.

Petrus Blesensis.

Petrus Chrysologus.

Petrus Damiani.

Petrus Equilinus.

Philo Carpathius.

Philo Iudæus.

Pindarus.

Plinius Secundus.

Polybius.

Prosper.

Prudentius.

Publius Mimus.

R.

Richardus de Sancto Victore.

Ruffinus.

Rupertus.

S.

Salvianus.

Seneca

Seneca Philosophus.

Seneca Tragicus.

Sidonius Apollinaris.

Silius Italicus.

Sixtus Papa.

Sophronius.

Sozomenus.

Stephanus Eduensis.

Suetonius.

T.

Terentius.

S. Terefia.

Tertullianus.

Tibullus.

Titus Liuius.

Theophylactus.

Thomas à Kempis.

Thomas à Villâ nouâ.

V.

Valerianus Episcopus.

Venantius Fortunatus.

Vincentius Puccineus.

Virgilius.

Vitæ Patrum.

\*\*\*

IN-

## INDEX CAPITVM.

## LIBER PRIMVS.

Præambula ad viam CRVCIS  
ineundam.



APVT I. <i>Ingressus in sermonem.</i>	
Paginâ	I
CAP. II. <i>CruX certa ad calum via: omnibus perambulanda.</i>	7
CAP. III. <i>Quid CRVX, &amp; quotuplex.</i>	15
CAP. IV. <i>Quodcumque CRVCIS genus CHRISTVM tulisse.</i>	25
CAP. V. <i>Beatissima Virginis exemplo CRVX ferenda.</i>	31
CAP. VI. <i>Cur CRVCES necessaria.</i>	39
CAP. VII. <i>Cuiusque viribus CRVCEM à Deo contemperari.</i>	49
CAP. VIII. <i>Voluntatem omnino firmam ad CRVCIS baiulationem adferendam: signi- ficasse id CHRISTVM, cum dixit: Si quis vult venire post me.</i>	54
CAP. IX. <i>Voluptati studentes CRVCEM fugere.</i>	63
CAP. X. <i>Honoris cupidos CRVCEM spernere.</i>	71.
	CAP. XI.

- CAP. XI. *Peccatoribus maiorem à demone  
imponi CRUCEM.* 81  
 CAP. XII. *Voluptuariis, avaris, ambitiosis,  
& Aulicis suas non deesse CRUCES.* 88  
 CAP. XIII. *Coniugatorum CRUCES.* 95  
 CAP. XIV. *Abnegatio sui, optima ad CRU-  
CEM ferendam preparatio.* 103  
 CAP. XV. *Baiulandi CRUCEM CHRISTVS  
se formam exhibuit.* 114

## LIBER SECVNDVS.

De optimâ CRUCEM ferendi  
methodo.

- CAP. I. *CRUX absque dilatione statim  
tollenda.* 119  
 CAP. II. *Sua cuiq; ferenda CRUX, nulla  
eligenda.* 127  
 CAP. III. *Non trahenda, sed ferenda CRUX;  
spernenda quoque, qua ob illam ingeruntur  
opprobria.* 137  
 CAP. IV. *Ostentatio in CRUCIS baiulatio-  
ne vitanda.* 147  
 CAP. V. *Non precedendum, sed CHRIS-  
TVM cum CRUCE sequendum.* 155  
 CAP. VI. *Exemplo CHRISTI CRUX  
ritè ferenda.* 163

\*\*\* 2

CAP. VII.

## XXXVj

- CAP. VII. *Depulsio querela de nimia CRVCIS longitudine, aut pondere.* 169
- CAP. VIII. *CRVX ferenda quotidie, abijcienda numquam.* 177
- CAP. IX. *In CRVCEM ferente, non ferenda inanis gloria.* 187
- CAP. X. *Quâ intentione CRVX ferenda, & primò ad satisfaciendum pro peccatis, & vitandas inferni pœnas.* 195
- CAP. XI. *Spe mercedis CRVX toleranda.* 203
- CAP. XII. *CHRISTI amore CRVX ferenda.* 211
- CAP. XIII. *In CRVCE orandum.* 219
- CAP. XIV. *Gaudendum in CRVCE.* 227
- CAP. XV. *In CRVCE, & pro ipsâ agenda gratia.* 237
- CAP. XVI. *Potius in aduersitate quàm prosperitate referendas gratias : non Deo tantum, sed & CRVCEM inferenti.* 247
- CAP. XVII. *Vt in CRVCE gloriandū.* 257
- CAP. XVIII. *VIÆ CRVCIS finis, carnis CRVCIFIXIO.* 265
- CAP. XIX. *Vt mundus crucifigendus.* 273
- CAP. XX. *Cum Crucifixo simul crucifigi oportet.* 279.

## LIBER TERTIVS.

De baiulata CRVCIS fructibus.

<b>P</b> RÆLOQVIVM.	290
<b>C</b> A P. I. CRVX <i>seruat à lapsu, vincis tentationes.</i>	295
<b>C</b> A P. II. CRVX <i>emendat, &amp; emundat à peccatis.</i>	305
<b>C</b> A P. III. CRVX <i>oculos mentémque ape- rit.</i>	313
<b>C</b> A P. IV. CRVX <i>anchora spei, tessera sa- lutis.</i>	321
<b>C</b> A P. V. <i>Ex CRVCE vinum spirituale.</i>	327
<b>C</b> A P. VI. <i>CRVCE homo fit templū Dei.</i>	333
<b>C</b> A P. VII. <i>CRVCI decreta corona.</i>	343
<b>C</b> A P. VIII. <i>Maiórne CRVCI &amp; passio- nibus, quàm actionibus corona respōdeat.</i>	350
<b>C</b> A P. IX. <i>CRVX CHRISTO unit, &amp; conformat.</i>	359
<b>C</b> A P. X. <i>Presidio CRVCIS mare seculi transfretandum.</i>	369
<b>C</b> A P. XI. <i>Vehiculo CRVCIS caelestem adiri Ierusalem.</i>	379
<b>C</b> A P. XII. <i>CRVX scala, quā ascenditur in domum Dei.</i>	389
<b>C</b> A P. XIII. <i>CRVX regni calorum pandie portas.</i>	397.

# ARGVMENTVM

## LIBRI PRIMI.

**V**itam quæ faciant beatiorem,  
*Sophis quæstio ventilata priscis:*  
 Hic enim titulos, honoris vmbra,  
 Ille diuitias pecuniasque,  
 Iste delicias, iocosque salfos,  
 Et quid non ? animi beatitatem  
 Dixit, ut sua cuique suggererat  
 Seductrix facilis libido mentis.

Erratis sed enim perita turba,  
 Erratis malè, quotquot estis, omnes.  
 Et tu, qui hendecasyllabis notasti  
 Vitam quæ faciant beatiorem,  
 Jucundissime Martialis, erras.  
 Non tu, non alij, expedire nobis  
 Hanc vnam potuere veritatem.

Una sed pote veritas IESVS,  
 Doctor optimus, optimusque Ductor,  
 Et VITAE VIA vera sempiternæ.  
 Hunc ergo, hunc adeamus, hunc sequamur,  
 Hunc quotquot sumus audiamus vnum.

Vitam

Vitam quæ faciat beatiorem

CHRISTO Iudice, Christiane, CRUX est: II.

Dura CRUX, grauis, aspera, & molesta, III.

Tristis, difficilis, labore plena;

Certâ sed ratione, lege certâ, VII.

Certo pondere, lancibusque certis

Omnium moduloque, viribusque

Summo à Numine temperata amore.

Quid CRUCEM refugis superbe vitem? X.

Duram quid refugis voluptuose? IX.

Frustrâ, ne dubitetis, estis ambo.

Non patet fuga, nec tibi, nec illi.

Iter nam CRUCIS omnibus terendum, VI.

Pondus est CRUCIS omnibus ferendum.

Nec CRUCIS fuit ipse CHRISTVS IV.

expers,

CHRISTI nec Genitrix, nec hi, superna V.

Quos nunc indigetes recepit Aula.

Ergo quâ ratione, quove iure

Vobis eximius licebit esse?

Omni, credite, destinata ab æuo

Cunctis stat sua CRUX, manetq; cunctos;

Nec quisquam potis est, licet repugnet,

Declinare. Iugum fugisne CHRISTI?

Te

- XI. XII. *Te CHRISTI, CRVCIS, & salutis hostis*  
 XIII. *Confestim grauiore degrauiabit.*  
 XIV. *An lubet magis abnegare temet,*  
*Et pedes Domini sequi libenter ?*  
*Iam iugum CRVCIS esse denegabis*  
*Aasperum, graue, triste, permolestum :*  
 XV. *Nam CHRISTO duce, gratiâ iuuante,*  
*Senties leue pondus & suauē ;*  
*Mortem quod faciat quietiorem,*  
*Vitam quod tribuat beatiorem.*



REGIÆ  
VIAE CRVCIS  
LIBER PRIMVS.

*Praambula ad viam CRVCIS  
incundam.*

CAPVT PRIMVM.

*Ingressus in sermonem.*



ACRYMARVM illa spatiosa  
vallis, quæ specioso Cosmopo-  
litani Regni exornatur titulo,  
vetus Adamidum sedes & ha-  
bitatio fuit. In hac, Deo pater-  
num vlciscente scelus, destinati priùs quàm  
nati, ærumnosam hactenus vitam trahunt.  
Postquam enim à diuinis legibus primus ille  
generis huius parens sponte recessit, patriam  
& dulce hospitium, in exilium; paradisum  
voluptatis, in terram desertam, absynthio &  
felle repletam, commutauit. Miseranda pro-  
fectò, & omnium sæculorum luctu deplora-  
nda

A

anda

randa catastrophe, quæ amœnissimum ver in hiemem, Zephyros in Aquilonem, rosas in spinas, lilia in zizania, serenitatem in procellam, libertatem in captiuitatem, ianuas cæli in portas conuertit inferorum. Hinc scilicet illæ lacrymæ, quibus omnium maxillæ & ora madent, quasi non pomum, sed allium Adamus olim momordisset.

Sed posteri primæuam illam, à quâ exciderant, felicitatem memoriâ idemtidem repetentes, vehementissimo studio illius, quâ liceret, refarcire iacturam conati sunt. Magnâ enim animi consensione, magnisq; impendijs ædificauerunt sibi ciuitatem illam, quam vocauerunt THARSIS, quasi dicas, \* GAUDIÏ EXPLORATIONEM. Quidquid enim hîc moliuntur, quidquid ardentissimo desideriorum impetu ambiunt, eò ferè spectat, vt fugitiuam postliminio reuocent voluptatem, & vmbra saltem amissorum bonorum suam quoquomodo solentur miseriam.

Ciuis hîc fuit PHILETES nomine, stirpe nobilis, & à fortunis copiosus: ternas ei vxor, iam pridem vitâ functa, reliquerat filias; quarum senior, quæ formæ venustate, animiq; solertiâ, ceteras facillè anteibat, STAVROPHILA dicebatur, quòd festo CRVCIS lucem hanc primùm aspexisset. Quæ huic ætate erat proxima, HILARIA;

tertia

\*Ita exponit Hieron. in cap. 23. Isaia.

tertia natu minima, HONORIA à parentibus appellata est. Conueniebant rebus nomina : hæc enim honores, & magna nomina, illa voluptates mundi que delicias audivissimè confectabatur. Non rarò autem tres hæc sorores laxandi animi gratiâ rus adibant paternum, atque ibi vno alteròve die moram trahabant. Verum iam appulerat tempus, quo incipit

*Cælum nitescere, arbores frondescere,*

Cicero 1.  
Tusc.

*Vites latifica pampinis pubescere,*

*Rami baccharum vbertate incurvescere,*

*Segetes largiri fruges, florere omnia,*

*Fontes scaterè, herbis prata conuestirier.*

*Auia cum resonant aubus virgulta canoris,* Virg. 2.

*Parturit almus ager, zephyriq; tepetibus auris* Georg.

*Laxant arua sinus.*

Temporis huius amœnitas, eique accedens inuentæ CRVCIS festum, virgines has in villam velut inuitabat. Copiam benignior facit pater. Ecce autem in ipso itinere Staurophilam incessit cupido visendi facellum in proximâ siluâ salutiferæ CRVCIS sacrum. Hortari igitur germanas occœpit, religionis causâ comitari ne negligent. Illæ contra niti, & importunam dicere hanc pietatem; eundem potiùs, quò patris destinarentur voluntate. Staurophila tam nominis quàm solemnitatis memor, multis illas in suam pertrahere

trahere nitebatur sententiam : minari etiam se patri delaturam , quòd in re piâ , nec admodum difficili , tam præfractè seniori restitissent. Verùm frustrà omnino fuit. Cœptum illæ vrgebant iter , & hoc illi dumtaxat permittebant , vt si ire prorsus decreuisset , sola , quòd animus & deuotio ferebant , abiret : non ingratham eius fore absentiam , quæ pro recreatione intempestiuam hanc ingereret pietatem.

Recessit igitur mœrens ; & , In prandio , vel circa , inqueiebat , vobis adero. Viarum autem non admodum gnara , dum densiorem ingreditur siluam , sacram ædem incauta pertransiit , quoque magis ad illam volebat accedere , eò recedebat longius. Varias itaque oberrans semitas , atque ex vnâ dilapsa in aliam , plures consumpsit horas. Sorores , longioris moræ , quàm precibus credebant impendi , pertæsæ , cibum iam sumpserant. Interim huc illuc incerta vagabatur Staurophila , nec qui se anfractibus istis extricaret , videbat. Ingrauescentes paulatim tenebræ alteram mœrori adijciebant causam. In lacrymas proinde soluta , Næ , inquit , infelix ego puella , quæ , dum CRVCEM veneratura accedo , magnam mihi ipsa inueni CRVCEM ! & quis tandem me his bonus Angelus educet locis ? domus apparet nulla , & quò deinceps

ceps pergam ignoro. Hic si mansero, belluis  
fortè præda fiam, & , vt illæ absint , incom-  
modè saltem quiescam , probeque complu-  
ta. Ad cumulū enim malorum & hoc ac-  
cedebat, quòd

— *æthere toto*

*Turbidus imber aquâ , densissq̃ nigerrimus*

Virg. 96  
Aen.

*Austris*

prorueret. Quid ageret ? Necessitati ceden-  
dum fuit. Patulæ ergo sub tegmine fagi, fa-  
me & mœrore confecta confedit : seque, vt  
potuit, ad qualemcumque composuit quie-  
tem. Animi mœror, & contracta defatiga-  
tio non difficulter ei somnum conciliarunt.  
Breuis tamen is fuit, quem & anxia formi-  
do, & loci horror, idemtidem interruppe-  
bant. Varia igitur animo versans, hæc quo-  
que (diuino vt creditur instinctu) iniecta ei  
cogitatio. Vt ipsa iam à facello aberrans, per  
varios anfractus huc illuc discurrendo dis-  
cessisset longiùs, ita animas minimè pocas,  
dum à rectâ salutis deflectunt semitâ, mundi  
hunc peruagari labyrinthum, in plurimos  
sefe induere errores, à cælesti denique patriâ  
æternū excludi.

Voluebat hæc animo attentissimo, & eli-  
quabatur sensim eorumdem veritas in corde  
eius. Quare de se iam magis quàm de exitu  
filuæ sollicita, vnum id suspirabat, id vnum

agebat, vt VIAM inueniret VITÆ. Conuerſa proinde ad Dominum, altumque ingemiſcens, in hæc prorupit verba:

Dominator vitæ meæ, Deus meus, en ego ancilla tua, tot iam annis vitam hanc duxi; & quis ſcit, an benè? in communi hoc ſtadio, quod mortales omnes decurrimus, plurimos iam paſſus feci; at ignoro an ad ſalutem, an ad perditionem. Quid enim, ſi pro  
 Prou. 16, viâ veritatis, viam elegerim vanitatis? *Eſt*  
 25. *namque VIA quæ videtur homini reâta, & no-*  
 Pſal. 118, *uiſiſima eius ducunt ad mortem. Erraui for-*  
 176. *taſſis ſicut ouis quæ perijt, vadens non quod eundum, ſed quod paſſim itur vel erratur. Et*  
 Ier. 10, 23. *nunc ſcio Domine, quia non eſt hominis via*  
 Prou. 20, *eius: nec viri eſt vt ambulet, & dirigat gref-*  
 24. *ſus ſuos. ſed, vt Sapiens ait, à Domino di-*  
 Pſal. 138, *riguntur grefſus viri. Quare vide, quæſo, ſi*  
 24. *via iniquitatis in me eſt, & deduc me in VIA*  
 \* Pſal. 142, *ÆTERNA. \* Notam fac mihi, Domine, VIAM,*  
 8. *in quâ ambulem, quia ad te leuaui animam meam.*

Hæc, & plura his ſimilia, amariffimè lacrymans, dicebat, & turbida parturitione melioris vitæ, exuebatur mundo mens eius, & flagrantibus votis affigebatur cælo.

## CAPVT II.

CRVX certa ad celum *via*: omnibus  
perambulanda.

Hæc est *via*, ambulate in eâ. *Isaia* 30, 21.

Ardua floriferæ CRVX cingitur orbe coronæ: *Paulin.*  
*Hanc, age, si volup' est tollere, tolle CRVCEM.* *Epist. 12.*



NON poterat tam calidas preces  
non exaudire is, qui *prope est* *Psal. 144,*  
*omnibus inuocantibus eum in* *18.*  
*veritate*; & his præsertim, qui *Psal. 33,*  
*tribulato sunt corde.* Volens *19.*

proinde consolari ancillam suam, pulcherri-  
mâ iuuenis specie, multoq̃ue lumine coru-  
scans, se illi visendum præbuit. Tam inopina-  
tus formosissimi adolescentis aspectus pænè  
stuporem Staurophilæ attulit, & vocem  
prorsus interclufit. Sed benignissimus IESVS  
blandè eam sic compellauit: Noli expau-  
escere filia, ego sum æterna Sapia, *initium* *Prou. 8, 22.*  
*viarum Domini.* \* Ego sum VIA, *veritas,* & *\*Ioan. 14,*  
*vita.* Et ad hoc nunc veni, vt desiderio tuo  
faciam satis. Complacuit enim deprecatio  
tua, quæ ardenti emissa corde, velut virgula  
fumi ascendit ante conspectum meum. Me-  
lius sanè optare nihil poteras: *Hæc enim di-* *Ier. 6, 16.*

8 REGIÆ VIÆ CRVCIS

Hæc est via, ambulate in ea. Isa. 30. 21.



Ardua florifere CRVX cingitur orbe coronæ:  
Hanc, age, si volup est tollere, tolle CRVCEM

*cit Dominus: State super VIAS, & videte, & interrogate de semitis antiquis, qua sit VIA BO-  
NA, & ambulate in eâ: & inuenietis refrige-  
rium animabus vestris. Propterea & ego nunc  
ad vocem orationis tuæ inclinavi cælos, &  
descendi, vt docerem te VIAM SALVTIS  
quam exquirat anima tua.*

Lætatur admodum hæc audiens Stau-  
rophila, atque admirans dicebat: Domine,  
quid est homo quòd memor es eius? Et vn-  
de hoc mihi, vt veniat Dominus meus ad  
me? Quòd ad te accesserim, inquebat Chri-  
stus, non tua dignitas, sed mea fuit dignatio.  
Nam *delicia meæ esse cum filijs hominum.* Ad Prou. 3, 31  
hæc Staurophila: Gratia tibi, benignissime  
IESV, quia respexisti humilitatem ancillæ  
tuæ, nec despexisti orationem pauperis. Sed,  
obsecro, fiat mihi nunc secundum verbum  
tuum, & doce ancillam tuam VIAM VERI-  
TATIS, & semitas iustitiæ.

Audi igitur filia, inquebat Christus, & in-  
clina aurem tuam, vt intelligas verba vitæ  
æternæ. Postquam omnis caro corruerat  
viam suam, & à tramite iustitiæ deflexerat,  
descendi ego de cælo vt *iniciarem vobis* Heb. 10,  
VIAM NOVAM, & *viuentem per velamen, id* 10.  
*est, carnem meam.* Sicuti enim caro viam cæli  
clauserat, & velut obstaculum sese opposue-  
rat: ita per velamen carnis meæ, quâ ego

Ita exponit  
Anselm. in  
cap. 10.  
ad Hebr.

propter vos homines, & propter vestram salutem obuelatus fui, NOVAM VOBIS VIAM dedicavi; quam ipse omnium primus intraui, ipse primus perambulavi, & fidelibus potestatem ambulandi per eam tribui.

Sed, inquiebat Staurophila, haud facile assequor quænam hæc noua viuensque VIA, quæ & intrantes viuere faciat, & perducatur vitam æternam. Via hæc, inquiebat Christus, vt verbo dicam, non est alia quàm VIA CRVCIS. An non audisti in Euangelio: *Qui non accipit CRVCEM suam, & sequitur me, non est me dignus?* Quam sententiam idcirco sæpius inculcaui, vt neminem omnino lateret, nemo se de ignorantia excusaret. Quare ne solis Apostolis aut Discipulis meis dictum videretur, putauit Euangelista clarè exprimendum, me omnes allocutum. ita enim habet:

Luc. 9, 23. *Dicebat autem ad omnes: Si quis vult post me venire, abneget semetipsum, & tollat CRVCEM suam quotidie, & sequatur me.* Id ipsum autem Marcus euidentiùs declarauit: postquam enim narrasset sermonem quem cum Discipulis de passione meâ habueram, subiicit: *Et conuocatâ turbâ cum discipulis suis, dixit eis: Si quis vult me sequi, denegat semetipsum, & tollat CRVCEM suam, & sequatur me.* Omnibus ergo, Staurophila, omnibus omnino hanc VIAM proposui. *Hæc est enim*  
via

Math. 10,  
38.

Luc. 9, 23.

Marc. 8, 34

Bern. Ser. I  
in die Palmar.

via vite, via gloria, via ciuitatis habitaculi,  
 via regni. \* Non est salus anima, nec spes æ-  
 terne vite, nisi in CRUCE. Non est alia via  
 ad vitam, & ad veram internam pacem, nisi  
 VIA SANCTÆ CRVCIS. Ambula ubi vis,  
 quare quodcumque volueris, & non inuenies  
 altiorem VIAM supra, nec securiorem VIAM  
 infra, nisi VIAM SANCTÆ CRVCIS. In CRV-  
 CE salus, in CRUCE vita, in CRUCE protectio  
 ab hostibus; in CRUCE infusio superne suauitatis,  
 in CRUCE robur mentis, in CRUCE gaudium  
 spiritus, in CRUCE summa virtutis, in  
 CRUCE perfectio sanctitatis.

Horrore quodam ad hunc sermonem per-  
 cellebatur Staurophila, admirans nihil aliud  
 quàm CRUCEM sibi denuntiari. Et durus,  
 inquit, mi Domine, hic sermo, qui animum  
 meum non leuiter discruciat. Nam & ipsum  
 CRVCIS vocabulum pœna est. \* Asperum enim  
 est cùm dicimus, CRUX: & ipsius verbi aspe-  
 ritas, cum doloris, quem CRUX efficit, asperi-  
 tate concordat. Ideoq̃ue contremui ad verba  
 labiorum tuorum. Quid hoc? respondebat  
 Christus, ad eone ad solam CRVCIS mentio-  
 nem expauidisti? nimium delicata es, filia, cui  
 solum CRVCIS nomen incutiat terrorem. Et  
 vide num palàm in nomen tuum pecces,  
 Staurophila, quod non dubites CRVCIS si-  
 gnificare amatricem. An ignoras, in hac la-  
 cry-

\* Thomas  
 à Kemp.  
 lib. 2. de  
 Imit. Chri-  
 sti cap. 12.

Chrysof.  
 Hom. de  
 Cruce &  
 Latrone.  
 \* Auguf.  
 lib. de Prin-  
 cip. Dia-  
 lect.

crymarum valle non esse gaudij & delicia-  
rum tempus, sed laboris & afflictionis? Quis  
vmquam virtutis VIAM absque tribulatione  
& difficultate depinxit? An non ille cecinit:

Virgil.de  
LitterâPi-  
thag.

*Nam via virtutis dextrū petit ardua callem,  
Difficilemq; aditum primū spectantibus of-  
fert?*

Et alius:

Silius Ital.  
lib. 15. de  
Bello Pun.

*Ardua saxoso perducit semita cliuo,  
Aspera principio ( nec enim mihi fallere mos  
est )*

*Prosequitur labor; adnitendum intrare vo-  
lenti.*

Sed mittamus nunc hæc sæcularia. Tu sanè  
Ioel 2, 23. non ignoras me datum à Deo Doctorem iu-  
stitiæ, & magistrum veritatis, quem cælestis  
Pater in monte Thabor hoc elogio decora-  
uit: *Hic est Filius meus dilectus, in quo mihi*  
Matt. 17, 5. *benè complacui; ipsum audite. Vos quoque*  
Ioan. 13. *benè complacui; ipsum audite. Vos quoque*  
13. *vocatis me, Magister & Domine, & benè dici-*  
Coloss. 2, 3 *tis: sum etenim. Nam in me reconditi sunt*  
*omnes thesauri sapientiæ & scientiæ Dei. Iam*  
*verò in scholâ huius mundi, quid aliud do-*  
*cui quàm VIAM CRVCIS? An non apertè*  
Luc. 14, 27 *dixi: Qui non baiulat CRVCEM suam, & ve-*  
*nit post me, non potest meus esse discipulus?*

IESV præceptor bone, inquebat Stauro-  
phila, ignosce rudi etiamnum in scholâ tuâ  
discipulæ: pænè oblita eram decantatæ toties  
lectio-

lectionis. Non audiuisse, referebat Christus, sufficit; sed retinere audita, & in opus conferre oportet. Totum hoc vitæ spatium, à Deo tibi concessum, tempus studij est, quo doctrina CRVCIS ediscenda. A morte tempus est examinis: tum ego Magister & Iudex à singulis repetam præscriptam lectionem. Qui VIAM CRVCIS ignorauerit, rejicietur tamquam me indignus, nec scholæ meæ discipulus. Hoc enim signum CRVCIS erit in cælo cùm ad iudicandum venero.

*Hoc signum oues ab hædis in extremo examine segregabit. Hunc in electis characterem ego Iudex recognoscam, & propriæ mortis decoratos stigmatæ, mox ad æternæ vitæ præmia gratis remunerator inuitabo, dicens: Venite benedicti Patris mei, percipite regnum. \* Tunc omnes serui CRVCIS, qui se mihi crucifixo conformauerunt in vitâ, accedent ad me Iudicem cum magnâ fiduciâ. Qui enim modò libenter audiunt & sequuntur verbum CRVCIS, tunc non timebunt ab auditione æternæ damnationis. Tu itaque si discipula mæa es, angustam & asperam incede viam, nec ægrè feras, nec indigneris. Non enim potest citra CRVCEM, non potest citra tristitiam præsens vita transmitti. Noli igitur, mea Staurophila, subito pauore perterrita refugere VIAM SALVTIS, quæ non est nisi angusto initio incipienda. Processu*

*verò*

Pet. Damiani  
Serm. 18.  
de Inuent.  
Crucis.  
Matt. 25.  
34.  
\* Thom. à  
Kemp. l. 2.  
de Imitat.  
Christi  
cap. 12.

Chrysof.  
Hom 66.  
Tom. 5.  
S. Bened. in  
Prologo  
Reg.

verò conuersationis & fidei, dilatato corde, in-  
 enarrabili dilectionis dulcedine curritur via  
 mandatorum Dei. His verbis perstricta Stau-  
 rophila, Propter verba, inquiebat, labiorum  
 tuorum, Domine, deinceps custodiam vias  
 duras; fiducialiter ingrediar angustam CRV-  
 CIS VIAM; tu tantum sis Adiutor & Prote-  
 ctor meus Domine. Confide filia, aiebat  
 Christus; non ego te deseram, neque dere-  
 linquam, qui sic insto præcepto, vt præcur-  
 ram exemplo. Non enim iuberem venire  
 post me, aut sequi me, nisi ipse præcederem,  
 & tecum forem in omni angustia, & tribu-  
 latione cordis.



## CAPVT III.

Quid CRVX, & quotuplex.

Multæ tribulationes iustorum. *Pf.* 33, 20.

*Non lignum, signumve, CRVCIS modò nomine dignum,*

*Ast animum quidquid discruciare potest.*



COVIESCEBAT Staurophila sermoni quem dixerat IESVS: sed porrò etiam instrui volens, Quia cœpi, inquiebat, loquar ad Dominum meum, cùm sim

cinis & pulvis. Dic, obsecro, ancillæ tuæ:

*Quid vult sibi hoc verbum, Tollat CRVCEM suam? An vt lignum vnusquisque nostrum ferat? aut cum Christo crucifigatur in ligno?*

*Quasi vna de stultis mulieribus, inquiebat Christus, locuta es, non intelligens Scripturas. Nec enim CRVX Christiana solum ligni est patibulum, sed vita virtutisq; propositum. Tota vita Christiani hominis, si secundum Euangelium viuat, CRVX est atque martyrium. Fuerunt autem, Staurophila, similes tui districtissimi quidam monachorum, habentes quidem zelum Dei, sed non secundum scientiam; qui simpliciter intelligentes illud, Qui*

Chrysof.

Hom. 1.

De adorat.

Crucis

Tom. 1. in

fine.

Iob. 2, 10.

August.

Serm. 3 2.

de Sanct.


Cassian.

Collat. 8.

cap. 3.

non

Multæ tribulationes iustorum. Es. 33. 20.



Non lignū, signūve, CRVCIS modò nomine dignū,  
Ast animum quādq̄uid discruciare potest.

non accipit CRUCEM suam, & sequitur me, non est me dignus, fecerunt sibi CRUCES ligneas, easq; iugiter humeris circumferentes, non adificationem, sed risum cunctis videntibus intulerunt. Hos Serenus Abbas reprehendit, tamquam qui sequerentur occidentem litteram, non viuificantem spiritum. CRUX enim, quam baiulare iubeo, non illa tantum dicitur, que passionis tempore ligni affixione constructa est; sed illa etiam, que totius vite curriculo, cunctarum disciplinarum virtutibus captatur. Numquid enim omnes Martyres, qui secuti sunt me, crucifixi sunt? Numquid omnes Virgines, que, iuxta Apocalypsin, sequuntur Agrum Dei, crucifixæ sunt, ut sequantur? Numquid Apostolus Paulus crucifixus fuerat, cum dicebat: Mihi autem absit gloriari, nisi in CRUCE Domini nostri Iesu Christi, per quem mihi mundus crucifixus est, & ego mundo? Susceptio ergo CRUCIS aliud nihil est, quam interfectio cupiditatum, occisio vitiorum, declinatio vanitatis, & abdicatio omnis erroris.

Video, inquit Staurophila, veritatis luce abstersum meum errorem. Sed enim (pace tuâ liceat hoc quærere) nihilne meriti, qui ex simplicitate ligneam circumferebant CRUCEM, acquisierunt? Quid ni? inquebar Christus, si tam piè simplices fuerint, ut hoc ex præscripto meo faciendum putauerint.

B

Si



Matth. 6,  
22.

Ex Radero  
part. 2. Vi-  
ridarij SS.  
cap. 5.  
& Petro  
Equil. in  
Catal. SS.  
lib. 5. c. 78.  
Vide Ba-  
ron. anno  
Chr. 1094.  
in fine.

*Si enim oculus tuus fuerit simplex, totum corpus tuum lucidum erit.* Si bona intentio, totum corpus actionum, quod ex illâ procedit, non nisi bonum erit. An non legisti, fuisse aliquando Nicolaum quemdam peregrinum Staurophorum, qui rebus mortalibus spretis, Deo se initiauerat in religioso S. Lucæ monasterio. Hic, iactis veræ pietatis fundamentis, cum illam vocem sæpius audisset, quâ me secuturi iubentur CRVCEM tollere, ratus se præcepto non satisfacturum, nisi fabricatam è robore molem CRVCIS in humeros iniiceret; relicto suorum cœtu, peregrinationem sublatâ CRVCE suscepit, venitque Hydruntum, inde Tarentum ac Tyrreniam, ibique vectans humeris solitam CRVCIS trabem, coëgit puerorum cœtum, obijtque sacra vrbis templa, assiduo solemne sibi ΚΥΡΕΙ ΕΛΕΗΣΟΝ clamitans, globumque puerorum ad easdem voces iterandas inuitans. Fuit hæc illius simplicitas, aliis irrita pro infaniâ, aliis pro summâ pietate culta. Delata tandem res ad Episcopum, qui obiurganti similis, quærit cur vrbem tantis clamoribus impleat, quid id sibi velit. Domini, inquit ille, præcepto obsequor, uti eius exemplum sequar, & CRVCEM non animo tantum, sed corpore etiam & humeris, ut ipse tulit, circumferam. Quod si tibi molestum est, & me

me exequi mea vota prohibes, alias vrbes oppidaque petam. Sensit interim cautus Præsul hominem minimè malum; imò sanctum arbitratus, Ego verò, inquit, nihil impedio quò minùs cœptum viuendi genus profequare. Accedas etiam ad meam quotidie licet mensam, vt commodiùs pietatis studiis vacare possis. Grata fuit hæc Nicolao pij Pontificis clementia, sed intra paucos dies febriens, citatò comitatu suo, pueris inquam frequentibus, CRUCEM suam velut amplissimum patrimonium quasi testamento tradidit, omnibusque benè precatus, ad cælestem Imperatorem profectus est. Quàm verò mors eius fuerit pretiosa in conspectu Domini, crebra per eum beneficia mortalibus impetrata docuerunt. Hoc habuit bonus ille, de bonâ intentione præmium. Sed, vt dicere cœperam, dum CRUCEM ferre iubeo, non lignum, sed quidquid molestum est tolerare præcipio. CRUX enim à *cruciatu* dicitur, aut certè *cruciatu* à CRUCE. Tollere ergo CRUCEM, est ferre quidquid molestum est, ac cruciat. Tollere CRUCEM, est tolerare in mundo pro nomine meo, quidquid intulerit mundus. *Siquidem & animi ad mortem pro me subeundam alacritas, & membrorum quæ sunt super terram mortificatio, & illud quòd quis libenter se cuius impendenti pe-*

Bernard.  
Serm. in  
Vigilia  
S. Andree.

Basil. in  
Reg. fus.  
Interrog. 6.

\*August.  
Serm. 47.  
de Diuers.

*riculo offerre pro meo nomine paratus sit, & nullâ de rebus vitæ huius affectione tangatur, hoc nimirum est tollere CRVCEM suam.\* Siue ergo minas, siue blandimenta, siue quælibet prohibitiones, si sequi vis, in CRVCEM verte; tolera, porta, noli succumbere.*

Tacebat Staurophila, conferens in corde suo verba sapientissimi Magistri; cum Dominus rursus, Et vis, inquebat, ô filia, plenius cognoscere, quàm non vnica CRVX sit quam tollere iubeo? age semitam hanc, quæ ad dexteram est, mecum perambula, & ostendam tibi totum Staurophylacium Patris mei, capacem, inquam, CRVCIVM OFFICINAM, quas electis distribuit prout vult. Sequebatur illa promptissimè, & gestiebat CRVCIVM genera suis distributa classibus cernere. Ibant ergo pariter, cum ventum tandem ad montem duplici colle distinctum, vndique CRVCIBVS, ceu proceris arboribus, confitum. Et Ecce, inquebat Christus, hæc illa CRVCIVM supellex, in salutem humani generis destinata. Viden' supremum illum collem, vsitatis & propriè dictis CRVCIBVS exornatum? Et agnoscis, credo, primo loco meam illam CRVCEM, spineâ coronâ redimitam, lanceâ & spongiâ hinc inde cinctam. Principem enim locum obtinere debuit arbor illa nobilis, supra omnia ligna

gna

gna cedrorum excelsior, in quâ ego, vita mundi, pependi, & mortem superavi. Agnosco, inquiebat Staurophila, instrumentum salutis publicæ, *trophæum contra potentiam diaboli, & principium condemnationis eius.* Sed dic, quæso, quænam altera illa CRVX, tuæ non admodum dissimilis, nisi quòd inuersa? Hæc, inquiebat Christus, Apostoli mei Petri est, qui & ipse CRVCIS LIGNVM degustauit, sed *ad instar magistri in recto schemate crucifigi recusauit, rogans ut inuersis vestigijs figeretur, tamquam in cælum viam à terrâ faciens.* Exspecto, inquiebat Staurophila, quæ reliquæ CRVCIVM species. Quid opus? inquiebat Christus. an non cernis decussatam illam? Hanc *Andreanam vulgò dicitis, validâ & satis veteri famâ, diuum istum in eâ cruciatum.* Iam hinc veterum furcam, inde Iaponum CRVCEM spectas: reliqua nota hodieque apud vos patibula.

Sed enim, inquiebat Staurophila, auet animus inferioris ordinis CRVCES cognoscere: video enim varia illis adiungi symbola, quæ sine dubio mysteriis foeta sint. Illæ etiam, aiebat Christus, referunt varia cruciatuum genera, quibus aut corpus, aut animus hominis, aut vtrumque torquetur. Et quidem CRVX illa, cui cor gladio transfixum hæret, interiorem CRVCEM significat, quæ mentem

S. Ignar.  
Epist. ad  
Philipp.

Chrylost.  
Orat. in  
Pet. &  
Paul.

Vide Lips.  
lib. 1. de  
Cruce. 7.

validè excruciat. Hæc CRVX beatissimæ  
 Luc. 2, 35. Matris meæ, cuius animam (vt Simeon præ-  
 dixerat) pertransiuit gladius. Hac & Apo-  
 Rom. 9, 2. stolus ille affligebatur, qui dicebat: *Tristitia*  
*mibi magna est, & continuus dolor cordi meo.*  
 Gregor. Hæc compassionis CRVX dici potest. *Qui*  
 Hom. 37. *enim dolorem exhibet in alienâ necessitate,*  
 in Euang. CRVCEM portat in mente. Ad hanc CRV-  
 CEM sollicitudines, curæ, ægrimonix, mœro-  
 res, angores, scrupulorum aculei, animi de-  
 iectio, desolatio spiritualis, tædia, aliaque his  
 similia sine dubio pertinent. Grauis hæc pla-  
 nè afflictio, vt testabatur ille qui clamabat:  
 Pl. 87, 2. 4. *Domine Deus salutis mea, in die clamaui, &*  
*nocte coram te: quia repleta est malis anima*  
*mea, & vita mea inferno appropinquauit.* Ita  
 est, inquiebat Staurophila, supremum enim  
 malorum arbitratur animus, qui offensum  
 sibi suspicatur misericordiarum Patrem, &  
 Deum totius consolationis.

Sed pergat, quæso, Dominus meus alias ex  
 ordine CRVCEs explicare. Subiunxit ergo  
 Dominus: Illa, quam vides gladiis, fustibus,  
 catenis, laqueis, compedibus, virgis & flagel-  
 lis decoratam, varia Martyrum meorum  
 supplicia designat. Quanta enim passi sunt  
 tormenta, vt securi peruenirent ad palmam  
 martyrij! nam *ludibria & verbera experti,*  
*in super & vincula & carceres; lapidati sunt,*  
*secti*

*secti sunt, tentati sunt, in occisione gladij mortui sunt: & quid non pertulerunt in mundo, quibus dignus non erat mundus?*

Morborum CRUCEM non difficulter agnoscis, quæ non utilis modò, sed subinde etiam necessaria. Israëlità fani obliuiscabantur Dei; at ubi *multiplicata sunt infirmitates eorū, postea accelerauerunt.* \* Et cum Deus *occideret eos, reuertebantur, & diluculo veniebant ad eum.* Quàm multis infirmitas corporis mentis præstitit sobrietatem! *In-*

*firmas enim grauis, sobriam facit animam.* Psal. 15, 4. \* Pl. 77, 34. Eccli. 31, 2.

Quare morbum nihil aliud esse credas, quàm *utilem quamdam institutionem: hoc est, ut & corporea omnia, & quidquid fluxū est & caducū asperneris, & totum te caelesti parti addicas.* Nazianz. Epist. 70.

CRUX verò illa, cui lignea scutella & mendici adiungitur crepitaculum, paupertatis insigne est. Quis enim nesciat, hanc quoque virtutis instrumentum, si quis eo rectè norit uti? *diuitiarū acquisitio laboris, possessio verò timoris, amissio plena doloris inuenitur: diuitiæ cum amantur, inquinant; cum habentur, onerant; cum minuuntur, cruciant.* Bernard. de Conuerf. ad Cleric. cap. 12.

Sed quid sibi, aiebat Staurophila, vult feretrum illud quod ab alterâ conspicio parte? Id afflictionem eam, respondebat Christus, designat, quæ ex parentum & consanguineorum contrahitur morte. Sustinenda &

hæc æquo animo ; quia etsi durum amittere charos, tolerabile tamen ; quia sustulit ille, qui dederat, bonus Deus. Et quantis profuit amicis carere, qui dum viuerent, à Deo auocabant ! Hæc audiens Staurophila, oculos in stulti cucullum conuertebat. Sciens autem Christus, quòd eum vellet interrogare, Video, inquit, mirari te hoc stultitiæ schema, nec satis assequi quid illud sit. Grauis hæc, filia, CRVX est irrisionum, contemptus, ac ludibriorum ; quâ veri patientes non horrent stulti audire propter me : nec quidquam est quod ita hominum mentem perturbet, quàm despectui haberi. Multi sanè cupiunt Deo *seruire, sed cum hominū laude & fauore, & pleriq; humilitatem amant sine humiliatione, volentes eam sine honoris mundani exercere iactura, & absque vllius exasperatione conuicti, patientia gratiam possidere.*

Sed quid hoc demum, aiebat Staurophila, quòd video subsannantes digitos, & exspuentium ora ? Illud nimirum, respondebat Christus, non deesse seruis meis, quorum vitam mundus æstimat insaniam, contumelias, detractiones, probra, mendacia, iudicia temeraria, & alia huiusmodi, quorum vberima vbique seges ; tam derisoribus noxia, quàm verè patientibus vtilissima. *Hos enim eligit Deus, quos despicit mundus ; quia ple-*  
rum-

Cassian.  
Collat. 4.  
cap. 12.

Gregor. in  
Euang.

*rumque ipsa despectio hominem reuocat ad se-  
ipsum.* Optimè ergo Apostolus meus mo-  
nuit, Deo seruiendum per *gloriam, & igno- 2. Cor. 6, 2.  
bilitatem; per infamiam, & bonam famam; vt  
seductores, & veraces.* Fasciculus verò mul-  
tarum CRVCIVM simul ligatarum, id deno-  
tat, plures subinde afflictiones simul in vnum  
incurrere hominem, Deo ad eius salutem  
id permittente, atque etiam immittente.

## CAPVT IV.

*Quodcumque CRVCIS genus Christum  
tulisse.*



TYPEBAT non parum Stau-  
rophila, audiens multiplices  
CRVCES vni aliquando desti-  
nari, &, Mi Domine, aiebat,  
vel vnica ex commemoratis  
CRVCIBVS satis profectò fuerit ad validum  
hominem deiiciendum; ecquis ergo con-  
geriem aliquam sustineat? Quid est quod  
loqueris? reponebat Christus. numquid  
considerasti seruum meum Iob, quanta susti-  
nuerit, & quot in eum simul irruerint CRV-  
CES? Armenta enim primò sublata, liberi  
deinde ruinâ domus oppressi, percussus ipse  
vlcere pessimo vsque adeò, vt sedens in ster-  
B s qui-

quilinio testâ faniem raderet: & ad malorum cumulum, propria etiam marito insultaret vxor. Amici, qui ad consolandum venerant, acerbis disceptationibus malû exasperabant.

In his omnibus tamen infractus persistebat

Iob. 2, 10. sancti viri animus, vt diceret: *Si bona suscepimus de manu Dei, mala quare non suscipiamus?*

\* Iob. 1, 21. \* *Dominus dedit, Dominus abstulit: sicut Domino placuit, ita factum est: sit nomen Domini benedictum.* Magna, inquiebat Staurophila,

hæc Iobi patientia; sed quis assimilabitur ei?

Quis mihi mentem ita cõfirmabit, vt aduersus omnia aduersa inconcussa permaneat?

Cui Christus: Nulla melior ad patientiam monitio, & munitio, quàm aspicere

Heb. 12, 2. in me *auctorem fidei, & consummatorem IESVM.* Nam & hæc mihi patiendi causa fuit, vt ouibus meis præberem exemplum. Om-

Aug. lib. de  
Catechiz.  
rudib.

nes enim CRVCES, *omnia terrena mala, quæ sustinenda præcepi, ego, Deus ipse, sustinui, ne in illis timeretur infelicitas.* Si enim aduer-

tas, ô Staurophila, nullam hîc vidisti CRVCEM, quam ego non prius tulerim. Itâne verò, aiebat illa, & tu Redemptor mi, omnes has CRVCES? Sic est, aiebat Christus, nec de primâ dubitas: neque enim nescis, quomodo prætorio exiuerim baiulans mihi

Phil. 2, 8.

CRVCEM, & factus fuerim Patri *obediens usque ad mortem, mortem autem CRVCIS.* Hoc

om-

omnes viuâ fide credimus, aiebat Staurophila, sed de aliis non ita passim constat.

Proinde aduerte, inqueiebat Christus, percurram reliquas, sed breuiter, & quasi in transitu. Defuitne mihi interior CRUX, cùm in horto cœpi tædere, pauere, & mœstus esse, & dicerem: *Tristis est anima mea* Matth. 26,  
*vsque ad mortem.* Volui deinde ad consolati- 38.  
 onem seruorum meorum esse quasi derelictus & despectus à Deo. Ecquid enim animi credis tum mihi fuisse, cùm flebili & intermoriturâ voce clamarem: *Deus meus,* Matth. 27,  
*Deus meus, ut quid dereliquisti me?* 46. Quanto  
 dolore cordis tactus sum intrinsecus propter omnia & singula hominum omnium scelera, iam inde ab ipso mundi exordio perpetrata! hæc enim in me susceperam expianda; pro illis, agnus licet sine maculâ, & qui peccatum non feceram, reum ipse me constitueram, vt pro iis ad iustitiæ rigorem Patri satisfacerem, & quæ non rapui, exoluere. *Cernebam autem perspicuè, & in particulari, quanta in singulis diuina bonitati fieret iniuria, quanta contumelia, quantus contemptus.* Leff. de Perfect. diuin. lib. 12. cap. 17. *Cernebam quoque quantum malum sit aterna damnatio; quam totum genus Adæ sibi per peccatum accersuerat. Multò enim exactius & clariùs singula considerabam & ponderabam, quàm vlla posset creatura. Vnde non dubi-*

dubitaui quidam affirmare, hunc ipsum dolorem sufficientissimum fuisse ad vitam mihi millies eripiendam; si vim suam in corpus exere fuisset permissus. Si enim Heli captâ Arcâ retrorsum cecidit, & exspirauit; si & nurus eius dolore eiusdem cladis extincta est; quis dubitet, quin idem potuisset dolor, quem pro peccatis vestris assumpseram, cum ille longè fuerit maior, quàm ullus, qui in hominem possit cadere? atque hæc tristitia mihi fuit continua ab ipso initio conceptionis vsque ad finem vitæ.

1. Reg 4,  
18.

O lætitia Angelorum! aiebat Staurophila, numquam credidissem, tantum interni te habuisse doloris, nisi me docuisses. Quare concupisco & reliquas tuas cognoscere CRVCES. Iam audiuisse, aiebat Christus, nisi interrumpisses. Pergo igitur de corporis afflictionibus, de quibus fortè non ambigis. An non vinculis constrictus, huc illuc magno furore per vias raptatus, impulsus & protrusus fui? an non colaphis me ceciderunt, & palmas in faciem dederunt? Denique ego in flagella paratus fui, & acutissimis spinis coronatus, arundine in capite percussus, & pluribus aliis CRVCIBVS inhumaniter exagitat, & sic dolor meus in conspectu meo semper.

De morborum CRVCE quid attinet dicere? cum non ignores ab Isaiâ me dici *virum dola-*

Matth. 26,  
27.

Pf. 37, 18.

Pf. 37, 18.

Isai. 53, 3.

*dolorum, & scientem infirmitatem, qui vestros*  
*lāguores verè tulerim. nec defuit mihi acerba*  
*potio: recordare enim absynthij mei & fellis,* Thren. 3,  
 & quomodo *in siti meâ potauerunt me aceto.* 19.  
 Pf. 68, 22.

Paupertatem verò amavi & exquisiui ab  
 vtero matris meæ, *quoniam propter vos ege-* 2. Cor. 8, 9.  
*nus factus sum, cùm essem diues, vt meâ ino-*  
*piâ vos diuites essetis.* Et attende, quæso, pau-  
 pertatem natiuitatis meæ, quale ego *fabrica-* Cyprian.  
*tor mundi elegerim hospitium;* stabulum pro Serm. de  
 domo, præsepium pro lecto; *panniculi pro* Natiuit.  
*purpurâ, pro bysso in ornatu Regio lacinia con-*  
*gerebantur; pedissequas substantia familiaris*  
*non patiebatur, mancipiorum obsequia sumptus*  
*tenuis & inops mensa excludebat.* Denique  
 pauperes elegi discipulos, & tanta mea fuit  
 paupertas, vt neque cubile, neque domici-  
 lium quo reciperer, haberem. vnde non im-  
 meritò dicebam: *Vulpes foveas habent, &* Matth. 8,  
*volucres cali nidos; Filius autem hominis non* 10.  
*habet vbi caput suum reclinet.*

Compassus quoque fui hominum casibus  
 & necibus: hinc enim super perituram Ieru-  
 salem lacrymatus sum. Hinc, vt alios conso-  
 larer, mortuos excitavi; & cùm Lazarus a-  
 micus defunctus esset, infremui spiritu, tur-  
 baui meipsum, & lacrymatus sum, vt dice-  
 rent Iudæi: *Ecce quomodo amabat eum!* Ioan. 11,

Contumeliis denique & opprobriis satu- 33.

Bernardus  
Serm. 20.  
in Cant.

ratus fui. *In dictis enim meis sustinui contradictores, in factis observatores, in tormentis illutores, & in morte exprobratores.* An non

Math. 11,  
19.

potator vini, Publicanorū amicus, seductor, dæmonium habens, Samaritanus, blasphemus, & diuinitatis impius vsurpator, contumeliosissime appellatus fui? Et quasi non sufficerent contumeliæ verborum, etiam factis ignominiosissimis mihi insultarunt, & æternam Dei sapientiam pro stulto & infano habuerunt. Velauerunt faciem meam ludentes, & illudentes mihi; & cum alapis me cæderent, dicebant: *Prophetiza nobis*

Luc. 22, 64

*Christe, quis est qui te percussit?* Spreuit me cum exercitu suo Herodes veste albâ indutum; instar vanissimi regni affectatoris spineo diademate me coronarunt: arundine, velut sceptro, & chlamyde coccineâ, ceu Regio paludamento per ludibrium me ornauerunt. Quæ nunc, ô Staurophila, superest CRVX, quam non expertus fuerim? atque hæc quidem passus sum propter te, vt & tu recogitans eum, *qui talem sustinuit à peccatoribus aduersus semetipsum contradictionem*, non fatigeris animo tuo deficiens, sed aspiciens in faciem Christi tui, eius exemplo commonita dicas: Si sic ille, quid ego? *Si in viridi ligno hæc facta, in me arido, & tantum non flammis deputato, quid fiet?*

Luc. 23, 31

## CAPVT V.

*Beatissimæ Virginis exemplo CRVCX  
ferenda.*

Tuam ipsius animam pertransibit gladius. *Luc. 2, 35.*

*Si CRVCIS haud expers sit Virgo criminis expers;*

*Noxia, quid dubitas subdere colla CRVCI?*



ENETRABANT hæc, velut fagitæ acutæ, animum Staurophilæ, vt lacrymæ vbertim defluerent ex oculis; resumpto autem spiritu dixit: Gratias tibi ago, ô sponse sanguinum, quia in vitâ tuâ exhibuisti mihi formam cuiuscumque CRVCIS ferendæ. Et quis mihi det, *vt per semitam patientiæ & humilitatis incedens, per Christum ad Christum meum tendam. In quo itinere etfi nec æstus desit laboris, nec nubes tristitiæ, nec procella formidinis, nec insidiæ iniquorum, nec mina potentium, nec contumeliæ superbiorum, confido tamen quòd tuo adiutorio hæc omnia percurram; non ignara, non tam optandum declinando ista effugere, quàm*

Leo Serm.  
16. de Pas-  
sione.

Tuam ipsius animam pertransibit gladius. *Luc. 2.*



*Si CRVCIS haud expers sit VIRGO criminis expers;  
Noxia, quid dubitas subdere colla CRVCI?*

*quàm tolerando superare.* Atque hoc nunc est desiderium & votum cordis mei.

Benè habet, inquit Christus, quòd gratia sis instructori tuo : nam beneficia potiora meretur, qui pro acceptis non fuerit ingratus. Alterum proinde stimulum ad CRVCIS onus suscipiendum adiungam. Sed id prius velim mihi dicas, quid nuper tibi acciderit, cum nouam coëmeres tunicam? Subridebat hîc Staurophila, & Cur illud, inquit, Domine requiris? aut quid ad rem facit? Nimirum, aiebat Christus, intelliges postea, hoc tuæ seruire eruditioni. Nihil igitur cunctata, Tergiuersabar, inquit, cum mercatore de pretio, quod ille (vt mihi quidem videbatur) enormius efflagitabat, ac multis vltro citroque habitis sermonibus, tandem subijciebat : Ecce vno aut altero abhinc vico mater mea habitat, quæ eundem panem non minoris emit. Adi eam, & audium ita se res habeat, & videbis me iniquum non exigere.

Satis hoc, inquit Christus, hinc iam docebo, quàm æquum sit, pro Regno Dei, & salute tuâ CRVCEM ferre. Venale habet Pater meus Regnum cæleste, & aliud non querit pretium quàm te ipsum : tantum scilicet valet, quantum es : te da, & habebis illud. Sed da te CRVCEM baiulantem, da te me se-

Beda Ser-  
mone 18.  
de Sanctis  
ex August.

C

quen-

quentem, da te vitam in CRVCE consummantem? Quid turbaris de pretio? nōne  
 Luc. 24, & me oportuit pati, & sic intrare in gloriam  
 26. meam? Iam vide, quæso, an non eodem pretio immaculata Mater mea, quæ nullis terrenis inquinata fuit affectibus, sed celestibus educata cogitationibus, cū esset animatum calum, cælestia emerit tabernacula.

Damasc.  
 Orat. 2. de  
 Dormit.  
 B. Mariæ.

Quod si à CRVCE quispiam immunis ad æternam admitteretur beatitudinem, an nō putas id Genitrici meæ, eidemque sanctissimæ, indulgendum fuisse? sed stat, æternum-  
 Act. 14, 21. que stabit æterni Patris decretum, *Per multas tribulationes oportet intrare in regnum Dei.*

Volupe tamen erit, aiebat Staurophila, audire has B. Virginis CRVCES & dolores, vt per eius exempla sequar Dominum Redemptorem. Recensebo ergo nonnullos, inquebat Christus, vt puri hominis, & infirmioris quidem sexus formam tibi proponam, ne diuinâ virtute Deum-hominem aduersa superasse fortassis obijcias, atque vt hinc erga mœstissimam Matrem meam tibi crescat reuerentia & cultus. Gratius mihi, aiebat Staurophila, nihil posset accidere: iam pridem enim, quidquid ad cultum Virginis-Matris aliquo modo facit, maximo pietatis sensu me affecit.

Age igitur, inquiebat Christus, compingam tibi velut in myrrhæ quodam fasciculo Dolores & CRUCES, quibus discruciatata fuit. Quo enim dolore affectam credis, cum Reginæ cælorum, & Angelorum Dominæ locus non esset in diuersorio, sed in patulum quoddam stabulum tenera ac prægnans Virgo secedere coacta fuit? Quo sensu recens nati vagitus excepit? quàm intimè compassa est nuditati, frigori, inopiæ, & reliquis, quibus tum affligebar, infantia ærumnis? Et cum prænosceret omnes mihi postea infligendos cruciatus, an non credis, quoties me pannis inuoluit, quoties manus & pedes contrectauit, toties animum nouo dolore absorptum, quòd cogitaret, illas manus, illosque pedes duris aliquando clauis CRUCI affigendos? Quàm dirus doloris gladius penetrauit Virginis animam, cum cruentam Filij sui aspiceret circumcisionem! cum audiret Herodis decretum de occidendis paruulis, illudque deinde immaniter executioni dari! Quàm molestum ei fuit, intempesta nocte solum vertere, difficillimo itinere in Ægyptum concedere, ibique septem ipsis annis cum barbaris hominibus, qui innumeris probris diuinum Numen lacebent, vitam transigere!

Quid referam luctum, quem habuit, cum

Luc. 2, 7

Ex S. Brigittæ lib. 6.  
Reuelat.  
cap. 57.

- triduo amissus hærebam in templo? Si enim  
**Tob. 10, 4.** Anna Tobix mater, eò quòd die statuto mi-  
 nimè reuenteretur filius, fleuit irremediabi-  
 libus lacrymis; quos non planctus emisit il-  
 la, quæ me non filium modò, sed Deum  
 suum credidit amissum? Quis mæror occu-  
 pavit, cùm consanguineum suum Ioannem  
**Luc. 7, 28.** Baptistam, quo maior inter natos mulierum  
 non surrexit, audiuit in vincula coniectum,  
**Matt. 11, 2.** & capite multatum? Quàm acerbus ei fuit  
 dilectissimi sponsi Ioseph interitus!

Magna profectò, inquiebat Staurophila,  
 magna hæc sunt, quæ Virginem-Matrem  
 grauissimè affecerint; & vix ipsa credideram  
 tot eam CRVCIBVS, ante Domini mei pas-  
 sionem, adobrutam. Præludia hæc fuere, in-  
 quiebat Christus, & initia dolorum, qui  
 deinceps velut agmine factò in eam irruer-  
 unt. Neque enim ignara fuit eorum quæ  
 mihi passionis tempore acciderunt, quæ & à  
 Prophetis legerat prædicta, & magno dolo-  
 ris sensu animo eius semper obuersabantur.

Quid illam animi habuisse dixeris, cùm  
 nuntium illi adferretur, me, solatium cordis  
 sui, captum velut latronem per plateas fre-  
 quentissimæ ciuitatis circumduci, raptari,  
 trahi, de vno Iudice ad alium indignè able-  
 gari! Quam CRVCEM ei intulere alapæ ma-  
 xillis meis crudeliter impactæ? flagella, co-  
 rona

rona spinea, arundo, & ipsa CRVX, quam  
 faucis ac cruentis humeris, miserando fanè  
 spectaculo deportabá. Sed præ his omnibus,  
 tū vel maximè doloris gladius animam eius  
 pertransiuit, cū staret iuxta CRUCEM, & ea  
 quæ circa me fiebant, contempleretur.

*Cū me vidit suum natum*

*Morientem, desolatum,*

*Emittentem spiritum.*

Non se poterat vltra continere Stauro-  
 phila, sed in lacrymas effusa, subiunxit :

*O quàm tristis & afflicta*

*Fuit illa benedicta*

*Mater Vnigeniti !*

*Quis est homo qui non fletet,*

*Mæstam matrem si videret*

*In tanto supplicio ?*

Pergebat verò Christus : Tunc, ô Stauro-  
 phila, (iuxta Ieremiam) *angustiæ & dolores* Ierem. 49,  
*tenuerunt eam quasi parturientem : \* nam do-* 24.  
*lores partus, quos effugit parturiens, sustinuit* \* Damasc.  
*ex maternâ compassione viscerum me repartu-* de Fid.  
*riens lacerum.* Omitto quòd è CRUCE de- Orthod.  
 positum gremio exceperit, omnia vulnera lib. 4. c. 15.  
 explorauerit, & magnâ animi mœstitiâ vlti-  
 mæ interfuerit sepulturæ. O Domine, in-  
 quiebat Staurophila, quis mihi det penitiùs  
 expendere & appendere singulos dolores  
 mœstissimæ Matristuæ !

4. Esdr. 4.5

*Pondera mihi*, dicebat Christus, si vales, *pondus ignis*. Rimare, si potes, feruentissimum illud amoris incendium, quo cor eius erga me continuè æstuauit, & tum doloris magnitudinem utcumque cognosces. Agnosce Matrem, agnosce Filium, & hunc vnigenitum, illum *desideratum cunctis gentibus*,

Agg. 2. 3.

\* Pl. 44. 3.

\* *Speciosum formâ præ filijs hominum*, denique ipsum Deum ac creatorem vniuersorum. Quantam verò ex tanto amoris fomite surrexisse credis flammam? *Tantum enim necesse est urat dolor, quantum hæserit amor.*

August.  
lib. 21. de  
Ciu. Dei  
cap. 26.

Bernard. de  
Lament.  
Virg.

Vnde credo plenè enarrari non posse *dolorem Virginis*: sed hoc dicendum, *tantum fuisse, quantum vnquam dolere potuit de tali filio talis mater.*

1. Theff. 3.

3.

Saluian.  
contra  
Gent.

Hæc porrò eò adducta sunt, filia, vt clarissimè videas, ne Matrem quidem meâ CRVCIS fuisse exortem: ac proinde nec te nec vllum omnino à CRVCIS consortio excipiendum. Optimè id intelligebat Apostolus, qui dicebat: *Nemo in tribulatione moueatur, ipsi enim scimus quòd in hoc positi sumus.* An ergo mirum, si CRVCES & calamitates in hoc saculo perpetuò ferenda, cum ad toleranda vniuersa militetis. Et sanè Christianus quodammodò esse desinit, qui, in hoc positus vt perferat, nihil perfert.

## CAPVT VI.

*Cur CRVCEs necessaria.*

VCCREVERAT iam aliquò vsq;  
Staurophilæ animus ad CRV-  
CEM suscipiendam, quam vide-  
bat & Christum & Christi ma-  
trem patientissimè tulisse, se ve-  
rò, quiduis demum ageret, nullo modo posse  
effugere: *sed mirabatur enim, quid causæ  
esset, quòd à Christianâ vitâ insolubile vin-  
culum esset tribulatio.* Et, Ne indignetur, in-  
quiebat, Dominus meus, si pergam propo-  
nere quæ animo occurrunt meo. Quid, pre-  
cor, illud est, quòd electos tuos excruciar  
velis, & neminem sine CRVCE ad Regnum  
Patris tui admittas?

Respondit Christus: Sufficere deberet, fi-  
lia, quoniam sic placitum est Patri meo, nec  
vllas eius rei exquirere causas, quando opti-  
mè nosti, id æquissimum, quod diuinæ pla-  
citur fuerit voluntati. Non detrectabo ta-  
men nodum hunc, quem proponis, soluere:  
quando & hoc ad imbecillum animum cor-  
roborandum non parum faciat. Huius rei  
gratiâ, subijciebat Staurophila, id vel maxi-  
mè requirebam: neque enim vllum mihi  
erat

Chrysost.  
Hom. 66.  
ad Pop.

erat dubium, quin optimis niteretur rationibus, quod ab optimo Deo aut fieret, aut fieri permetteretur.

Greg. l. 23.  
Moral.  
cap. 15.

Audi igitur, aiebat Christus: Pio Dei consilio agitur, ut huius peregrinationis tempore electorum vita turbetur. VIA est vita præsens, quâ ad patriam tenditur, & idcirco hîc occulto iudicio frequenti perturbatione homines conteruntur, ne VIAM pro patriâ diligant. Hinc mundi iter asperum, ne dum quisque præsentis vitæ requie quasi amœnitate VIÆ pascitur, magis eum diu pergere, quàm citius peruenire delectet: ne dum oblectatur in VIA, obliuiscatur quod desiderabat in patriâ.

Felle proinde miscenda erant omnia, ne mel mundi pro summis deliciis haberetur: nam si semper Deus in istis prosperitatibus faueret, ut omnia abundarent, nullamq; in tempore isto mortalitatis tribulationem, nullas pressuras angustiasq; pateremini, non diceretis, nisi ista, esse summa bona, quæ præstat Deus seruis suis, & maiora ab illo non desideraretis. Id eò autem huic vitæ male-dulci miscet amaritudines tribulationum, ut alia, quæ salubriter dulcis est, requiratur. O infelicitas generis humani! Amarus est mundus, & diligitur: putas si dulcis esset, qualiter amaretur? Turbatur mundus, & amatur mundus; quid si tranquillus esset mundus? \* Formoso quomodo heredes,

August.  
Serm. 111.  
de Temp.

\* Idem  
Serm. 246.  
de Temp.

*res, qui sic amplecteris fœdum? flores eius quomodo colligeres, qui à spinis non reuocas manum?*

Profectò, inquit Staurophila, non utilis modò, sed etiam necessaria, vt video, CRUX atque tribulatio; alioqui insensati homines relinquerent cælum cæli Domino, terram verò terrigenis, & filiis optarent hominum. Sed vlteriùs, subiiciebat Christus, expendere oportet, *habere bonum Deum bona malaq; distribuenda singulis, & alternatim secundas res, aduersasq; dissipari, easq; ita digerere, vt, vtralibet in hac vitâ contigerint, altera in futurâ sint expectanda.* Id scilicet volebat Pater Abraham, cum Epuloni ita loqueretur: *Fili, recordare quia recepisti bona in vitâ tuâ, & Lazarus similiter mala; nunc autem hic consolatur, tu verò cruciaris.*

Salian. l. 2.  
De Timore  
Dei,  
cap. 33.

Luc. 16, 25.

O quàm verè terribilis Deus in consilijs super filios hominum! Quis enim non timeat exemplo diuitis huius, quem delicia vitæ igni tradiderunt. Non enim ob iniustitiam, sed propter mollem & delicatam vitam reprehensus, in flammâ fornacis torrebatur. Prosperitas ergo apud Deum crimini est, supplicioque obnoxia; & CRUCE caruisse, perpetuum meretur cruciatum. An non dixi in Euangelio: *Vt vobis diuitibus, quia habetis consolationem vestram! Vt vobis qui saturati estis, quia esurietis!*

Psal. 65, 5.

Basil. Homil. 1. de Ieiun.

Luc. 6, 24.

*rietis ! Va vobis qui ridetis nunc , quia lugebitis & flebitis !*

Stupebat supra modum Staurophila, & Nisi optimè nobis constaret, aiebat, sapientissimè omnia à diuinâ prouidentiâ ordinari, nescio quâ humana mens hoc Dei iudicium capere posset. Quid ita? inquiebat Christus, nonne & Ethnici id cognouerunt?

Salian. vbi  
sup.

Quò enim spectant gemina illa Iouis apud Homerum dolia, quorum alterum bonis commodisve huius vitæ refertum sit, damnis & calamitatibus alterum, quæ ille alternatim hominibus dispertiat? Socrates quoque dicebat, dolorem & voluptatem inter se ita esse composita, vt sese mutuò sequerentur, vt in puteo vrceus inanis & plenus, vita & mors in viuentibus, nox & dies in cælo. Dies præcursor est noctis, & nox prænuntia diei. Qui hîc situlam plenam recipit, postea habebit vacuam. Cui in hac vitâ iugiter fulsit dies, in alterâ æterna torquebitur nocte. Ita est, mea Staurophila, nemo potest & hîc & illic frui quiete. Et quid tantum miraris Dei dispositionem? Nonne in omnibus penè rebus humanis vix vlla existit lætitia, quam non tristitia præcesserit? *Mulier cum parit, tristitiam habet, quia venit hora eius: cum autem pepererit puerum, iam non meminit pressuræ propter gaudium, quia natus est*

Ioan. 16,  
21.

*est homo in mundo. Amaritudo enim præcuntis doloris, commendat amplius gaudia secutura. Sic pretiosior sanitas est, quæ post languoris recuperatur incommodum. Agricola quoque de ubertate frugum latari non poterit, nisi prius terram multo labore confecerit, & tanto magis prosperitatis spem congerit, quanto se amplius desudasse cognouerit. Hoc nimirum est quod dici solet, Vbi vber ibi tuber; vbi mel ibi fel. &*

*Semper odoriferis proxima spina rosis.*

Cumulatè, aiebat Staurophila, dubitationi meæ satisfactum. Alias proinde rationes, si quæ sint, libenter excipiam. Pergam igitur, subdebat Christus: *Tentat vos per CRUCES* Deut. 13,3  
*Deus, ut palàm fiat utrùm diligatis eum, an non, in toto corde, & in totâ animâ vestrâ. In* Eccli. 2,5  
*igne enim probatur aurum & argentum, homines verò receptibiles in camino humiliatio- nis. & numquam audisti, vasa figuli probat* Eccli. 27,6.  
*fornax, & homines iustos tentatio tribulatio- nis. Bonos in deliciis Deus non habet, experitur, indurat, sibi illos præparat. Eos autem,* Seneca de  
*quibus indulgere videtur, quibus parcere, mol- Prouident.*  
*les venturis malis seruat. Non legisti de iu- stis vexatis, quid scriptum? Quoniam Deus* Sap. 3,5.  
*tentaui eos, & inuenit illos dignos se. Tam- quam aurum in fornace probauit illos, & quasi holocausti hostiam accepit illos, & in tempore*  
*erit*

Hieron.  
Tom. 4. in  
Epist. ad  
Virg. in  
exil. miss.

*erit respectus illorum. Vexati ergo, afflicti, & cruciati Deo digni sunt. contra, qui non accipit CRVCEM suam, & sequitur me, non est me dignus. Et \* verè ille miser est, qui in afflictione constitutus nimium tristatur, & Deo non se dignum prebet.*

Math. 16.

38.

\* Nicetas  
Choniates.

Tob. 12.

13.

Chrylost.  
Hom. 1. ad  
Pop. An-  
tioch.

Verum, inquiebat Staurophila, quid opus probatione, cum Deus vniuscuiusque nouerit virtutem, etiamsi nulla ingruat aduersitas? Non ita probat Deus, respondebat Christus, vt noua ei succedat notitia, sed vt aliis notam faciat iustorum tolerantiam, cui ipse materiam suggerit & occasionem. Ita Tobia dictum: *Quia placebas Deo, necesse fuit vt tentatio probaret te, & declararet, non Deo aut Tobia, sed aliis hominibus, quam excelso animo sustineret aduersa. Et nesciunt plerique quâ mente Sancti Deum colant, & non rarò propter præsentis vitæ felicitatem Deo seruire credunt, sed CRVX & tribulatio facile ostendit, quanto Deo adhæreant amore. Ita diabolus ob temporalia bona Deum à S. Iob coli opinatus est. Cùm enim videret sanctissimum virum valde copiosum & opulentum, nihilq; haberet quod ei accusationis loco obijceret, ad hanc confugit calumniam: Numquid gratis te colit Iob? Circumuallasti interiora & exteriora eius: propter mercedem ille virtutem sequitur, tantâ fruens opulentia.*

*Quid*

Quid igitur fecit Dominus? volens demonstrare quòd Sancti ipsum non colant propter mercedem, omnem substantiam abstulit, & paupertati tradidit, & in grauem morbum incidere permisit. Et quidem omnibus ille diuitijs circumfusus, quis esset, non multis manifestum erat, postquam verò ipsas velut vestimentum exutus, athleta abiicit, & ad pietatis certamina nudus intrauit: sic spoliatus spectatores omnes perculit, ita vt & ipse Angelorum Dominus super animi eius tolerantia vehementer acclamaret, & victori illi applauderet.

Cognosco nunc Domine, aiebat Staurophila, necessaria esse fortium exempla, tum vt eos, prout meriti, veneremur; tum vt ad eorum accendamur imitationem. Subiecit verò Christus: Sed & alteram audi rationem, magna & precipua virtus est patientia; *Lactant. de Iustit. l. 5. cap. 23.* carebit hac iustus, si nihil patiatur aduersi. Est enim patientia, malorum, quæ aut inferuntur, aut accidunt, cum æquanimitate perlatio. \* Paternum Deus habet aduersus bonos viros animum, & illos fortius amat, & operibus, doloribus ac damnis exagitat, vt verum colligant robur. Non est arbor solida nec fortis, nisi in quam frequens ventus incurSAT: ipsa enim vexatione constringitur, & radices certius figit. *\* Seneca l. de Pronid.* Marcet sine aduersario virtus: tunc apparet

*paret quanta sit, quantumq; valeat polleatq;  
cùm quid possit patientia ostendit.*

Prudent. in  
Psydom. *Nam vidua est virtus, quam non patientia  
firmat.*

Fateor, inquebat Staurophila, paternum  
Dei erga nos animum: sed dura est super  
nos manus eius. Quis enim vel à vitrico  
continuas expectet vexationes, & non leues  
calamitates? Matris, video, aiebat Christus,  
requiris blanditias, & foueri sinu, contineri  
vmbra, numquam contristari, numquam la-  
borare, numquam affligi desideras. Num-  
quam audisti,

Lucean. l. 9. *Gaudet patientia duris?*

Apoc. 3, 19. *vel illud Patris misericordiarum, Ego quos  
amo, arguo, & castigo? Hanc rationem in ele-*

Seneca l. de  
Prouident. *ctis suis Deus sequitur, quam in discipulis  
praeceptores, qui plus laboris ab his exigunt, in  
quibus certior spes est. Numquid tu inuisos esse  
Lacedaemonijs liberos suos credis, quorum ex-  
periuntur indolem, publicè verberibus admo-  
tis? ipsi illos patres adhortantur, ut ictus fla-  
gellorum fortiter perferant, & laceros ac se-  
mianimes rogant, perseuerent vulnera praeberè  
vulneribus. Et verò monasteriorum Praefe-  
cti, ut nouisse potes, vix admittunt, nisi durè  
exercitatos. Narrat Climacus, fuisse mona-  
sterij dispensatorem pudicum & modera-  
tum, & mitem vt quis alius. In hunc mona-  
sterij*

Climac.  
Grad. 4.  
ante med.

sterij Pater inuectus est absque vllâ causâ,  
iussitque de Ecclesiâ proijci: intempestiuè  
fanè. Climachus cum eum sciret eius cri-  
minis, quod Pater obiecerat, insonem, seor-  
sim Patri illi dispensatoris commendabat  
innocentiam. Ad quem & ille sapientissimè.  
Scio, inquit, Pater; sed sicut crudele est ex  
ore famelici *infantis panem rapere, ita & se-  
ipsum & operarium lædit, qui animas suscipit  
regendas, nisi illi coronas, quantas illum susti-  
nere posse nouit, horis singulis prouidere sata-  
gat, siue per contumelias, siue per ignominias,  
siue per obiectiones, siue per ludibria.* \* Quod si  
Cænobiarcha ritè, ac ordine facit, quando in-  
fontes etiam contumelijs exercet; cur amplif-  
simi monasterij Pater, orbis gubernator Deus,  
qui Oceano & calo velut muris clausum con-  
tinet monasterium suum; cur hic, inquam, ma-  
gnus Pater iniquè faciat, si filios suos fame,  
morbis, egestate, iniurijs exerceat? Denique,  
ne diutius te traham; & idèd CRUCES à  
Deo immittuntur vt coronæ & præmia vo-  
bis augeantur. Quantum enim tribulatio-  
nes intenduntur, tantum & retributiones  
ampliantur. Imò & amplius. *Non enim sunt* Rom. 8, 18.  
*condignæ passionis huius temporis ad futu-  
ram gloriam qua reuelabitur in vobis.*

\*Drexel in  
Gymnaf  
patient.  
part. 1. c. 2.

Pondus et statera iudicia Dñi sunt. *Pro. 16. 11.*



CRVX sua quemq, manet, certo quā pondere summus  
Arbiter ex magno mittit amore Deus.

## CAPVT VII.

*Cuiusque viribus CRUCEM à Deo  
contemperari.*

Pondus & statera iudicia Domini sunt.

*Prouerb. 16, 11.*

*CRUX sua quemque manet, certo quam ponde-  
re summus*

*Arbiter ex magno mittit amore Deus.*



RGVTARI hâc rursus occœpit  
Staurophila, & Cùm dispar, in-  
quiebat, humanarum virium sit  
robur, vt quod vni leue, aut non  
admodum graue, alteri videa-  
tur longè grauissimum, scire velim, quem-  
admodum omnes CRUCI baiulandæ apti  
esse queant. Multi enim sunt debiles, infir-  
mi, & sibi ipsis graues: & quî, quæso, teneræ  
virgines, pueri, & puellæ CRUCIS onus ge-  
stabant? Erras Staurophila, inquiebat Chri-  
stus, & crassè admodum. Si enim credis  
Deum esse sapientissimum, imò ipsam sa-  
pientiam, quomodo CRUCEM imponat,  
quæ ferentis excedat vires? An non legisti: *1. Corinth.*  
*Fidelis est Deus, qui non patietur vos tentari* *10, 13.*  
*suprà quàm potestis. \* Si enim homines suis in-* *Ephraim*  
*mentis* *Tract de*  
*Patient.*

D

*mentis non plus oneris imponant quàm ferre queant, multo minùs plus tentationum aut afflictionum imponet Deus, quàm ferre possint.*

Francisc.  
Labat. tit.  
Tribul.

Nouit nauclerus certo pondere nauem saburrâ onerare, ne æquo leuior, ventorum tempestatibus transuersum eat; & tamen non ita prægrauat, vt demergatur in profundum: non fecus Deus CRVCES & tentationes amicis suis immittit, ne leui flatu abripiantur, sed vt prosperè æternæ gloriæ portum attingant.

Fateor Domine, inquebat Staurophila, errorem meum, & insipienter locuta sum. Sed ne graue, quæso, sit, erudire incitiam

Pf. 93, 12.

Sap. 11, 21.

*meam: Beatus enim quem tu erudieris Domine. Cui Christus: Deus, qui iuxtà sapiens est ac iustus, omnia in mensura, & numero, & pondere disposuit.* Nouit ille exactissimè

Horat. de  
Arte Poët.

————— *quid ferre recusent*  
*Quid valeant humeri,* ———

ideoque afflictiones & pœnas æquâ explorat mensurâ; ne CRVX iusto longior aut breuior alicui immittatur. Dinumerat ille quot huic, quot illi, & quâ serie CRVCES assignandæ: appendit prætereà, velut in balance, ex vnâ parte cuiusque CRVCIS pondus, & patientis vires ex alterâ; atque ita vtraque attemperat, nihil vt vltra vires immittatur. An

Psal. 79, 6.

*non David ait: Cibabis nos pane lacrymarum,*  
&

*Et potum dabis nobis in lacrymis in mensurâ?*

*\* Dat in mensurâ, non supra mensuram, ne sine moderatione mensura, pœna cumulo ho-*  
*mines grauarentur, & sustinere non possent.*

*\* Ambros.  
 in Ps. 118.  
 Oton. 20*

An non Deus olim decreuit, vt pro mensurâ peccati, sit & plagarum modus? Iam & de nu-

*Deut. 25. 2  
 Ibid.*

mero quàm sollicitus est, cum vetat quadragenarium excèdi? Et quid est quod pauidi

filij hominum reformidetis? nam & capilli

*Luc. 12. 7.*

capitis vestri omnes numerati sunt, & ne vnus

quidem de capite vestro peribit, nisi ex præ-

*Luc. 21.*

scripto Dei. In pondere quoque, spirituum

*18.*

ponderator, CRUCES disponit, vt iusti pon-

*PROV. 16. 2.*

deris rependat in cælo coronas. Id enim

*2. Corinth.*

quod in presenti est momentaneum & leue tri-

*4. 17.*

bulationis vestræ, supra modum in sublimitate

ateternum gloriae pondus operatur in vobis.

Et erit aliquis, qui queri possit, grauius sibi

onus imponi, quàm sustinere valet? Homo

id faciat, cui robur ferentis ignotum; aut si

notum, crudelis erit, si fecerit. Non cadit

hoc in Deum optimum & sapientissimum.

Equidem id credo, Domine, aiebat Stau-

rophila; sed nescio quomodo semper que-

rula caro submurmuret, & grauiora se, quàm

reuerà possit, ferre existimet. Sapiencia car-

nis, respondebat Christus, mors est, nec bene

de bonitate Dei iudicat. Disce vel ab

Agonothetis quid de Deo sentire debeas:

Origen.  
de Princip.  
lib. 3. c. 2.

nam sicut hi qui agonibus presunt, eos qui ad certamen veniunt, non utcumque, neque fortuito inter se sinunt inire certamina, sed diligenti examinatione, prout viderint corpora vel atates, æquissimâ comparatione iungentes illum cum illo, ut pueros cum pueris, viros cum viris. Ita intelligendum est de Deo, quod homines, qui in hos humana vita descendunt agones, iustissimâ ratione dispenset, secundum rationem vniuscuiusque virtutis, quam ipse solus agnoscit; ut alius quidem pugnet aduersus carnem, tali & tanto tempore, alius verò non tanto: tum ut alius resistat aduersus inimicam potestatem hanc vel illam, alius aduersus duas vel tres simul. Non vno modo vasorum exploratur integritas: solidiora grauiore ictu, fragilia leuiore tanguntur. Artifex vitrum extremo vix digito tangit, argenteum scyphum malleo percutit, campanam verò prægrandi plectro, & quæ libras aliquot appendat, fortissimè pulsat, securus periculi, propter metalli soliditatem. Non secùs Pater cælestis pro virium mensurâ CRVCES & tribulationes immittit. Vitreos & fragiles homunciones benigniùs habet, fortes verò & probatæ virtutis duriùs tractat. Nihil igitur metuendum, ne grauior alicui imponatur CRVX, cum à paternâ Dei manu omnes æquè descendant.

Domine, inquiebat Staurophila, quotiescumque vel ægrotos viso, vel cum afflictis loquor; antiqua hæc eorum, & quotidiana est querela, manum Dei grauem esse super eos, seque sustinere non posse. Homines, respondebat Christus, loquuntur vt homines; sensuum iudicium sequuntur; ad Deum, sine quo permittente aut immittente nulla venit afflictio, oculos non attollunt. Nec cogitant à Patre eam venire, & sapientissimo, & benignissimo, & moderatissimo. An tu existimas hunc Patrem subito furore aut iracundiâ concitum neque videre, neque intelligere, neque attendere quem percutiat? quot, quamque graues, aut diurnas CRUCES immittat? Non ita agit, in neminem furit, neminem suorum despicit; sed vniuscuiusque virtutem dispicit, cuiusque robur velut ad trutinam examinat & explorat. Vidit ille ab omni æternitate, has illasve corporis ærumnas, afflictiones, dolores, huic & illi profuturas, ideoque prudenter admodum decreuit, vt hoc aut illo anno, mense, die, aduersitas quædam contingeret, quæ animæ salutem promoueret. Noli igitur, filia mea, expauescere, noli durum vocare Patrem, qui per Prophetam suauissimè ita te consolatur: *Noli timere, quia redemi te, & vocavi te nomine tuo; meus es tu.* Cùm transieris per aquas, *Isai. 43, 1.*

tecum ero, & flumina non operient te. Cùm ambulaueris in igne, non comburèris, & flamma non ardebit in te. Quia ego Dominus Deus tuus sanctus Israël.

## CAPVT VIII.

Voluntatem omnino firmam ad CRVCIS baiulationem adferendam: significasse id Christum, cùm dixit:

Si quis vult venire post me.

Matth. 16, 24.



INIERAT Christus, cùm Staurophila ex benignitate Domini confidentior facta, nouam mouit quæstionem. Et quid est, inquit, ô Domine, quòd

Luc. 9, 23. CRVCEM ferendam omnibus proponens, dixisti: *Si quis vult post me venire, abneget semetipsum, & tollat CRVCEM suam:* cùm CRVX aded necessaria sit, nullà vt arte, nullà vt industriâ eam effugere liceat? velint igitur nolint homines, CRVX omnibus perferenda videtur.

Chrysost.  
de Adorat.  
Cruc. &  
Hom. 56.  
in Matth.

Ita quidem, respondebat Christus, sed nolui ego vllam necessitatem verbis meis adiungere, nec dicere, *Velitis nolitis, hoc vobis per-*  
fe-

ferendum est, sed, si quis vult me sequi. Non vim affero, non cogo; sed sui quemque iudicij ac voluntatis Dominum facio, utrum CRUCEM suam mei amore velit ferre, ob eamque causam dico, si cui in animo est me sequi. Nam sicut qui vim facit, plerumque auertit; sic qui liberos audientes constituit, multò magis attrahit. potentior est oratio mitis, quàm violenta. Atque id expendas, Staurophila, me non tam ad CRUCES, afflictiones & onera, nec ad supplicia & pœnas ( ut cogere mihi opus sit ) quàm ad ineffabilia bona conuocare; quorum ea natura est, ut facile per seipsa vos inuitare possint. Magna enim sunt quæ retribuo, ac talia, ut ultro ac sponte homines ad ea concursuros dubitare non debeam. Non enim si quis aurum atque argentum proponeret, vim inferret; quantò igitur magis in caelestibus bonis inferenda non est? Et certè si rerum ipsa natura non persuadet, & nisi sponte curras, nec accipere quidem digna eris.

Nimirum propter hoc ipsum, inquebat Staurophila, arbitrata sum, neminem fore, qui, si rectè expenderet, CRUCIS detrectaret confortium. Qui enim sequitur te, non ambulat in tenebris, sed habebit lumen vitæ: & quid, quæso, quærunt homines, quod non inueniant in TE. Honores ambiunt & gloriam? Gloria magna est sequi Dominum.

Idem Homil. 56. in Matth.

Ioan. 8. 12.

Eccli. 23. 38.

Pl. 15, II.

Quærunt voluptates? *delectationes in dextera tuâ vsque in finem.*

August.  
Serm. III.  
de Temp.

Non omnes, respondebat Christus, capiunt verbum hoc: sunt enim (prò dolor!) sunt multi, quod *pestimum est, qui durissimum & amarissimum auaritiæ iugum cum multis laboribus volunt ferre, & dulce iugum meum, & onus leue dissimulant humeris suis imponere: malunt cum multis peccatis sub sarcinâ graui succumbere, quàm iugum meum, quod eos potest in caelum eleuare, suscipere.* Fateor, aiebat Staurophila, ita agunt peccatores: sed tamen pietatis amantes, serui tui, prompto, vt arbitror, animo ad CRUCEM se accingunt.

Thomas  
à Kemp.  
lib. 2. de  
Imitat.  
Christi,  
cap. II.

Crede mihi filia, aiebat Christus, habeo ego nunc *multos amatores regni caelestis, sed paucos baiulatores meæ CRVCIS. Multos habeo desideratores consolationis, sed paucos tribulationis. Omnes cupiunt mecum gaudere, pauci volunt pro me aliquid sustinere. Multi me sequuntur vsque ad fractionem panis, sed pauci ad bibendum calicem passionis. Multi miracula mea venerantur, pauci ignominiam CRVCIS sequuntur. O quàm pauci, Staurophila, post me ire volunt, cum tamen ad me peruenire nemo sit qui nolit! Volunt omnes me frui, at non ita & imitari: conregnare cupiunt, sed non compati.* Non curant quærere, quem tamen

Bernard.  
Serm. 21.  
in Cant.

*men desiderant inuenire, cupientes consequi, sed non sequi.*

Et vnde, quæso, hoc mi Domine? aiebat Staurophila. Cui ille: Nimirum contingit passim, quod Sapiens ait: *Vult & non vult piger. Quæris, quid hoc? Imperare vult piger cum Christo, non subesse pro Christo: præmium amat, non prælium.* coronam desiderat sine certamine, sine sudore gloriam, sine CRUCE, sine tribulatione regnum cælorum.

Vnde autem, aiebat Staurophila, hæc voluntatis, quam experimur, in homine lucta? An fortè vnâ habet voluntatem quæ velit, & alteram quæ nolit? Et vnde hoc monstrum? & quare istud partim velle, partim nolle? *Imperat animus vt moueatur manus; & tanta est facilitas, vt vix à seruitio discernatur imperium: & animus, animus est, manus autem corpus est. Imperat animus, vt velit animus, nec alter est, nec facit tamen. Vnde hoc monstrum? & quare istud? imperat, inquam, vt velit; qui non imperaret nisi vellet; & non fit quod imperat. Non monstrum est hoc, ô Staurophila, respondebat Christus, sed agritudo animi; quia non totus assurgit, veritate subleuatus, consuetudine prægrauatus. & ideo non ex toto vult, nec ex toto imperat. Nam in tantum imperat, in quantum vult: & in tantum non fit quod imperat,*

Prou. 13, 4.  
Hieron. in  
cap. 13.  
Prouerb.

August.  
1. 8. Con-  
fess. c. 9.

Ibid. con-  
fess.

*in quantum non vult. Sunt ergo velut duæ voluntates, quia vna earum tota non est; & hoc adest alteri, quod deest alteri. Ita quandoque cum aternitas delectat superius, & temporalis boni voluptas retentat inferius, eadem anima est, quæ non totâ voluntate illud aut hoc vult; & idè discerpitur graui molestiâ, dum illud veritate proponit, hoc familiaritate non deponit. Sed & ipsa, Domine, aiebat Staurophila, hoc nonnumquam experior, quòd dum vel maximè & seriò aliquod volo bonum, nescio quàm leuiter vel omitram, vel in aliud differam tempus: adèd vt bono proposito perquam rarò effectus respondeat. Hæc, aiebat Christus, imbecillitas humanæ mentis, quæ omni vertumno mutabilior est. Hæc inconstantia voluntatis in bono, quod vtrumque concupiscit, nec tamen generosè profequitur. Simulachrum id dixerim potiùs, quàm veram voluntatem; tantum enim abest efficaciter vt velit, quod velle in speciem se fingit, vt potiùs nolle dicenda sit. Vidistin' aliquando Herculem in ostijs depictum, clauâ instructum, quam in obuium quemque vtraque manu validissimè vibrare videtur, neminem tamen percussit, neminem vel leuiter tangit, etiamsi milies id velle videatur? Huic tepidi homines prorsus simillimi, semper volitantes, verè*  
*num-*

numquam volentes. *In imagine pertransit* P<sup>sal.</sup> 38, 7.  
*homo.* Proficisci velle videtur, non profici-  
 scitur: molitur ambulare, non plus ambulat  
 quàm homo pictus. Hoc igitur primùm  
 discite, Staurophila, in VIA CRVCIS primam  
 curam hanc esse, vt magno animo, vt effica-  
 ci voluntate velis venire post me. *Nam non* August.  
*solum ire, verum etiam peruenire ad me, nihil* l. 8. Con-  
*est aliud quàm velle ire; sed velle fortiter &* fess. cap. 8.  
*integre, non semisanciam hac atque hac ver-*  
*sare & iactare voluntatem, hac parte assurgen-*  
*tem, cum aliâ parte cadente luctantem.* Lau-  
 dati sunt Israëlita, qui *in totâ voluntate qua-* 2. Paralip.  
*sierunt Deum,* & ided eum inuenerunt, qui- 15, 15.  
 bus & Dominus præstitit requiem per cir-  
 cuitum: hos sequere, hos imitare.

Mox Staurophila, *Concupiuit,* inquiebat, P<sup>sal.</sup> 118, 20.  
*anima mea desiderare* viam iustificationum  
 tuarum, REGIAM VIAM CRVCIS, viam salu-  
 tis; sed quis dabit mihi vt velim validiùs, &  
 vt quod volo, valeam? *Sine me,* aiebat Chri- Ioan. 15, 5.  
 stus, *nihil potes facere,* & nequaquam per-  
 uenies ad me, nisi gradiendo post me: & ne  
 hoc quidem, nisi adiuta à me. Quid igitur  
 opus, nisi vt traharis post me, & dicas, *Trabe* Cant. 1, 3.  
*me post te, in odorem vnguentorum tuorum*  
*curremus.* Ita, quæso, aiebat Staurophila, mi-  
 hi contingat Domine; & qui dixisti, *Ego* Ioan. 12,  
*cùm exaltatus fuero à terrâ, omnia traham ad* 32.  
 me-

Bernard.  
Serm. 21.  
in Cant.

*meipsum*; me quoque trahe, *trahe*, inquam, *me post te*, *vt conuersationis tuæ valeam vestigia sequi*, *vt possim amulari virtutem, normam tenere vitæ, & morum apprehendere disciplinam*. Da mihi *semper tuis inherere vestigijs*, *ac sequi te quocumque ieris*: quoniam VIÆ tuæ, VIÆ pulchræ, & omnes *semitæ tuæ pacificæ*. Trahe quodammodò inuitam, *vt facias voluntariam*. Trahe torpentem, *vt redas currentem*. Trahe me, inquam, & *curremus post te*: non ego sola, sed & *sorores adolescentulæ mecum*: dabo enim operam *vt & illas adducam, & vnà mecum suaue CRVCIS subeant iugum*.

Eia, inquit Christus, quantum spei tibi est in sororibus tuis? an non illæ proteruè restiterunt tibi? *vt ne quidem ad cultum CRVCIS adhibendum te comitari voluerint*, hinc enim in auia hæc præcipitata es, & tu nunc eas adducas, *vt CRVCIS huic non vno die, aut altero, sed quotidie baiulandæ humeros supponant?* Staurophila, verbo dicam, non facient. Confidentia tamen mihi multa est, inquit illa, quòd, auditis omnibus, quæ locutus est Dominus ad cor ancillæ suæ, *facile in meam ituræ sint sententiam*. I verò, aiebat Christus, *periculum fac; ego autem scio quòd neutiquam consentient*; Noui enim *durissimam ceruicem earum*:

earum: sed vade, adduc eas, crastinum in-  
tereà expectabo diem, cùm hac horâ hîc  
rursum adero, vt in VIA CRVCIS deinceps  
instruaris. Dicebat hæc Christus, cùm sub-  
itò Staurophila eum disparuisse vidit, & se  
non longè à suburbano constitutam.



Inimici CRVCIS Christi. *Philip. 3, 18.*



*Quid fugis hinc? animo placet haud peritura voluptas?  
Nulla, vel huc ducet te CRVCIS vna VIA.*

## CAPVT IX.

*Voluptati studentes CRUCEM fugere.*

Inimici CRUCIS Christi. *Philipp. 3, 18.*

*Quid fugis hinc? animo placet haud peritura  
voluptas?*

*Nulla, vel huc ducet te CRUCIS vna VIA.*



ISCRUCIABANTVR animo so-  
rores, anxix quidnam Stauro-  
philæ accidisset, quæ integro  
die & nocte iam abfuisset.  
Vna, aberrasse, & per siluam  
vagari suspicabatur: altera, quòd sola reli-  
cta esset, indignabundam domum repetiisse,  
& querelam apud patrem fortè deponere  
affirmabat. Hæc dum loquerentur, inopi-  
natò ingressa est Staurophila, omnium sanè  
admiratione & gaudio: vbi magnâ statim  
contentione quæsitum, vbinam hæssisset hac-  
tenus, quid actum, quomodo in villam re-  
diisset. Illa, honesto nomine moram suam  
excusans, & nescio quid prætexens, sorores  
in partem seuocat, & prolixo sermone Chri-  
sti apparitionem, suauissimum colloquium,  
explicitam vitæ æternæ semitam exponit;  
quanta denique gaudia, quot voluptates,  
quos

quos honores illi consequantur qui VIAM illam sedulò perambulauerint : se proinde venisse, vt sorores tantæ felicitatis haberet socias. Illæ more suo se excusare, promissa illa dicere incerta, visionem, præstigias & illusiones vocare; tandem absolute recusare propositum iter suscipere: contra Staurophila precibus & obsecrationibus id agere, saltem in conspectum speciosissimi Iuuenis, & colloquium venire ne detrectent; habere illum verba vitæ æternæ, penetrantia vsque ad ipsam animam, quam non difficulter possit conuertere, & ex nolente facere volentem. Multis vtrò citroque habitis sermonibus, spondent tandem comitatum, siue vt curiositati indulgerent, siue vt Staurophila aliquousque gererent morem. Ad conditum igitur veniunt locum, vbi statim fulgentissimâ facie Christus adfuit, & compendio regni cælestis gaudia exposuit: verum ad ea non nisi per CRUCEM aiebat, patere aditum; proinde hortari se hanc breui tempore susciperent, quæ eis eam allatura esset voluptatem, quam *oculus non vidit, nec auris audiuit, nec in cor hominis ascendit*. Plura in hunc sensum dicebat, cum subito Hilaria: Et hoc scilicet est, quod non vanè suspicabar; nihil scilicet hîc nisi tetrica & tristitia me audituram: neque ego, bone Iuuenis, tam  
 infi-

1. Corinth.  
2.9.

inspiens fuerim, vt omnibus huius vitæ voluptatibus me exuam, propter nescio quam alterius & melioris vitæ expectationem, CRUCEM ego amauit numquam, nisi quæ in argenteis vel aureis fulget nummis, aut quæ aureorum aliquot millium quotannis adferat reditus. Tuam verò CRUCEM, longam illam & laboriosam, ego tenella haudquam susceperim.

Et, Nolis tu, filia, inquiebat Christus, breui CRUCE redimere æternam? nolis labore non admodum longo regnum obtinere æternum? nolis pro animæ salute exiguum aliquem ferre dolorem? Quàm vulgatum est illud:

*Vt corpus redimas, ferrum patiaris & ignes;* Ouid. lib. 1.  
*Arida nec sitiens ora lauabis aquâ;* De remed.  
 amor.

*Vt valeas animo, quidquam tolerare negabis?*

*At pretium pars hæc corpore maius habet.*

Quidigitur?

*Te totam vt salues, sit graue ferre CRUCEM?*

Eheu, inquiebat Hilaria, *durus est hic sermo, & quis poterit eum ferre?* At durius, inquiebat Christus, audire, *Ite maledicti in ignem æternum.* Meliora spero, regerebat Hilaria, neque enim frustra in Deum credo, & Christianis initiata sum sacris.

Nihil proderit, respondebat Christus, *mortua sine operibus fides.* & si Christiana es, Iac. 2, 26.

E

quid

quid Christi CRVCEM refugis? Nullus ser-  
uus Christi sine tribulatione. *Si putas te non  
habere persecutiones, nondum cœpisti esse Chri-  
stiana.* Illa rursus: Dura res est dolor, CRVX,  
cruciatus. Imò tu mollis es, regerebat Chri-  
stus, quæ nihil ferre consueuisti. Cui illa:  
Non ego sola, sed pauci admodum dolo-  
rem ferre potuerunt. Et Christus: Esto ex  
paucis; *multi enim vocati, pauci verò electi;*  
& pusillus est grex, cui Pater cœlestis regnum  
dabit æternum. Repetebat Hilaria consue-  
tam cantilenam:

August. in  
Psalm. 55.

Marth. 20,  
16.

Tibull. l. 3.  
Eleg. 2.

*Non ego firma satis: non hæc patientia nostro  
Ingento: frangit fortia corda dolor.*

Et quid possum? talem me, Domine, natura  
formauit. Naturam, aiebat Christus, infa-  
mare noli, illa fortes genuit. Vince natu-  
ram, vt violenta cælum rapias. Et cur dicis te  
non posse? dic potius, nolle. nam

Quid. l. 2.  
De remed.  
amor.

*Posse pati facile est, tibi ni patientia desit.*

Omnia sanè potes in Deo, qui te confor-  
tat. Et quàm multi pueri & puellæ, iuuenes  
& virgines, senes cum iunioribus, relictis om-  
nibus, CRVCEM acceperunt, & per varias  
tribulationes intrauerunt in regnum cælo-  
rum? *Tu verò non poteris, quod isti & ista?  
An isti & ista in semetipsis possunt, & non in  
Domino Deo suo?*

August. l. 8.  
Confess.  
cap. 11.

Nescio, inquiebat Hilaria, quæ illis mens,  
quæ

quæ fortitudo animi fuerit: mihi certum est omnibus modis CRUCEM fugere. vix enim vel hunc sermonem sustineo. Quid hoc est, inquiebat Christus, adeone tibi exosa salus, vt VIAM eius abijcere sttuas? tam horrida tibi CRUX, vt verbum eius te in fugam conijciat? Attende, quæso, quid Apostolus Andreas iam iam crucifigendus fecerit, quid dixerit, & quàm grata ei CRUX fuerit. *Videns enim paratam eminus CRUCEM, nequaquam, (vt exigere videtur mortalis infirmitas) facies eius expalluit, nequaquam sanguis eius gelatus est, non steteret coma, aut vox faucibus hesit, non contremuit corpus, nec mens turbata est, non recessit (vt assolet) intellectus: ex abundantia cordis os locutum est, & charitas, que feruebat in corde, quasi scintillas quasdam ardentissimas emittebat in voce. O CRUX, inquit, diu desiderata, & iam concupiscenti animo preparata, securus & gaudens venio ad te, ita & tu exultans suscipias me discipulum eius, qui pependit in te, quia amator tuus semper fui, & desideravi amplecti te. Obsecro te, aiebat Hilaria, homo est qui loquitur hæc, an Angelus, aut noua aliqua creatura? Homo, inquiebat Christus, planè similis vobis passibilis: nam passibilem eum passio ipsa testatur, quâ appropinquante tam letabundus exultat. Vnde ergo, subdebat Hilaria, in homine noua hæc*

Bernard.  
Serm. 2. de  
S. Andrcâ.

*exultatio, & letitia hæctenus inaudita? unde in tantâ fragilitate tanta constantia? unde in homine tam spiritualis mens, tam feruens charitas, animus tam robustus? Non à seipso, dicebat Christus, hæc inerat ei virtus, donum hoc perfectum erat, descendens à Patre luminum, ab eo utique qui facit mirabilia magna solus. Planè spiritus erat, qui adiunabat infirmitatem eius, per quem diffundebatur in corde ipsius fortis charitas ut mors, imò & fortior morte. Spiritus enim Dei super mel dulcis, ita ut ne ipsa quidem dulcedini eius praualere queat amarissima licet mortis amaritudo.*

Iacob. 1,

17.

Pl. 135, 4.

Rom. 5, 5.

Eccli. 24,

27.

Rom. 8, 9.

Ego verò, aiebat Hilaria, hoc spiritu destituta, quid mirum si molestam sentiam, & exosam habeam CRUCEM? Totâ sollicitudine, aiebat Christus, quæras hunc spiritum: nam qui quærit, inuenit; & necesse prorsus est hoc spiritu ornari. Quicumque enim *spiritum Christi non habet, hic non est eius.* Non capio ego, subijciebat Hilaria, neque cupio hunc spiritum, qui ad dolores, CRUCES, & angustias quærendas impellit: expectant eum, & expectent quicumque velint; ego sanè lætitiæ nihil, lethi autem in eo inuenio plurimum. Nolo proinde quidquam de eo ampliùs audire. Dixit hæc, & simul se coniecit in pedes; cùm Christus ad Staurophilam: Ecce hoc est quod prædixeram: noui

noui enim quàm pauci sint qui contendant  
 CRVCEM tollere, & intrare per angustam Matth. 7,  
 portam. An non bonus ille adolescens, qui 13.  
 bono animo me accedebat, dicens: *Magister* Matth. 19,  
*bone, quid boni faciam vt habeam vitam eter- 16.  
*nam? cùm audisset, Si vis perfectus esse, vade,*  
*vende quæ habes, & da pauperibus, & habebis*  
*thesaurum in celo, & veni sequere me; abijt*  
*tristis?* Ita nimirum difficile est, diuites &  
 voluptati studentes intrare in regnum cælo-  
 rum. Quid ergo? inquiebat Staurophila,  
 propter neglectam CRVCEM æternum dam-  
 naretur soror, nec spes vlla esset salutis?  
 Quid me interrogas? respondebat Christus;  
 interroga Apostolum meum quid de illis  
 sentiat. an non audiuisti cum lacrymis di-  
 centem: *Multi enim ambulant, quos sæpè di-* Philipp.  
*cebam vobis (nunc autem & flens dico) INIMI-* 3, 18.  
 COS CRVCIS CHRISTI, quorum finis interi-  
 tus: quorum Deus venter est, & gloria in con-  
 fusione ipsorum, qui terrena sapiunt. Viden-  
 verò cur inimici sint CRVCIS? quia nimirum  
 voluptati indulgentes, ventrem Deum fa-  
 ciunt, terrena sapiunt, neglecto cælo. Quid  
 igitur hinc consequens, nisi vt finis eorum sit  
 interitus, & perditio æterna? Sic nimirum  
 qui creaturam sibi facit Deum, numquam  
 fruetur Creatore, & vero Deo.*

Verbum CRVCIS pereuntibus stultiia  
est.

1. Corinth. 1. 18.



CRVX humilis sapit haud altum sapientibus; illam  
Aſt auide, cælum tua sapit, ille caput.

## CAPVT X.

*Honoris cupidos CRUCEM spernere.*

Verbum CRVCIS pereuntibus stulti-  
tia est. 1. *Corinth.* 1, 18.

*CRUX humilis sapit haud altum sapientibus,  
illam*

*At auide, calum cui sapit, ille capit.*



TONITA ad hæc Staurophila,  
altum ingemiscebat; & ad  
alteram conuersa sororem, Ne,  
oro te Honoria, fugitiuâ hanc  
imiteris, quæ nõ tam se à CRV-  
CE, quàm à IESV, & salute elongauit æternâ.  
Age nunc ingenuitatem nobilitatis tuæ co-  
gita, & generosè CRUCEM suscipe, vt in æ-  
terna tabernacula, quò illa ducit, suscipiare.  
At illa fastu tumens, Egône verò, inquit, in-  
famem stipitem, seruile supplicium, arbo-  
rem fatalem, infelix illud lignum, ignobi-  
lem trabem, nobilis virgo in humeros sus-  
tollam? *Nomen ipsum CRVCIS* (ait eloquen- Cicero pro  
tia parens) *absit non modò à corpore ciuium Rab.*  
*Romanorum, sed etiam à cogitatione, oculis,*  
*auribus. Harum enim omnium rerum non so-*  
*lùm*

*lūm euentus atque perpeſſio, ſed etiam conditio, expectatio, mentio denique indigna ciue Romanorum atque homine libero eſt. Vt quid ergo CRVCIS lignum velut pretioſum monile geſtabo, quæ non neſciam, Cæcilium CRVCIS ligna feralia Octauio obieciſſe?*

Minutius  
Felix in  
Apologet.

*Quid eſt quod loqueris, ſoror? aiebat Staurophila, aut quid fruſtrâ Gentilium allegas dicta? quaſi verò neſcias, CRVCIS lignum decorem ex membris Domini ſuſcepſiſſe, nec infamis ſtipes CRVX, aut fatalis arbor, ſed inter omnes arbor vna nobilis,*

Acta S. An-  
dree.

Venantius  
Fortun. in  
Hym.

*Arbor decora & fulgida,  
Ornata Regis purpurâ,  
Electa digno ſtipite  
Tam ſancta membra tangere.*

*Quid infauſtam nominas arborem, quæ vere*

*Beata, cuius brachijs  
Pretium pependit ſeculi?*

Seneca  
Epiſt. 127.  
Liuius l. 4.  
Sibylla  
apud So-  
zomen.  
lib. 2. c. 1.  
Venant.  
Fortun.  
in Hym.  
1. Corinth.  
1, 18.

*Infelix vocas lignum, cum Senecâ & Liuiio, quod meliùs cum Sibyllâ diceres,  
O lignum felix, in quo Deus ipſe pependit!  
& cum Eccleſiâ:*

*Dulce lignum, dulces clauos,  
Dulce pondus ſuſtinens.*

*Lignum CRVCIS contumelijs dignum viſum eſt inimicis, iſs autem qui ſalvi ſunt, id eſt, nobis, verbum CRVCIS Dei virtus eſt.*

*Quid*

Quid verò nobilitatem iactas? cùm summa ingenuitas ista sit (vt S. Agatha dixit) in quâ seruitus Christi comprobatur. Sancta illa nobilissimis orta natalibus, ab ignobili gaudens trahebatur ad carcerem, & exultans dicebat: *Ancilla Christi sum, idèd me offendo* Breuiar. Rom. in eius Festo.  
*seruilem habere personam. Multò enim præstantior est Christiana humilitas & seruitus, Regum opibus ac superbiâ.* Et verò tu nunc videris cui seruias, Christo an dæmoni, virtuti an peccato. *Qui enim facit peccatum, seruus* Ioan. 8, 34.  
*est peccati.* Et quis est qui non peccet? *In* Iac. 3, 2.  
*multis sanè offendimus omnes.* Proinde vel hoc nomine CRUCEM refugere non oportet. Nam fugitiui olim serui, aut aliàs flagitiosi, si commeritum supplicium illis condonaretur, in signum ignominie CRUCEM vestibus insertam aut depictam deferebant, vnde Cruciferi aut Cruciarij dicebantur. Ita Daniel Malonius in Hist. de Christi stigmatibus Sindo- ni impref- fis c. 4. n. 5.  
 Cur ergo tu, quæ æternam non semel com- merita es CRUCEM, non feras temporariam, si illa pro hac tibi condonetur?

Tu quidem Staurophila, inquiebat Hono- ria, importuna concionatrix es: sed mihi nõ persuaseris. Tu, vt lubuerit, & Crucifera, & Cruciaria, & discipula CRUCIS esto; ego hanc infamiam numquam admisero. Dixit hæc, & petulantissimè simul insiliit in sub- iectam CRUCEM, probris illam & conuitiis

excipiens, & quod maximè indignum, etiam conſputans.

Leo Ser. 2.  
de Refurr.

Philipp. 2,  
1.

Leo Serm.  
4. de Paſſ.

Auguſt.  
Tract. 117.  
in Ioan.

At Chriſtus immemor iniuriæ, memor clementiæ, vtramque ſic affatus eſt: *Si magnæ pietatis ſacramentum intelligitis, & quod pro ſalute humani generis ego vnigenitus Dei Filius geſſi, aduertitis, hoc, quæſo, ſentite in vobis, quod & in me Chriſto Ieſu, cuius humilitas nulli aſpernanda diuitum, nulli eſt erubeſcenda nobilium. Nec enim in tantum prouehi poteſt qualibet felicitas humana ſaſtigium, vt æſtinet ſibi pudendum, quod ego manens in formâ Dei Deus, non ſum arbitratus indignû. Et quid gloriaris de nobilitate, cum ego ſim Rex Regum, & Dominus dominantium; qui tamen CRVCEM idcirco elegi, vt in eâ tota diabolicæ dominationis contereretur aduerſitas, & de elatione ſuperbiæ victrix humilitas triumpharet. Subieci humeros CRVCI, & coram toto mundo eam baiulaui, vt ſequentibus me præberem exemplum. Quid enim? Grande profectò hoc fuit ſpectaculum! ſed ſi ſpectet impietas, grande ignominia documentum; ſi pietas, grande fidei munimentum. Rurſum, ſi ſpectet impietas, videt Regem pro virgâ regni, lignum ſui portare ſupplicij: ſi pietas, videt Regem baiulantem lignum ad ſemetipſum figendum, quod ſi xurus fuerat in frontibus Regum; in eo ſpernendus oculis impiorum,*

*piorum, in quo erant gloriatur a corda sanctorum.* Cui ergo deinceps intolerabilis videbitur CRUX, quam Rex gloriæ non duxit sibi ingloriam? an non profus intolerabilis impudentiæ est, vt vbi sese exinaniuit maiestas, vermiculus infletur & intumescat?

Audiebant hæc quidem ambæ, dispari tamen euentu: Honoria enim his sermonibus exasperata, cum indignatione recessit; Staurophila verò intimè compuncta, nihil prætexere sciebat præter humanam infirmitatem, & apparens dedecus. Et quis, inquit, est Domine, qui illustri loco natus ludibrio se haberi patiatur? Quid? inquiebat Christus, an non audisti, vt Dauid ob pietatis cultum à Michol irrisus fecerit? & quid dixit ille?

*Ludam, inquit, & vilior fiam plusquam factus sum, & ero humilis in oculis meis.* Bonus hic, 2. Reg. 6. 22. Bernard. Epist. 87. ô filia, ludus, quo Michol irascitur, & Deus delectatur. Bonus ludus, qui hominibus quidem ridiculum, sed Angelis pulcherrimum spectaculum præbet. Bonus, inquam, ludus, quo efficiuntur serui mei opprobrium abundantibus, & despectio superbis. Nam reuerà quid aliud secularibus, quàm ludere videntur, cum, quod ipsi appetunt in hoc seculo, illi contrà fugiunt; & quod ipsi fugiunt, illi appetunt?

Pulchrum hoc exemplum, inquiebat Staurophila, sed antiquum; & hodie plures inuenias,

uenias, qui Michol ad viuum repræsentent, quàm qui Dauidem. Ita est, aiebat Christus, sed non defuerunt posterioribus etiam sæculis illustres personæ, contemptus sui illustrissima exhibentes testimonia: accipe vnum in Rege mirandum, & imitandum. Cùm in palatio iuxta Ecclesiam B. Petri Anglorum Rex Eduardus aliquando moraretur, superuenit quidam vir, Hibernicus genere, pedis vtriusque priuatus officio. Nerui enim in poplite contracti, ad posteriores corporis partes crura retorserant, tali natibus inhæserant, immerisq̃ue carnibus pedum articuli, à lumbis eius & deorsum corpus omne peruerterant: porrectis ad terram manibus, & scamnis suppositis repebat, & factus sibimetipsi grauis, trahebat se post se. Hic videns Regis cubicularium, ait ad eum: Hugoline, non me respicies, nec misereberis, nec mouebit te mea tanta calamitas? Et ille: Quid me vis facere? Cui pauper, Sexies, inquit, Apostolorum limina repens (vt cernis) visitaui, & sanitatem necdum promerui. Quam tamen mihi Apostolorum Princeps non negauit, sed distulit, socium in hoc miraculo habere volens Eduardum, quem sibi nouit in omnibus esse deuotum. Ab ipso enim Apostolo in mandatis accepi, Regem adire, vt me suo sacro subuectum dorso ad  
Ec-

Ealred. in  
Vitâ sancti  
Eduardi.

Ecclesiam eius, quæ palatio vicina est, perfectam, recepturum, si id fecerit, membrorum integram sanitatem. Hæc ubi nuntiata sunt Regi, gratias agit Deo, & citatus mox æger accessit. Rex verò, ut spiritalis ille *asinus fortis, accubans inter terminos, supposuit humerum suum ad portandum.* Genes. 49. 14. Pendet de humero tanti Principis plenus fordibus pauper, squallidis manibus, brachijsque squamosis Regium illud pectus collumque complectitur. Interea ex assistentibus ridebant nonnulli, alij à paupere Regem delusum iocabantur; alij simplicitatem iusti, fatuitatem iudicabant. Cùm itaque Rex paululum processisset, subito nerui extenduntur, rigantur ossa, carnes marcidæ recalescunt, emergunt à carne articuli, pedes à natibus soluuntur. Distendit homo crura, poplite iam flexibili, & sanie cum sanguine profluente, vestis Regia ornatur potius, quam scedatur. Iam tunc satis esse clamant omnes, sanatum languidum, onus ac fordes vlcera deponendum. Ille verò memor præcepti quod susceperat, Sirenarum cantus obturatâ aure pertransiit: ingressusque Ecclesiam, ante sanctum altare holocaustum, quod detulerat, Deo ac beato Petro resignat, incolumemque dimisit. Quid tibi videtur, Staurophila, de hoc Rege?

Lau-

Laudo, inquiebat illa, humilitatem & demissionis studium, scio tamen quòd sæculi homines id stultitiam & insaniam reputarent. Cui Christus: Ita esse, & Apostolus meus indicauit: *Verbum enim CRVCIS per euntibus stultitia est. Sed quod stultum est Dei, sapientius est hominibus; & ideo non multi sapientes secundum carnem, non multi potentes, non multi nobiles ad prædicandum CRVCIS mysterium electi sunt; sed quæ stulta sunt mundi elegit Deus, ut confundat sapientes; & ignobilia mundi, & contemptibilia elegit Deus, ut confundat fortia.* Noli igitur, Staurophila, noli ob mundanorum subsannationes baiulationem detrectare CRVCIS: maxima enim sapientia est, pro Deo stultum velle reputari, & cum Apostolo dicere: *Nos stulti propter Christum. &: Spectaculum facti sumus Deo, & Angelis, & hominibus.* \*Noluit Moyses Rex esse, cum posset, sed opprobrium Christi thesauris Aegypti arbitratus est præferendum: sed fugiendo potentiam, potentior factus est. Et tu contemne quæ sæculi sunt, & Dominica passionis opprobrium contende omnibus præferre diuitijs. Irrideant nunc viri illusores Staurophoros meos, quos Gentiles CRVCIS religiosos appellare soliti sunt: erit aliquando tempus, cum sapientem hanc vestram laudabunt insipientiam, & serò nimis dam-

1. Corinth.  
1, 18.

vbi supra  
v. 26.

1. Corinth.  
4, 9.  
Ibid. v. 10.  
\*Ambr. in  
Psal. 118.  
& Epist. 30  
ad Sabin.

Tertul. in  
Apolog.  
c. 16.

damnabunt suam. Cùm enim in extremo iudicij die impij videbunt iustorum gloriam, turbabuntur timore horribili, & mirabuntur <sup>Sap. 5. 2.</sup> in subitatione inasperata salutis, dicentes intra se, pœnitentiam agentes, & præ angustia spiritus gementes: Hi sunt, quos habuimus aliquando in derisum, & in similitudinem improprij. Nos insensati vitam illorum aestimabamus insaniam, & finem illorum sine honore; ecce quomodo computati sunt inter filios Dei, & inter sanctos sors illorum est.



Multa flagella peccatorum. Psal. 31, 10.



*Spreuerunt minimam, grauiorem adiguntur inique,  
Quo magis exhorrent, hoc magè ferre CRUCEM.*

## CAPVT XI.

*Peccatoribus maiorem à damone imponi  
CRUCEM.*

*Multa flagella peccatorum. Psal. 31, 10.*

*Spreuerunt minimam, grauiorem adiguntur  
iniqua,  
Quò magis exhorrent, hoc magè ferre CRV-  
CEM.*



ON poterat Staurophila non meminisse fugæ germanarum suarum, quæ oculis & animo ipsius continuò obuersabatur. quare ita Christum compellat: *Vt fileam, Domine, de futurâ vitâ, auer tamen animus scire, num in hac saltem fugitiuâ illâ degent sine CRUCE. Ideò enim se subdlexerunt, vt in deliciis & honoribus sine cruciatu viuant.*

Nequaquam, aiebat Christus, hîc immunes erunt: *nam qui me per CRUCEM sequi recusat, semper illum CRUX ipsa prosequetur. Et \* mortalis nemo est, quem non attingat dolor. Quemadmodum enim mori omnibus contingit, ita & pati: & sicut mortuus quisque suum habet sepulchrum, sic viuens*

F

suam

Pinell. 14.  
De perfect.  
Relig. c. 10.  
\* Euprid.  
apud Ci-  
cer. in Tus-  
cul. 3.

suam CRVCEM. Quando moritur, CRVX  
ante illum portatur: quando oritur, CRVX

Eccli. 41, 1. illi portanda imponitur. *Occupatio enim magna creata est omnibus hominibus, & iugum graue super filios Adam, à die exitus de ventre matris eorum, vsque in diem sepulture, in matrem omnium. Noli errare, mea Staurophila,*

Chrysof. *multa sunt & planè diuersæ CRVCIS causæ,*  
Hom. 67. *& omnino nullus inueniri potest à tristitiâ &*  
ad Antioch. *mærore liber. Sicut enim nauigans non potest non cum varijs periculis consuetari; ita qui hanc vitam viuit, non potest non in tribulatione & CRVCE versari. Omnes enim, cuiuscumque sortis sint, varias CRVCIS causas habent, hic quidem ab vxore, hic à filio, alter à seruo, alter ab amico, alter ab inimico, ex vicino quidam, quidam ex fortunarum iacturâ.*

*Et quis non causas mille doloris habet?*

Quid. l. 2. *Sed habent sæculi homines, inquebat Stau-*  
De remed. *rophila, multas etiam delectationes, & pro-*  
amor. *prias sequuntur voluntates: ideoq; parum ponderant suas tribulationes & CRVCES. Cui*  
Thom. à Kemp. l. 3. *Christus: Esto, ita sit, & habeant quidquid*  
De imit. *voluerint: sed quàm diu putas durabit? Ecce*  
Christi cap. 12. *quemadmodum fumus deficient abundantes in*  
Psal. 63, 3. *sæculo, & nulla erit recordatio preteritorum*  
*gaudiorum. Sed & cum adhuc viuunt, non sine amaritudine, & tædio ac timore in eis quiescunt. Ex eadem namque re, vnde sibi dele-*

*ctatio-*

*etationem concipiunt, inde doloris pœnam frequenter recipiunt. Iuste illis fit: ut, quia inordinatè delectationes quarunt & sequuntur, non sine confusione & amaritudine eas expleant. \* Iussit enim Deus, & sic est, ut pœna sua sibi sit inordinatus animus. Videre tamen est, aiebat Staurophila, Reges, Imperatores, Principes, & quibus supremum in alios ius, quorum voluntati nullus reluctari audeat, nihil aut admodum parum de CRUCE participant. Respondebat Christus: Nullo modo hi excipiuntur. Neque enim Rex procul à curis & CRUCE vitam agit, sed vitam viuunt plenam multis tribulationibus & curis. Neque diadema respicias, sed curarum tempestatem, per quam ipsi corona paritur: neque purpuram intuere, sed animam ipsâ purpurâ magis nigrescentem. Non ita corona caput circumdat, sicut animam sollicitudo: nec satellitum ceteruam, sed molestiarum multitudinem spectat. Nec enim priuata domus tot curis plena reperiri potest, quot Regiæ sunt CRUCES per singulos dies expectandæ. Ut video, inquiebat Staurophila, & illis CRUCES non desunt, quibus deesse vel maximè putantur. Quid dicam, Staurophila? inquiebat Christus. Militia, & continua tentatio est vita hominis super terram: & tam abundantia quàm inopia solet esse materia peccati, cum vel diues*

\*August.  
 l. 1. Confess. c. 12.

Chrysof.  
 Hom. 66.  
 ad Pop.  
 Antioch.

Iob. 7, 1.

Prosper.

*extollitur ad superbiam, vel pauper profilit ad querelam, & vtrimque non leuis exoritur CRVX. Va prosperitatibus sæculi semel & iterum, à timore aduersitatis, & à corruptione letitia! Va aduersitatibus sæculi, semel & iterum, & tertio, à desiderio prosperitatis! Et quia ipsa aduersitas dura est, & naufraga tolerantia, numquid non tentatio est vita humana super terram, sine vlllo interstitio.*

Fateor, Domine, aiebat Staurophila, in hac tentatione frequentes & graues esse lapsus. Sed peccatores hoc non CRUCEM arbitrantur, sed lætam & gratam admodum occupationem. Ita quidem nunc, aiebat Christus, sed aliter in alterâ vitâ iudicabunt. An non hæc impiorum vox: *Lassati sumus in viâ iniquitatis & perditionis, & ambulauimus vias difficiles: VIAM autem Domini ignorauimus? \*Iugum meum suauè est, & onus meum leue, quod qui tollunt, inueniunt requiem animabus suis. Sarcina autem peccatorum est velut talentum plumbi, quod sicut onus graue grauatur super eos. Deinde, seruiunt hi dijs alienis die ac nocte, qui non dant eis requiem. \* Quidquid enim peccatur, quidquid malorum operum die ac nocte fit, imperium est demonum, qui numquam dant requiem, sed semper impellunt delictis augere delicta, & cumulum facere peccatorum. Et vide mihi labo-*

rio-

August.  
I. 10. Con-  
fess. c. 28.

Sap. 5, 7.

\*Matth.  
11, 30.

Zachar. 5,

7.

Ierem. 16,

13.

\*Hieron.  
in cap. 16.  
Ierem.

riofam peccatorum defatigationem in fortissimo illo Samfone designatam. Ille enim Iudic. 16, 16. blanditiis vxoris superatus, rasâ cæsarie traditur Allophylis, excæcatur, mittitur in carcerem, & vertendis molis velut asinus deputatur. Sic patiatur necesse est, quisquis Dalilæ, id est, carni suæ, nimium blandiens, illius se arbitrio committit. Hic enim spiritali robore ab eâ exspoliatur, & hostibus, mundo, carni, & diabolo, futurum mancipium traditur. Quid verò à crudelibus his dominis non patitur? lumine rationis orbatur, & instar bestię molam torquere asinariam cogitur. *Considera huiusmodi vitam, & tota tibi species iumentis moventis occurret. Vt illud pannis oculos corporis, sic iste sordibus vitæ suæ, oculos mentis obsitus, per errores suorum sensuum, quasi circa ambages molarum, laboriosâ miser statione versatur. Stat in viâ peccatorum compeditus vinculis cupiditatum suarum, & ipse sibi carcer est, obsessus tenebris erroris sui, & conscientię squalore concretus: in semetipso pistrini ergastulum patitur; saxum cordis sui, pertinaciâ iniquitatis induratum, quasi molam versat; farinam hostibus suis de corruptâ animæ suæ fruge conficiens. O quantâ hoc pistrinum defatigationis præbet materiâ! quâ meritò per Prophetâ clamat Dominus: Quiescite agere peruersè!* Isaïæ 1, 16.

Paulin.  
Epist. 4.  
ad Seucr.

Et verò quàm difficiles vias ambulant peccatores! *Via enim eorum tenebræ & lubricum*, nesciunt vbi corruant. Et considera, quæso, quemadmodum in iis luto foedentur intemperantes, lapidibus lædantur avari, arduitate lassentur ambitiosi, spinis cruententur iracundi, tenebris occæcentur inuidi, turbâ comprimantur adulatores, inæqualitate & confragositate retardentur acediosi.

Psal. 13, 3.

Denique *contritio & infelicitas in vijs eorum*. Video planissimè, subdebat Staurophila, non vnâ malos manere CRUCEM: sed tamen videntur quietè admodum & tranquillè vitam ducere, securi prorsus imminentium periculorum. Verè dixisti, respondebat Christus, videri eos tranquillam vitam ducere: videtur enim, non verè est. Torquet enim eos conscientia delictorum, nec vermibus ille continuè rodens vllam eis concedit requiem. Magnum, aiebat Staurophila, tormentum inquieta conscientia, animum continuè flagellans & discrucians.

August. in  
Psal. 45.

Subdebat Christus: Ita est. *Inter omnes enim tribulationes humanae animæ, nulla maior est tribulatio, quàm conscientia delictorum. Namque si ibi vulnus non sit, sanusq; sit intus hominis, quod conscientia vocatur, ubicumque alibi passus fuerit tribulationes, illic confugiat, & ibi inueniet Deum. Si autem ibi requies non est,*

est, propter abundantiam iniquitatis, quoniam  
 & ibi Deus non est; quid factururus est homo?  
 quò confugiet, cum cœperit pati tribulationes?  
 Fugiet ab agro ad ciuitatem, à publico ad do-  
 mum, à domo in cubiculum: & sequetur tribu-  
 latio. A cubiculo iam quò fugiat non habet,  
 nisi interiùs ad cubile suum. Porro si ibi tumult-  
 us est, si fumus iniquitatis, si flamma sceleris;  
 non illuc potest confugere: pellitur enim inde;  
 & cum inde pellitur, à seipso pellitur. Et ecce  
 hostem suum inuenit quò confugerat, seipsum  
 quò fugiturus est? Quocumque fugerit, se ta-  
 lem trahit post se: & quocumque talem traxe-  
 rit se, cruciat se. Et quis animorum hæc tor-  
 menta æquo sustineat animo, quæ æterno-  
 rum sunt veluti præambula? Nam ut Cru-  
 ciarij, Romano ritu CRUCEM suam ferebant,  
 ipsi ab eâ mox ferendi; sic impijs omnibus, con-  
 scientiæ hanc CRUCEM Deus imposuit, in quâ  
 pœnas luant, priusquam luant. I nunc, Stauro-  
 phila, & felices puta, quibus opes, potentia,  
 voluptates circumfusæ: verè enim non sunt,  
 quamdiu carnifex ille animus quotidie eos  
 minutis ictibus cruciat & pungit, ac lento il-  
 lo passu ducit ad mortem æternam.

Lipfl. 2. de  
 Constant.  
 cap. 14.

## CAPVT XII.

*Voluptuarijs, auaris, ambitiosis, & Aulicis  
suas non deesse CRVCES.*



ISERA hæc CRVX peccatorum, inquebat Staurophila; miserere mei, misericors Domine, ne incidam in illam. Non peccatoribus dumtaxat, aiebat Christus; sed omnibus omnino suæ sunt CRVCES, *laborumq; exors nullus est, nec erit.* \* *Inest enim singulis vitæ conditionibus, quod inexpertus ignoret, & expertus exhorteat.* Vis audire testem certissimum? Salomon Rex omnia huius vitæ commoda, delicias & voluptates expertus, hoc de illis tandem affirmavit: *Vidi cuncta quæ fiunt sub sole, & ecce vniuersa vanitas, & afflictio spiritus.* In omnibus enim quædam insunt, quæ affligant & exercent.

Satis id quidem paradoxum hominibus videbitur, aiebat Staurophila, & ne dissimulem, ægrè ipsa id assequor. quare pergat, quæso, Dominus meus ancillæ suæ hanc veritatem exponere. Animaduerte igitur, respondebat Christus: *Omne quod est in mundo, concupiscentia carnis est, & concupiscentia*

ocu-

Pindar.  
Hym. 4.  
\*Boët. l. 2.  
de Consol.  
prosâ 4.

Eccle. 1,  
14.

1 Ioan. 2,  
16.

oculorum, & superbia vitæ. Aut enim carnales delicias, aut diuitias, aut honores, mundani quærunt. Et quidem voluptates plus fellis quàm mellis habent: vt non malè è sæculi sapientibus quidam dixerit: *Nullam capitaliorem pestem, quàm corporis voluptatem hominibus à naturâ datam, eamq̃, quò maior est, omne animi lumen extinguere.* Vt quid igitur, interrogabat Staurophila, voluptates nuncupantur, si nihil volupe, amaritudinis autem habeant plurimum? Cui Christus: Deliciæ sibiipsis contrariæ sunt. vnde nescio quomodo nomen hoc habeant, cum iniucundæ sint. *Non tam vehementer fluuiialium aquarum cursus ripas corrodere solet, sicut delicia & luxus omnia valetudinis nostræ firmita faciliè subruunt. Si enim medicinalem ingrediaris officinam, omnes ferè morborum causas illic inuenies esse. Vilis enim tenuisq̃ mensa, vt loquuntur Medicorum pueri, sanitatis mater est: saturitas verò agritudinis mater est, morbosq̃ parit ipsorum quoque Medicorum artem transgredientes: pedum enim dolores, & capitis grauedines & vertigines, & manuum cruciatus, & tremores, & remissiones, & alia his multò plura, ex saturitate nasci solent. Si verò vis animi morbos inde nascentes videre, auaritia, mollitia, melancholia, ignauia, omnes ignorantia hinc habent principium:*

Archita  
Tarent.

Chrysof.  
Hom. 54.  
& 55 ad  
Antioch.

*nihilo namque sunt asinis meliores animi, talium mensarum delicias sectantes.* Prætereo lubens blandam ruinam melioris ætatis, luxuriam dico, *obscænum ludibrium reddens ministris suis, nec corporibus parcens, nec animis.* Et notum fatis est, eum *qui fornicatur in corpus suum peccare.*

Cyprian.  
de Bono  
pudicit.

I. Corinth.  
6, 15.

Deliciæ mihi, in-  
quiebat Staurophila, deliciarum CRVCES &  
tormenta intelligere; quas vel ideò deinceps  
minùs, uti spero, affectabo. Prudenter, re-  
ponebat Christus, feceris. Quid enim solidi

Boët. lib. 3.  
de Conso-  
lat. prof. 7.

in iis inuenias? nam *turbida hæ voluptates, cum appetuntur, plena anxietatis; cum expleta sunt, pænitentia sunt referta: & intolerabiles dolores, quasi quemdam fructum nequitia, fruuentium solent referre corporibus.* Nimirum

Boët. lib. 3.  
Metro 7.

*Habet omnis hoc voluptas,  
Stimulis agit fruentes,  
Apiumq; par volantum,  
Vbi grata mella fudit,  
Fugit, & nimis tenaci  
Ferit ic̄ta corda morsu.*

Atque hi quidem sunt cruciatus martyrum  
carnis & huius sæculi.

Exspecto, inquiebat Staurophila, an diui-  
tius tanta quoque insit carnificina & CRVX.

Matth. 13,  
22.

Quid verò dubitas? aiebat Christus, quas  
vel ideò *spinas* appellauit, quia ut illæ dum  
infi-

inguntur, hærent, dolorem creant; sic di-  
*uitiæ magno labore acquiruntur, maiore timore*  
*conseruantur, maximo dolore amittuntur.*

Ludolph.  
de Vit.  
Christi  
part. 1. c. 64

Hinc miserum auari martyrium, cuius ani-  
*mam mordaces hæ curæ continuò absumunt.*

Basil. Ho-  
mil. in ali-  
quot Scri-  
ptur. loc.

*Canis latrat, avarus putat furem esse. Mus*  
*fortè perstrepat, & auari cor salit, quemlibet*  
*vel puerum suspectum habet. Filios iam gran-*  
*des, vt insidiatores aspicit, quòd eorum iam æ-*  
*tas successionem expetere videatur.* Et atten-

tius, quæso, vide, *amatores auri quanta patian-*  
*tur. Hiemalibus asperitatibus se nauigando*  
*committunt: sic feruet auaritia, vt nulla for-*  
*midant frigora: iactantur ventis, suspendun-*  
*tur & deprimuntur fluctibus; ineffabilibus pe-*  
*riculis vsque ad mortem agitantur. Dicant &*  
*ipsi auro: Propter te mortificamur tota die.*

August.  
Serm. 100.  
de Diuers.  
cap. 6.

Imò ne nocte quidem requiescunt; somnum  
 enim expellunt de lucro sollicitudines, vt  
 verè etiam possint dicere, *Quis nos separabit*  
*à cupiditate auri? tribulatio? an angustia? an*  
*persecutio?* Magnam habet, aiebat Stauo-  
 phila, cum vero martyrio auari hic crucia-  
 tus similitudinem: sed in eo maximè distat,  
 quòd sine merito sit, quin & magno (vt equi-  
 dem suspicor) animarum dispendio. Non  
 hæc suspicio est, aiebat Christus, sed ipsa ve-  
 ritas. *Nam qui volunt diuites fieri, incidunt*  
*in tentationem, & in laqueum diaboli: & faci-*  
*lius*

Pf. 43, 12.  
August.  
Serm. 50.  
de Sanctis.

1. Tim. 6, 9.  
Luc. 13,  
25.

Blesen.  
Epist. 91.

Luc. 6, 24.

Tertull.  
lib. extrem.  
de Pœnit.

lius est camelum transire per foramen acus, quàm diuitem intrare in regnum calorum. Et vide, quæso, vt auari CRVX, infernalis miserix quamdam præferat imaginem, nec enim deest illi vnda Tantalii, Titij iecur, rota Ixionis, vrna Belidum, saxum Sisyphi, dum inter diuitias esurit, dum sollicitudinibus anxiatur, dum cupiditate torquetur, dum ad illicita rapitur, dum in saccum pertusum congregat, dum congregando diuitias, labore continuo & superuacuo se affligit. Non immeritò, inquietabat Staurophila, in Euangelio horridum illud væ intentatum est diuitibus, si talis eorum tam in hoc quàm futuro sæculo conditio.

Subtexam nunc, aiebat Christus, animalia illa gloriæ & honorum mancipia, quibus sua quoque non deest CRVX & tortura. Per quot enim ærumnas, honores petuntur! namque illos qui ambitu abeunt capessendi magistratus, neque pudet neque piget incommodis animæ & corporis; nec incommodis tantum, verum & contumelijs omnibus eniti in causâ votorum suorum. Quas non ignobilitates vestium affectant? quæ non atria nocturnis & crudis salutationibus occupant? ad omnem occursum maioris cuiusque personæ decrescetes, nullis conuiujs celebres, nullis comestationibus congreges; sed exules à libertatis & lati-

latitiæ felicitate, idq; totum propter vnius anni volaticum gaudium. Eheu ! quantis laboribus & doloribus honores & dignitates petuntur ! Ambitiosus vt dominetur alijs, prius seruit ; curuatur obsequio, vt honore donetur. Confragosa in fastigium dignitatis via est. Ambitio ipsi naturæ vim parat. Quid Cn. Pompeium in Africam, quid in Septemtrionem ? quid Mithridatem & in Armeniam, & omnes Asiæ angulos traxit ? infinita scilicet cupido crescendi, cum sibi vni parum magnus videretur. Quid C. Cesarem in sua fata pariter ac publica immisit ? Gloria & ambitio, & nullus supra ceteros eminendi modus. Iam verò si cui honor desideratus negetur, quantum is se torquet & cruciat ! Sedebat Mardocheus ante fores palatij, sed quia non asurgebat Amano, indignatus is est valdè, vt diceret, se, cum plurima haberet, nihil habere se putare, quamdiu videret Mardocheum sedentem ante fores regias. Et res hæc, quæ leuis videri poterat, animum eius adeò pupugit, vt iusserit excelsam parari CRUCEM, in quam Mardocheus tolleretur. Sed vt ad curiam & palatium hîc nos sermo duxit ? Ingrediamur sanè, erunt & hîc quas consideres CRUCES.

Aulicos vulgus suspicit, ignorans quantis pateant periculis. Mare qui intrat, & nauigat,

Ambros.  
lib.4.in  
Luc.c.4.

Seneca  
Epist.94.

Ester 5,9.

Lips. Cent.  
4. miscel.  
Epist. 33.

\*Polyb.  
lib. 5.

gat, fluctus exspectat; qui aulam, motus. \* Re-  
uerà enim hi similes sunt abaculorum calculis.  
Isti enim secundum computantis arbitrium,  
modò aerei sunt, modò aurei: & aulici ad nu-  
tum Regis nunc beati, nunc miseri. Quàm  
multi post crepantes adulationum bullas,  
opprobrium hominum facti, interdum vs-  
que ad inimicorum dolorem deuenustati, & à  
rebus humanis, veluti vomitu fortune nau-  
seantis exspati sunt. Intellego iam, aiebat  
Staurophila, quàm benè is dixerit, qui dixit:

Sidon. l. 1.  
Epist. 7.

Blesens.  
Carm. de  
Luctu  
carn. &  
spirit.

Desere palatia, nam curia  
Cûris, imò CRVCIBVS, & mortibus,  
Semper est obnoxia.

Idem Epi-  
stolâ 14.

Non aliter est, aiebat Christus: pro vanissi-  
mâ enim vanitate militant curiales, in labore,  
& arumnâ, in vigilijs multis, in periculis  
magnis: periculis maris, periculis fluminum,  
periculis pontium, periculis montium, pericu-  
lis in falsis fratribus: in mortibus frequenter,  
in confractiõne & lassitudine corporis, atque in  
alijs vitæ discriminibus, in quibus gloriam  
martyrii mererentur, si hæc pro meo nomine  
sustinerent. Nunc autem sunt martyres secu-  
li, mundi professores, discipuli curiæ, milites  
Herluini. Per multas siquidem tribulationes  
promerentur infernum. Vide nunc, an à  
CRVCIBVS liberi sint aulici: & disce, longè  
plura

plura pro mundo tolerare sæculi martyres,  
quàm multi pro Deo & æternâ salute. Sub-  
ijciebat Staurophila: Cum Senecâ ergo iu-  
re dixerim:

*Stet, quicumque volet, potens*

*Aula culmine lubrico:*

*Me dulcis saturet quies.*

Seneca in  
Thyeste.

## CAPVT XIII.

## Coniugatorum CRVCES.



CONDVM omnes sæcularium  
CRVCES, aiebat Christus, ex-  
plicauimus: superest enim ma-  
trimonij status, in quem, velut  
densissimo imbre, mœrores,  
anxietates, angores & CRVCES depluunt:  
ratum enim fixumque manet, quod Aposto-  
lus dixit: *Si acceperis uxorem, non peccasti*,  
*tribulationem tamen carnis habebunt huius-*  
*modi.* Quid hoc est, Domine, inquiebat  
Staurophila? Ego, rerum ignara, putabam nu-  
ptias saltem carnis habere lætitiã. Si autem  
nubentibus etiam in carne tribulatio est, in quã  
solã videbantur habere delicias, quid ergo erit  
reliquum, propter quod nubant, cum & in spi-  
ritu, & in animã, & in ipsã carne tribulatio  
sit? Ita est, respõdebat Christus, & quæ opti-  
ma

1. Corinth.  
7, 28.

Hieron.  
lib. contra  
Iouinian.

ma in matrimonio iudicantur, ea ipsa multo sunt felle resperfa.

In bonis huius status numerant insolubilitatem, vt quod *Deus coniunxit, homo non separet*, sed compedes & vincula hoc modo quoque bona censeantur: vinculum enim & ligatura est coniugium. vnde Paulus: *Mulier alligata est legi, quanto tempore vir eius vivit. Et de viro: Alligatus es uxori? noli querere solutionem. Quemadmodum enim serui fugitiui singuli separatim vincti à suis dominis, rursumq; tenui quadam catenâ inter se constricti vniuersi, vt compedibus catenæ utrimque affixis, alius alium sequi cogatur, liberam non habet abeundi facultatem; sic coniugum animæ, cum propriam sui curam sustinent: tum alterâ etiam premuntur necessitate à communibus coniugij vinculis impositâ, quæ eos grauius urget omnibus vinculis: & hoc ipso ab utroque libertatem aufert, quòd alteri ne semel quidem principatum defert, sed utriusque distribuit. Quanta verò hæc seruitus? Seruo enim, si quando paratâ pecuniâ pretium, quo emptus est, persolvere potuerit, plerumque libertas conceditur; at vir, quamuis omnium difficillimam nactus sit uxorem, seruitutem tamen perferre necesse habet: quippe qui nullam potest inire viam, quâ solutus eiusmodi dominatu liberetur. Eadem vxoris conditio, quæ*

Math. 19.  
6.

1. Corinth.  
7, 39.

Chrysof.  
lib. de Vir-  
ginit.

Ibidem  
Chrysof.

quæ Dominum sibi cum dote coëmens virum, ancilla pro liberâ efficitur, breuissimâq; voluntatis gratiâ, naturali libertate se priuans, inuam sibi ineffabiliû dolorum, perpetuûq; mæroris, per huiusmodi connubium aperit.

Basil. de  
Verâ vi-  
ginit.

Sed enim, inquiebat Staurophila, vt vincula hæc communia sunt, ita mutuò sese coniuges iuuant, onusque in duos diuisum fertur leuius. Imò verò, inquiebat Christus,

aggrauant inuicem iugum: nam quæ bonum

Basil. loc.  
cit.

blandumq; nacta est virum, perpetuo, ne moriatur, metu viduitatis, incommoda cruciatusq; iam sustinet: duram quamdam & immitem curam, & presente illo, & absente, propter insperatos casus, animo indesinenter excipiens. Si verò contrâ duro & immiti fuerit coniuncta, tota quidem vita illi cruciatus est. Et cum pudicitie ratione neutrum queat eligere, id est, nec viri mortem, propter viduitatis angustias; nec vitam, ob molestiam incommodumq; conuictus; ancipiti atque inuitabili malo acerrimisq; doloribus semper atteritur. Benignior, inquiebat Staurophila, virorum apparet fors, qui tantis non subiacent periculis. Haud multò melior, respondebat Christus, eorum status; quia vniuersæ familiæ curandæ in se onus recipiunt. Si mihi, inquit quidam, tale

Antiphon  
apud Sto-  
bæum  
Serm. 68.

corpus alterum, quale meum est, accederet, tantum negotiorum mihi exhibens pro sanitate

& victu in dies colligendo, & pro gloriâ ac  
 temperantiâ, celebrisq; fama, ac benè audiendi  
 gratiâ, non possem viuere. Quid igitur fieret,  
 si alterum quoque tale corpus similiter mihi  
 procurandum esset? Itaque constat, quòd vxor,  
 etsi viro charissima fuerit, non minùs tamen ei  
 facessat negotij circa amores aut dolores, quàm  
 ipsemet sibi. Iam verò si muliebre attendas  
 ingenium, quod plerumque morosum est,  
 & rara omnino auis, quæ huiusmodi non fit,  
 iuge hinc & ad totam vitam protensum vi-  
 dere erit tormentum. *Melius est habitare in  
 terrâ desertâ, quàm cum muliere rixosâ & ira-  
 cundâ. Tecta perstillantia in die frigoris & li-  
 tigiosa mulier comparantur: qui retinet eam,  
 quasi qui ventum teneat, & oleum dextera sua  
 vocet. Non est caput nequius super caput colu-  
 bri; non est ira super iram mulieris. Commora-  
 ri leoni & draconi placebit, quàm habitare cum  
 muliere nequam.* Et hæc non de adulterâ &  
 meretrice, sed de legitimâ dicuntur vxore.  
 Cum huiusmodi igitur vitam omnem diu  
 noctuque exigere, an non est in perpetuis  
 spinis ac sentibus volutari? quibus tamen  
 adedò arctè sis implicitus, vt excutere has æ-  
 rumnas solâ morte possis.

At non omnes, inquebat Staurophila, in  
 malam incidunt vxorem: sunt enim & mi-  
 tes, & benignæ, & taciturnæ. Si sint, respon-  
 debat

Prou. 21,  
 19.

Prou. 27,  
 15.

Eccli. 25,  
 22.

Id ostendit  
 Hieron.  
 lib. I. in  
 Iouinian.

debat Christus, sunt admodum raræ. Salomoni, qui mulierum greges habuit, hoc crede. *Inueni, ait, amariorem morte mulierem.* Eccle. 7, *Virum de mille vnum reperi, mulierem ex omnibus non inueni.* quali diceret, Vix inueni vnum virum bonum & rectum, mulierem autem ne vnâ quidem. At solatium aliquod, aiebat Staurophila, habent in proli- bus, in quibus alteros velut se contemplan- tur, quos & tenerrimè diligunt, & magnâ voluptate, vt passim cernimus, educant. Imò ad malorum cumulum, aiebat Christus, ac- cedunt liberi: quot enim pignora, tot CRV- CES. *Partu edita est quæpiam femina: quòd natus non sit masculus, tetricum maritus vul- tum gerit. Adiectus est masculus? partu edi- tus est fœtus, qui formosus non est. Eleganti est formâ uterque? tamquam de pulchris acer- bior cura incessit. Depulsi sunt à lacte? rursus anxietas educationis succedit. Cùm sani fue- rint, metus ne egrotent. Cùm agrotauerint, formido ne moriantur. Cùm mortui fuerint, metus ne deinceps prole carens, contemnatur. Cùm mortui non fuerint, de viventibus gra- uior sollicitudo incumbit, vnde liberis ad insti- tutionem sumptus suppeditabuntur; vnde con- iugalis fœderis apparatus; vnde vestimento- rum decor, vnde famulorum vnicuique distri- butio; quenam ex bonis maiori attribuet? quo*

Chrysof.  
Orat. de  
S. Theclâ.

facto minoris inuidiam mitigabit? Ecquid iam tibi videtur?

Gregor.  
Nyssen.  
lib. de Vir-  
ginit. c. 3.

Mirum profectò, aiebat Staurophila, & inde lacrymarum segetem meti parentibus, vnde baculum senectutis & mœroris expectabant leuamen. Ita est, reponebat Christus, *dolorem enim liberi nati aequè important, ac non nati: & rursus tam viuì, quàm mortui. Hic enim liberorum multitudine gaudet, cum non satis habeat vnde alat. Ille verò herede caret facultatum suarum, in quibus maxime elaborauit. & quidem bona fortuna, alterius calamitatem efficit, cum sibi uterque euenire velit, quo alterum cruciari videt. At huic mortuus est suauissimus puer, illi verò in vitâ est filius perditus: uterque sanè commiseratione dignus: vnus quidem filij mortem, alter verò vitam luget.\* Et an non mater per vnamquamque nascentem prolem animo scinditur, & presentibus tristibus nascitura cura semper adyicitur? Inde ubi iam filios edidit, aut ad bonam illi frugem euaserunt; & maiores ex illorum absentia dolores iugiter tolerat, quàm parturiens tulerat; aut malos euasisse considerat, & manus ex eâ procreatione liberorum, quàm si permansisset sterilis, opprobrium sustinet. Sæpe antequam prædicta experiatur incommoda, vna & sponsa & vidua efficitur; ac sine liberis in viduitatem delapsa, nec vxor iam,*

\*Basil de  
Verâ vir-  
ginit.

iam, nec virgo, nec mater est. Sic profectò omnibus, quæ putantur lata coniugij, semel amissis, breuissimo voluptatis sensu irrecuperabilem virginitatis perdidit florem; coniugij tantum solummodò experta est, quantum illi satis esset ad agnoscenda viduitatis incommoda. Quòd si relicta vidua pupillos enutriet filios, eius quem ex viri morte perceperat mæroris, iuge monumentum cernit, & semper in lacrymis, semper in gemitu, semper in sollicitudine educandorum degens, nullum præterito malo solatium inuenit. Præterea & propinquis, & famulis, & filiorum curatoribus, ipsiq; postremò etiam filijs, ubi virilitatis annos attigerint, cunctisq; omnino se vexare volentibus ad prædam miserabiliter expasita, doloris luctusq; tragædiam, vitam suam omnium ingeret oculis. Transeo breuitatis causâ illiadem aliorum malorum, quæ in hunc statum, velut agmine factò, quotidie incurrunr.

Domine, aiebat Staurophila, si sic viuatur, & in talibus vita spiritus eorum qui matrimonio iuncti sunt, profectò non expedit nubere: nam

Isa. 38, 16.

Matth. 19, 10.

Quid est duorum vita longa coniugum  
Præter iugum?

Cui Christus: Non omnes capiunt verbum istud, sed quibus datum est. Beati autem qui seipsos castrauerunt propter regnum calorum,

Ibid. 11.

Luc. 23, 29. Nec immeritò CRVCE onustus fliabus Ie-  
 rusalem dixi: *Venient dies, in quibus dicent:*  
*Beate steriles, & ventres qui non genuerunt,*  
*& vbera qua non lactauerunt.* Verè, respon-  
 dit Staurophila, terque quaterque beata &  
 Sap. 3, 13. *felix est sterilis, & incoinquinata, qua nesciuit*  
*thorum in delicto, habebit fructum in respe-*  
*ctione animarum sanctarum.*



## CAPVT XIV.

*Abnegatio sui, optima ad CRUCEM ferendam preparatio.*

Abneget semetipsum, & tollat CRUCEM suam. *Luc. 9, 23.*

*Ingenium geniumq; tuum, te denique totam, Baiula ritè CRVCIS si lubet esse, nega.*



ATIS iam superq;, aiebat Christus, sæcularium CRUCES expendimus: & ipsa utcumque vides, sorores tuas non tam fugisse quàm commutasse CRUCEM, leuem illam & breuem, in grauiſſimam prorsus & maximè diuturnam; pro quâ, tantum abest vt meritum sperent, quin etiam pœnam incurrant. Iis proinde relictis, reliquum est vt ad CRVCIS susceptionem magis instruaris. Nil gratius, aiebat Staurophila, mihi accidere posset: etsi enim animata utcumque sim, nescio tamen quis horror etiamnum peruadat animum, quem confirmandum & ipsa fatis video.

Nec ego, ô filia, aiebat Christus, sine aliquo præambulo in viam CRVCIS te intro-

Abneget semetipsū, et tollat CRVCEM suam. *Luc. 9.*



*Ingenium geniumque tuum, te denique totam,  
Bauila ruc CRVCIS. si lubet esse, nega.*

duxi. Annon dixi: *Si quis vult post me venire*, ABNEGET SEMETIPSVM, ET TOLLAT CRUCEM SVAM? *Et sermo quidem vnum quid significare videtur, tria verò continet, abnegationem tui ipsius, & vt CRUCEM accipias, & tertio vt me sequaris.* Prima igitur conditio necessaria est sui ipsius abnegatio, sine quâ nemo CRUCEM tollet; aut si tulerit, non feret constanter. Et quidem volentibus me sequi, omnia relinquenda denuntiavi, dicens: *Qui non renuntiat omnibus quæ possidet, non potest meus esse discipulus.* Sed in omnibus istis ne ipsum hominem (attende quæso) excepi, volens eundem esse relinquente, & relictum. Quod vt expressius insinuarem, dixi, VT ABNEGET SEMETIPSVM. *Et fortasse laboriosum non sit homini, relinquere sua, sed valdè laboriosum est relinquere semetipsum. Minus quippe est abnegare quod habet, valdè multum autem, abnegare quod est.*

Sed quomodo, aiebat Staurophila, intelligendum, ABNEGET SEMETIPSVM SIBI, cum se ipsum homo sibi negare non possit, eò quòd conscientia eius non recipiat, vt se aut non esse putet, aut alterũ possit estimare quàm fuerit? Puto hoc esse negare se, verbi gratiâ, si cui dicatur, Tu es Lucius? & cum ipse sit, non se esse respondeat. Hoc apud alterum si fortè

Luc. 9, 23.

Chrysost.

Hom. 56.

in Marth.

Luc. 14, 33.

Gregor.

Hom. 32.

in Euang.

Sixt. Papa

l. de Cast.

tom. 5.

Biblioth.

Pat.

valebit, non tamen apud semetipsum. Quomodo ergo sentiendum est, ABNEGET SEMETIPSV M SIBI? aut quomodo semetipsum aliquis relinquet? quò ibit extra se? vel quis est, qui aliquò vadit, & se deserat?

Gregor.  
Hom. 32.  
in Euang.

Adhuc modicum, respondebat Christus, in te lumen est, filia; audi & intelliges. *Aliud sunt homines per peccatum lapsi, aliud per naturam conditi, aliud quod fecerunt, aliud quod facti sunt. Relinquunt semetipsos, quales peccando se fecerunt, & manent ipsimet quales per gratiam facti sunt. Ecce etenim qui superbus fuit, si conuersus humilis factus est, semetipsum reliquit. Si luxuriosus quisque ad continentiam vitam mutauit, abnegauit utique quod fuit; si auarus quisque ambire iam desiit, & largiri didicit propria, qui prius aliena rapiebat, proculdubio semetipsum reliquit. Ipse quidem est per naturam, sed non est ipse per*

Prou. 12, 7.

*malitiam. Hinc enim scriptum est: Verte impios, & non erunt. Conuersi namque impij non erunt: non quia non erunt omnino in essentiâ, sed quia non erunt in impietatis culpâ. Abnegare ergo se, est vitare quod per vetustatem fuit, & ad hoc niti, quò per nouitatem vocatur. Est, inquam, expoliare se veterem hominem cum actibus suis, & induere nouum.*

Coloff. 3, 9

Paradoxum hoc, aiebat Staurophila, difficulter, vt video, intelligitur; & pauci fortasse

tasse illius sensum assequuntur. Exemplis, aiebat Christus, res erit clarior. *Quendam adolescentem, fabula ferunt, propter amores meretricis peregrè profectum, & abolito amore regressum postea veteri occurrisse dilectæ: quæ ubi non interpellata mirata, putauit non recognitam, rursusq; occurrens dixit: Ego sum. Respondit ille: Sed ego non sum. Et expende quomodo se Paulus abnegauerit, qui dicebat: *Vino autem, iam non ego. Extinctus quippe fuerat ille sexus persecutor, & viuere cæperat pius prædicator. Si enim ipse esset, pius profectò non esset. Sed qui se viuere denegat, dicat, vnde est, quòd sancta verba per doctrinam veritatis clamat? Protinus enim subdit, Viuit verò in me Christus. ac si aperte dicat: Ego quidem à meipso extinctus sum, quia carnaliter non vino; sed tamen essentialiter mortuus non sum, quia in Christo spiritualiter vino. Abnegauerat se etiam frater ille in eremo habitans, ad quem cum carnalis frater auxilij petendi gratiâ aduentasset, respondit vt adiret alterum fratrem eorum, cum ille utique obijisset. Cumq; admiratus qui venerat responderet, Quia ille obijt. Eremita se quoque similiter obijisse respondit. mortuus enim erat mundo & con sanguineis, viuebat autem Deo. Et hoc scilicet est quod Apostolus meus omnes hortatur. Christus, inquit, pro omnibus mortuus est,**

Ambros.  
lib. 2. de  
Pœnit. c. 10

Gregor.  
Hom. 32.  
in Euang.  
Gal 2, 20.

Bernard.  
Serm. 2. in  
Dom. 1.  
post Oct.  
Epiph.

2. Cor. 5.

Gregor.  
Hom. 32.  
in Euang.

est, ut qui viuunt, iam non sibi viuant, sed ei, qui pro ipsis mortuus est. Oportet enim vnumquemque mori sibi, ut viuat Deo. Quia nisi quis à semetipso deficiat, ad eum qui super ipsum est non appropinquat; nec valet apprehendere quod ultra ipsum est, si nescierit mactare quod est. Sic olerum plantæ transponuntur ut proficiant, atque, ut ita dixerim, eradicantur ut crescant. Sic rerum semina in terræ admixtione deficiunt, ut in reparatione sui generis uberius assurgant. Vnde enim videntur perdidisse quod erant, inde accipiunt hoc apparere quod non erant.

Chrysoft.  
Hom. 56.  
in Matth.

Vtiliter, aiebat Staurophila, ignoravi, quod tam luculenter mihi expositum, nunc velut manu palpo. Sed & planius, aiebat Christus, pleniusque hanc ABNEGATIONEM SVI exponam, quando & libenter differentem auscultas, & doctrina hæc prorsus sit necessaria. Si intelligis quid sit alium abnegare, tunc rectè percipies, quid sit abnegare teipsum. Qui alium iam abnegauit, fratrem puta, aut seruum, aut quemuis alium, si cædi eum virgis videat, si arceri vinculis, aut quidquid aliud mali pati, non occurrit, non auxiliatur, non flectitur, nec prorsus villo modo monetur, ceu is qui penitus ab illo alienatus est. Sic igitur nullo te pato corpori parcere volo: ut neque si caditur, neque si pellitur, neque si vritur, nec si quid aliud

*aliud huiusmodi patitur, ei parcas, sed quasi extraneus quis, aut hostis hæc patiatur, sic afficiaris.*

Papæ ! inquiebat Staurophila, quid hoc est? Insensibilem prorsus ac mortuum esse oporteat, qui huiusmodi sit. *Ego homo cum Terent. sim, humani nihil à me alienum puto : nec video ut in meipsam adeò possim esse crudelis, quæ alienis malis magno sensu compatior. Non ego, aiebat Christus, Stoicam insensibilitatem aut crudelitatem suadeo, sed humanos truncari volo affectus, abnegari carnalia desideria, non tribui nimium carni & sanguini. Crimini siquidem apud me obnoxius est parentum amor, si Dei sit contrarius. Qui enim amat patrem aut matrem plus Matth. 10, quàm me, non est me dignus. imò & ipsam 37. animam seu vitam odisse oportet propter me. Dilexit Petrus animam suam plus quàm me, cum eam periculo timeret exponere, & idè ter me negauit. Si amasset me, proculdubio abnegasset se. Et, an non ego vnigenitus Virginis Matris meæ abnegauit meipsum, cum, quasi ad eam minimè pertinerem, ei dixi: *Quid mihi & tibi est mulier?* nec Ioan. 2. 4. confundere volebam teneram eius verecundiam, sed instruere vos, carnalium curam parentum, & consanguineorum necessitudines, impedire non debere exercitium spirituale.*

rituale. Vnde cùm mihi aliquando diceretur: *Ecce mater tua, & fratres tui foris stant quærentes te*; respondi: *Quæ est mater mea? & qui sunt fratres mei? non iniuriosè maternæ refutans obsequium pietatis, nec fratres contemnens; sed paternis mysterijs amplius, quàm maternis deberi monstrans affectibus, & opus spirituale carnis præferens cognationi.*

Gaudeo planè, aiebat Staurophila, quòd huius abnegationis te, Domine, non tantùm præceptorem habeam, sed & exemplum. Erit sanè mihi hoc nomine & leuior, & gratior. Numquid non Abraham, subiiciebat Christus, abnegauit semetipsum, cùm patrem se oblitus, filium vnigenitum, & tenerè dilectum immolare voluit? An non laudati Deut. 33, 9 *Leuitæ, qui dixerunt patri suo, & matri suæ, Nescio vos; & fratribus suis, Ignoro vos, & Exod. 32, 28, nescierunt filios suos?* Cùm nimirum zelo inflammati ob adoratum vitulum, nullo personarum respectu consanguineos quosque trucidarunt? *Licet igitur sparso crine, & scissis vestibus, vbera quibus te nutrierat, mater ostendat, licet in limine pater iaceat, per calcatum perge patrem, siccis oculis ad vexillum CRVCIS meæ euola, solum pietatis genus est, in hac re esse crudellem.* Si propria hinc attrahat caro, illinc blandiatur sensualitas, istinc mundus & noti inuitent sodales, liberè responde,

Matth. 12, 48.  
Beda c. 17.  
in cap. 3.  
Marci.

Hieron.  
Epist. 1. ad  
Heliod.

sponde, Nescio vos. Et si qua alia tibi ex parte exterioris hominis cogitatio venerit, respondeas & dicas, Nescio te. Quàm diu mea fui, suggestionibus tuis etiam libens acquieui: nunc me Christus sanguinis sui pretio comparauit; mea non sum, nec meam iam possum facere, sed eius ad quem pertineo, voluntatem.

Sixt. Papa  
lib. de Ca-  
stitat.

Ita me facturam, aiebat Staurophila, tuâ gratiâ, confido. Sed fatîsne iam instructa videor ad CRUCEM baiulandam? Satis, inquit, bat Christus, si his probè noueris uti, & ad particularia descendens ea in opus conferas. Et quo pacto, rogabat illa, hoc faciam? Cui Christus: Homo, uti nosti, duabus constat, ijsque diuersissimis partibus, corpore scilicet & animâ. Vtrisque autem sua debetur *Abnegatio*, quam nisi adhibueris, CRUX tibi prorsus erit intolerabilis. Primò autem necesse est, longius abigas vicinam illam tuam Dominam, dico *Sensualitatem*, mulierem per omnia mundanam, leuem & carnalem: quæ te quoque ad carnis illecebras & sæculi vanitates allicere studet. Hæc sensuum blandimenta, quibus homo vel maximè inescatur, continuè offert; nam vel risu lepida, vel gustu sapida, vel odoratu fragrantia, vel tactu mollia, aut auditu ingerit iucunda, atque hisce lenociniis quemque ad se pertrahere nititur. Quæ nisi statim refutaueris, exer-

rasti

raſti à CRVCIS ſemitâ ; in viam peccatorum rediſti. Seductrix illa ( vt ſolita ) oſtendet tibi adoleſcentularum mundi huius delicias & honores , quibus , ſecundùm deſideria ſua , perfruuntur. Niſi autem auerteris oculos tuos ne videant vanitatem , citò abiecta CRVCE incipies vagari poſt greges ſodalium tuarum. Suggestet deinde ſcandalum CRVCIS , & filiarum Babylonis ſubſannationes : tu verò obtura aures tuas ad voces Sirenarum , atque

PL. 37, 25. *eſto ſicut homo non audiens , & non habens in ore ſuo redargutionem .* Amaram & inſipidam CRVCEM , tactuque inſuauem exprobrabit : tu autem , ô filia , propter verba labiorum meorum perge cuſtodire vias duras : reſpue oblectamenta ſenſus , & amplectere

Sap. 13, 1. *aſperitatem CRVCIS . Vani enim ſunt ſenſus hominum , in quibus non ſubest ſcientia Dei .* Monitis hiis , aiebat Staurophila , cautior ero , vt ſubdolam hanc mulierem , quæ honeſta mihi quidem videbatur , omnibus modis vitem . Bonum id , aiebat Chriſtus , ſed non ſatis ; reſtat enim , vt interiorem quoq; hominẽ mortifices . In eo autem abneganda memoria , intellectus & voluntas . Memoria inſtar pugillarium , inaniũ , ſuperfluarũ & indecentium rerum ſimilitudines retinet coaceruatas : hæ autem intellectum ad ſui conſiderationem , voluntatem ſollicitant ad amorem .

Protere igitur tabellas has, quæ secularis felicitatis spectacula repræsentant. Si enim recordata fueris mundanæ prosperitatis, non diu in CRVCIS perseuerabis VIA. Lumen quoque interiorum oculorum, intellectum dico, & vagæ imaginationis perspicilia, in obsequium sanctæ CRVCIS calca, neu tuo uti velis iudicio, aut *sapientiâ carnis*, quæ *inimica est Deo*, & in multos te inducet errores. Callida imaginatio longè maiorem & grauiorem repræsentabit CRVCEM, quàm reuerà sit, itaque semper querula, semper eris impatiens. Intellectus suggeret, non impositam, sed aliam quamuis meliùs tibi conuenire CRVCEM. Tu verò vtrumque abnegans, *omne quod tibi applicitum fuerit, accipe: & in dolore sustine, & in humilitate tuâ patientiam habe*. Denique *& à voluntate tuâ auertere*. Ipsa enim desideriiis suis, amore, dolore, gaudio, irâ, variè abducta, iugum CRVCIS tentat excutere. Abnega ergo, ad exemplum meum, voluntatem tuam, vt in omnibus id tibi sit in ore, id in corde: *Non mea, sed tua Domine voluntas fiat. Hæc sedulò meditare, & in his esto*.

Rom. 8, 7.

Eccli. 2, 4.

Eccli. 18,  
30.Luc. 22, 42,  
1. Timoth. 4, 15.

## CAPVT XV.

*Baiulandi CRVCEM Christus se formam  
exhibuit.*



VDITIS hisce, abitum parabat  
Staurophila, atque Gratias, in-  
quit, ago tibi Domine I E S V,  
quia docuisti ancillam tuam  
VIAM salutis: tempus nunc est,  
vt reuertar ad patrem, quò iam præcesserint  
sorores, & vereor, querimonias deposuerint  
non leues: &, si parentem noui, ægrè tulerit  
moram hanc meam, & quòd germanas cõ-  
mitata non fuerim. Id verò, si acciderit, aie-  
bat Christus, habebis profectò vnde VIAM  
CRVCIS auspiceris: & parum, mihi crede,  
idonea CRVCIS gerula eris, si paterna non  
feras verba. Interim vade in pace, & si VIAM  
CRVCIS non tam discere quàm perambula-  
re desideras, fac paucos intra dies hïc denuò  
te sistas, vt CRVCEM tollas, & me sequaris.

Dabo, inquiebat illa, operam: sed vnum  
hoc doceri velim, quid intereà temporis mi-  
hi faciendum, quibúsvē exercitiis animus ad  
CRVCEM præparandus. Respondit Chri-  
stus: Cùm portam ciuitatis ingressa fueris,  
occurrer tibi monasterium Cruciferorum,

ac-

accede illuc, & euocato Priore, pete meditationes, quas sibi præparauit, & legendis ac ruminandis his tempus impendes. Fecit illa, vt iussa erat, & impetratis piis commentationibus, læta domum reuersa est, quotidie se non indiligenter his scriptis occupans.

Sensim tamen subrepsit ei torpor quidam, & negligentia. Hinc ex aridâ dumtaxat consuetudine, & perfunctoriè commentabatur, iamque in dies minùs erga CRUCEM afficiebatur. Assiduitas enim eadem cogitandi non nihil fastidij excitarat. Vltimis proinde diebus ex toto intermittebat has exercitationes, & quæ hæcenus à Christo audierat, è memoriâ excidere non prorsus inuita patiebatur.



# ARGVMENTVM LIBRI SECVNDI.

**H**Uc vitæ cupidus beatioris,  
Qui dulcissima te vocantis vsque  
Pronâ suscipis aure verba Christi,  
Iamque te CRVCIS exhibere sanctæ  
Gnauum discipulumque baiulumque  
Gestis, huc agedum paratus adsis :

CAP. I. Moras abiice, moxque te Vocanti  
Festino pede promptus obsecunda.

II. CRVCEM quam dederit Redemptor, illam  
Letus excipe, ceu monile gratum :  
Nefas eligere hanc foret, vel illam :

III. Nefas & per humum velut profanæ  
Stipitem trahere arboris. Proinde  
Obuijs manibusque, brachijsque,  
Et collo ac humeris amoris, illud  
Lubens nobile baiulato pignus.  
Nec quidquam remorentur improborum  
Te ludibria, scommatûmve plaustra.  
Pro Christo decus est tulisse probrum.

*Si forsā populus frequentiori*

*Famā te vehat, audiasque passim*

*Sanctus & pius : hem caue barathrum ;*

*Hic anguis latet : has velut venenum.*

*Voces negligē ( si sapias ) dolosas :*

*Et constantior usque & usque perge,*

*Per vestigia trita perge Christi,*

*Quem ceu prototypon sequare ad unguem.*

*Nec CRVCIS grauius ve longius ve,*

*Impostum tenero querare pondus :*

*Singulis tolerare quod diebus,*

*Nullō ponere quod decet dierum.*

*Rursum sed moneo ( puta necesse )*

*Caue respicias inanioris*

*Fumum gloriolae, leuesque plausus.*

*Quō spectes sed enim docebo paucis :*

*Prima intentio noxias piare,*

*Et vitare focos docet perennes ;*

*Spectat altera gloriam perennem :*

*Vni tertia se probare Christo,*

*Dilecto studet vnicè placere.*

*Sed CRVX dum cruciat que deprimat que,*

*Quæris, quid facias. Precare : fiet*

*Verorum seges ampla gaudiorum ;*

Si

H 3

Pro

xv. & xvi. *Pro quâ mille voles referre grates;*

xvii. *Et summam tibi gloriam putabis*

*Quæ summæ tibi gloriæ sit auctrix.*

*Nec CRVCIS satis est tulisse pondus,  
Ferentem nisi CRVX ferat vicissim.*

xviii. *Hinc carnem crucifigier rebellem*

xix. *Et mundum decet, & decet teipsum*

xx. *Anæti in CRVCE, Christiane, Christo,*

*Mortem quod tribuat suaviorem,*

*Vitam quod faciat beatior.*



REGIÆ  
VIAE CRVCIS  
LIBER SECVNDVS.

*De optimâ CRVCEM ferendi  
methodo.*

CAPVT PRIMVM.

*CRVX absque dilatione statim tollenda.*



CONDICTVM aduenerat tem-  
pus, quo Staurophila amabile  
CRVCIS onus, & iter erat sus-  
ceptura salutare. Verùm, quæ  
humanæ mentis instabilitas,  
non parum reformidabat & illius pondus, &  
huius spatia longiora; vt pænè iam fidem  
fallere, & expectantem in Sacello IESVM  
non reuifere decerneret. Sic nimirum quod  
volunt homines, non diu volunt; & quæ ca-  
lidè primùm concipiunt vota, vix languidè  
tandem, ac ne vix quidem exsequuntur. *Spi-* Matth. 26,  
*ritus scilicet promptus est, caro autem infirma: 41.*

quantumque ille salutaria concupiscit, tantum hæc refugit. Nobile hoc in genere exemplum dedit Apostolorum princeps, qui in abundantia cordis sui liberaliter admodum dicebat: *Tecum paratus sum & in carcerem, & in mortem ire. Et si omnes scandalizati fuerint, sed non ego.* At idem ille post non multas horas, ad vnius ancillulæ vocem cepit iurare, quia non nouisset hominem.

Luc. 22, 33.

Marc. 14,

29.

Math. 26,

74.

Talis & nostra ferè Staurophila: dum suauissimè cum IESU conferret, cum verba vitæ æternæ audiret, anhelabat & suspirabat ad CRUCEM; nihilque illi dulcius videbatur, quàm passionibus Christi per patientiam communicare. Vt verò Cosmopolitanis iterum mixta filiabus, dulce venenum, & insanias hausit falsas, lentè omnino, & somnolentè de VIA CRVCIS cogitabat, & tantum non pœnitebat promissi. Urgebatur interim huius religione, nec quietem à conscientia carnificinâ sperabat, nisi ex præscripto se sifteret. Ibat ergo lugens & tristis, siue quòd amatas desereret adolescentulas, siue quòd arctam nimium horreret semitam. In ipso tamen itinere altum ingemiscens, Domino subinde se commendabat: nec deerant interlucentes quidam diuini fauoris radij, animam eius cælesti luce per interualla collustrantes.

Ventum tandem ad locum, & vix dum oculis huc illuc circumspexerat, cum ecce præfens adest, cum quo pridem instituerat colloquium, Christus Dominus: qui nouum exorsus sermonem, Eia, inquit, Staurophila, quàm factum benè, quòd ciues Babylonis deserueris! quòd promissis steteris, & abruptis blandis illis retinaculis, ad vexillù CRVCIS intrepida euolaris! Noui laqueos & pedicas gressibus tuis tensas: sed vt euaderes, gratia mea fecit. Nunc ecce tempus faciendi, tempus acceptabile, occasio salutis. Nunc, inquam, tempus ferendi CRVCEM, & sequendi me. Quisquis enim in regno cælorum voluerit *Agnum sequi quocumque ierit*, Apoc. 14, 4 is nunc sublatà CRVCE venire debet post me, & præeuntis sequi vestigia.

Non multum hæc mouebant Staurophilam; quæ timore adeò consternata erat, vt ad solam CRVCIS mentionem pænè trepidaret. Quare vt in bello, qui se viribus inferiores agnoscunt, ad inducias confugere solent; non secùs illa, cum declinare CRVCEM omnino non posset, dilationem petijt. Et hoc saltem, inquebat, te Domine rogo, liceat mihi aliquanto adhuc tempore mundo & ætate frui, nec tam citò mœstissimum hoc iter auspicari. Adolescentula sum ego, viribus tenera, animo imbecillis: cum annis

crefcet robur, ac tum maturè fatis CRVCIS iugum excipiam. Equidem non detrecto illud, fed liceat, quæfo, pace tuâ, aliquantum differre.

Irafcnti fimilis Chriftus, Quid hoc demum, inquiebat, Staurophila? miror quod tam citò reliqueris VIAM bonam, VIAM falutis, quam oftendi tibi. *O infenfata filia, quis te fascinavit non obedire verbo veritatis, quod audifti ex ore meo? Cur coruinam v-  
furpas vocem, & periculosâ procraftinatione opus falutis in pofterum reijcis? An non dicit Scriptura, Ne tardes conuerti ad Dominum, & ne differas de die in diem; fubito enim veniet ira illius? Æquùmne tibi videtur, vt mundo atatis florem, Deo fenectutem; mundo voluptates, Deo corpus effatum referues? Quid potefte habere laudis, fi corpus voluptatibus, & iam fenectutis gelu frigidum ad fera denotionis officia, depofito iam feignior vigore, conuertas? Non efl corona, nifi, vbi fuerit difficilioris lucta certaminis, ad quam rari contingere poffunt, nec omnes qui ingrefsi fuerint ftadium, peruenire. Et an non pudet te primitias vitæ tibi referuare, & id folum tempus bonæ menti (ac tollendæ CRVCIS) deftinare, quod in nullam rem conferri poffit? Quàm ferum efl, tunc viuere incipere, cum definendum efl!*

Gal. 3, 1.

Eccli. 5, 8.

Nazi anz.

Orat. in

S. Baptifm.

Ambroſ. in

Pfal. 118.

Ofton. 19.

Senéc. 1. de

Breuitate

vitæ.

Parce

Parce Domine, aiebat Staurophila, & igno-  
 fce deprecationi meæ: neque enim in extre-  
 mam senectam CRVCIS iter differre, mens  
 erat, sed in aliquot tantùm annos. At enim,  
 respondebat Christus, quis eos tibi promisit?  
 An non *breues dies hominis sunt*? Nescit re-  
 uerà, *nescit homo finem suum, sed sicut pisces*  
*capiuntur hamo, & sicut aues laqueo compre-*  
*henduntur, sic capiuntur homines in tempore*  
*malò, cùm eis extemplo superuenerit.* Si sciret  
 quisque quo tempore de præsentì sæculo si-  
 bi esset exeundum, aliud quidem voluptati-  
 bus, atque aliud tempus CRVCI ac pœniten-  
 tiæ aptare potuisset: sed qui crucigero cæl-  
 lum, pœnitenti veniam sponndit, is negli-  
 genti ac tergiuersanti crastinum non promi-  
 sit. *Incertum est, quo te loco mors expectet,*  
*itaque tu illam omni loco expecta.*

Iob. 14, 5.

Eccli. 9, 12.

Seneca  
Epist. 26.

Verùm, replicabat Staurophila, adolescen-  
 tior, vt dicebam, etiamnum sum; ætatem  
 magis vegetam expectari tantùm velim. Ad  
 hæc Christus: Omnis Deo matura est ætas,  
 magis autem prima, & primæ proxima. *Bo-*  
*num est viro cum portauerit iugum ab adole-*  
*scentiâ suâ Non solum enim tollere iugum Do-*  
*mini, sed in iuuentute oportet tollere. Si enim*  
*serò tollas, incipies pœnitentiam superiorum*  
*magis habere, quàm tenere gratiam. An non*  
*præstat dicere, Deus qui pascis me à iuuentute*  
*meâ,*

Thren. 3,  
27.Ambros. in  
Psal. 118.  
Serm. 2.Gen. 48,  
15.

**Psal. 24, 7.** *meâ, quàm recordatione lapsuum dicere, Delicta iuuentutis meæ, & ignorantias meas ne memineras? hoc debilitatis est remedium, illud robur salutis. Ei autem qui post decursâ iuuentutis annos iugum tulerit, non est statim perfectum bonum. Stimulant enim eum peccata sua, exagitat conscientiam consuetudo peccandi, & usus erroris instabilem facit. Luctandum est diu huiusmodi, vt abolere faciat inueterata atque diuturna. Plus enim in his talibus valet deterius inolitum, quàm melius insolitum.*

**August. l. 8. Conf. c. 11.**

Sed quid est quòd ætatem incufas, fororibus tuis prouectior, & plenis iam nubilis annis? Adolescentulam tamen te dicis. Esto fanè: atq; vtinam vna tu esses ex illarum grege, de quibus scriptum: *Adolescentulæ dilexerunt te Deus!* vtinam non verbo tantum, sed opere & veritate diligeres me! non ita CRVCIS consortium refugeres. Et quod amantis potissimum votum? nõne amato, quâ licet, assimilari? Ego autem *pauper* fui, & *in laboribus à iuuentute meâ.* Et quid aliud deceat te, quàm æmulari formam illam, quam assumpsi propter te? Quot pueri & puellæ, quot iuuenes & virgines rigidissimū viuendi genus, & CRVCIS & corporis afflictationes ab ipsâ pænè infantiâ sponte sunt amplexi? Quot martyrio coronati, qui præiudi-

**Cant. 1, 2.**

**Pl. 87, 16.**

iudicium vehebant ætatis? & tu non poteris quod isti & istæ?

Erubescere ad hæc Staurophila, & accendebatur nonnihil imitandi desiderio. Atque vtinam Domine, aiebat, gratia tua me quoque præueniat & sequatur, vt digna efficiat societate iuencularum tympanistrarum, quæ *carnem suam crucifigentes cum vitijs & concupiscentijs, mortificauerunt membra sua, quæ sunt super terram!* Bonum hoc votum, aiebat Christus, sed opere ipso opus est, non nudis verbis. Sed vt hanc voluntatem confirmem, scito longè tibi fore vtilius, in hac ætate CRUCEM suscipere, quàm in futuram & incertam differre. Nil fertur facilius, quàm quod à teneris vnguiculis ferre didiceris: difficile autem est (vt dici solet) senem canem assuescere loris, & inueteratum dierum docere pœnitentiam.

Cælesti id visione aliquando declaratum, quam ad tuam qualemcumque consolationem subtexere non grauabor. Ferunt enim *Religiosum quemdam vitâ sanctum apparuisse de nocte Fratri socioq; suo, magno splendore collucentem. Cumq; eum ex cellâ eduxisset, ostendisse magnum numerum hominum candidâ veste, mirabiliq; luce micantium, qui pulcherrimas CRUCES humeris deferebant: erat autem omnium ITER in cælum. Postea modico*  
inter-

Gal. 5, 24.  
Colof. 3, 5.

Hieron.  
Platus l. 3.  
de Bono  
status Re-  
lig. c. 33.

intervallo, alius sequebatur ordo, isq; multò pulchrior, multoq; lucidior, quorum vnusquisque ornatissimam CRUCEM, non iam humeris, sed manibus gestaret. Deinde tertius ordo, omnium longè splendidissimus, & speciosissimus, quorum item CRUCES formâ & pulchritudine reliquorum CRUCES superabant, neque eas ipsi portabant, sed suus, qui singulos præibat, Angelus, vt y alacres & ludibundi sequerentur. Quòd spectaculum cum ille miraretur, exposuit socius, primos illos esse, qui prouectâ iam ætate Religiosæ vitæ CRUCEM amplexi fuissent, secundos, qui in virili, postremos autem, quos adeò expeditos hilaresq; vidisset, eos esse, qui in adolescentiâ se CRUCI subdidissent. Æquid nunc animi tibi est, Staurophila? Iam, inquiebat illa, volupe fuerit in postremis istis non esse postremam, & reijcio prorsus, quas antea requirebam, moras, procrastinationem omnem detestor. Nunc, Domine, nunc, te auspice, incipiam, hac mutatio dextera Excelsi.

Pf. 76, 11.



## CAPVT II.

*Sua cuique ferenda CRVX, nulla eligenda.*

Tollat CRVCEM suam. *Matth. 16, 24.*

*Non tua, sponte tuâ, CRVX est, quam deligis,  
ast hæc,*

*Dius ab aeterno quam tibi struxit amor.*



NIMATAM hoc pacto Staurophilam Christus in eum eduxit locum, vbi plures variæque CRVCEs per terram sparsæ iacebant. Illa verò iam accincta, & generosior videri gestiens, exiguam quamdam è pluribus præripere festinabat. Lepidè igitur, & quasi re benè gestâ ita cantillabat.

*Magna ferant, magnum quibus est in corpore  
robur,*

*Parua erit hæc humeris CRVX satis apta  
meis.*

Cùm Christus: Quid hoc, ô Staurophila? in ipso rursus offendis limine. Num tam citò exciderunt, quæ pridem audisti? Quomodo? reponebat illa. An non, Domine, hoc CRVCEM tollere? Est, inquiebat Christus, sed non vt docui. Neque enim vtcumque dixi TOLLAT CRVCEM; sed notanter addidi

SVAM.

Tollat CRVCEM suam. *Math. 16, 24.*



*Non tua, sponte tuâ, CRVX est, quam deligis; ast hæc,  
Dius ab eterno quam tibi struxit amor.*

SVAM. Et quæ, inquebat illa, mea CRVX? nõnne hæc, quam è multis selegi? Nequaquam, aiebat Christus, non enim conceditur hîc vt pro voto quisque eligat, sed CRVCEM expectare oportet de manu Dei. Erraui, vt video, inquebat Staurophila; nam ita mecum ratiocinabar: Ex malis eligendum minus, adeoque, si ferenda omnino CRVX, exiguam sufficere. Non leuis, inquebat Christus, hic error; CRVCEM siquidem in malis numerare, malum est. Hæc enim carnalium & mundanorum hæresis quædam est, qui corporis sensibus, cuiusque rei bonitatem metiuntur. Verùm ratione & fide te niti volo; quas si adhibueris, CRVCEs malas non affirmabis. Remoue enim opinionum istud velum, & oculos ad afflictionum ortum refer, ac finem. Videbis sanè illum, à bono; hunc, in bonum. *Origo certè CRVCIS, & cuiusvis afflictionis, à Deo: id est, non ab ipso summo bono solum, sed bonorum omnium auctore, capite, fonte. A quo non magis est vt malum aliquod emanet, quàm vt malus sit ipse. Benefica tantum & salutaris illa vis: quæ ledere aquè spernit, ac ledi: & cui vna summaq; potentia est, prodesse.*

Lipsius l 2.  
de Const.  
cap. 6.

Fine quoque, vt dixi, CRVX bona; quia ad bonum directa semper, & salutem: imò recta & certa ad hanc via. Quî

igitur malum fit , à quo summum hominis bonum ?

Sed age , fidei lucernam hîc accendamus , vt omnis dispellatur caligo. Credisne , Staurophila , me verum Dei Filium , verè & realiter in augustissimo Eucharistiæ Sacramento contineri ? Scio equidem quòd credas : sed dic mihi modò , cur id adeò firmiter teneas. Respondit illa : Quia tu , ô æterna Veritas , id nobis reuelasti , & sacratissimo tuo

Math. 26, ore dixisti : *Hoc est Corpus meum.* Cur ergo ,  
26. inquebat Christus , afflictiones & CRVCES non sentias bonas , cùm idem ipse dixerim :

Math. 5,3 *Beati pauperes spiritu : Beati qui lugent : Beati qui persecutionem patiuntur propter iustitiam ?*

Tacebat ad hæc Staurophila , siue quòd consentiret , siue quòd nihil occurreret quod posset opponere. Cùm rursus Christus : Viden' quid iam hinc consequatur ? Quid ? inquebat illa. Nimirum , si bonæ CRVCES , dicebat Christus , non aspernandas illas , sed magis optandas : & ex bonis non eligendum minimum , sed maximum. Video quidem , referebat Staurophila , id sequi ; sed quis est , qui id possit ? Vt faceres , inquebat Christus , præiui exemplo. *Nasciturus enim cùm essem eiusdem cuius nunc sapientia & potestatis , utpote Dei virtus , & Dei Sapientia , essetq;*

Bernard.  
Serm. 3. de  
Natiuit.

*in meo arbitrio quodcumque vellem eligere tempus, elegi quod molestius est, præsertim paruulo, & pauperis matris filio. Meus erat orbis terra, & plenitudo eius, & tamen elegi stabulum: calum mihi sedes erat, & terra scabellum pedum meorum, & pro regali throno, elegi præsepis angustias. Iam verò quid de me prædictum? nõnne quòd scirem reprobare malum, & eligere bonum? Malum ergo voluptas corporis, bonum verò afflictio est. Siquidem & hanc elegi, & illam puer sapiens, Verbum infans reprobauit.*

Pl. 49, 10.

Isa. 66, 1.

Iai. 7, 15.

Optimum, respõdebat Staurophila, exemplum: sed quotusquisque est, Domine, qui per hanc viam te sequatur? Ecquis erit qui contemptis huius vitæ commodis, aduersa præ illis eligat? Nescis, respondebat Christus, quot habuerim habeamq; veros Crucis amatores. Non incidit tibi quid de sancto Francisco litteris proditum sit? *Laborabat hic infirmitatibus multimodis tam graui- ter, ut vix in eo membrum aliquod remaneret absque ingenti passionis dolore: ad hoc tandem per varias & diuturnas, aegritudines deductus est, ut consumptis iam carnibus quasi sola cutis ossibus hereret. Cumq; duris corporis angeretur doloribus, illas suas angustias, non parvarum censebat nomine, sed sororum. Cum autem grauius solito dolorum urgeretur acu-*

Bonauent.  
in Vitâ  
c. 14.

leis, quidam Frater simplex dixit ad eum: Frater, ora Dominum, ut mitius tecum agat: manus enim suam plus debito super te grauare videtur. Quo audito, vir sanctus cum ciuilatu exclamans, ait: Nisi noscerem in te simplicem puritatem, tuum ex nunc abhorrerem consortium, qui ausus fueris circa me diuina iudicia reprehensibilia iudicare. Et licet totus esset attritus grauis prolixitate languoris, projiciens se in terram, ossa debilia duro casu collidebat, & deosculans humum, Gratias, inquit, tibi ago Domine Deus, de omnibus his doloribus meis; teq; mi Domine rogo, ut centuplum, si tibi placuerit, addas: quia hoc erit mihi acceptissimum, ut affligens me dolore, non parcas, cum tua sanctæ voluntatis adimpletio, sit mihi consolatio superplena.

Iob. 6, 10.

Acta cano-  
nizat.

Quid verò de generoso hoc animo censes, Staurophila? Num ille minimâ contentus CRUCE? Nec solus in hac mente fuit: fuit & cognominis illi Xauerius; qui in abundantia diuinarum consolationum exclamare solebat: Satis est Domine, satis est. In CRVCIBVS, laboribus & persecutionibus dicebat: Amplius Domine, amplius. Non me liberares hac CRUCE, nisi grauiorem immittas.

Sed ne quidquam desit, proponam tibi sexus tui exemplum prorsus memorabile. Sponsa mea Catharina Senensis adeò afflictionibus

Etionibus delectabatur, nihil ut in hac vitâ  
 tantum ei solatij adferret, quantum CRVCES;  
 sine quibus, ut ipsa aiebat, vita hæc ei fuisset  
 molestissima: propter eas autem perlibenter  
 tulisset beatitudinis dilationem, non ignorans,  
 illam afflictionibus non parum augeri. Appe-  
 tita autem grati calumniâ, cum eam multis  
 lacrymis ad me referret, apparui ei, habens  
 in dexterâ coronam auream miri decoris, in si-  
 niestrâ spineam, dixiq; ei, ut eligeret, vtram  
 mallet. At illa, Ego, inquit, Domine, cupio in  
 hac vitâ tuæ passioni semper conformari, &  
 pœnas amplecti pro refrigerio: simulq; è sini-  
 strâ spineam coronam feruenter arripiens, il-  
 lam vi multâ impressit capiti, illud undique  
 spinis compungens.

Quid iam tibi videtur? num omnes CRV-  
 CEM abhorrent? num minimam requirunt?  
 aut si possent, ut tui similes, nullam? Verum  
 hi omnes perfecti & sancti fuerunt, inquebat  
 Staurophila, ego autem peccatrix sum, & ad-  
 modum tenera. Sed enim, regerebat Chri-  
 stus, quid obest quò minus & perfecta &  
 sancta fias? nec aliis caro ænea fuit, sed erant  
 homines passibiles, similes tibi. Verum non  
 id modò ago, ut ad tam excelsa te urgeam;  
 tantum ne ipsa tuo arbitratu CRVCEM tibi  
 deligas, dicens cum imperfectis: Hoc &  
 istud facile admifero, sed quæ mihi modò

Surius in  
Vita.

s. mod. T

s. mod. T

s. mod. T

s. mod. T

s. mod. T

s. mod. T

s. mod. T

s. mod. T

s. mod. T

s. mod. T

s. mod. T

s. mod. T

s. mod. T

s. mod. T

s. mod. T

s. mod. T

s. mod. T

s. mod. T

s. mod. T

s. mod. T

s. mod. T

s. mod. T

s. mod. T

s. mod. T

s. mod. T

s. mod. T

s. mod. T

s. mod. T

s. mod. T

s. mod. T

s. mod. T

s. mod. T

s. mod. T

s. mod. T

s. mod. T

s. mod. T

s. mod. T

s. mod. T

s. mod. T

s. mod. T

s. mod. T

s. mod. T

s. mod. T

s. mod. T

s. mod. T

s. mod. T

s. mod. T

s. mod. T

s. mod. T

s. mod. T

imponitur CRVX nimis ea grauis est, quàm  
 vt ferre queam. *Non est, crede mihi, verus*  
*Thom. à Kemp. l. 3. cap. 19. patiens, qui pati non vult, nisi quantum sibi*  
*visum fuerit, & à quo sibi placuerit. Verus pa-*  
*tians indifferenter ab omni creaturâ, quantum-*  
*cumque, & quotiescumque ei aliquid aduersi*  
*acciderit, totum hoc de manu Dei gratanter ac-*  
*cipit, & ingens lucrum reputat. Si teipsam, vt*  
 edocta es, abnegasti, si intellectum & volun-  
 tatem ex integro mihi resignasti, quid est  
 quòd nunc, velut oblita priorum, iterùm illa  
 in consilium adhibeas? An non ego, æterna  
 Sapientia, ita ordino vniuersa, vt quidquid  
 acciderit, id tibi certè bonum atque vtile sit?  
 Domine, aiebat Staurophila, nimis insipien-  
 ter egi, propriâ innitens sapientiâ: & fateor,  
 ex prudentiâ carnis processit hæc electio,  
 quæ fortè periculo non vacat. Ita est, inquie-  
 bat Christus, *Væ enim portantibus CRUCEM*  
*Bernard. in Apolog. ad Guiliel. Abbat. Apoc. 14. 2. non SVAM, sed alienam! væ citharædis citha-*  
*rizantibus, non vt illi de Apocalypsi, in citharis*  
*svis, sed in alienis. Aliena enim censerì de-*  
 bet CRVX, quam propriâ quis elegerit spon-  
 te; propria autem, quæ à Patre meo vnicui-  
 que destinata & imposita fuerit, cuiuscum-  
 que tandem ad hoc manibus vtatur. *Cùm*  
*virgo Gertrudis commiseratione mota, oraret*  
*pro quadam personâ, quam audierat impatien-*  
*ter conquerentem, quòd Deus ei grauamina*  
 im-

Blos. in  
 Monil.  
 cap. 10.

*immitteret saluti sua minùs conuenientia ; respondit ei Dominus : Dices illi pro quâ oras, vt quia sine aliquâ saltem tribulatione vel molestiâ regnum caeleste obtineri non potest, eligat atque indicet quanam grauamina sibi utilia esse putat : & cum hæc ipsi euenerint, seruet patientiam. In quibus verbis Gertrudis intellexit, periculosissimum genus impatientiæ esse, quando homo peruersè ac superbe eligere vult quæ ferat, dicens saluti suæ minùs congruere, seq; non posse sustinere ea grauamina, quæ sibi à Deo immittuntur. En quantum in electione CRVCIS periculum : tu verò iam admonita, illud ferò vitabis.*



Exeamus ad eum extra castra, imprope-  
rium eius portantes. *Hebr. 13, 13.*



*Hanc CRVCIS ipse viam, populo plaudente, prœcui,  
Et pudor est Domini ponè subire pedes?*

## CAPVT III.

*Non trahenda, sed ferenda CRVCX; spernenda quoque, quæ ob illam ingeruntur opprobria.*

Excamus ad eum extra castra, improperium eius portantes. *Heb. 13, 13.*

*Hanc CRVCIS ipse viam, populo plaudente, praeiit, Et pudor est Domini ponè subire pedes?*



IS auditis animaduertebat Staurophila, vix posse se destinatae CRVCIS iugum detrectare. Proinde veluti conuicta, accinxit se ad tollendam quam Christus monstauerat CRVCEM. Sed vt restitat semper refuga tristium natura, callidè meditabatur tam parum oneri se submittere, quàm posset. Quid igitur fecit? iniecto fune non tam tollere, quàm per terram trahere post se CRVCEM cœpit. Et quia videbatur fore vt aliorum oculis notaretur, & subinde etiam fannis exciperetur, faciem velo cooperuit; erubescens nimirum opprobrium CRVCIS. Videbat hæc Christus, &

primùm quidem dissimulare visus, mox eam ita redarguere occœpit.

Et quid hoc, Staurophila? Anne sic CRVCEM te ferre arbitraris, quã velut rem ignominiosissimam, ne contactu quidem dignaris? Recordare, obsecro, quòd non dixerim,

*Qui vult post me venire, trahat vel ducat,*

*Qui vult post me venire, trahat vel ducat, suam, & sequatur me.* Quã loquendi formã quid aliud innuere volui, nisi CRVCEM, vbi-  
 cumque illa inuenta fuerit, vt pretiosum pignus, è terrã subleuandam, & in humeros accipiendam? non secùs ac matres charissimas proles magno gaudio brachiis impositas gerunt.

a Matth. 16, 24.  
 Marc. 8, 34.  
 Luc. 9, 23.  
 b Luc. 14, 27.  
 c Matth. 10, 38.

Non facilè inueniebat Staurophila quid ad hæc responderet, sed tepidã tantùm ac trepidã voce aiebat, se nimio horrore ad CRVCIS onus expauisse, & solo aspectu adeò territam, vt subleuare nõ auderet. Cui Christus: Immodica hæc formido non è CRVCIS mole, sed Cruciferæ prouenit opinione. Non enim malum est, malum pati; at nescire malum pati, hoc demum malum est.

*Quantò melius ad patiendum te disponis, tanto sapientiùs agis, & amplius promereris.* Sed quis hoc poterit? inquiebat Staurophila. Nemo non, inquiebat Christus, qui non in se, sed in Deo confidit. Fateor equidem non est

A Kemp.  
 lib. 3 de  
 Imit. Christi,  
 cap. 19.

est secundum hominem CRUCEM portare, Idem l. 2.  
 CRUCEM amare, corpus castigare; honores fugere, seipsum despiciere, & despici optare, & nihil prosperitatis in hoc mundo desiderare. Si ad teipsum respicis, nihil huiusmodi ex te poteris; sed si in Domino confidis, dabitur tibi fortitudo de celo. cap. 12.

Sperare quidem hoc possum, inquebat Staurophila, cum magna sit miserentis Dei benignitas; sed abstrahit me, ut verum fatear, tam arduæ CRUCIS horror. Cui Christus Virgam olim Moyses in colubrum versam usque adeo exhorruit, ut planè fugeret. Exod. 4. 3.  
 Verum cum iussu Dei manum extenderet, apprehenderetque caudam eius, versa est in virgam, quam solito tulit more; eaque populum è miserimâ seruitute per mare rubrum traduxit. CRUX & tribulatio virga est, quam si in terram proicias, nihil aliud quàm colubrum existimabis, à quo morsum mortemque reformidans, fugam capeffes. At si è terrâ sustuleris, manuque veritatis per caudam apprehenderis (optatissimum scilicet tribulationum respiciens finem) iam CRUCEM virgam Moysis facilè experière, quæ à peccati seruitute in cælestem te ducat Ierusalem. Respice ergo cælum, quò CRUX ducit, respice æternam beatitudinem CRUCI repromissam. Qui fluuij vada pertranseunt, oculos

oculos ad cælum, vel littus attollere monentur, ne aquarum fluxu turbati corruant. Tribulationum pelagus transmittere omnes oportet, ne autem mirabiles elationes maris cerebrum nimium obturbent, sursum ferenda corda, cælum intuumdum, non *contemplanda quæ videntur; sed quæ non videntur: quæ videntur enim temporalia sunt, quæ non videntur, æterna.*

2. Corinth.  
4, 18.

Psal. 85, 2.

Et quid est, quæso, quòd digito vix vno CRUCEM trahas? Si vnum tantum alterumve hominis membrum æternâ afficiendum esset beatitudine, sufficeret fortè vnâ manu aut digito CRUCEM tulisse: sed cum totum hominem saluum fecerim, totum perenni gloriâ, in quâ *cor & caro exultabunt in Deum viuum*, remunerare statuerim, quidni totus CRUCE affligatur, totus CRUCE oneretur? Neque verò nescis, Staurophila, me totum id quod pro hominibus assumpsi, totum hominibus redimendis impendisse. Vt quid igitur patiar tam parcè mihi seruire, quasi satis foret, qualitercumque CRUCEM post se trahere? Aliter sanè amor & labor meus videtur compensandus. Strictum hîc tenebar Staurophila silentium, nec hiscere contra audebat.

Christus verò alium non leuem castigans errorem, ita rursus inquit: Cur, quæso, adduxisti

xisti velum super faciem tuam? an Crucigeram videri ignominiosum ducis? Ita sanè, inquiebat Staurophila, *operuit confusio faciem meam*, ecce enim facta sum opprobrium *vicinis nostris, subsannatio & illusio his qui in circuitu nostro sunt.* Nec est vt multis exponam: etenim *tu scis improprium meum, & confusionem meam, & reuerentiam meam.* Cui Christus: Eia, inquit, ad me oculos conuer- te. Nonne ego, glorià & honore coronatus, *proposito mihi gaudio sustinui CRUCEM, confusione contemptâ?* An non propter te sustinui opprobrium? propter te quoque factus sum *vermis & non homo, opprobrium hominum, & abiectio plebis?* Certè cùm educerent me extra portas ciuitatis sanctæ baiulantem mihi *CRUCEM, omnes videntes me, deriserunt me, \* subsannauerunt me subsannatione, \* frenduerunt super me dentibus suis.* Et tu nunc modicam infamiam *CRVCIS* reformidas, quasi vile & infame foret participium *CRVCIS* meæ: cùm veri mei discipuli hoc ipsum sibi duxerint gloriosum. Quare non dubitauit Apostolus Paulus ita exhortari: *Exeamus ergo ad eum extra castra, improprium eius portantes.*

Respondit verò Staurophila: Ferrem equidem non illibenter, mi Domine, tecum & pro te *CRUCES* & ignominias, vt multi Martyres

tyres fecerunt, sed illud pessimè me habet, quòd velut publica peccatrix censear, quasi delictis meis CRVCEM hanc commerita fuerim. Proinde etiam atque etiam rogo te,

Psal. 42, 1. *Indica me Deus, & discerne causam meam de*  
 Psal. 118, *gente non sanctâ, nec tradas me calumnianti-*  
 121. *bis me.*

Cui Christus: Quid tum? Nõnne & ego,  
 Rom. 8, 3. qui peccatum non feci, veni *in similitudi-*  
 Marc. 15, *nem carnis peccati?* nõnne *cum iniquis reputa-*  
 28. *tus sum?* An non cum duobus latronibus  
 Luc. 23, 32 *educus, medius inter eos crucifixus sum?*  
 Ifai. 53, 6. Nõnne *in me Pater posuit iniquitates omnium*  
*vestrum, & existimatus sum tamquam percus-*  
*sus à Deo?* Et tu nunc, quasi iustitiam fece-  
 ris, exhorrescis inter peccatores numerari.  
 Ierem. 3, 1. An ignoras quod *fornicata sis cum amatori-*  
*bis multis?* quòd fregeris iugum, & abieris  
 Iob 15, 16. *vaga in viam cordis tui, ita vt velut aquam*  
*biberes iniquitatem?* Et nunc velut innocens  
 conquereris te nonnihil ludibrio haberi, cum  
 2. Corinth. iam pridem edocta fueris me sequi *per glo-*  
 6, 8. *riam & ignobilitatem, per infamiam & bo-*  
*nam famam.* Si me attendis, videbis sanè quòd  
 August. *vbi humilitas, ibi maiestas; vbi infirmitas,*  
 Serm. 20. *ibi potestas; vbi mors, ibi vita.* Si ergo vis ad  
 de Verb. *illam venire, noli ista contemnere, noli erube-*  
 Apost. *scere; idè enim in fronte, tamquam in sede pu-*  
*doris, signum CRVCIS accepisti.*

Non

Non fat animi habebat Staurophila, vt his rationibus acquiesceret. Proinde, fateor, in-  
 quiebat, quòd coram te, Domine, multis pec-  
 catis obnoxia sim, non tamen iis quæ publi-  
 cè oculos hominum offendant, quæque ipsi  
 me designasse clamant. Quid tu semper, aie-  
 bat Christus, hominum attendis dicteriis?  
*Gloria nostra hæc est*, inquiebat Paulus, testi-  
*monium conscientia nostra. Bene ergo sibi con-*  
*sciis, falsis non debet moueri, nec aestimare plus*  
*ponderis in alieno esse conuitio, quàm in suo te-*  
*stimonio.* Ad hæc Staurophila: Vt cumque  
 non reprehendat me cor meum, nec grauior-  
 is mihi conscia sim sceleris, durum tamen  
 censeo inter flagitiosos publicè censerì.

Eandem, aiebat Christus, reiteras cantile-  
 nam: & durum id esse non nego, sed tamen  
 tolerabile. Neque similitudo CRVCIS, quâ  
 tam boni quàm mali discruciantur, merito-  
 rum probat æqualitatem. *Quicumque enim*  
*boni maliq; pariter afflicti sunt, non ideò ipsi*  
*distincti non sunt; quia distinctum non est*  
*quod utriusque patiuntur. Nam sicut sub vno*  
*igne aurum rutilat, palea fumat; & sub ea-*  
*dem tribulâ stipula comminuuntur, & fru-*  
*menta purgantur, nec ideò cum oleo amurca*  
*confunditur, quia eodem prali pondere expri-*  
*mitur; ita vna eademq; vis irruens bonos*  
*probat, purificat, eliquat; malos damnat, va-*  
*stat,*

2. Corinth.

1, 12.

Ambros.

de Offic.

August. l. 1.

de Ciuit.

Dei cap. 8.

stat, exterminat. Vnde in eadem afflictione mali Deum detestantur, boni autem precantur & laudant. Nam pari modo exagitatum & putorem suum exhalat canum, & suauiter fragrat vnguentum.

Nescio quid dicam, aiebat Staurophila, & CRVCEM ferre, & passim ab omnibus subsannari, duplex malum. Imò vnicum, aiebat Christus: hæc enim altera CRVCIS pars est, sub eâ, & cum eâ contumeliam pati.

2. Timoth.  
3, 12.

Prou. 14, 2.

Ioan. 2, 1.

22.

\* Ioan. 15;  
19.

Chrysof.  
Homil. 7.  
in Epist. ad  
Philip.

*Omnnes enim qui piè viuere volunt, persecutionem patientur.* Et commune est in hoc sæculo, vt ambulans recto itinere, & timens Deum, despiciatur ab eo qui infami graditur viâ. Sed relinque mundo iudicia sua, & vanas opinionationes, tu me sequere. \* Si de mundo esses, mundus quod suum est diligeret; nunc autem odit te mundus, quia elegi te de mundo, vt sequereris me, & CRVCEM tuam baiulares: sed & hoc scito, quia me priorem odio habuit, subsannauit, & irrisit. Propterea enim Iudæi, deditâ operâ, istâ morte CRVCIS interimere me voluerunt, vt probrosum quoque efficerent; vt, etsi nemo propterea à me abstineret quòd occisus essem; abstineret tamen vel ideò, quòd hoc mortis genere occisus essem. Sed hoc ipsum diligentes me magis allicit, quòd propter ipsos plenam dedecore mortem elegerim. Atque hæc ipforum est in ignominiiis

miniis consolatio, quòd mihi efficiantur  
quàm simillimi.

Magna hæc, aiebat Staurophila, perfectio  
est; nec omnibus, vti credo, communis: ego  
verò infirma sum, nec tam alta præsumere  
ausim. Ita est, inquiebat Christus, perfectio-  
rum hoc studium est, sed ad illud omnes  
omnino hortatus sum: *Estote perfecti, sicut  
& Pater vester cælestis perfectus est.* Et qui-  
dam in patientiæ gymnasio non mediocri-  
ter eruditus, ita scripsit: *Is qui ad placidissi-  
mam animi quietem atque ad Deum currit, die  
omni, quo maledicta non sustinet, ingens de-  
trimentum se sustinuisse arbitratur. Sicut enim  
arbores, quæ à ventis agitantur, altioribus  
semper radicibus nituntur: ita & qui in obe-  
dientiâ degunt, validas atque inconcussas ani-  
mas possident.* Quàm vellem, aiebat Stauro-  
phila, & ego tantum in VIA CRVCIS profe-  
cisse, tantumque animi robur obtinuisse!  
Confide filia, inquiebat Christus, primum  
bonæ mentis signum est, virtutem concupi-  
scere; crescente deinde desiderio, facile cre-  
scet & studium. Si ergo vltèrius optas in-  
strui, audi eundem pietatis Magistram:  
*Initium, inquit, beatæ tolerantia est, in amari-  
tudine & dolore anima ignominias suscipere:  
Medium verò, eas tolerare sine mærore: Finis  
autem & consummatio, illas laudem existima-*

quod id  
est  
212

Matth. 5.  
48.

Climach.  
Grad. 4.

Idem Cli-  
mach.  
Gradu 8.

\*Ibid. pau-  
cis inter-  
iectis.

re. \* Vidi ego tres vnà Monachos iniurijs af-  
fectos, ex quibus vnus mordebatur quidem in-  
iurijs atque perturbabatur, sed tamen in silen-  
tio premebat iracundiam: alius verò gau-  
debat quidem ex luctu suo, sed eius qui se male-  
dictis insectatus fuerat peccato angebatur: ter-  
tius verò proximi tantum damna secum vol-  
uens, vim ardentium lacrymarum profunde-  
bat. Eratq; suane spectaculum, timoris, & mer-  
cedis, & charitatis operarios aspicere.



## CAPVT IV.

*Ostentatio in CRVCIS baiulatione  
vitanda.*

Attendite ne iustitiam vestram facia-  
tis coram hominibus, vt videamini  
ab eis. *Matth. 6, 1.*

*Non quid agas, sed quò spectes, Deus undique  
spectat,  
Ferre tuam, vanum, vt sancta ferare, CRV-  
CEM.*



ON illibenti animo hæc exci-  
piebat Staurophila, iamq; me-  
ditabatur in opus conferre;  
cùm illud, quod vulgò dici  
solet,

*Dum vitant stulti vitia, in contraria cur- Horat.  
runt,*

ei euenit planissimè. Intellexerat non tra-  
hendam rettò CRVCEM, vt ignobile onus,  
non formidandam CRVCIS ignominiam,  
quæ gloriæ esset seminarium, proinde aliud  
nihil quàm gloriàm & honorem aucupaba-  
tur. CRVCEM siquidem transuersim ante se  
ferens, omnium se oculis visendam expone-  
bat;

Attendite ne iustitiam uestram faciatis corā  
hominibus, ut uideamini ab eis. *Math. 6, i.*



*Non quid agas, sed quò spectes, Deus vndiq̃ spectat.  
Ferre tuam, vanum, vt sancta ferare, CRVCEM.*

bat; hoc nomine magnam se rata, quòd iam CRVCIS Christi esset gerula. Ita infelix, quæ ostentui haberi metuebat, in probrosam incidit ostentationem.

Animaduertens id Christus, noui erroris eam commonefecit. Et quid hoc, inquit, filia? præcedens vitium æquali vel maiore vis corrigere? CRUCEM te tollere, non te extollere oportet. Et vide, quàm parum succedat hæc talis baiulatio: vbique enim impingis, atque ipsa CRUX tibi impedimento est, ne angustam regni cælestis ingrediare portam. Non legisti quâ ratione id S. Arsenio olim fuerit ostensum? Sedebat hic aliquando in cellâ suâ, & venit vox dicens ei: *Veni ostendam tibi opera hominum. Et surgens exijt, & ecce vidit templum, & duos viros sedentes in equis, & portantes lignum transuersum, vnum contra vnum: volebant autem per ianuam intrare in templum, & non poterant, propter lignum illud quod in transuerso portabant: & non inclinantes se vnus post alium, vt fieret lignum illud directum, remanserunt foris extra ianuam templi. Et cum interrogasset quid hoc esset, ille respondit ei: Hi sunt, qui portant velut cum superbia iugum iustitiæ, & humiliati non sunt vt corrigant se, & ambulent humiliter in VIA CHRISTI; propter quod & remanent foris à regno Dei. Viden' vt hîc*

Pelag. in  
Vit. Pat.  
lib 5 li-  
bell. 18.  
num. 2.

tua depingatur insipientia, & quanto te discrimini exponas? CRVCEM ferre, & hoc ipsum ad gloriam referre, vanum est, nullamque meretur mercedem.

Respondit Staurophila: Quòd hoc pacto, Domine, me geram, id eâ gratiâ feci, vt vel maximè declinarem errores illos, de quibus proximè monueras. Neque tantum mali in eo credebam, quòd aliquantam gloriam admitterem: occurrebat enim illud quod legeram,

Ouid. 5. — *Non paruas animo dat gloria vires:*  
Trist. Eleg. & :

15.

— *Immensum gloria calcar habet.*

S. Nilus  
Orat. 7.

Hoc igitur stimulo me ad duram alioqui CRVCEM excitabam, nec inconueniens arbitrabar hoc qualicumque fomento difficultates, quæ ei insunt plurimæ, nonnihil solari. Si gloria delectat, inquebat Christus, æternam eamque solidam specta, temporalem hanc & inanem procul abijce. *Ne vendas, quæso, labores tuos humanis laudibus, nec futili famâ proyicias futuram gloriam. Laus enim humana in puluere domicilium habet, & gloria eius extinguitur super terram; vera autem & solida virtutis gloria manet in sempiternum.* Quàm peruersum est diligere gloriam hominum magis, quàm gloriam Dei! Extremæ est, Staurophila, dementia, in rebus

bus spiritualibus non nisi inanem spectare gloriam: hoc enim est & labore se affligere, & mercedem prodigere. *Seruus ad Domini oculos respicit, ad herum mercenarius, & ad preceptorem discipulus: tu contra omnino, remunerantem Deum Dominumq; relinquens, ad conseruos respicis, etsi bene noueris Deum recte factorum tuorum in futurum quoque recordaturum, hominem uero tantum ad presens, & quidem utcumque. Et cum habeas theatrum in celo constitutum, spectatores tamen in terra tibi deligis & colligis. Athleta quidem ubi certat, ibi & probari cupit: tu cum in superioribus certes, in inferioribus coronari quaris. Numquam sanè credidissem, inquebat Staurophila, tantum mali esse, gloriolam aliquam uenari ex re non malâ. Parum mihi, inquebat Christus, uersata uideris in scholâ pietatis: an nō audiuisti quàm feridè monuerim: *Attendite ne iustitiâ uestram faciatis coram hominibus, ut uideamini ab eis: alioquin mercedem non habebitis apud Patrem uestrum, qui in calis est? Nōne hōc nomine hypocritas damnauit, quod eleēmosynam facientes, tubâ canerent ante se, & quod in Synagogis & angulis platearum stantes orarent, ut honorificarentur ab hominibus? hæc enim pietatis opera uolui fieri in abscondito, ut Pater cælestis, qui uidet in abscondito, reddat mercedē.**

Chrysof.  
Hom. 17.  
in Epist. ad  
Rom.

Matth. 6, 1.

Ibid. 2.

Hæc quidem, inquiebat Staurophila, etsi non rarò audierim, memoriæ tamen non occurrebant, neque attentius illa hactenus expendi. Et hoc scilicet est, inquiebat Christus, quòd viuus sermo meus & efficax tam paruuum in vobis fructum faciat. Sed vt porrò pergam, non malè quidam seruorū meorum dixit: *Mater gehenna, est inanis gloria.*

Chyloft.  
Hom. 17.  
in Epist. ad  
Rom.  
Psal. 52, 6.  
\*Bernar. in  
Apolog. ad  
Guilielm.  
Abbat.

Nec est, vt multis hoc probetur, nam & Regius Vates olim cecinit: *Deus dissipauit ossa eorum qui hominibus placent: confusi sunt, quoniam Deus spreuit eos. \*Va semel, & v.e iterum portantibus CRUCEM meam, & non sequentibus me! quia nimirum, cuius passionibus participant, humilitatem sectari negligunt. Duplici quippe contritione conterentur, qui huiusmodi sunt, cum & hinc pro temporali gloriâ se affligant, & in futuro pro internâ superbiâ ad æterna supplicia pertrahentur.*

Sed, obsecro mi Domine, aiebat Staurophila, doce ancillam tuam, vt pestem hanc fugere queat. Cui Christus: *Lucerna corporis tui, est oculus tuus. Si oculus tuus fuerit simplex, totum corpus tuum lucidum erit. Oculus mentis, intentio est cordis, hæc si fuerit re-cta, totum actionum tuarum corpus rectum, pulchrum ac lucidum erit: sin distorta, nequam erunt quæcumque ex eâ processerint. Non tantum si bonum est quod facis, sed præci-*

August. in  
Psal. 118.  
Conc. 11.  
in medio,

puè

pne si bonum est propter quod facis, cogitan-  
dum. Auerti poscebat Psalmista oculos suos  
ne viderent vanitatem, id est, ne hanc atten-  
derent, & propter hanc fieret, cum bonum ali-  
quid fieret. Deus enim non valde attendit  
quid homo faciat, sed quid, cum facit, aspiciat.

August. in  
Psalm. 31.

Quare quod Apostolus meus monuit: *Sine  
manducatis, sine bibitis, sine aliud quid faci-  
tis, omnia in gloriam Dei facite*. Idipsum in  
hac VIA CRVCIS tibi quam maximè incul-  
catum velim, vt scilicet intentio tua sit recta,  
& ad Deum directa. De animalibus illis  
Ezechieli olim ostensis, scribitur: *Facies eo-  
rum & penna eorum extenta erant desuper.*

1. Corinth.  
10. 31.

Quid autem per faciem, nisi intentio; quid  
per pennas, nisi contemplationis volatus desi-  
gnatur? Omne proinde bonum quod agitur per  
intentionem, semper ad caelestia eleuetur.

Ezech. 1.  
Gregor. 1. 1.  
in Ezech.  
Homil. 4.

\* Quaelibet enim actio, quamuis bona videatur,  
tamen quasi mortua indicatur, si non per inten-  
tionem bonam animetur. \* Nihil igitur propo-  
sito vanitatis, & inanis gloriae capessenda gra-  
tia facias, quae autem bono initio caperis, ob-  
seruatione simili custodire nitaris.

\* Richard.  
de S. Vict.  
de Stat. int.  
hom. c. 7.  
\* Cassian.  
l. 1. 1. Instit.  
cap. 18.

Sed quomodo captanda humana laudis, aie-  
bat Staurophila, vitium declinabo? Si tibi cer-  
tò persuaseris, respondebat Christus, ubique  
Deum adesse. Siquidem nemo est, qui cum in o-  
culis Domini sit, cum illius dedecore conseruo

Basil. in  
Reg. Bre-  
uio. qu. 34.

Chrysof.  
Hom. 5.  
in Gencl.

*suo malit gratiosus esse, quàm Domino. Nō vides in equorum ludis, quomodo hi qui equos agitat, non aduertunt plausū populi a sedentis, nec voluptatē ex eo plausu capiunt; sed in vnū Regem in medio sedentem oculos intendunt, ac ad nutū illius attendentes, totam multitudinē despicunt. Hos & tu imiteris, nō magni faciendo hominum famam, sed sententiam iudicis iusti expectando, atque ad nutum eius omnia dirigendo.*

Breuiar  
Roman.  
14. Sept.

Quid verò vlteriùs faciendum? percontabatur Staurophila. Hoc, inquebat Christus, vt humili ac submisso animo, atque ab omni insolentiā remoto, CRUCEM feras. Heraclius Imperator auro & gemmis ornatus, solēni celebritate suis humeris CRUCEM referre volens in eum montem, quò ego eam olim tuleram, insistere coactus est in portā. Quò enim magis progredi conabatur, eò magis retineri videbatur. Quā re cum & ipse Heraclius & reliqui omnes obstupescerent, Zacharias Ierosolymorum Antistes, Vide, inquit, Imperator, ne isto triumphali ornatu, in CRUCE ferendā parum Iesu Christi paupertatē & humilitatē imitere. Tunc Heraclius, abiecto amplissimo vestitu, detractisq; calceis, ac plebeio amictu indutus, reliquum via facile confecit, & in eodem Caluarie loco statuit. Hoc pacto CRUCEM ferri desiderio, vt gestu scilicet humili incedas, & quantū fieri potest, hominum oculos cautē declines.

CA-

## CAPVT V.

*Non precedendum, sed Christum cum  
CRUCE sequendum.*

*Qui festinus est pedibus, offendit.*

*Proverb. 19, 2.*

*Quæ præit, errat ovis: propriam lubet ordine  
recto*

*Si portare CRUCEM, ponè sequare Ducem.*



T qui à rectâ viâ semel deuiaverit, in alia semper incidit diuerticula: ita qui superficialitèr Deum tantùm quærît, semisauiciâ voluntate, volens nolentiq̃ue rectam numquam tenebit semitam, ex vno in alium labetur errorem. Experta id fuit Staurophila, quæ dum docetur vnum cauere vitium, in alterum incidit. Tot enim iam monitis instructa, meditabatur generosè CRUCIS iter onusq̃ue suscipere, nec vllis cedere difficultatibus. Feruidè igitur CRUCEM in humeros conijciens, non expectato Domini responso, præcurrere satagebat: nihil interim hîc sibi simplex columba metuebat, cum & proprio niteretur iudicio, & sine duce tam arduum iniret iter.

At

Qui festinus est pedibus, offendit. *Prou. 19. 2.*



*Que preit, errat ouis: propriam lubet ordine recto  
Si portare CRVCEM, pone sequare Ducem.*

At Christus ponè eã retinens, reuocansque; Erras, inquit, ô Staurophila, & temerario peccas feruore: oblita siquidem videris earum quas antea tradidi instructionum, ita vt rursus indigeas edoceri quæ sint elementa exordij sermonum Dei. Cui illa: Quænam ista sunt Domine? Respondit Christus: Ignoras etiam? an non principio dixi, *Si quis vult post me venire, tollat CRUCEM suam, & sequatur me?* idemtidem inculcans, vt & venires post me, & baiulans CRUCEM sequereris me, quasi satis non foret, semel id monuisse; tu interim ne semel quidem id animo reuoluisti.

Necdum Staurophila errorem suum agnoscebat, sed volens iustificare semetipsam, respondebat: Domine, semper audiui duplicuisse tibi tepidos & dissolutos, contra placuisse spiritu feruentes, Domino seruientes. Rom. 12, Et memini Apostolum tuum non ad ambulandum, sed percurrendum Christianæ vitæ stadium exhortari. Sic, inquit, *currite, vt comprehendatis.* Quid igitur pecco, si gnauiter me ad cursum accingam, & currere etiam incipiam? Et nõnne sic breue, quod vitæ meæ restat tempus, feruore compenso? In eo, inquebat Christus, delictum est, quòd non venias post me, quòd ME (vt iam dixi) non sequaris, quòd ducem non habeas, nec

Ambr. su-  
per Pl. 1:8.  
Serm. 5.

Luc. 23.

Ambros.  
lib. 10. in  
Luc. c. 23.

\*Chrysol.  
Serm. 54.

Basil. in  
c. 1. I. Iai.

magistro vtaris. *Miles qui ingreditur iter, viandi ordinem non ipse disponit sibi, nec pro suo arbitrio viam carpit, ne discedat à signis: sed itinerarium ab Imperatore accipit, & custodit illud; præscripto incedit ordine, cum armis suis ambulat, rectaq; viâ conficit iter; meritoq; non deficit qui Imperatorem sequitur suum.*

*Hanc legem viarum esse præscriptam me docente & ducente, Sanctis commeantibus, recognoscas velim. An tu mysterio vacare censes, quòd Cyrenæus ille Simon CRVCEM tulit meam, non ante, sed post me? Quid enim hoc insinuabat, nisi quòd bonus ordo spiritualis profectus hoc exigebat, ut prius CRVCIS meæ trophæum ipse erigerem, deinde Martyribus, alijsque traderem erigendum.*

*\* Præcurrens Zacchæus ascendit arborem ficomorum, priusquam ego CRVCIS arborem conscendissem, sed quid ei dictum fuit? Festinans descende. Si sapis, descende ante Dominum de Adamiticâ arbore, ut post CRVCEM Dominicæ passionis ascendas. Ita in arcano fermone sequi eum, non præcedere docui.*

*Quid verò mali, aiebat Staurophila, si quis præcedat? nam si bonum CRVCEM ferre; quid adeò ductore & Doctore opus? Nimirum, inquiebat Christus, ut bonum fiat bene. Intolerabilis est superbiæ argumentum, existimare se nullius egere consilio; sed sibi vni*

atten-

attentum esse, quasi solus possit decernere quæ optima sunt. \* Ridiculum planè est, ut vilium ac mechanicarum artium magistros nanciscaris, huc atque illuc oberrare; diuinam tamen Staurofophiam tamquam vile aliquid ac despiciendum tibi ipsi reservare. Quare id maxime rogo ne ipsa te doceas, & absque Doctore ingrediaris viam, quam numquam ingressa es: statimq; in alteram partem declinandum sit, & errori pateas; plusq; aut minus ambules, quam necesse est: ne aut currens lassaris, aut moram faciens obdormias.

Numquam arbitrata fueram, aiebat Staurophila, magnum eos subire periculum, qui in spiritu vehementi studerent procedere, atque etiam præcedere; nec vniquam mihi tantopere proprium iudicium suspectum fuit. Id verò, aiebat Christus, imperitiæ tuæ facile condonauero. Quàm malum autem sit, suo, etiam in re piâ, niti iudicio, & me, vel qui vice meâ fungitur, velle præcedere, satis Apostolorum Principi declaratum fuit. Præcedere quodam loco Petrus volebat, audiens enim de CRUCE & passione me loquentem, ait: Absit à te Domine, non erit tibi hoc. Sed

quid responsi tulit? vade post me satana, scandalum mihi es, quia non sapis ea quæ Dei sunt. Quid est hoc? Ille qui antea audierat, Beatus

es Simon Bar-Iona, quia non tibi reuelauit caro.

\*Isido. Pe-  
lusiot. l. 1.  
Epist. 260.

Hieron.  
Epist. 4. ad  
Rust.

Math. 16,  
23.

August. in  
Psalm. 69.

*& sanguis, sed Pater meus qui in calis est: modo repente audit: Redi post me satanas. Quid est, Redi post me? Sequere me. Præcedere me vis? consilium mihi dare vis? Melius est ut consilium meum sequaris: hoc est, redi retrò, redi post me. \* Sic antecedentem compescebam & satanam appellabam, quia volebat ducere Ducem, docere Magistrum, iubere Domino. Crede mihi, Staurophila, qui se sibi magistrum constituit, stulto se discipulum subdit. Vnde lepido apophthegmate prisca monachorum Antistites dicebant: Si videris inuenem voluntate suâ ascendentem in calum, tene pedem eius, & proice eum in terram, quia non expedit ei. Viden' vt noceat præpropera felicitatio?*

Hui! exclamabat Staurophila, quid tantum mali est, voluntate propriâ in cælum conscendere? Illud scilicet, respondebat Christus, quòd voluntas propria sit pes superbiæ, quo nemo totus calum introiuit. Iterum dico, \* qui priuatum sequitur geniũ, & absque cognitione ac directione Euangelicâ graditur, impingit in multa. Plerique si quidem, non modicos labores, & exercitationes decurrerunt; afflictiones & arumnas multas, tamquam Dei nomine pertulerunt: priuata tamen dispositio & indiscretio, item arbitrari se non egere auxilio proximi, ipsorum tara graues labores, fatigationes,

\* Idem in  
Psalm. 55.

Bernard.  
Epist. 87.

Ephræm  
tom. 2. Pa-  
sæn. 35

Gerfon  
tom. 3.  
tract. de  
Relig. per-  
fect. con-  
fid. 12.  
\* Marc.  
Eremit. in  
Præcept.  
salutar.

tiones, & vexationes infructuosas effecerunt.

Tu igitur hoc barathrum fuge, & , si sapias, me sequere. Moysen imitare, qui monitus vt ascenderet de loco in quo erat ad Terram promissionis, confidenter Domino dicebat: *Si non tu ipse precedas, ne educas nos de loco isto. In quo enim scire poterimus, ego & populus tuus, inuenisse nos gratiam in conspectu tuo, nisi ambulaueris nobiscum.* Sic & tu filia, time vel vnum figere pedem, nisi innixa super dilectum tuum, & sequens vestigia eius. Si currere iuuat, non improbo quidem, noli tamen præcurrere. *Exultauit ego vt gigas ad currendam viam, si me volueris consequi, oportet sequi: non in virtute propria, sed me trahente, & gratiâ meâ adiuuante.* Hoc Sulamitidis votum fuit, quæ non præire, sed trahi optabat, vt curreret post me in odorem vnguentorum meorum.

Exod. 33,  
15.

Psal. 18, 6.

Cant. 1, 3.



Gloria magna est, sequi Dominum. *Eclii. 23, 38.*



*Lux ego sum mundi, mea post vestigia curve:  
Qui sequitur me, non ambulat in tenebris.*

## CAPVT VI.

*Exemplo Christi CRVX ritè ferenda.*

Gloria magna est, sequi Dominum.

*Eccli. 23, 38.**Lux ego sum mundi, mea post vestigia curre:**Qui sequitur me, non ambulat in tenebris. Ioan. 8, 12.*

ANDEM aliquando tot conui-  
cta rationibus, tot incitata ex-  
hortationibus Staurophila ma-  
nus dedit, & CRVCEM ritè ge-  
stare occœpit, alacri animo

Christo dicens: *Præcedat Dominus meus an-* Gen. 33,  
 cillam suam, & ego sequar paulatim vestigia<sup>14</sup>

*eius.* Factum benè, inquiebat Christus, &

nunc sapis, ô filia. Ego namque *descendi de* Thomas ]  
*calo pro tuâ salute: suscepi tuas misérias, non* à Kemp. ]  
*necessitate, sed charitate trahente: ut patien-* lib. 3. de ]  
*tiam disceres, & temporales misérias non in-* Imit. Chri- ]  
*dignanter ferres.* Tum Staurophila: *Dom-* sti cap. 1 8.

*ine, quia tu patiens fuisti in vitâ tuâ, in hoc*  
*maximè implendo præceptum Patris tui, di-*  
*gnum est ut & ego misella peccatrix secun-*  
*dum voluntatem tuam patienter sustineam: &*  
*donec ipse volueris, onus corruptibilis vitæ &*  
*CRVGIS huius pro salute meâ portem. Nam et se*

onerosa sentitur præsens CRVX, facta est tamen iam per gratiam tuam valde meritoria, atque exemplo tuo tolerabilior & charior. O quantas tibi gratias teneor referre, quòd VIAM rectam & bonam dignatus es mihi & cunctis fidelibus ad æternum regnum tuum ostendere! nam vita tua, VIA nostra: & per sanctam patientiam ambulamus ad te, qui es corona nostra. Nisi tu nos præcessisses & docuisses, quis sequi curaret? Heu, quanti longè retroq; manerent, nisi tua præclara exempla inspicerent!

Ita est, inquebat Christus, idèd enim exemplum dedi vobis, vt quemadmodum ego feci, ita & vos faciatis. Nauigantibus ad sidus aliquod dirigendus est cursus. Pictores, vt imaginem exprimant, prototypon intuentur: vis ritè ferre CRVCEM, quem, nisi me baiulantem mihi CRVCEM, proponere potes? huc spectauit Apostolus meus, cum diceret: *Per patientiam curramus ad propositum nobis certamen, aspicientes in auctorem fidei & consummatorem IESVM.*

O Domine, inquebat Staurophila, hoc cum perpendo, vnà cum dilecta Sulamitide dicere lubet: *Fasciculus myrrhæ dilectus meus mihi inter vbera mea commorabitur. Vtrumq; enim mihi es, Domine IESV, & speculum patientiendi, & meritum: vtrumque fortiter prouocat, & uehementer accendit. Propterea semper*

Ioan. 13,  
15.

Hebr. 12, 1.

Cant. 1, 12

Laurent.  
Iust. in  
Ligno vitæ  
de Patient.  
cap. 5.

per habebō te, Domine, non retrò in humeris, sed antè, præ oculis: ne portans te, ô dilecte mi, fasciculum myrrhæ, & non odorans, onus premat, & odor non erigat. Videns enim tuas angustias, Domine, meas leuius portabo.

Eia sic age, inquiebat Christus, Gloria enim magna est sequi Dominum, longitudo enim die- Eccli. 23, 38.  
rum assumetur ab eo. Nam quod pro magno

inter septem Sapientum dicta celebratur, SEQVERE DEVM; hoc verè perficiunt serui mei, qui per REGIAM VIAM CRVCIS me sequuntur. Hi profectò non meritum tantum, sed magnam etiam apud Deum assequuntur dignitatem. Exhilarata his verbis Staurophila, In quo, obsecro, aiebat, hæc dignitas sita? In eo, respòdebat Christus, quod digni Deo efficiantur. An non legisti, quid de iustis Scriptura dicat: *Visi sunt oculis insipientium mori, & aestimata est afflictio exitus illorum, coram hominibus tormenta passi sunt?* sed quid coram Deo? Deus, inquit, tentavit eos, & inuenit illos DIGNOS SE. Quàm felix CRVX! quàm beata afflictio, quæ dignum facit Deo! *Is solum miser est, qui in afflictione constitutus nimium tristatur, & Deo non se dignum præbet.* Ideoque clarissimè edixi, *Qui non accipit CRVCEM suam, & sequitur me, non est me dignus.* Nicetas Choniat. Marth. 10, 38.

Admirans verò Staurophila, exclamabat:

Eccle. 2, 12. *Quid est homo, ut sequi possit Regem factorem suum? Mihi sane adhærere IESV meo bonum est, illum sequi opto, illi vniri concupisco.*

Leo Ser. 2. de Refur-rect. *Nam si mundana sapientia ita in suis gloria- tur erroribus, ut quem sibi quisque ducem ele- gerit, eius opiniones & mores, atq; omnia insti- tuta sectetur: quæ mihi erit communitio nominis tui Christe, nisi ut tibi inseparabiliter vniar,*

Ioan. 14, 6. *qui es, ut ipse insinuasti, VIA, & veritas, & vita? VIA videlicet conuersationis sanctæ, ve- ritas doctrinæ, & vitæ beatitudinis sempiternæ.*

Rectè tu illud quidem, subijciebat Chri- stus; ego enim sum VIA, & per me venit ad me. Per Christum enim ad Christum ten- dit, qui per semitam patientiæ & humilitatis incedit. In quo planè itinere nec æstus deest laboris, nec nubes tristi- tiæ, nec procella formi- dinis: ibi sunt insidiæ iniquorum, persecutio- nes infidelium, minæ potentium, contumeliæ superborum; quæ ego Dominus & Rex gloria ideò omnia percurri, ut inter præsentis vitæ pericu- la, non tam optandum esset hominibus declinan- do ista effugere, quàm tolerando superare.

Lætata sum in his quæ dicta sunt mihi, in- quiebat Staurophila, & miror sanè, inueniri quàm plurimos, qui te recusent sequi. Magis etiam miraberis, aiebat Christus, si attendas quid damni patiatur qui noluerint sequi. Ego enim caput sum hominum, illi autè mea mem- bra.

bra. *Recusat porro esse in corpore, qui odium mundi, CRUCEM & tribulationes non vult sustinere cum capite: nec meretur congaudere in patriâ, qui recusat condolare in VIA.* August. Sermon. 47. de Sanctis.

*Quidni, inquiebat Staurophila, caput suum membra sequantur, si bona suscepimus ab hoc capite, mala autem quare non sustineamus? Non est magnum si compatitur membrum capiti, cum quo est glorificandum. Felix omnino membrum, quod huic adhæserit per omnia capiti, & sequetur illud quocumque ierit! Causa patiendi capiti fuit, ut corpori* Bernard. Sermon. 1. in cap. Ieiun.

*præberet exemplum; tu enim, Domine, voluntate passus es, nos necessitate: tu miseratione, nos conditione. Tua proinde voluntaria passio, nostra est necessaria consolatio, ut quando talia forte perpetimur, intueamur caput nostrum, ut eius exemplo commoniti, dicamus:* August. in Ps. 34.

*Si sit ille, quid nos? Si, inquam, tu, qui peccatum non fecisti, nec est inuentus dolus in ore tuo,* 1. Pet. 2. 22.

*tot ludibria, tot alapas, tot flagella, tot spinarû aculeos perpeffus es, si faucijs cruentatisq; humeris CRUCEM baiulasti, quid nos?*

*Vtinâ Domine totus mihi figaris in corde, qui totus pro me fixus es in CRUCE! Vtinam non recedat ab oculis meis imago Domini mei* August. lib. de Sanctâ virgin.

*CRUCEM baiulantis, ut alacriter quoq; meâ discam baiulare! Deuotus enim miles non sensit sua, cum benigni Ducis intuetur vulnera.* Liuiv. l. 2. decad. 1.

Id quod in presenti est momentaneum et  
leue tribulationis nostræ, æternum gloriæ  
pondus operatur in nobis. 2 Cor. 4, 17.



Quid CRVCIS abscondis pondus tolerabile? CRVX est  
Que grauis, illa breuis; que diuturna, leuis.

## CAPVT VII.

*Depulsio querelæ de nimia CRVCIS longi-  
tudine, aut pondere.*

Id quod in præfenti est momentaneum  
& leue tribulationis nostræ, æter-  
num gloriæ pondus operatur in no-  
bis. 2. Corinth. 4, 16.

*Quid CRVCIS abscindis pondus tolerabile?*

*CRUX est*

*Quæ grauis, illa breuis; quæ diuturna, leuis.*



VI ex animo se Christi dedica-  
uerunt seruitio, primùm qui-  
dem suauibus quibusdam so-  
latis solent deliniri; nam in-  
star paruulorum, quibus lacte  
opus sit, à benignissimo Patre habentur. At  
vbi in virtute nonnihil adoleuerint, grauioribus  
subinde exercentur tentationibus. *Ho-*  
*stis enim noster quantò magis nos sibi rebellare*  
*conspicit, tantò amplius expugnare contendit.*  
*Eos enim pulsare negligit, quos quieto iure pos-*  
*sidere se sentit. Quin & ipse Deus nonnum-*  
*quam se subducit, vt athletas suos experia-*

Greg. l. 14  
Moral. c. 7

tur : atque hinc est quòd desolationis tempore, non rarò illa displiceant, quæ durante consolatione vel maximè placebant. Vicissitudinem hanc expertus est Regius Vates ;  
*Pfal. 29,7.* qui de prosperitatis statu ita canit : *Ego autem dixi in abundantia meâ : Non movebor in æternum.* Sed quid in aduersitate ? *Auertisti*, inquit, *faciem tuam à me, & factus sum conturbatus.*

Eamdem quoque alternationem in Staurophilâ deinceps considerabimus. Vidimus eam iugo Domini collum submittentem, vidimus *CRVCEM* alacriter gestantem, & lætitiâ propemodum gestientem : nunc exortâ tempestate querulam, gementem, & tantùm non sub onere fatiscentem intruebimur. Hilariter *CRVCEM* exceperat, sed quò diutiùs eam ferebat, eò magis premebatur : & modò æquo longiorem, modò nimis querebatur grauem. Ad callida proinde conuertitur consilia, & abesse Christum rata, inferiorem *CRVCIS* partem ferrâ, nescio vnde acceptâ, abscindere cœpit.

Huic verò dum esset intenta operi, superueniens Christus, eam redarguit. *Quid est, inquires, quod video ?* Et hæc *CRVCIS* contumelia est, illi vel modicum velle demere. Hoccine desideratum priùs & suaue iugum

iugum meum ferre? Cui Staurophila: Bona verba, quælo Domine. CRVX hæc longior apparet, quàm vt eam ferre valeam, ideoque nonnihil amputandam putauit. Rectè, inquiebat Christus, dixisti, apparet; non enim reuerà est, sed oculis malè affectis, aut per opinionum perspicilia delusis ita videtur. Breuis CRVX & leuis dolor Seneca Epist. 78. est, si nihil illi opinio adiecerit. Contrà, si exhortari te cæperis, ac dicere, Nihil est, aut certè exiguum est, duremus, iam desinet: leuem illam dum putas, facies. Ad opinionem homines dolent: tam miser est quisque, quàm credit.

At ego, aiebat Staurophila, dolorem grauem sentio. Cui Christus: Quidni sentias, Seneca. ibid. si muliebriter tuleris? \* Non sentire CRVCEM, \* Seneca de Con- sol. ad Polyb. c. 36. non est hominis; non ferre, non est viri aut viraginis fortis, quæ pro regno Dei fortia agere & pati Christianum putat.

Demiror ego, replicabat illa, CRUCEM posse dici nec longam nec grauem, quam talem videmus, palpamus, sentimus. Per eamdem lineam, respondebat Christus, ferram reciprocas, vnde & regero quod antè dixi: Homines perturbantur non rebus, Epiet. Enchirid. c. 10. sed iis quas de rebus habent opinionibus. Fit nonnumquam, vt duo quidam simillimâ & eadem pænè CRUCE premantur: alter

alter excitatoris animi, suam putat esse chartaceam; alter abiectioris & tristioris, suam prorsus plumbeam. Hic non res, sed opinio diuersa est. Vis exemplo doceri?

Drexel. ib.  
cap. 4. ex  
Dionys.  
Carth. in  
Append. ad  
instruct.  
Nouit.

*Érat Carthusiani Ordinis Nouitiis quidam principio alacer, & ad omnia promptus, paulatim autem cœpit languescere, & inter onera numerare, quæ initio facillima videbantur. Illud præcipuè religiosum iuuenem vexabat: niger ei cucullus ut tironi ferendus erat. Hunc ille iniquissimis oculis intueri, & trabalem CRUCEM credere, quod aliorum neminem fatigauit. Fuit, ut huic iuueni meridiano somnum conciliaret altissimi silentij quies. Dum dormit, somniat me cum prægrandi CRUCE per cœnobij ambulacrum incedere, & ascensum moliri per scalas, nec tamen progredi posse, ob immodicam CRVCIS molem. Igitur ille ipse tiro, qui hoc somniabat, visus est sibi accurrere, & adiungere velle laborantem. At eum toruè intuens: Et tu, inquiebam, impatientissime, in meâ mihi ferendâ CRUCE sis auxilio? tuam portare nequis, & alios inues? Euigilauit tiro ad has voces, & respuit, robustiora patientiæ specimina daturus. Quis non dixisset: Cucullus, mi frater, quem horres, ater quidem est, sed leuis est, & ex ritu Ordinis Nouitiis omnibus gestandus? Absit à seruo Christi*

Tertul. lib.  
de Patient.  
cap. 8.

*tale*

*tale inquinamentum, vt patientia maioribus  
tentationibus preparata, in frivolis excidat.*

Non poterat his, vtcumque vellet, con-  
tradiceret Staurophila; sed Assentior tibi,  
inquirebat, Domine IESV: *Morosum est, vt*  
equidem experior, *genus humanum, sortem*  
*suam semper accusans, & animum gerens gra-*  
*uatam. Proprium enim vnumquemque plus,*  
*quàm alienum afficit, & se proximos quisq;*  
*superare putat. Sic oculum habens vitiatum,*  
*nullam aegritudinem aliam, talem esse censet,*  
*qualem suam: rursus qui stomacho laborat,*  
*hoc omnium esse difficillimum asserit; & quo*  
*quisque tenetur, hoc omnium molestissimum*  
*esse dicit. Idem euenisse mihi non diffiteor,*  
*sed hoc tamen mihi concedas velim, vt*  
*quando de longitudine CRVCIS nihil re-*  
*fecare conceditur, liceat saltem dolabrâ*  
*hac nonnihil læuigare. Præterquam enim*  
*quòd grauis nimium fit, rudis est & aspera*  
*CRVX, vt artus mihi planè comminuat.*

Sic loqueris filia? reponēbat Christus:  
cessa conqueri, *melius est frangi laboribus*  
*& doloribus ad salutem, quàm remanere*  
*incolumem ad damnationem. In quantum*  
*autem grauaris, in tantum lucraris, & in*  
*quantum inuuaris, in tantum tua tibi premia*  
*minuis. Elige ergo, quod eligas, an quod*  
*grauando iuuēt, an quod inuando grauet:*  
*hoc*

Chrysof.  
Hom. 67.  
ad pop.  
Antioch.

Bernard.  
de Inter.  
domo

cap. 46.  
Idem Epi-  
stolâ 73.

*hoc tibi meritum auget, illud minuit.*

Sed enim, inquiebat Staurophila, impar ego sum tanto oneri. Quasi verò, aiebat Christus, æterna Sapiencia nesciret, quantum hominum ferrent vires? Repetendumne iterùm quod dictum & doctum iam factis: *Fidelis est Deus, qui non patietur vos tentari supra id quod potestis, sed faciet etiam cum tentatione prouentum, ut possitis sustinere?* Nouit Medicus cur vini plus absynthij aut hellebori misceat, quàm alteri: nempe quia morbus eius sic postulat, aut natura. *Emplastrum mordax urit te, sed sanat te. Rogas Medicum, ut tollat emplastrum, & non tollit, nisi cum fuerit sanatum quo posuerat. Ego noui quem curo, non mihi det qui egrotat consilium, potiùs acquiescat meo, si sanari velit.*

1. Cor. 10,  
13.

August. in  
Psal. 98.  
post med.

2. Cor. 4,  
16.

Ingemiscens Staurophila, Ah! grauis est, inquiebat, Domine, manus tua super me, & ecce deficio pænè sub hac tam longâ, tam graui, tam acerbâ CRVCÆ. Repugnans, aiebat Christus, spiritui Dei, qui per Apostolum meum ait: *Non deficiamus, licet is, qui foris est noster homo corrumpatur. Et, quare obsecro? quia is, qui intus est, renouatur de die diem. Id enim quod in presenti est momentaneum & leue tribulationis nostræ, supra modum in sublimitate æternum gloria*  
pon-

pondus operatur in nobis. Perge ergo iam  
 murmurare, & dicere; longum est, graue  
 est, non possum tam immania, & tam diutur-  
 na portare. Apostolus momentaneum & le-  
 ue perhibet esse quod toleras: & certè necdum  
 à Iudeis quinquies quadragenas vnâ minus  
 accepisti, necdum nocte ac die in profundo  
 maris fuisti, necdum plus omnibus laborasti,  
 postremò, necdum ad sanguinem restitisti.  
 Vide ergo, quòd non sint condigna passiones  
 ad gloriam. Quod tribulationis est, momen-  
 taneum est & leue; quod glorie, aeternum  
 est, & pondus etiam supra modum in subli-  
 mitate.

Bernard.  
 Serm. de  
 Fallac. hu-  
 ius vitæ.

2. Coriath.  
 11, 24.



Disciplinam Domini, fili mi, ne abijcias, nec  
 deficias, cùm ab eo corripèris. *Prov. 3, 11.*



*Abicit eterne studium, spem, usque salutis,  
 Quæ volet impostam deseruisse CRUCEM.*

## CAPVT VIII.

*CruX ferenda quotidie, abiicienda  
numquam.*

Disciplinam Domini, fili mi, ne abii-  
cias, nec deficias cùm ab eo corri-  
peris. *Proverb. 3, 11.*

*Abiicit aterna studium, spem iusq; salutis,  
Que volet impositam deseruisse CRUCEM.*



T vidit Staurophila, non li-  
cere de CRVCIS pondere  
quidquam imminuere, hume-  
ros rursus oneri subiecit, quam-  
uis non admodum libenter;  
rogabat proinde Dominum: Quàm diu,  
quæso, hanc tolerabo CRUCEM, & quan-  
tum adhuc absum à fine. Longa sanè hæc  
VIA est, & plurimum adhuc requirit tem-  
poris, vt emetiri valeam. Cui Christus: *Cu- Sap. 1, 11.*  
*stodi te à murmuratione, quæ nihil prodest.*

O quàm longè adhuc es à vestigiis Marty-  
rum, de quibus canit Ecclesia:

*Caduntur gladiis more bidentium:*

*Non murmur resonat, non querimonia;*

M

Breuiar.  
Rom. in  
Hymn. de  
plurib.  
Sed Martt.

*Sed corde impauido mens benè conscia*

*Conseruat patientiam.*

Tu autem quereris & indignaris, nunc ob CRVCIS longitudinem, nunc ob ponderis grauitatem; modò temporis incufas diurnitatem, & ne illud quidem cogitas quæ, & in quem indignè. Quæ? Homo, umbra, puluis. In quem? Horrendum dictu, in Deum, in Patrem, & Patrem infinitè bonum, infinitè sapientem. Si autem CRUX non permiffa solùm à Deo, sed immiffa: tu, quæ fremis, quæ repugnas, quid aliud quàm sceptrum illi (quod in te est) eripis & arbitrium regnandi? Deus, ô filia, bonitas ipsa est: edocere velis infinitam bonitatem, quo se pacto erga te gerat? Aurificis est scire quàm diu auro fit in igne sudandum, nec aurum priùs ex hoc balneo educitur, quàm satis esse purgatum constet.

Act. 1. 7.

*Ita sanè non tuum est nosse tempora vel momenta, quæ Pater posuit in suâ potestate.*

August. in  
Plal. 36.

A CRUCE liberaberis, cùm visum fuerit illi qui imposuit. Quid quereris de temporis diurnitate? Infirmetas tua, facit diu videri quod citò est, *quod tibi longum videtur, citò est Deo; subiunge te Deo, & citò tibi erit.*

Vtcumque hæc se habeant, inquebat Staurophila, attritæ sunt omnino vires meæ,

&

& præ fatigatione vterius pergere nequeo. Nimiùm prolixus hic labor, & qui eum sequitur dolor. Et Christus: Mitte inanes has voces, rectius enim dicerès, Non volo, quàm, Non valeo hanc CRUCEM ferre: *Omnia enim potes in eo qui te confortat*: Phil. 4, 13. *posses utique, si velles; sufficit enim tibi gratia mea: Nec est durum, nec graue quod ille imperat qui adiuuat, ut fiat quod imperat.* 2. Corinth. 12, 9. August. Serm. 4. *Proprium est agri, nihil diu pati, & mutationibus ut remediis uti.* Age, Staurophila, constanter age, nec assiduitate à suscepto semel CRUCIS iugo deterreare. *Si exiguus, est dolor, feras, leuis est patientia; si grauis, tolera, non leuis est gloria; si diuturnus, perseuera, perennis erit retributio: assiduitate ipsâ dolor mitigabitur. Quod quotidie fit, leuius fertur, & ipsâ consuetudine in naturâ transit; adèò ut arumnis ipsis superiores fiant, continuo patiendi exercitio veluti obducto callo obarmati. In mari, qui primùm nauem conscendunt; ob nauigandi insolentiam, perturbantur, tumultuantur, & vertigine corripiuntur: at qui multa maria peragrarunt, & multas tempestates, & saxa, & scopulos, & belluarum impetus, & piratarum insidias pertulerunt, & continuas procellas sustinuerunt, fidentiori deinceps animo, quàm, qui ambulant in terrâ, in nauì sedent; non in-*

Seneca in Excerpt.

Chrylost.

tus dumtaxat ad carinam, sed etiam in ipsi  
 nauis lateribus insidentes, & tum in prorâ,  
 tum in puppi sine metu stantes: & qui prius  
 vel ad ipsius maris aspectum cum tremore  
 iacebant, post periculum factum, iam & fu-  
 nem trahunt, & vela pandunt, & remos ca-  
 pessunt, & in omnes nauis partes facile con-  
 cursant. Idem ne dubites, filia, & tibi ac-  
 cidet: ferendi difficultatem quotidianus  
 emolliet vsus.

At metuo, aiebat Staurophila, ne hic vsus  
 ita me atterat, nihil vt mihi restet virium.  
 Etenim quem via hæc habitura sit finem,  
 & quando, ne à longè quidem prospicio;  
 quare ad illum vsque cum hac CRVCE  
 pertingere non valebo. Velis ergo, inque-  
 bat Christus, arreptum iter deserere? CRV-  
 CEM derelinquere? ne, quæso, id feceris;  
 toleratus enim hæctenus labor prorsus fiet  
 inanis. Hæc Christianorum vera demum est  
 Ioan. 19, 30 gloria, cum capite suo dicere: *Opus consum-  
 maui, quod dedisti mihi, vt faciam.*

August.  
 Serm. 7. de  
 verb. Apo-  
 stoli.

Pergebat verò Staurophila conqueri, &  
 Prolixâ nimis, aiebat, patientiâ opus est,  
 tot vt hebdomadibus, atque etiam mensi-  
 bus & annis in CRVCE persistam. Nulla  
 CRVX, respondebat Christus, diuturna  
 videbitur, si ei dederis latitudinem, longi-  
 tudinem, altitudinem, & profunditatem.

*Latitudo*

Latitudo charitas est; quæ sola benè operatur, efficitque ne pereat, quidquid boni facis.

Quæ est longitudo? Qui perseverauerit vsque in finem, hic saluus erit. Hæc est longitudo

Math. 10;  
22.

CRVCIS, ubi totum corpus porrigitur, ubi quodammodo statur, quo stando perseveratur: Si vis habere CRVCIS longitudinem, habeto perseverandi magnanimitatem. Quid est habere altitudinem, nisi cogitare Deum, & gratis amare ipsum Deum adiutorem? Crede mihi Staurophila, cum ego paulò ante mortem grande illud CRVCIS onus ad Caluariæ montem deportarem, vehemens desiderium gratissimam Dei Patris exequendi voluntatem adedò in me excreuerat, vt vel ad extremum vsque iudicij diem pro salute hominum sic incedere nihil recusassem, si sic fuisset visum Patri, & ad illius cessisset honorem.

Thaul. in  
Exercit.  
Dom. Pass.

Parum mouebatur his Staurophila, sed laboris pertæsa CRVCEM abiecit, & fugam apparabat. Christus verò eam retentans, aiebat: *Va his qui sustentiam perdididerunt.* Quid est hoc, Staurophila? vt quid studes fugere CRVCEM, quam vltro & magno animo non ita pridem subiuiisti? *In cassum bonum agitur, si ante vitæ terminum deseratur: quia frustra velociter currit, qui, priusquam ad metas venerit, deficit.* Ad quod illa eiui-

Eccli. 2, 16

Greg. lib. 1.  
Moral.

lans, Domine, inquiebat, si cognouissem, tanto tempore, & quidem sine vllâ intermissione ferendam CRVCEM, numquam illam suscepissem.

Leo Serm.  
19. de Pass.

An non disertè præmonui, subdebat Christus, tollat CRVCEM suam QVOTIDIE, & sequatur me: natis enim de Spiritu sancto quantumcumque superest mundani temporis, non sine CRVCIS susceptione ducendum est. Nam \* sicut totius corporis est pie

\* Idem  
Serm. 9. de  
Quadra-  
gel.

vinere, ita totius est temporis CRVCEM ferre, qua meritò ferri vnicuique suadetur, quia propriis modis atque mensuris ab vnoquoque toleratur. Sed vide, quæso, quid agas:

Thomas  
à Kemp.  
lib. 2. de  
Imitat.  
Christi  
cap. 12.

nam si abiicis vnā CRVCEM, aliam proculdubio inuenies, & forsitan grauiorem. Credis tu euadere, quò nullus mortalium potuit præterire? Quis Sanctorum in mundo sine CRUCE & tribulatione fuit? Nec ego vel vnâ horâ sine dolore passionis sui, quamdiu vixi. Et quomodo tu aliam viam quæris, quàm hanc REGIAM VIAM, quæ est VIA SANCTÆ CRVCIS. CRUX semper parata est, & vbiq; te expectat. Non pates effugere, quocumque cucurreris: quia quocumque iueris, teipsam tecum portas, & semper teipsam inuenies. Conuerte te supra, conuerte te infra: conuerte te extrâ, conuerte te intrâ, & in his omnibus inuenies CRVCEM: & necesse est te vbiq;

*ubique tenere patientiam, si perpetuam velis  
promereri coronam.*

Erubescere ad hæc Staurophila, nec poterat quidquã respondere. I E S V S verò misericorditer sæuiens, coëgit eam abiectam resumere CRUCEM. Et age, inquit, mea Staurophila, CRUCEM hanc rursus tolle, & cœptam perge viam. *Feras, non culpes, quod mutari non potest.*

Publ. Minus.

Illa verò illacrymans, Domine, inquebat, *imperfectũ meum viderunt oculi tui, & quid nunc agam, ignoro. Cui Christus: Priorum oblita in anteriora te extendens, ad destinatũ persequere. Tene, inquam, quod habes, vt nemo accipiat coronam tuam. Pone te vt fidelis ancilla Christi ad portandam viriliter CRUCEM Domini tui, pro te ex amore Crucifixi. Præpara te ad toleranda multa aduersa & varia incommoda in hac miserã vitã: quia sic tecum erit, ubicumque fueris.*

Pf. 138, 16.

Phil. 3, 13.

Apoc. 3, 11.

Thomas à Kemp.

lib. 2. de

Imitat. Christi

cap. 12.

Sed nescio, inquebat illa, quomodo hoc faciã viribus adeò fracta, vix vt queam subsistere. Cogita, inquebat Christus, quòd siue velis, siue nolis, CRUCEM & calamitatem patieris. Quòd si grate, maxima lucraberis: si verò agrè & impatienter feras, neque illam ita minorem facies, sed maiorem. Cogitans ergo quòd necessitatis est, hoc tuæ voluntatis esse facias. Præcipuum enim in rebus humanis est,

Chrysost.

Hom. 44.

ad pop.

Antioch.

Senec. l. 3.  
Natur.  
quæst. in  
exord.

*posse leto animo aduersa tolerare: quidquid acciderit sic ferre, quasi tibi uolueris accidere. Debuisses enim ferre, si scisses omnia ex decreto Dei fieri; flere, queri, ingemere, desciscere est.* Grauet CRVX, longa sit VIA, difficultates occurrant plurimæ, tolerandum est; Deus enim uoluit. Ita Dauid: *Opprobrium, inquit, insipienti dedisti me. Obmutui, & non aperui os meum. & quare? quoniam tu fecisti.* Hæc scilicet sufficiens erat causa, cur non murmureret aut obloqueretur Deo, quoniam ipse fecisset. Hoc idem animo tuo reuolue, Staurophila.

Pfal. 38, 9.

Blef. Epist.  
31.

Citatur vt  
Orig. Tra-  
ctat. 35. in  
Math.

August.  
Serm. 2. in  
Fest. Omn.  
Sanct.

Necessitas sanè hæc, aiebat illa, ingentem tristitiam animo meo obiicit. Cui Christus: Cælum suspice, æterna præmia meditare. *Quod enim impatientia supplicium reputat, humiliter patienti ad solatium cedit. Cum enim patientia fructum consideratius pensat, leuigatur onus, & dulcescit afflictio: dum in ipsorum pressurâ grauaminum futuras consolationis primitias iam prægustat.* Cyrenæus ille Simon mercede conductus, CRVCEM tulit post me; ita cum CRVCEM naturaliter horreat lasciuiens caro, obijciendum est oculis præmium laboris, vt saltem amore eius CRVCEM amplectatur. Iam verò expende, si quotidie oporteret tormenta perferre, si gehennam ipsam paruo tempore tolerare, vt me videre digna esses *uenientem in gloria,*

riâ, & Sanctorum meorum numero sociari; nonne dignum erat pati omne quod triste est, ut tanti boni tantæq; gloriæ particeps habereris. Tolera igitur quod non vis, ut assequaris quod vis. Esto fidelis usque ad mortem, & dabo tibi coronam vitæ.

Idem in  
Psal. 79.  
Apoç. 2, 10

Redibat hîc Staurophila animi vigor, & resumptis viribus dicebat: *Paratum cor meum Deus, paratum cor meum, \* propter verba labiorum tuorum custodire vias duras. Eia Domine IESV, sicut dixisti, & promisisti, sic utiq; fiat, & mihi promereri contingat. Suscepi, suscepi de manu tuâ CRUCEM, portabo, & portabo eâ usq; ad mortem, sicut imposuisti mihi. Inceptum est, retrò abire non licet, nec relinquere oportet. Ita age, Staurophila, aiebat Christus, persevera mecum in CRUCE, nec antequam, consummatum est, pronuntiaueris, CRUCEM deferas. Si rex Israel est, clamabant Iudæi; si Filius Dei est, descendat nunc de CRUCE, & credimus ei. Mihi autem difficile non erat descendere de patibulo, qui potui resurgere de sepulchro: sed quia patientiam docebam, ideò potentiam differebam. Tu quoque, ô filia, exemplo meo patientiam exerce prolixam, qui enim perseverauerit usque in finem, hic saluus erit.*

Psal. 107, 1.

\* Psal. 16, 4

Thomas  
à Kemp.  
lib. 3. de  
Imitat.  
Christi  
cap. 56.

Matth. 27,

42.

August.  
Tract. 37.  
in Ioan.

Matth. 24,  
13.

Noli extollere te in faciendo opere tuo. *Ecccl 10.*



*Mobilis oblectant quid te præconia vulgi?  
In solum referas teque CRVCEMQ. Deum.*

## CAPVT IX.

*In CRUCEM ferente, non ferenda  
inanis gloria.*

Noli extollere te in faciendo  
opere tuo. *Eccli. 10, 29.*

*Mobilis oblectant quid te praconia vulgi?  
In solum referas teque CRUCEMque  
Deum.*



CHRISTI sermonibus animosior reddita, alacriter pergebat Staurophila cœptum CRVCIS iter. At noua mox procella, noua ei oborta tentatio. Cum enim celebriorem quemdam obambûlaret vicum, in eoq̄ue magna esset populi frequentia; cœpit spectantium vocibus celebrari, quod piè scilicet & generosè CRUCEM baiularet. Quamuis autem non eo fine (vt pridem) hæc faceret; non poterat tamen non delectari tam speciosâ sui commendatione, & publicâ famâ. Quare idem eam auscultabat, & plurimum sibi ipsi placebat.

Videns

Videns verò id Christus, non cessauit eam monere: Caue, inquires, Staurophila, caue præcipitium, periculosissima enim ab amore laudis tibi imminet tentatio. Et quid est, quæso, quòd aliorum suffragio tibi places de te, cum hoc ipso multum mihi displiceas? *Instat sanè aduersarius vera beatitudinis, ubique spargens in laqueis, Euge, euge: ut dum auide colligis, incaute capiaris.* Et vide, precor, quid agas: *virtutum enim germina non raro plantari solent ex inani gloria, tamquam ex cloacâ & cæno irrigari, & ex ostentatione circumfodi, atque ex laudibus humanis stercorari, quæ tamen translata postmodum in desertum solum, omnisq; inanis gloria cænentâ aquâ vacuum, confestim exsiccata sunt.* *Arbor, quòd altiùs ad superiora surrexerit, eò ventorum vim vehementiùs sentit: quòd quis maioribus operibus attollitur, eò ampliori ab ore laudantium statu fatigatur.* Quare valde perfectorum est, sic ostenso opere Auctoris gloriam querere, vt de illibatâ laude nesciant priuatâ exultatione gaudere.

Mirari satis nequeo, aiebat Staurophila, quâ rimâ hæc pestis iterum irrepserit. *Ego enim nunc gloriam meam non quero, & auferim cum Prophetâ dicere: Auertantur statim erubescetes, qui dicunt mihi; Euge, euge. Fateor tamen non nihil delectari me laudibus, &*

August.  
lib. 10.  
Confess.  
cap. 36.  
Climach.  
Grad. 2.

Greg. lib.  
22. Moral.  
cap. 5.

Psal. 69, 4.  
August.  
lib. 10.  
Confess.  
cap. 37.

*gaudium boni mei augere videtur suffragatio oris alieni; & bona quæ mihi in me placent, iucundiora mihi sunt, cum & alteri placent. Ita quotidiana fornax nostra, est humana lingua. Tu autem nosti de hac re ad te gemitum cordis mei, & flumina oculorum meorum. Neque enim facile colligo, quàm sim ab istâ peste mundatior: & multum timeo occulta mea, quæ norunt oculi tui, mei autem non.*

Reliquiæ hæ sunt, inquiebat Christus, præteriti morbi: quia enim vanam gloriam avidè sectata es, iam etiam, licet inuita, eadem infestaris. Piâ siquidem conditoris dispensatione agitur, ut de se confidens anima, dispensatoriâ tentatione pulsetur: quatenus infirmata, quid sit inueniat, & præsumptionis propriæ fastum deponat. Atque ex hoc capite nescit laudem, cum suppetit, fugere; qui ad hanc didicit, cum deesset, anhelare. \* Sæpe enim bono operi dum laus humana obuiat, mentem operantis immutat: quæ, quamuis quesita non fuerat, tamen oblata delectat. Cuius delectatione dum mens benè operantis resolvitur, ab omni intentione intimi vigoris dissipatur. Tetigisti Domine vlcus meum, & agnosco iam insidias latentis inimici. Dum enim purâ intentione Deo placere studeo, eidem intentioni furim se, nescio quomodo, intentio humanæ laudis interserit. Quod cum iam post-

Greg. 2.  
Moral.  
cap. 26.

Greg. in  
Pastor. par-  
te 2. c. 9.  
\* Idem alib.

Greg. 35.  
Moral.  
cap. 16.

mo-

modum tardeq̄, discerno, inuenio me aliter agere, quod scio me aliter inchoasse. Sic enim sapè intentionem nostram dum ante Dei oculos rectè incipitur, occultè sibi iam subiuncta, & eam velut in itinere comprehendens intentio humanæ laudis assequitur: sicut pro necessitate quidem cibus sumitur, sed in ipso esu dum furtim gula subrepat, edendi delectatio permiscetur. Vnde plerumque contingit, vt refectio- nem corporis, quam salutis causâ cæpimus, cau- sâ voluptatis expleamus.

Morbum iam ipsa tuum, aiebat Christus, probè nosti, de remedio iam cogitandum. Quis illud meliùs præscribat, aiebat Staurophila, quàm tu, Domine, verus animarum nostrarum Medicus? Antidotum proinde aduersus hoc malum famulæ tuæ largiri non graueris. Cui Christus: Accipe quod iam olim præscripti: Nesciat sinistra tua, quid faciat dextera tua, non de corpore loquens, sed vt etiam vnanimis tuus, frater tuus, quod facis nesciat, ne dum hic mercedem queris iactantia, illic remunerationis fructû amittas. Quinimò si possibile est, te ipsum quoque ignorare quod facis, sit tibi hoc prorsus instudio.

Sed quid opus, inquebat Staurophila, bona opera tanto studio celari, cum tuo ore dictum legamus: Videant opera vestra bona, & glorificent Patrem vestrum qui in calis est?

Rectè,

Matth. 6, 3  
Ambros. 1.  
Offic. c. 30.

Chrysoft.  
19. in  
Matth.

Matth. 5,  
16.

Rectè, inquiebat Christus, videri possunt bona opera vt glorificetur Pater cælestis, cui competit omnis honor & gloria : nequam verò vt glorificetur cinis & puluis, cui confusio debetur faciei. *Stultitiæ enim genus est, vt, cum alij debeas vitæ beneficium, tibi adscribas ornamenta virtutum : cum non sit tuum quod es, quomodo tuum erit quod habes ?*

Valerian.  
Episcopus  
Hom. 11.  
circa fin.

Non diffiteor, aiebat Staurophila, hæc ita esse, tua enim, ô Domine, sum ego, & omnia opera nostra operatus es nobis, sine te enim nihil possumus. Nam *sicut palmes non potest ferre fructum à semetipso, nisi manserit in vite, sic nec nos, nisi in te manserimus.* Sed pergat, quæso, Dominus meus inanis gloriæ depingere vanitatem, vt eam magis declinare possim. Ipsum nomen, aiebat Christus, fatis se prodit. Cur enim dicitur vana gloria, nisi quia picta & umbratilis est, omnifque substantiæ vacua ? Quis sapiens sceptro aut diademate in chartâ delineato, ceu vero gaudeat ? Quis sepulchrum dealbatum, intus plenum ossibus mortuorum, thesaurum æstimet pretiosum ? *Quasi qui apprehendit umbram, & persequitur ventum, sic & qui attendit ad visa mendacia.* Cuiuscumque coloris sit corpus, umbræ semper atræ sunt & obscuræ ; quantumuis illustria sint opera,

Isaïæ 26,

12.

Ioan. 1 5, 4.

Eccli. 34, 2.

eorumdem tamen pedissequa, vana gloria scilicet, deformis est & inanis. Et vmbra nunc maiores nunc minores sunt, non pro corporis quantitate, sed externi luminis accessu vel recessu: ita qui ex hominum ore toti pendent, aliquando magni & excellentes, subinde exigui & nullius momenti habebuntur; prout aliorum tulerint opiniones. Atque ita *stultus sicut luna mutatur.*

Eccli. 27,

12.

Bernard.

Serm. de

Natiuit. S.

Ioan. Bapt.

Quemadmodum enim *splendet sine feruore, & modo plena, modo exigua, modo nulla videtur: mutuatum siquidem lumen nunquam in eodem statu permanet, sed crescit, deficit, extenuatur, annihilatur, & penitus non comparet: sic qui conscientias suas in alienis labijs posuerunt, modo magni, modo parui sunt, modo nulli, secundum quod adulantium linguis vel vituperare vel laudare placuerit.* Et

Isaia 3, 12.

quid amplius dicam? *Filia, qui te beatam dicunt, ipsi te decipiunt, & viam gressuum tuorum dissipant. \* Ut enim pueri ludentes ex foeno*

\* Chrysof.

Homil. 17.

in Epist. ad

Rom.

*coronas imponunt, coronatum autem saepenumero eius rei ignarum post tergum irrident: ita & nunc qui te in faciem pradicant, apud seipsos clanculum subsannant, atque ita quid aliud fit, quam quod homines sibi inuicem foenum coronantes imponant? & utinam nil aliud quam foenum! Nunc autem multo etiam nocumento plena est haec corona. nam*

om-

omnia rectè facta perdit. Quasi enim latrunculus quidam est, appetitus laudis humana, qui recto itinere gradientibus ex latere iungitur, ut ex occultis, educto gladio, gradientium vita trucidetur. Cumq; proposita utilitatis intentio ad studia priuata deducitur, horrendo modo vnum idemq; opus culpa peragit, quod virtus inchoauit.

Greg. 1.9.  
Moral.  
cap. 13.

Agnosco, Domine, inquietabat Staurophila, agnosco fati, quantum damni inferat inanis gloria. Verè enim illa est laborum dissipatio, sudorum perditio, thesaurorum insidia, perfidia alumna, superbia præcursor, in portu naufragium, in arca formica. Quæ etsi tenuis est, laboribus tamen omnibus & fructibus insidiatur. Sed quis poterit effugere subtilissimum hunc astuti serpentis sibilum, occultissimè sese actionibus nostris, & maximè bonis insinuantem? Præterde  
 alas tuas, Domine, & fugiam sub eas, gloria mea tu esto, propter te amer, & verbum tuum timeatur in me. Qui laudari vult ab hominibus, vituperante te, non defendetur ab hominibus iudicante te, nec eripietur damnante te. Cùm autem non peccatar laudatur  
 in desiderijs animæ suæ, nec qui iniqua gerit, benedicitur; sed laudatur homo propter aliquod bonum quod dedisti ei: at ille plus gaudet sibi laudari se, quàm ipsum do-

Climach.  
Grad. 21.

Aug. 1.10.  
Conf. c. 36.

Psal. 10, 3.

num habere unde laudatur, etiam iste, te  
vituperante, laudatur. & melior iam ille  
qui laudavit, quàm iste qui laudatus est.  
Illi enim placuit in homine donum Dei,  
huic amplius placuit donum hominis, quàm  
Dei.



## CAPVT X.

*Quâ intentione CRVX ferenda, & primò ad satisfaciendum pro peccatis, & vitandas inferni pœnas.*

A Domino corripimur, ne cum hoc mundo damnemur. 1. Cor. 11, 32.

*CRVX aeterna stygis, breuis est tua Christe, sed illam  
Vt fugiam, huic humeros supposuisse inuat.*



DOCTA iam erat Staurophila, nec ex inani gloriâ CRUCEM deferre, nec cum illâ: vanitatem enim intendere, omni merito spoliât; subrepentem a latere sponte admittere, etsi boni operis valorem non tollat, minuit tamen, & non modicâ labe inquinat. Bonâ ergo opus esse intentione videns, percunctari cœpit, num ampliùs aliquid spectandum, quàm vt intentio mala non esset, aut ne malum haberet admixtum. Cui Christus ita respondit: Certi sũnt in bonâ intentione gradus, atque vt aliis alio sublimior, ita & melior: & permagni refert, quò tuos conatus refe-

A Domino corripimur, ut non cum hoc  
 mundo damnemur. 1. Cor. 11, 32.



CRVX eterna Stygis, breuis est tua CHRISTE; sed illa  
 Vt fugiam, huic humeros supposuisse iuuat.

ras. Nam & illi qui CRUCEM etiam non malè ferunt, non vnum habent præstitutum scopum, & vide illud iam antè adumbratum. Passionis meæ tempore quatuor eramus Cruciferi; diuersâ tamen intentione impositum illud onus ferentes. Duo enim latrones, qui mecum educebantur, hac causâ eam gestabant, vt digna factis reciperent, & pro delictis suis, iuxta Iudicis sententiam, facerent satis. Simon Cyrenæus coactus, & pretio conductus, baiulabat CRUCEM post me, vt mercedem acciperet. Ego verò in gestandâ CRUCE aliud non spectabam, quàm vt æterno Patri placerem, & eius morem gererem voluntati.

Triplicem ergo hîc vides intentionem. Prima seruorum est, qui formidine pœnæ, ne in æternum scilicet puniantur, CRUCI se submittunt. Altera mercenariorum, qui inclinant se ad ferendam CRUCEM propter retributionem. Tertia est filiorum, qui vt pœnam non timent; ita mercedem non expectant, sed ex puro amore Deo per CRUCEM placere nituntur.

Animaduertis hîc tres gradus, Timorem, Spem, Charitatē quorū distinctionem paucis accipe: *Qui initiatur à timore, CRUCEM* Bernard.  
*sustinet patienter; qui proficit in spe, portat* Serm. i. in  
*libenter; qui verò consummatur in charitate,* Fest. S.  
 Andræ.

amplectitur iam ardentem. Solus iste est qui dicere potest: Quia amator tuus semper fui, & desideravi amplecti te. Longe est vox ista ab eo, qui sustinet quidem, sed optaret omnino, si posset, non venisse in hanc horam. Is qui timore coercetur patiens est: qui ratione spei ducitur, benivolus est: sed nisi etiam fuerit feruens spiritu, facile labi potest. Porro qua per spiritum diffunditur charitas, & patiens & benigna est, & quod est amplius, numquam excidit. Fortis enim est ut mors, non patientia aut spes, sed dilectio. Dicit patientia, Sic oportet fieri, quia timore urgetur. Dicit voluntas bona, Sic expedit, & sic agendum est, quia spei attrahitur ratione. Charitas verò, quia inflammatur à spiritu, Neque sic oportet, dicit, neque sic expedit: sed sic volo, inquit, sic cupio vehementer.

Psal. 110,  
10.

Triplicem, aiebat Staurophila, aperiri viam; sed quam mihi congruentior, prorsus ignoro. Cùm Christus: Ordine ut procedas, suadeo exordiri à timore: Initium enim sapientiae timor Domini. & per hunc paulatim ascenditur ad gradus superiores. Quî porro id faciam? aiebat Staurophila. Principio, respondebat Christus, absque vllâ hæsitatione tibi persuadebis, optimo iure tibi impositam CRUCEM, quam tuis sceleribus non semel sis promerita. Quid enim indignum

dignum fiat illi, quæ toties diuinam læsit  
maiestatem? & an non æquissimum, vt

*Aequo animo pœnam, qui meruere, serant?* Ouid.

Filij Iacob in magnâ angustîâ coram Iosepho constituti, veritatem hanc serò serioque agnouerunt. *Meritò hæc patimur, aiebant, Gen. 42, 21 quia peccauimus in fratrem nostrum, videntes angustias animæ illius, dum deprecaretur nos, & non audiuimus: idcirco venit super nos tribulatio. Hæc vera causa huius afflictionis. Quare in omni CRUCE, in omni tribulatione id tibi sit in ore, magis autem in corde: Meritò hæc patior, quia peccaui; & quod ait Propheta: Via tua & cogitationes tue fecerunt hæc tibi.* Ierem. 4, 12.

Cui Staurophila: Ita est, Domine, *Iram Domini portabo, quoniam peccaui ei, & iustè CRUCEM patior, nam digna factis recipio: neque oblita sum quid generosa olim dixerit Iudith: Non ulciscamur nos pro his quæ patimur, sed reputantes peccatis nostris hæc ipsa supplicia minora esse flagella Domini, quibus quasi serui corripimur, ad emendationem, & non ad perditionem nostram euenisse credamus. Ideoque immeritò queruntur filij Adam, & ponunt os suum in cælum, Deo adscribentes sauitiam, dum eorum punit malitiam. Noui ego, Domine,* Mich. 7, 9. Iud. 8, 26.

*Quæ falsò accusent Superas, stultiq; querantur* Chryso.

*Mortales ! etenim nostrorum causa ma-  
lorum*

*Ipsi nos sumus ; & sua quemque vecordia  
lædit.*

Benè hoc quidem , aiebat Christus , sed  
praterè & illud latere te nolo , non tantùm  
iniuriam non esse quòd homo crucietur , sed  
maximum etiam indulgentissimi Patris be-  
neficium , qui corruptelam filiorum non pati-  
tur longius procedere , sed plagis & verberibus  
emendat . Ex quo intelligant Deo se curæ  
esse , quibus , quoniam peccauerunt , irascatur .

Lactant.  
lib. 5. de  
Iustitiâ  
cap. 23.

August. in  
Psal. 93.

Ansel. in  
I. Corinrh.  
cap. 11.

Psal. 72, 5.

*Ad tempus enim Deus emendat , ne in æternum  
damnet . Elige tibi vnum ex duobus , tempora-  
lem dolorem , aut æternum . Nam illi meritò  
lugendi sunt , qui cum in vitâ peccent , in hac  
vitâ non puniuntur . In labore hominum  
non sunt , aiebat Psalmista , & cum hominibus  
non flagellabuntur : cum quibus ergo , nisi  
cum dæmonibus ?*

Vt video , aiebat Staurophila , olim cum  
omnes vitæ nostræ periodos vno aspectu  
cernemus , fatebimur fanè quod aliquando  
dixit Themistocles : Perieramus , ô pueri ,  
nisi perijssemus ; cruciaremur , nisi CRVCEM  
tulissemus . Ita est Staurophila , aiebat Chri-  
stus : sed tu iam monita culpam attende , vt  
leuiter pœnam feras . *Tunc enim patienter il-  
lata flagella tolerantur , cum in secreto mentis*

Laurent.  
Iustin. in  
Lig. vit. de  
Patient. c. 5

ad

ad mala perpetrata recurritur, quia per hoc quòd culpæ pondus agnoscitur, afflictionis pœna leuigatur. Interloquebatur hîc Staurophila: Quid verò de ijs censendum, Domine, qui pœnas hîc fugiunt, quantumuis non modicas commiserint culpas, sed pro ijs dicunt se in Purgatorio luituros? Hi sanè (inquiebat Christus) & se decipiunt, & parui se ostendunt iudicij. In hac enim vitâ leuissimis afflictionibus pro grauissimis criminibus potest homo satisfacere, plurimumque mereri. In Purgatorio autem sterilissima est patientia, vbi summis cruciatibus parum satisfacias, & nihil merearis. Afflictio ibi maxima, satisfactio exigua, merita nulla. Hic verò afflictio modica, satisfactio maxima, merita plurima. Ecquis Mercator eo tempore merces emat cum viliores sunt, & pretia maiora, & non potius tunc cum gratis ferè habentur? Sed hæc est stultitia amatorum sui, qui nihil attendunt nisi præsentia, futurorum securi. Verùm cum pauci admodum sint, qui in peccatum lethale non inciderint; quo, precor, titulo CRUCEM excutient, qui vel vnico fuerint contaminati? *Si animo conceperis, Staurophila, quia necesse est prauaricatricem animam tartareis pœnis & gehenne ignibus tradi; nec aliud remedium constitutum esse post Baptismum, quàm Pœnitentiæ solatium:*

Ambros.  
ad Virg.  
lapfam c. 8

*quantamuis afflictionem, quantumuis laborem  
subire eris contenta, dummodò ab aternalibus  
pœnis libereris.*

Ergóne Domine, aiebat Staurophila, ad  
gehennam me mittis, vt inde discam pa-  
tientiam? Omnino, inquiebat Christus;

Chrysof.  
Hom. 31.  
in Epist. ad  
Rom.

ita exponit  
Bernard. &  
Aiguanus  
Psal. 54.

*non enim sinet in gehennam incidere gehenna  
recordatio.* Atque vtinam homines descen-  
*dant in infernum viuentes, ad damnatorum*  
pœnas considerandas, ne postea descendant  
morientes! Si enim cogites horrendos illos  
cruciatus, æternumque duraturas flammæ,  
tetterimum carcerem, sæuientem rogam,  
damnatorum gemitus, lamenta & vlulatus,  
nihil tibi istorum comparatione graue vide-  
bitur. Suspirans Staurophila, exclamabat:  
Hic vre, hic seca, hic puni Domine, modò in  
æternum parcas. Audire enim videor mise-  
ras illas & perpetuò infelices animas idem-  
tidem mihi inclamantes:

Ouid. 5.  
Trist.

*Elige nostrorum minimum minimumque do-  
lorum,*

*Isto, quo quereris, grandius illud erit.*

## CAPVT XI.

*Spe mercedis CRVX toleranda.*

Proposito sibi gaudio sustinuit  
CRUCEM. *Hebr. 12, 2.*

*Acterna tribuit que grata stipendia vite,  
Et labor & studium militet omne CRVCI.*



AC consideratione non segniter Staurophila timoris semitam perambulabat, animo valde compuncta, & creberrimè ingemiscens, quòd suis sceleribus gehennæ igni se fecisset obnoxiam. Hoc tamen nomine non parum sibi gratulabatur, quòd mediocri hac CRUCE grauissimos illos cruciatus liceret redimere. Cùm autem Christi iudicio fatis in hac palæstrâ defudasset, volens ad altiora eam euehere Christus, Satis, inquit, superque Staurophila hanc triuisti VIAM, mœroris ac formidinis plenam; amœniora restant itinera, non sine voluptate & gaudio decurrenda. Timore relicto deinceps respicies in remunerationem. *Illuminata enim mens delectationibus meritorum, cuncta libenter patitur: nihilq̃*

Laurent. &  
Iustin. Lig.  
vit. de Pa-  
con-  
tientiâ c. 6.

Proposito sibi gaudio sustinuit CRVCĒ. *Hebr. 12.*



*Aeternę tribuit que grata stipendia vite,  
Et labor et studium militet omne CRVCI.*

condignum arbitratur, quod patitur, consideratione donorum. *Lata* efficitur, & exponit se ad omnia, ut quod intuetur possideat. Nutriunt enim premiorum exempla patientiam: nec quisquam est qui possit ad culmen perfectionis ascendere, quando irremuneratum cernitur, quod conscientia teste laudatur. Proinde ut meos ad tolerandas accenderem passiones, ante ipsorum oculos volui transfigurari, ut ex recordatione gloria libenter CRUX portaretur. Et sicut in passione dignatus sum ab omnibus intueri; ita & in corporis mei glorificatione & ascensione passus sum ab hominibus palpari, & videri, ut alacres ad patientiam fierent, cum non dubitarent de promissione. Tanto namque letior fit miles in periculo, quanto certius intuetur, quid pro mercede promittatur. Omne enim opus leue fieri solet, cum eius premium cogitatur; & spes premij, solatium fit laboris; atque tantum proficit animus in virtute patientie, quantum certior efficitur de coronâ victorie.

Hilarescebat animo hæc audiens Staurophila, & *Lata* sum, inquit, in his quæ dicta PL. 121, 1. sunt mihi; fiat mihi secundum verbum tuum. Latifica animam ancillæ tuæ, & dirige pedes meos in VIAM pacis. Latere filia, inquit, Christus, & exulta in spe gloriæ Dei: Rom. 8. enim sunt condigna passiones huius temporis 18.  
ad

*ad futuram gloriam qua reuelabitur in vobis.*  
 Si tantum pro denario diurno viliq; stipendio laboretur, quantum ab opificibus, agricolis, alijsq; passim fieri tu ipsa cernis, quid non deceat pro præmio vitæ æternæ? Si tanti vitæ, quanti verum margaritum? quis non libentissimè tantum pro vero habeat erogare, quantum alij pro falso? Et crede, Staurophila, minori labore margaritum regni caelestis emi potest, quàm à mortalibus plerisque hereditas caesa expetitur. Si nautis minaces illi pelagi fluctus, si tempestates atque hiemes agricolis, si vulnera cadescq; militibus, si grauissimi illi ictus plagæq; pugilibus leues videntur atque tolerabiles propter spem temporalium ac pereuntium commodorum; multò magis cum calum proponatur in præmio, & ineffabilia illa bona atque perpetua, nihil ex præsentibus his aduersitatibus sentietur.

Dulcis fanè & efficax hic stimulus, aiebat Staurophila, ad CRVCEM alacriter portandam. Hac proinde consideratione, inquebat Christus, Sancti quique ad CRVCEM & tribulationes sese armauerunt. Hac Moyses grandior factus negauit se esse filium filii Pharaonis, magis eligens affligi cum populo Dei, quàm temporalis peccati habere incunditatem, maiores diuitias æstimans thesauro Aegyptiorum, improprium Christi. Cur autem?

Tertull. in  
 lib. ad Mar-  
 tyres c. 4.

Hieron.  
 Epist. 2. ad  
 Nepot.  
 Chrysof.  
 Hom. 24.  
 in Matth.

Hebr. 11,  
 24.

tem? nisi quia aspiciebat in remuneratio-  
nem. Cur, queso, S. Stephano lapides torren-  
tis ad eò dulces fuerunt, *vt eorum ictus veluti* Nyssen. l.  
*suauem quemdam rorem exciperet?* nimirum de Beatit.  
quia intendens in cælum vidit gloriam Dei;  
*nam qui futura vita premia diligenter exco-* Ifidor.  
*gitat, presentis vita mala equanimiter por-*  
*tat.* Quid fecit Hebræos opprobriis & tri- Heb. 10, 33  
*bulationibus spectaculum factos, rapinam bono-*  
*rum suorum cum gaudio suscipere, nisi quòd*  
*cognoscerent meliorem & manentem se habere*  
*substantiam?* Sed & ego, filia, *proposito mihi* Hebr. 12, 2  
*gaudio sustinui CRUCEM confusione contem-*  
*ptâ.* Et quis non contemnat dulcedinem saculi,  
*inhians dulcedini vite aeternæ?* August. in  
Psal. 68.

Acuebant hæc desiderium & spem Stau-  
rophilæ, iamque magnâ auuiditate ad illa cæ-  
lestis patriæ suspirabat tabernacula: &, *Desi-*  
*dero* (inquit) *mi Domine IESV Ierusalem* August.  
*cælestem. quanto autem impatientius desidero* Epist. 32.  
*ipsam, tanto patientius sustinebo omnia propter* ad Paulin.  
*ipsam.* Linteum enim istud amplissimæ re-  
munerationis omnem sudorem laboris, om-  
nes lacrymas doloris mihi abstergit. O re-  
tributio æterna, magnes animæ meæ, quàm  
validè trahis me post te! inardescit animus  
frui te, *iamque illic cupit assistere, ubi sperat sine* Gregor.  
*sine gaudere.* Hom. 37.  
in Euang.

Euge, euge Staurophila, inquebat Chri-  
stus:

Bernard.  
Serm. 17.  
in Psal.  
Qui habit.

stus: *prelibemus primitias gloriae, gloriemur in spe gloriae magni Dei: non solum autem, sed (ut dicam expressius) gloriemur in tribulatione, in eâ siquidem spes gloriae est.* Coniuncta enim sunt CRVX & regnum: nec hoc obtinebit, qui illum non tulerit. Agnoui hoc dilectus discipulus meus, cum ita scripsit:

Apoc. 1, 9.

*Ego Ioannes frater vester, & particeps in tribulatione, & regno & patientiâ in Christo IESV. Quid enim hoc est? nisi quod qui regni confortium desiderat, necessariò debeat esse particeps tribulationis & patientiæ, quasi vnum ab altero separari non possit. Et*

Luc. 24, 26

*nõne oportebat me pati, & ita intrare in gloriam meam? Quid iam dicis, ô Staurophila?*

Chrysoft.

Hom. 2. in

cap. 1. ad

Coloff.

*ad regnum vocata es, & ad regnum filij Dei; quod si singulis diebus vel in mille mortes insiliendum fuisset, an non omnia ferre oportebat? At qui principatus gratiâ nihil non faceres, cum verò consors futura sis regni vnigeniti Dei, non obijcies te vel mille gladijs? non insilies in ignem? & istud quidem nondum graue quidquam fuerit. Si ergo vis beatam vitam possidere, presentem vitam contemne. Si vis exaltari in celo, humiliare in mundo. Si vis regnare mecum, porta CRVCEM mecum. Soli enim serui CRVCIS inueniunt VIAM BEATITVDINIS & veræ lucis.*

Thom. à Kemp. 1, 3. cap. 56.

Subiunxit Staurophila: Amodò dulcis mihi

mihi erit CRVX, suavis labor, grata tribulatio: his enim nummis, exiguis licet, regnum cælorum venale est. *Et quantulum pretium damus? quodammodò vnã siliquam ad accipiendos thesauros sempiternos: siliquam laboris, ad requiem incredibilem.* Sed, ô Deus meus! quando veniet *gaudium meum, quod desidero!* quando potabis me *torrente voluptatis tuæ quam sitio?* Sint interim mihi *lacryma mea panes die ac nocte, donec dicatur mihi: Ecce Deus tuus. donec audiat anima mea: Ecce sponsus tuus. Pasce interim me singulibus meis, refocilla me doloribus meis. Renuit enim consolari anima mea in hac vitâ, vt digna habeatur, Domine, consolationibus æternis: quia iustum est, vt amittat te, quicumque in aliquo alio magis consolari eligit, quàm in te.* Et obsecro te, *summa veritas, per te, vt tu solus dulcis appareas animæ meæ, qui es dulcedo inestimabilis, per quam cuncta amara dulcorantur.* O quàm magna multitudo *dulcedinis tuæ,* *Domine, quam abscondisti timentibus te!* *hec est enim illa beatitudo quàm exspectamus, pro quâ tibi, Domine, continuè militamus: pro quâ tibi mortificamur totâ die, vt in tuâ vitâ tibi viuamus.*

August. in  
Psal. 23.

August. in  
Meditat.  
cap. 41.

August. in  
Soliloq.  
cap. 22.  
Psal. 73, 6.

Psal. 30, 20

Dilectus meus mihi, et ego illi. *Cant. 2, 16.*



*Non pœnas fugio, nec pro CRVCE premia posco;  
Sat mihi, dilecto posse placere meo.*

## CAPVT XII.

*Christi amore CRVX ferenda.*

Dilectus meus mihi, &amp; ego illi.

*Cant. 2, 16.*

*Non pœnas fugio, nec pro CRVCE premia  
posco,  
Sat mihi Dilecto posse placere meo.*



BAT hoc modo exultans & gaudens Staurophila, magnaq; animi voluptate semitam spei percurrebat, nec longè iam aberat à viâ charitatis; de quâ Christus ita loqui incepit: Excellentiorem etiam VIAM tibi demonstrabo, filia charissima. Timore aut præmio ad CRVCIS amplexum adduci bonum quidem, sed utroque melius amore ferri; hoc siquidem filiorum est, quorum tota voluntas Patri in omnibus placere: priora ista seruorum aut mercenariorum sunt.

Primum igitur hoc mente sedeat, Patrem esse qui CRVCEM imposuit: ambula proinde confidenter, & certa esto, quod te noluerit August. Tract. 7. in Ioannem. pati, non patieris: quod te permiserit pati, flagellum corrigentis est, non pœna damnantis.

Hic Staurophila: Labia tua, clementissime Domine, velut lilia distillantia myrrham primam. Patrem enim te mihi deprædicas, sed corripientem, flagellantem & excruciantem, quæ parum amoris, seueritatis autem

2. Corinth. 1, 3. habent plurimum. Ego verò te credidi *Patrem misericordiarum, & Deum totius consolationis, qui consolatur nos in omni tribulatione nostrâ.*

Erras verò, & largiter, Staurophila, inquietabat Christus, si consolationem à CRUCE & tribulatione abesse putas: necdum didicisti

Rom. 15, 4. *per patientiam & consolationem scripturarum spem habere?* Non legisti quòd Apostolus

Hebr. 12, 5. *Hebræis scribat: Obliti estis consolationis quæ vobis tamquam filijs loquitur, dicens: Fili mi, noli negligere disciplinam Domini, neque fatigeris, dum ab eo argueris. Quem enim diligit Dominus, castigat: flagellat autem omnem filium quem recipit. Itane omnem?* aiebat

August. in Staurophila: *Omnem omnino,* respondebat

Psal. 31. *Christus, & nullus exceptus, nullus sine flagello. Vis audire quem omnem? etiam ego unicus sine peccato, non tamen sine flagello. Quòd si unicum sine peccato flagellauit, & pro omnibus tradidit eum; quomodo debent flagellari qui fecerunt quare flagellentur? Sit itaque manus paterna super te; & si filia bona es, noli repellere disciplinam Patris tui. Det disciplinam,*

Idem in Pfal. 88. *Conc. 2. in m. d.*

dum

*dum non auferat misericordiam. Cadat contumacem, dum tamen reddat hereditatem. Tu se promissa Patris benè agnouisti, non timeas flagellari, sed exheredari. Peccatrix filia dedignabitur flagellari, cum sine peccato videat unicum flagellatum?* Atqui nonne Pater cælestis in monte hoc me elogio decorauit: *Hic est Filius meus dilectus, in quo mihi benè complacui?* Nota, DILECTVS, Staurophila, & tamen flagellatus, & tamen Crucifixus, vt videas CRUCEM etiam charissimis à Deo destinari. Sed & hinc collige CRVCIS dignitatem. CRUX enim, disciplina, flagellum, tribulatio, veri characteres, & notæ sunt filiorum Dei: vt omnino spurij reputentur, qui CRVCIS sunt expertes. Adi rursus, & audi Paulum. *In disciplinâ, inquit, perseuerate. Tamquam filijs vobis offert se Deus: quis enim filius, quem non corripit pater? Quod si extra disciplinam estis, cuius participes facti sunt omnes: ergo adulteri, & non filij estis.* Filij si peccent, à parentibus virgâ caduntur, serui domo exturbantur. Flagellum ergo signum filij.

Vtinam, inquebat Staurophila, fruar CRUCE tuâ, vt in numero filiarum tuarum merear computari! vtinam non excludar à tribulatione, ne simul ab hereditate! *Sim, quæso, de ijs qui inundationem maris quasi lac sugunt. Inundatio enim maris, abundantia tri-*

Matth. 17.

Hebr. 12.

Deut. 33.  
19.

Stephan.  
Eduensis  
tom 6 Bi-  
blioth. Pat.

bulationis; quæ tunc fugitur, cum dulcis repu-  
tatur. Lac nutrimentum paruulorum, tribula-  
tio pabulum fit electorum.

Sic age Staurophila, inquebat Christus, &  
solo deinceps amore CRUCEM feras. Verus  
enim amor non sentit amaritudinem, sed dul-  
cedinem: quia soror amoris dulcedo, sicut soror  
odij amaritudo: Qui amat, non laborat: omnis  
enim labor amantibus contrarius est. Vnde mi-

Bernard. de  
Præcept. &  
dispensat.

Chrysof.  
Hom. de  
Patient.

hi seruiens in charitate illa quæ timorem ex-  
pellit, labores non sentit, meritum non intue-  
tur, præmium non requirit, & tamen plus om-  
nibus urget. Nihil est, nihil, inquam, tam hor-  
ridum tamq̃, tremendum, quod hi, qui vel mor-  
bo aut pænis discruciantur non superent, si di-  
uino sint amore incensi; ita ut neque ignis ne-  
que ferrum, neque inopia neque languor ali-  
quis, neque mors neque aliud quidpiam huius-  
modi graue aut molestum appareat ei, qui hunc  
sit erga Deum amorem consecutus. vnde &

Rom. 8,  
35.

Paulus dicebat: Quis nos separabit à chari-  
tate Christi? tribulatio? an angustia? an fa-  
mes? an nuditas? an periculum? an persecu-  
tio? an gladius? Certus sum enim, quia neque  
mors, neque vita, neque Angeli, neque princi-  
patus, neque virtutes, neque instantia, neque  
futura, neque fortitudo, neque altitudo, neque  
profundum, neque creatura alia poterit nos se-  
parare à charitate Dei, quæ est in Christo Iesu

Do-

*Domino nostro.* Vnde verò, quærebat Staurophila, amoris hunc fomitem accendam? Cui Christus, Ex me discere licet: solus enim amor me de cælis in terram attraxit, amor in præsepio reclinauit, amor ad omnes adigit labores. Propter nimiam charitatem quâ dilexi vos, humiliavi memetipsum factus obediens vsque ad mortem, mortem autem CRVCIS. Poteram sanè vos redimere absque illâ: nolui tamen, vt sic amorem meum patifacere, & esset copiosa omnino redemptio. Et nunc quid superest, nisi vt amantem, & sic amantem redames?

Id verò, inquebat Staurophila, perquam cupio: sed, quæso, quo pacto id faciam Domine? Suscipe, inquebat Christus, CRVCEM vndecumque, & à quocumque tibi impostam, à iustis siue ab iniustis, siue à bonis siue à nequam, siue ab alienis siue à proximis, suscipe, inquam, hilari animo velut de paternâ Dei manu; nec aliud quidquam cogites, nisi hanc esse Dei voluntatem, vt CRVCEM feras, cui ex amore perlibenter velis respondere. Magnæ, inquebat Staurophila, id fuerit perfectionis, nec adedò facile. Homines enim cum intueor me affligètes & diuexantes, idq; malâ suâ in me voluntate, vix possum concipere id eos diuino facere instinctu: vel summo isti Numini placere, vt ita me exercent.

Ad me respice, filia, aiebat Christus. Cùm tradendus essem in manus peccatorum, voluit Petrus exempto gladio velut strenuus miles Dominum suum defendere, sed illi dixi: *Mitte gladium tuum in vaginam. Calicem quem dedit mihi Pater, non vis ut bibam illum?* Non attendi ego, amarissimum hunc calicem Iscariotis proditione, Iudæorum accusationibus, inanis populi proclamationibus fuisse permixtum. Non latebat me, quantum absynthij, fellis & aloës, Annas, Caiphas, Pilatus, Herodes, Scribæ & Pharisæi, pessimi pharmacopæi huic pharmaco incoxissent, sed id tantùm considerabam, hunc calicem à Patre mihi propinari, quicumque illum tandem, & quibuscumque venenis temperassent. Nec poterat esse ingratum quod à Patre, alienâ licet manu, offerebatur; & ideò alacriter, *sicut mandatum dederat mihi Pater, sic faciebam.* Dulcissimus enim mihi erat *cibus, facere voluntatem Patris mei.* Hoc scilicet filiorum est, Staurophila, non metu pœnæ, non spe mercedis, sed puro amore ideò solùm CRVCEM ferre, ideò calicem potare, quia sic placitum est Patri.

Respondit Staurophila: O Domine, quia tu calicem passionis bibisti, & vsque ad fundum exinanisti, & ego ancilla tua *calicem salutaris accipiam, & nomen Domini innocabo.*

Hoc

Ioan. 18,  
11.

Ioan. 14,  
31.

Ioan. 4, 34.

Pf. 115, 4.


Hoc deinceps volo, hoc desidero, hoc totis ani-  
 mi visceribus concupisco, vt in me, & de me,  
 ac per me, non mea sed tua fiat voluntas. Non  
 cogitem quid amarum, quid dulce, quid onero-  
 sum, vel leue, quid asperum vel suauē, sed cum  
 impetu & desiderio feruenti, & cum anxietate  
 curem perficere qua tuæ sunt beneplacita vo-  
 luntati: hoc solum mihi iucundum, hoc mihi  
 sit suauē, hoc solum mihi sit leue, hoc delecta-  
 bile & amabile.

Insiste, inquit Christus, hanc semitam,  
 & percurrere diligenter: plurimos enim ad  
 summam perfectionem perduxit. *Quædam* Blof. in  
 enim vite sanctissima virgo, cuidam percun- Mon. c. 10.  
 ctanti quomodo ad perfectionem pertigisset,  
 dixit: Omnem aduersitatem equanimiter de  
 manu Domini suscepi. Et quisquis me aliquã  
 iniuriã molestiãve affecit, huic ego speciale be-  
 neficium rependere curavi, quod minimè fe-  
 cissem, nisi ab eo lesa fuisset. Nulli, nisi Deo,  
 grauamina mea quæsta sum: vnde & euestigio  
 consolationem ab eo accepi. Alia quædam ad  
 similem interrogationem, non dissimiliter  
 respondit: Numquam ita se doloribus & Blof. ibid.  
 pressuris obrutam fuisse, quin maiores pro Dei  
 amore perferre expeteret: indignam se illis ip-  
 sis tam præclaris Dei donis iudicans.

Neque sanè in hoc aberrasse eam iudica-  
 uerim, aiebat Staurophila: Nihil enim Do-  
 mine,

Thomas  
à Kemp. de  
Imit. Chri-  
sti lib. 3.  
cap. 22.

mine, amatorem tuum, & cognitorem benefi-  
ciorum tuorum ita latificare debet, sicut vo-  
luntas tua in eo, & beneplacitum aterna dis-  
positionis tua. Nam voluntas tua, & amor  
honoris tui, omnia excedere debet; & plus  
cum consolari, magisq; placere, quam omnia  
beneficia data, vel danda.



## CAPVT XIII.

In CRVCE orandum.

Tristatur quis in vobis? oret. *Iacobi 5, 13.*

CRVX arcus, nervus fiducia, vota sagittæ,  
 Pennæ amor, at Deus est (ei aculare) scopus.



IDEBATVR iam satis circa intentionis directionem instructa Staurophila. Volens autem totam se Staurofophiæ addicere, Domino dicebat: Aliudne restat, benignissime Iesu, quod mihi in hac VIA discendum? Superfunt, inquiebat Christus, non leuia monita perfecto CRVCIS discipulo seruanda. Atque illud in primis, vt ex CRVCE arcum tibi fabrices, quo iaculis cælum cæliq̃ue Dominum petas. Quid hoc tibi velit, inquiebat Staurophila, non satis capio, & intricatum mihi apparet ænigma.

Cui Christus: Orare nempe te docet in CRVCE & tribulatione. Quid enim sunt preces contriti & humiliati cordis, nisi sagittæ electæ, ex cordis pharetrâ in cælum vsq̃ue emissæ? An non dicit Scriptura: *Oratio humilientis se nubes penetrabit, & donec propinquet non consolabitur, & non discedet, donec* <sup>Eccli. 35, 21.</sup>

nec

Tristatur quis in vobis? oret. Iac. 5, 13.



CRVX arcus, neruus fiducia, vota sagitte,  
Penne amor, at Deus est (eiacularè) scopus.

*nec aspiciat Altissimus.* Hæc iacula sunt quæ feriunt atque aded vulnerant cor Dei, & ad ipsum molles sibi aditus parant. *Vulnerasti* Cant. 4.9. *cor meum* (exclamat cælestis Sponsus) *soror mea sponsa, vulnerasti cor meum in vno oculorum tuorum.* Vide autem vt hîc non obscure sagittandi tibi insinuetur methodus. Solent enim sagittarij, vt scopum attingant, oculorum alterum claudere, ne adhibito vtroque, in diuersa oculorum acies rapiatur. Idipsum & tibi in oratione faciendum; claudendus quippe est alter oculus, ne humanarum rerum intuitu mens interpellata, huc illucque diuagetur, atque proposito sibi sine excidat. Alter autem, quo spectantur cælestia, aperiendus, quo vno duce & attingitur scopus, & vulneratur Sponsus.

Interpellabat hîc Staurophila, Cur, inquiens, Domine, CRUCEM baiulantem peculiariter iubes orare, cum ea communis fidelium sit exercitatio? Etiâne nescis, inquebat Christus, orationem maximum esse CRUCIS subleuamen, & opportunum in tribulatione auxilium? An non legisti à Deo hoc ipsum præscriptum? *Inuoca me, ait, in* Psal. 49, *die tribulationis; eruam te & honorificabis me.* 15.  
 Et: *Clamabit ad me, & exaudiam eum, cum ipso* Psalm. 90, *sum in tribulatione, eripiam eum, & glorificabo eum.* 15.  
 Vfus est hoc præsidio Regius Vates,  
 cuius

Pf. 119, 1. cuius hæ voces: *Ad Dominum cum tribulatione*  
 Pfal. 76, 3. *clamavi. & In die tribulationis meæ Deum*  
*exquisivi manibus meis.* idemque de aliis ait:

Pf. 106, 13. *Clamauerunt ad Dominum cum tribularentur,*  
*& de necessitatibus eorum liberauit eos.* Et frequentissima sunt in sacrâ Scripturâ exempla eorum qui in tribulatione preces fuderunt: id enim fecerunt Samson illusus à Philistæis, Susanna in periculo mortis, tres pueri in flammis, Daniel in lacu leonum, Ionas in ventre ceti, Petrus in mari, Apostoli in nauicula, Paulus & Silas in carcere. Denique & ego non solum in horto, sed & in ipsâ

H. br. 5, 7. *CRVCE preces supplicationesq; cum clamore*  
*valido & lacrymis Deo Patri obtuli.* Ideoque & tu tantam habens impositam nubem testium, ad orationis præsidium frequenter recurre. Oratio enim in tribulatione Deum placat, & tribulatio ipsa orationem non parum iuuat.

Quàm velim, aiebat Staurophila, paulò expressiùs id intelligere? quomodo enim afflictio orationem adiuuat, cum præ dolore aliud vix cogitare sinat? Passim enim conqueruntur ægroti & afflicti orandi sibi subtractam facultatem. Ad hæc sic Christus: Quò se quisque magis ad Deum conuertit, hoc minus afflictionis meminit, neque enim permittit totum animum CRVCI attendere, qui

qui Deo, quantum quidem potest, conatur intendere. Iam verò quantum robur tribulatio addit orationi. *Sicut enim sagitta infixa cordi mouet ac impellit, vt remedium quærat; sic tribulatio dolorem adfert cordi, ac vrget, vt in re aliâ solatium requiratur, scilicet in cogitatione boni æterni. Aqua dum per plana & ampla spatia fertur, non in altum consurgit, sed latè sese quaquauerfus expandit: cum autem manu artificis eam colligentis & stringentis coacta fuerit in angustum, iam inde sollicitè omni telo velociùs se in excelsum iaculatur, petitiq; supernam regionem: sic mens humana, dum otiosa & liberior, quàm expedit, degit, diffunditur quidem & latè diffluit, cum autem asperiori rerum euentu, casuq; subito coërcente aduerso sollicitetur, iam agiliùs se extrudit, & intentas ac dilucidas orationes mittit in excelsum. In die ergo tribulationis tuæ Deum exquire, non per Deum aliud, sed ex tribulatione Deum: vt ad hoc Deus remoueat tribulationem, vt secura inhereas Deo.*

Vt video, inquebat Staurophila, non auxilium dumtaxat precibus CRVX confert; sed quamdam etiam ad Deum confugiendi imponit necessitatem. Non malè vidisti, aiebat Christus, huic enim fini tribulationes frequentissimè subseruiunt. Audistine aliquando, quâ ratione Absalom ad se accersie-

Idiota de  
Verâ cœ-  
nit. §. 14.

Chrysof.  
Hom. 5. de  
Incompre-  
hens. Dei  
nat. tom. 5.

August. in  
Psal. 76.

2. Reg. 14.  
29.

rit

rit Ioab? Vocauerat eum, submissis seruis secundò: *at ille nolebat venire*. Proinde curauit succendi segetes eius. *Surrexit itaque Ioab & venit ad Absalom. Postquam autem locutus est cum illo*, mediatorem se exhibuit apud Regem, & locutus est pro Absalom. Non secus ego, si quos videro monenti mihi obstrepere, & semel iterumque vocatos non venire, hos immisâ tribulatione venire compello; at vbi venerint, iam mediatorem me pro eis apud Patrem interpono. Tales

*Pfal. 15, 4. & illi erant de quibus Psalmista: Multiplicatae sunt infirmitates eorum, postea accelerauerunt. Et: Imple facies eorum ignominia, & querent nomen tuum Domine.* Multi profectò sunt, qui Dei ne semel quidem recordarentur, nisi CRVX aliqua eos quodammodò adigeret: vnde miserentis Dei est, quòd eos affligi patiatur, vt ad ipsum confugiant. *Tale aliquid faciunt amantiore filiorum parentes, cum paruulos suos viderint à se quidem sepe discedere, equauorum autem lusibus detineri: precipiunt famulis terribilia multa simulare, vt exagitati metu paruuli ad maternum sinum confugere festinent.*

Chrylost.  
Hom. 10.  
in Matth.

Ex iis quæ audio, inquebat Staurophila, non malè colligere videor, pessimum signum esse, in tribulatione ad Deum non conuerti, sed solito conuersari modo. Quis dubitet?

in-

inquietabat Christus. Ex effectu quem tribulatio in vnoquoque operatur, facillè animæ eius status agnoscitur. *Sicut enim plenum granum, mox vt leuiter percussum fuerit, de paleâ suâ exilit foras; si autem subtile fuerit, tardius egreditur; quòd si vacuum fuerit, numquam egreditur, sed illic conteritur cum paleâ suâ, & ita cum paleis foras iactatur: sic omnes quidem homines in rebus carnalibus delectantur, sicut grana in paleâ. Sed qui fidelis est, & boni cordis habet medullam, mox vt leuiter tribulatus fuerit, negligens quæ sunt carnalia, currit ad Deum. Si autem modicè infidelior fuerit, cum grandi tribulatione vix recedit, & vadit ad Deum. Qui autem infidelis est & vacuus, quantumuis contritus fuerit, sicut granum vacuum de paleâ non egreditur, sic ille de carnalibus rebus & impedimentis mundialibus numquam egreditur, nec transit ad Deum, sed illic in malis constitutus conteritur, vt cum infidelibus, quasi cum paleis foras projiciatur.*

Pulcherrima hæc comparatio, aiebat Staurophila. sed oro te, quando oratio Crucigeræ adedè necessaria, quid potissimum mihi precandum censeas? Hoc vel maximè, aiebat Christus, vt si ipsam CRUCIEM depreceris, aut mitigari nonnihil petas, non alio id facias modo, quàm illo, quem in Oliueti

P hor-

Chrysof.  
Hom. 3.  
in Matth.  
Oper. imp.  
perf.

horto verbo & exemplo docui, vt scilicet  
 Matth. 26, 39. *dicas: Pater mi, si possibile est, transeat à me  
 calix iste: verumtamen non sicut ego volo, sed  
 Psal. 61, 2. sicut tu. Nonne Deo subiecta erit anima mea?  
 ab ipso enim salutare meum. Fiat Domine vo-  
 luntatis tua. &: Sicut fuerit voluntas in celo,  
 1. Machab. 3, 60. sic fiat. Resignato enim, & in vtrumque pa-  
 rato oportet esse animo, qui CRVCIS fru-  
 ctus vberimos velit decerpere. Deinde ipsas  
 tribulationes ac pœnas tuas omnes, tam par-  
 uas quàm magnas, passioni & cruciatibus  
 meis coniunctas vnitasq; deuotâ mente offer  
 Deo in laudem eternam: sic enim erunt inesti-  
 mabilis meriti, & summè Deo placebunt.*

Blof. in  
 Spec. spirit.  
 cap. 8.



## CAPVT XIV.

*Gaudendum in CRUCE.*

Communicantes Christi passionibus gaudete. 1. Pet. 4, 13.

*Morbis delicia, mors lucrum, pœna voluptas,  
CRUX mihi quòd nullâ me CRUCE cerno  
premi.*



XTREMAM credebat Staurophila se audiuisse lectionem, quare nihil amplius percunctabatur, cum Christus ad eam: Necdum metam attigisti, filia, nam vt pridem in arcum, ita nunc in citharam aut psalterium CRUCEM transmutare docebo; vt discas scilicet *psallere nomini Domini altissimi in decachordo psalterio, cum cantico in citharâ.* Et hic ignorantiam meam fateri cogor, aiebat Staurophila, neque enim intelligo quid Dominus meus velit. Audi proinde, inqueiebat Christus: *Psallere est cum hilaritate facere: hilarem enim datorem diligit Deus.* Eia igitur cantico verborum iunge citharam operum. Cithara sonat ex inferiori, psalterium ex superiori parte. *Cum aliquid*

Psal. 91.

August. in  
Psal. 91.

2. Cor. 9.

August. in  
Psal. 42.

Communicantes CHRISTI passionibus,  
gaudete.

1. Pet. 4, 13.



Morbis deliciae, mors lucrum, paena voluptas,  
CRVX mihi, quod nulla me CRVCE cerno premi.

pateris tribulationum, tentationum, scan-  
 dum in hac terrâ, quia pateris ex inferiori  
 parte, id est ex eo quod mortalis es, ex eo quod  
 prime tue cause quiddam tribulationum de-  
 beas, Cithara es; venit enim sonus suavis ex  
 inferiore parte, pateris & psallis, vel potiùs can-  
 tas, & citharizas. Quando dicebat Apostolus:  
 Gloriamur in tribulationibus, cithara sonabat  
 ex inferiore quidem, sed tamen dulciter. Omnis  
 enim patientia dulcis est Deo. Si autem in ipsis  
 tribulationibus defeceris, citharam fregisti.  
 Cùm autem æquo animo atque hilariter  
 perfers scrupulos, desolationes, obnubila-  
 tiones, vt quasi desertam à Deo te putes; &  
 gaudes tamen, etiam in hac CRUCE Deum  
 laudans & benedicens; psallis Domino in  
 psalterio decem chordarum: tangis chordas  
 in corde tuo, benesonantes in auribus Dei. Cùm  
 verò cæperis disputare de operibus Dei, Quare  
 hoc? quare illud? Et, Non debuit sic facere:  
 malè fecit hoc. vbi est laus Dei? perdidisti  
 Alleluia, rupisti psalterium tuum.

Dici vix potest, quantum hæc Staurophi-  
 lam exhilarabant. Non parum autem sus-  
 pensam tenebat, quod diceret Christus in  
 CRUCE exultandum & lætandum. Et liceat,  
 inquiebat, Domine sciscitari, quid CRUCI &  
 lætitiæ? quæ conuenientia doloris & gaudij?  
 CRUX enim à cruciatu verissimè dicitur:

hanc autē corpus & animā excruciare nemo meliūs nouit, quàm qui tulit. Ego verò totâ hac vitâ credebam me afflictam, desolatam, mœrore & dolore consumendam: gaudium, lætitiã & pacem in alterâ expectandam; hîc tribulationis, illic consolationis fore tempus. *Omnis enim disciplina, in presenti quidem videtur non esse gaudij, sed mœroris.*

Heb. 12,  
11.

Plenissimam, inquebat Christus, & superabundantem lætitiæ mensuram omnes Crucifleri percipient in retributione iustorum, quando intrabunt in gaudium Domini sui, ubi *absterget Deus omnem lacrymam ab oculis eorum.* Habet tamen CRVX plurimum gaudij & lætitiæ, si eo baiuletur quo oportet modo. *CRVX enim totius gratulationis spiritualis est substantia.* Et nōne dixi in Evangelio: *Beati eritis cum vos oderint homines, & cum separauerint, & eiecerint nomen vestrum tamquam malum propter Filium hominis, GAUDETE ET EXVLTATE; ecce enim merces vestra multa est in calis.* Et Apostolus

Apoc. 21, 4

Chrysof.  
Hom. 2.  
de Cruce  
& Latrone.  
Luc. 6, 22.

meus nōne dixit: *Communicantes Christi passionibus GAUDETE.* Et alter: *Omne gaudium existimate, fratres mei, cum in tentationes varias incideritis.* Neque vas electionis meæ Paulus, quem allegasti, dicit, disciplinam in presenti non esse gaudij, sed videri non esse gaudij. Reuerà enim causa & procrea-

1. Pet. 4, 13

Iac. 1, 2.

meus nōne dixit: *Communicantes Christi passionibus GAUDETE.* Et alter: *Omne gaudium existimate, fratres mei, cum in tentationes varias incideritis.* Neque vas electionis meæ Paulus, quem allegasti, dicit, disciplinam in presenti non esse gaudij, sed videri non esse gaudij. Reuerà enim causa & procrea-

crea-

creatrix est omnis lætitiæ & gaudij, adeoque vitæ æternæ. Sed in ipso castigationis momento videtur esse mœroris, non gaudij: sensus enim doloris ita homines perstringit, vt fructum pacatissimum inde secuturum non cogitent. Hic enim vbi dolor transierit, meliùs agnoscitur & persentitur. Et quid dicam? Certa beatitudinis tessera est, posse in perpeffionibus gaudere, & circumlatranti- bus vndique malis, hilarem cælo animum at- tollere, etsi per genas copiosè fluant lacrymæ.

Facile crediderim, aiebat Staurophila, non deesse gaudendi materiam in ipsâ CRUCE, si quis attentius futura reuoluerit præmia, verùm vt hoc in ipsis fiat pœnis,

*Hoc opus, hic labor est: ———*

Seneca lib.  
de Prouid.  
Dei.

Aeneid. 6.

& paucos equidem esse arbitror, qui in cruciatibus exultauerint. Ego verò, respondebat Christus, minimè paucos tibi producam.

An non Apostoli *ibant gaudentes à conspectu concilij*, quod *digni habiti* essent pro nomine

Act. 5. 41.

IESV contumeliam pati. Quàm hilaris Paulus, qui dicebat: *Repletus sum consolatione,*

2. Corinth.

*superabundo gaudio in omni tribulatione no-*

7. 4.

*strâ! Et: Si immolor supra sacrificium & ob-*

Philip. 2.

*sequi fidei vestra, gaudeo, & congratulor om-*

17.

*nibus vobis, id ipsum vos gaudete, & cōgratula-*

*mini mihi. Sancti quoque ludibria & verbe-*

Rupert.

*ra experti, lapidati, secti, tentati, in occisione*

in cap. 14.

Apocal.

gladij mortui, angustiati, afflicti, quid erant nisi citharædi citharizantes in citharis suis, testimonia scilicet diuinæ veritatis personantes? Quâ lætitiâ gestiebant olim Martyres in medijs tormentis? *Marcus & Marcellianus fratres propter Christianam fidem comprehensi, ad stipitem alligati sunt, pedibus clavis confixis. Ad quos cum ita loqueretur Iudex: Respiscite miseri, & vos ipsos ab his cruciatus eripite. Responderunt: Numquam tam incunde epulati sumus, quàm hæc libenter IESU Christi causâ perferimus, in cuius amore nunc fixi esse cœpimus. Utinam tam diu nos hæc pati sinat, quàm diu hoc corruptibili corpore vestiti erimus! Ita diem noctemq; in tormentis diuinas laudes canentes, denique telis transfixi ad martyrii gloriam peruenerunt. Nec infirmiori sexui similia desunt exempla: *Agatha enim latissimè & glorianter ibat ad carcerem: & quasi ad epulas inuitata, agonem suum Domino commendabat. Agnes quoque tredecennis virguncula nondum idonea pæne, & iam matura victoria, magisterium virtutis impleuit, quamuis preiudicium veheret ætatis. Non enim sic ad thalamum nupta properaret, ut ad supplicij locum, læta successu, gradu festina virgo processit. Quid Thecla? post superatas bestias, ignes, carceres ita dicebat: Etiam si in singulos dies mihi cum igne, belluis,**

Breuiar.  
Roman.  
18. Jun.

Breuiar.  
Roman.  
5. Febr.

Ambros.  
lib. 1. de  
Virginib.

Basil. Seleu-  
ciæ Episc.  
in Vitâ  
S. Theclæ.

vinculis, carceribus rem esse contingat: adeò mihi etiam omne mortis & discriminis genus proprietate subeundum, ipsismet paradisi delictijs, epulisq; instructissimis potiùs ducitur: tantummodo, Domine, digna, quæ pro te & nomine tuo cruciatus tolerare semper possim, habear. Videtne, Staurophila, quantâ alacritate, quâ animi hilaritate Sancti CRVCES per-  
tulerint?

Video, inquiebat illa, sed quod in ipsis obstupesco, id, vt liberè dicam, ruborem mihi incutit: illi enim non modò patienter, sed & libenter & ardentè ad tormenta, sicut ad ornamenta properabant. Ego autem pusillanimis multum etiam laboro vt patienter feram: sed adiuua, Domine, infirmitatem meam.

Eia, inquiebat Christus, confide filia, sensim cresces ad robustam & omnibus numeris perfectam patientiam, & quæ nunc pœnarum inanium leuitate deprimeris, remuneranda postmodum pretiosi auri pondera reportabis. Interim tamen si huc assurgere nequeas; noli murmurare, noli queri, sed constanter sustine, & in dolore tuo patientiam habe.

Pet. Dam.  
l. 8. Epist. 6.

Eccli. 2, 4.

Cui Staurophila: Mihi equidem volupe esset nouisse psalterium CRVCIS aptè tangere, vt de chordis cordis mei resonaret dulcis iubilatio, & laus perennis diuinæ maiestati.

Blof. in In-  
fir. spirit.  
cap. 8.

stati. Benè habet, inquiebat Christus, & facile hanc artem disces, si afflictionem vel dolorem sentiens Deo te humiliter perseueranterq; resignes: huiusmodi enim resignatio est ante Deum velut cithara dulcisona, in cuius chordis Spiritus sanctus suauissimè canens, cælestis Patris aures occulto quodam internog; modulamine mirificè demulcet. In hac citharâ crassiores fides, id est, exteriores hominis vires (qua vndique dolore occupantur) demissum lugubremq; sonum reddunt: at fides exiliores, nempe, vires interioris hominis (qua plenâ deuotione in spontaneâ patientiâ, resignatione persistunt) acutum iucundumq; sonum edunt. Natura sensibilis excruciatâ gemit, sed natura superior ac rationalis permanet tranquilla.

Iacob, 5,  
13.  
Prouerb.  
15, 13.

Facile intelligo, inquit Staurophila, à tranquillo animo perfici spiritualement hanc melodiâ: nam & Apostolus monet, vt, qui equo animo est, psallat. Mens verò turbata omnem harmoniam dissoluit. In mærore enim animi deijcitur spiritus. Sed obsecro te, Domine, ediffere mihi vt hanc animi pacem nancisci poterò.

Cui Christus: Si diuinæ per omnia responderis voluntati, & aliud non velis, quàm quod vult Deus. Quicumque enim hoc fecerit, tranquillus, felix, & verè beatus erit.

Faciet

Faciet enim quidquid voluerit, cum quid-  
 quid euenire ei Deus voluerit, hoc & ipse  
 velit. Nulli, vt opinor, beatiore sunt, quam Saluian. de  
 qui ex sententiâ suâ atque voto agunt. Vero iudic.  
 Humiles sunt religiosi, hoc volunt, pauperes sunt, paupe- & prouid.  
 rie delectantur; sine ambitione sunt, ambitum Dei lib. 1.  
 respuunt: lugent, lugere gestiunt: infirmi  
 sunt, infirmitate letantur. Cum infirmor, in- 2. Cor. 12,  
 quit Apostolus, tunc potens sum. Itaque quid- 10.  
 quid acciderit ijs, quicumque verè religiosi  
 sunt, beati esse dicendi sunt: quia inter quan-  
 tumlibet aspera, nulli latiores sunt, quàm qui  
 hoc sunt, quod volunt. Suauibus his sermoni-  
 bus delinita Staurophila, exultauit præ gau-  
 dio, & diuino (vt facile erat colligere) agen-  
 te Spiritu prorupit & ipsa in canticum lati-  
 tiæ, ita CRUCEM ex animo salutans, &  
 celebrans.

Ode Staurophilæ in CRUCE  
 exultantis.

CRUX aue summo veneranda cultu,  
 Regis æterni roseum cubile,  
 Candidi sacro rubei<sup>g</sup> fulgens  
 Sanguine Sponsi.  
 Tu, tribus mundum digitis ferentem  
 Carnis humane spolijs amictum,  
 Saucijs qui te tulerat lacertis,  
 Fausta tulisti.

Hæc

Hæc tui tota est ratio decoris,  
 Vniuersarum CRVCIVM rigores  
 Mitigans, lethum facis esse latum, &  
 Damna fauores.

Quis pijs ergo grauis esse casus?  
 Quid vel aduersi pote contigisse,  
 Quæis & ærumna, lacryma, labores,  
 Gaudia præstant?

CRVX voluptatis pennus æterna,  
 CRVX bona, o, quam te inuat osculari?  
 Quam iugo dulci nihilo repugnans  
 Subdere collum!

Non nisi in solâ CRVCE gloriabor  
 Magna: nam nullâ CRVCE, CRVX granari;  
 CRVX mihi summum decus, & corona,  
 CRVX mihi vita.

Ergo mi salue, bona CRVX, salutis  
 Tessera æterna: via qua Sionis,  
 Mille post casus, gemitusq; mille,  
 Ducis ad arcem.

Milles felix, mea sponsa, salue,  
 Mille diu votis mihi concupita,  
 Qua tibi iunctam, per amato Iesu  
 Iungis amantem.

O nimis felix CRVCE cui potiri,  
 Cui pati gratos licet hîc dolores,  
 Et suo verum Crucifixo amori  
 Reddere amorem!

## CAPVT XV.

In CRUCE, & pro ipsâ agenda gratia.

In omnibus gratias agite. 1. Thessal. 5. 18.

Non ea quam tribuis CRUX est, sed pignus  
amoris

Cor tibi pro tanto munere reddo lubens.



INIERAT Staurophila, cùm  
Christus iterum sic inquit: Per  
gradus, ô filia, scandendum ad  
culmen: didicisti in CRUCE  
gaudere, nunc, vt proficias, &  
hoc adiungendum, vt gratias Deo non ma-  
gis in prosperis agas, quàm in aduersis. Non  
enim fucate gratias est qui inter medias de-  
prehensus calamitates toto pectore gratias agit  
Domino. Nam quid magnum facis, si quando  
in secundis rebus es, laudes Deum, quando in  
diuitijs es, quando nullis vexaris iniurijs? Illud  
est magnificum, si subiecta iniurijs & contume-  
lijs iudicium Dei laudes. Magnum, inquiebat  
Staurophila, reuerà hoc est, non tamen nihil  
esse crediderim in prosperis non ingratum  
esse. Est, inquiebat Christus, id certè etiam  
aliquid, sed fatendum tamen, minus perfe-  
ctum.

S. Antio-  
chus Hom.  
117.

Ambros.  
in Pf. 118.  
Oton. 10.

In omnibus gratias agite. 1. Theſ. 5, 18.



Non ea quā tribuis CRVX eſt, ſed pignus amoris.  
Cor tibi pro tanto munere reddo lubens.

Etum. Nam magnitudo gratæ mentis in tristi-  
*bus* apparet. Vides, quòd si in prosperitate gra-  
*tias* egeris, sycophanta diabolus factum tuum  
 extenuat, & dicit: Num frustra Iob colit Do-  
 minum. Cui nimirum in secundis gratias  
 agebat, sed vbi tot calamitatibus pressum  
 audiuit dixisse, *Sit nomen Domini benedictum*,  
 Diabolum prostrauit, & maiorem plagam in-  
 tulit, quàm cum possidens miserabatur paupe-  
 rum. Nam secundis quidem rebus gratias re-  
 ferre Deo, non admodum mirabile: porro cum  
 multus fuerit fluctus, cymbaque circumacta pe-  
 riclitatur; tunc gratias agere magna atque ex-  
 cellens patientiæ & bonæ voluntatis ostensio.  
 Pro beneficijs gratias agere, vel idololatræ ac  
 Gentiles norunt; pro calamitatibus, CRV-  
 CIBVS, ac supplicijs, soli Christiani. Sum-  
 ma enim religio est, inter aduersa Deo gra-  
 tias agere. Et crede, Staurophila, *plus valet*  
*vnus DEO GRATIAS in aduersis, quàm sex*  
*millia in prosperis.*

Vix vnquam mihi persuaseram, aiebat  
 Staurophila, pro miserijs & cruciatibus gra-  
 tes refundendas, cum sensibus aded ista in-  
 grata sint. Multa, inquiebat Christus, sen-  
 sualitati parum grata, vtilia sunt salutis: quo  
 in genere & hanc gratiarum actionem repo-  
 nere licet, est enim absconditus in eâ thesau-  
 rus, quem ignorant filij huius sæculi. Disc  
 hoc

Chrysof.  
 Sermon. de  
 Iob & A-  
 braham.

Iob. 1, 9.

Chrysof.  
 Homil. 5.  
 de Patient.  
 Iob.

Attila tom.  
 2. Epist.  
 pag. 20.

hoc in mysticâ hac figurâ. Lege olim vetue-  
 rat Assuerus, ne *quis non vocatus interius*  
*atrium intraret, nisi fortè Rex auream virgam*  
*ad eum tetendisset pro signo clementia, atque*  
*ita posset viuere.* Esther verò contra hoc præ-  
 ceptum ingrediens, cum extendisset Rex vir-  
 gam auream, *osculata est summitatem virgæ*  
*eius.* Sed velum iam amoueamus, vt clarius  
 videas. Quid, quæso, hoc significare censes,  
 nisi quòd præuaricatores homines atria Do-  
 mini introire prohibeantur, nisi aureâ virgâ  
 eos Deus tetigerit, eamq; fuerint exosculati?  
 Quenam verò hæc virga? nisi CRVX, aduersi-  
 tas, tribulatio? Vnde autem aurea? nisi quia  
 meis perpeffionibus inaurata? Cur deoscu-  
 landa? quia à regali manu, à paterno amo-  
 re, à benignâ Dei voluntate, vt magnum  
 donum porrigitur. *Pro Deo siquidem pati,*  
*munus est maioris admirationis, quàm sit re-*  
*uerà mortuos suscitare, & signa miranda pa-*  
*trare. Nam illinc quidem debitum contrahis,*  
*hinc verò debitorem habes Deum.* Dissua-  
 uanda igitur CRVX, & cum gratiarû actione  
 toleranda: signum enim est clementiæ, remis-  
 sionis peccatorum, & quòd tui Deus memi-  
 nerit. *Apud Persas Regi gratias agebat, qui,*  
*quantumuis innocens, ab eo flagellari iussus*  
*fuisset, quòd Rex nimirum illius memor fuis-*  
*set.* Quid facere par est, cum non à Rege  
 terre-

Esther 4.  
11.

Ibid. c. 5, 3.

Chrysof.  
Hom. 4.  
in Epist.  
ad Philem.

Stobæus de  
Legibus  
Serm. 44.

terreno, sed cælesti, qui Rex Regum, & Dominus est dominantium iuberis flagellari, torqueri, vri, secari? Cur non potius has plagas, quæ cæli pretium sunt, venereris, & supplex pro iis gratias agas? Num legisti quid Regius Vates cecinerit? *Virga tua*, inquit, & *baculus tuus, ipsa me consolata sunt*. Quasi luculentius diceret: *Disciplina tua tamquam virga ad gregem ouium, & tamquam baculus iam ad grandiores filios, & ab animali vitâ ad spiritalem crescentes, ipsa me non affligerunt magis, quàm consolata sunt: quia memor es mei. O quid non misericorditer præstatur hominibus à Deo, à quo etiam tribulatio beneficium est! Nam res prospera donum est consolantis: res autem aduersa, donum est admo-*

Psal. 22, 4.

August. in  
Psal. 22.August.  
Epist. 87.

Ad hæc Staurophila: Domine, inuenire est minimè paucos qui *conspiciantur tibi* cum benefeceris eis. At quotusquisque est qui CRUCE grauatus, tribulationibus pressus, ex animo gratias agat? *Quis est, inquam, hic?* & *laudabimus eum: fecit enim mirabilia in vitâ suâ*. An verò ignoras, inquebat Christus, fortissimorum heroum exempla, in Ecclesiâ meâ decantatissima? An non sanctissimus Iob in tot ac tam horrendis calamitatibus illud vsurpauit: *Sicut Domino placuit, ita factum est: sit nomen Domini benedictum*. Lauren-

Psal. 48,

19.

Eccli. 1, 9.

Iob. 1, 22.

Q

tius

Breuiar.  
Rom.  
Surius in  
Vitâ  
14. Maij.

Ibidem  
11. Febr.

Baron.  
Tom. 2.  
an. 261.  
num. 30.

Pfal. 33, 2.

Gregor.  
Hom. 15.  
in Euang.

tius igneo lectulo recumbens, *Affatus*, inquebat, *gratias ago*. Bonifacius Martyr vngulis excarnificatus iubilabat: *Gratias tibi ago Domine Iesu Christe fili Dei*. S. Saturninus durum obiens dolorum agonem, aiebat: *Breuius patior, libenter patior, gratias ago, nec agere sufficio, Christe da sufferentiam, tibi laus, tibi decus*. Quid D. Cyprianus? cùm à Proconsule Galerio interrogatus breuissimè respondisset, recitatâ tandem è tabellâ sententiâ: Thascium Cyprianum gladio animaduerti placet; dixit, *Deo gratias*. Iacobus, qui à supplicio quod tulit, intercisus dictus, membratim mori sustinuit: quoties autem vel articulus digiti, vel iunctura membri præsecabatur, toties ille auditus est dicere, *Deo gratias*. Theodorus æuo Maximiani Cæsaris, laceratis & pertusis iam lateribus vix spirans ampliùs, suum tamen organum animabat, & canebat: *Benedicam Dominum in omni tempore*.

Quid tibi de his videtur Staurophila? Martyrum credo hæc priuilegia, inquebat illa; quos ad fidei confirmationem, & Tyrannorum confusionem Deus peculiariter hac gratiâ exornat. Non Martyres tantùm, respondebat Christus, verùm etiam ægroti in morbis hunc gratitudinis affectum ostenderunt. *Seruulus ille, à primauâ atate vsque*  
ad

ad finem vite paralyticus, non stare poterat,  
 nec ad sedendum è lecto surgere, non manum  
 ad os ducere, non se in latus aliud declinare.  
 Hic autem studebat in dolore semper gratias  
 agere, hymnis Deo & laudibus diebus ac nocti-  
 bus vacare, qui & ipse caeleste melos in morte  
 suâ meruit audire. Et B. Clara continuis vi-  
 ginti octo annis, morbo intabescens, assiduè  
 DEO GRATIAS retulit. Quid nunc censes fi-  
 lia? etiâ nne nulli tibi videntur, aut pauci  
 qui in ærumnis Deo benedicant & gratias  
 agant?

Fateor, Domine, aiebat illa, incogitantiam  
 meam. Nec ego deinceps hoc sacrificium  
 laudis intermittere decreui, quin potiùs gra- Blesens.  
Epist.; 1.  
 tias agam gratiæ largitori, quia me misericor-  
 diter flagellarit: quia iram mihi conuerterit in  
 gratiam, infirmari me volens, ne grauiùs in-  
 firmarer, affligens, ut parceret; prosterneus ut  
 erigeret: & quis, Domine, nouit potestatem iræ Pf. 89, 11.  
 tuæ? plena est enim miserationibus ira tua; &  
 iudicia tuæ animaduersionis quam temporali-  
 ter exerces in tuos, certa sùnt pietatis iudicia.  
 Iustorum siquidem animæ in manu Dei sùnt: Sap. 3, 1.  
 idè inter delicias & dolores iram Domini,  
 & misericordiam sapientes in flagellis agno-  
 scunt. Et exultauerunt filia Iudæ propter iu- Pf. 47, 12.  
 dicia tua Domine.

Eia! sic loquere, inquiebat Christus, hoc

Q 2

Chri-

Chrysoft.  
Hom. 8. in  
Epist. ad  
Coloss.

Christianorum idioma est: *Nihil hac lingua sanctius, quæ in aduersis DEO GRATIAS agit. Certè non inferior est lingua Martyrum, utraq; certè pariter coronatur. Nam & aduersus istam instat licitor Deum per maledicentiam negare cogens, instat diabolus argutis cogitationum quæstionibus lacerans, & animi angustijs obtenebrans. Si ergo dolores pertulerit, & gratias egerit, Martyrum coronam sortitur.*

August in  
Psalm. 77.

*Quid igitur melius, inquebat Staurophila, & animo geramus, & ore promamus, & calamo exprimamus, quàm DEO GRATIAS, hoc nec dici breuius, nec audiri latius, nec intelligi gratius, nec agi fructuosius potest. Nunc profectò melius intelligo, quid sibi uoluerit Senex quidam in Vitis Patrum, qui infirmanti discipulo suo dixit: Non contristeris, fili, ex infirmitate vel plagâ corporis tui, summa enim religio est, ut in infirmitate quis agat DEO GRATIAS. Si ferrum es, per ignem aruginem amittis: si uerò aurum es, per ignem probatus à magnis ad maiora procedis. Ne anxieris ergo frater; si enim Deus te uult in corpore torqueri, tu qui sis qui molestè feras? Sustine ergo, & roga Deum, ut quæ ipse uult, illa concedat.*

Vitæ PP.  
l. 7. c. 20.  
num. 1. Et  
Ruff. lib. 3.  
in Vit. Pat.  
num. 157.

Optimam monitionem, aiebat Christus, hic Senex suo dedit discipulo, cui etiam subscribo; tibi que, ô filia, eamdem etiam atque etiam commendo. Gratiarum enim actio in

CRUCE bonos à malis discriminat, & qualis vnusquisque sit optimè ostendit. Qui campanas fundunt, mallei ictibus earumdem explorant bonitatem, antequam vel benedicantur, vel in excellam turrin attollantur: nisi enim bonum ediderint sonum, reprobantur. Itidem Deus facit, non eleuat electos ad cælum, nisi frequentioribus CRUCIBVS & afflictionibus exercitos, vt probe an firma etiam sit eorum patientia, & quàm gratum edant sonum, qualémve emittant vocem. Pulsauit olim Deus magnam illam campanam Iob Prophetam, & manus Domini tetigit eum. vis nosse quo instrumento? *malleo vniuersa terra, diabolo inquam. Quis porrò sonus huius campanæ? Dominus dedit, Dominus abstulit, sit nomen Domini benedictum.* *Quomodo sonuit? quàm suauem sonum dedit? adhuc tunditur datus in potestatem diaboli, vt & caro eius percuteretur. Percussit eum à capite vsque ad pedes graui vulnere, & putrescens vermibus sedebat in stercore. Audisti quemadmodum tunsus est, audi nunc quomodo sonet. Si bona suscepimus de manu Domini, mala non sustinebimus? ô sonum fortem! ô sonum dulcem! ô quem non dormientem excitet sonus iste!* Benedicenda, sine dubio, est hæc campana, quæ tam benedictum edit sonum. Hoc scilicet indicium viri boni, viri

Coren.in  
Clyp.pa-  
tient.lib.1.  
cap.4.

Jerem 50,  
32.

\*August.in  
Psaln. 97.

Iob. 2, 10.

**Antiochus** erga Deum grati. *Contrà cognoscibile quoque  
Hom. 117. indicium viri male grati: is enim dum angit-  
tur quapiam tribulatione, est querulus, mur-  
mure interstrepit, discruciat ob hoc miserè,  
tuetur causam suam, & excusat innocentiam.*

**August.**  
**Tom. 10.**  
**Serm. 111.**  
**de Temp.**

*Quid plura? Sic sunt boni & mali quomodo  
si duo vasa sint plena, & vnum habeat putre-  
dinem, & aliud aromata pretiosa, vtraque ta-  
men vno ventilabro ventilata. Illud vas, vbi  
fuerint aromata, odorem desiderabilem, aliud  
autem fætores intolerabilem reddit. Ita simul  
boni atque mali indiscretè quidem turbati, sed  
alto Dei iudicio separati. Quoties aliqua tri-  
bulatio in mundum venerit, qui boni sunt,  
velut vasa sancta, gratias agunt Deo, qui eos  
castigare dignatur: illi verò qui sunt superbi,  
luxuriosi, cupidi, blasphemant & murmurant  
contra Deum, dicentes: O Deus! quid tanti  
mali fecimus, vt talia patiamur?*



## CAPVT XVI.

Potius in aduersitate quàm prosperitate  
referendas gratias : non Deo tantum,  
sed & CRUCEM inferenti.



ÆC vt Staurophilæ gratiarum  
actionem non parum com-  
mendabant, ita dubium vnum  
alterumque animo eius fugge-  
rebant : quæ instructori suo  
proponere cupiens ; Obsecro, Domine, in-  
quiebat, id ancillæ tuæ explicare ne graue-  
ris : Maior ne gratiarum actio in prosperita-  
te, an in aduersitate referenda ? Quid verò  
dubitas ? aiebat Christus, Cuiam censet  
amplior redhibenda gratia, maiori an mi-  
nori beneficio ? Maiori, inquit illa. Com-  
para igitur, inquit Christus, aduersa se-  
cundis ; & vtra præponderent diligentius ex-  
pende. CRUX à peccato reuocat ; prosperi-  
tas ad illa allicit & impellit. Etenim multo 2. Mach. 6,  
*tempore non sinere peccatoribus ex sententiâ*  
*agere, sed statim ultiones adhibere, magni be-*  
*neficij est indicium.* An non & illud, quòd tri-  
bulatio ad Deum moneat recurrere, prospe-  
ritas eiusdem inducat obliuionem ? Timor-  
em deinde Dei, & compunctionem CRUX

Bernard.  
lib. 2. de  
Confid.  
cap. 12.

excitat: prosperitas animum à sui custodiâ & disciplinâ relaxat. & quando incautis illa non fuit ad disciplinam, quod ignis ad ceram, quod solis radius ad niuem vel glaciem? Sapiens David, sapiens Salomon fuit, sed blandientibus nimis secundis rebus alter ex parte, alter ex toto desipuit. Magnus qui incidens in aduersa, non excidit vel parum à sapientiâ. Nec minor, cui presens felicitas si arrisit, non irrisit. Tribulatio & CRVX æternæ beatitudinis prognosticon & arrha quædam est, successus temporalium futuræ damnationis non leue indicium. Nam sicut fulgur tonitrua portat, ita prosperitas supplicia sempiterna prænuntiat. \* Si cui in terrenarum affluentia rerum felicitas arridere cupita videtur; eo ipso infeliciores est, quò vehementiùs ipsam pro felicitate amplectitur infelicitatem, aut magis immergitur ei, & absorbetur ab eâ. Quid nunc de his duobus affirmas? vtrum maius existimas munus? CRVCE vix malè quis vtitur, prosperitate vix quisquam bene.

Bernardus  
Senenf.  
Serm. 23.  
in Fer. 5.  
post Dom.  
2. Quad.  
art. 3. c. 3.  
\*Bernard.  
Serm. 111.  
in Psalm.  
Qui habitat.

Profectò, aiebat Staurophila, si æterna meditemur, vt par est, excellentius donum est tribulatio, & ampliori dignum gratitudine. Rectè respondiisti, inquiebat Christus: nam si Astronomorum omnium prædita esses scientiâ; si tam copiosè & eleganter posses de Deo dicere ac eloqui, quàm cuncta & Angelorum

Suso in  
Dialogo  
ætern. sap.  
cap. 13.

&

& hominum linguæ, si denique sola eâ effes eru-  
 ditione luculenter instructa, quot simul tota  
 litteratorum atque Doctorum omnium fre-  
 quentia, non tibi isthæc omnia tantum confer-  
 rent ad vitæ pietatem ac sanctitatem, quàm si  
 in quibuslibet afflictionibus tuis Deo te per-  
 mittere ac resignare possis. Illa namque bonis  
 malisq; communia sunt; hoc verò non nisi ele-  
 ctorum est. O si quis iusto posset perpendere iu-  
 dicio tempus & aternitatem! mallet ille pro-  
 fectò vel centum annis in ardenti iacere cami-  
 no, quàm vel minimâ leuissimâ afflictionis ca-  
 rere mercede in calis aternùm percipiendâ. Il-  
 lud namque finem habet: istud nullo clauditur  
 termino. Et ideò licet centū quis annis Deum  
 supplex adoret, haud tamen dignas ei gratias  
 agere posset pro minimâ tribulatione à Domino  
 immisâ. Et mirandum profectò est, quòd sub  
 pedibus electorum omnes lapides non vertan-  
 tur in spinas in capita illorum insilientes, adeò  
 ineffabilia bona erunt, quæ breuissimo suo labo-  
 re consequentur. Quis vñquam, inquebat  
 Staurophila, vel animo concepisset, tantum  
 boni sub CRUCE latitare, tantumque mellis  
 propinandum pro modico fellis?

Sed illud prætereà animum nonnihil sol-  
 licitat, num satis sit diuinæ bonitati pro im-  
 missis calamitatibus gratias habere, an verò  
 & iis habendæ, quorum improbitate, odio,

Anto. He-  
 martius in  
 Spec. per-  
 sect. c. 10.

& maleuolentiâ CRVCES in nos deriuantur?

Miror, inquit Christus, cur hîc hæreas, si modò Scripturas legeris; an non disertè in Euangelio prolocutus sum:

Matth. 5,  
44.

*Diligite inimicos vestros, benefacite his qui oderunt vos, & orate pro persequentibus & calumniantibus vos?* Si diligendi inimici, consequenter & dilectionis signa exhibenda:

Gregor.  
Hom. 30.  
in Euang.

*Probatio enim dilectionis, exhibitio est operis.* Benefacere autem, & orare pro persequentibus, non tam gratias agere quàm referre est. Nónne in CRUCE pro ipsis crucifixoribus meis orauî,

Luc. 23, 34

*dicens: Pater, dimitte illis, non enim sciunt quid faciunt?* In quo me & protomartyr Stephanus, & Apostolus Iacobus imitati sunt. Quæ autem maior gratiarum actio esse queat, quàm in ipsâ morte orare pro illis qui eam inferunt?

Excellentissimè, inquit Staurophila, hic virtutis gradus! non solùm non malefacere, non malè velle malefactori, sed etiam ex ipsâ iniuriâ occasionem accipere benefacendi! Nescio autem quomodo ad eam vel aspirare tandem potero.

Aliorum saltem, inquit Christus, te excitent exempla: neque enim difficile est imitari, quod ab aliis tibi què similibus gestum cognoueris. Non meministi quid de Philosophi cuiusdam discipulo celebratum legatur?

antur? Peccauerat hic, & indulgentiam petebat: sed concedere eam Philosophus noluit, nisi triennio toto esset cum damnatis, qui metalla in flumine deponunt. Deinde voluit, vt aliis tribus annis mercedem daret, qui iniurijs & conuitiis eum afflixissent. Completâ autem hac poenitentia, dixit ei Philosophus: *Veni nunc in ciuitatem Atheniensem, vt illic sapientiam possis discere. Erat autem ibi quidam Senex sapientie studiosus, & sedebat ad portam, omnesq; ingredienti-tes experiendi causa conuitijs affligebat: qui cum idem iuueni ingredienti faceret, ille exorto cachinno risit. Cui Senex ait: Quid est hoc, quod agis? ego te iniurior, & tu rides? Cui iuuenis ait: Et non vis vt rideam, cum tribus annis mercedem dederim, vt hoc paterer, quod hodie à te gratis patior? Tunc Senex dixit ei: Ingredere ergo ciuitatem, quia dignus es. Hoc autem solebat Abbas Ioannes referre, & his ipse addebat, dicens: Hæc est porta Dei, per quam Patres nostri per multas tribulationes & iniurias gaudentes ingressi sunt ciuitatem Dei. Sed iuuerit & alios huius virtutis cultores oculis obijcere, ne arduitate operis, & raritate sic operantium te forsan excuses. Gloriosus martyr Cyprianus capitis damnatus, spiculatori à Diaconis suis aureos viginti quinque numerari iussit. Alexander*

Ruffin. in  
Vit. Par.  
lib. 3. n. 84.

Baron.  
Tom. 2.  
anno 261.  
num. 30.

Sophon.  
in Prat.  
spirit.c. 34.

Gregor.  
Hom. 35.  
in Euang

Leont.in  
Vitâ, apud  
Surium  
Tom. I.

xander Patriarcha Ierosolymitanus Notarium habuit, qui aurum ei furripuit. Is postea captus fuit: sed pius Patriarcha eum octoginta quinque numismatibus redemit. Quo reuerso ita pie misericorditerq; usus est, ut quidam ex urbis habitatoribus dixerit aliquando, nihil esse utilius, quam in Alexandrum peccare. Stephanus Abbas tantæ erat patientiæ, ut eum sibi amicum crederet, qui sibi molestiæ aliquid irrogasset. Reddebat contumelijs gratias. Si quod in ipsâ suâ inopiâ damnum fuisset illatum, hoc maximum lucrum putabat. Omnes suos aduersarios nihil aliud quam adiutores estimabat. Lepidum porro est quod de Ioanne Eleëmosynario litteris commendatum est. Caupo erat, qui multis iniurijs & contumelijs affecerat iuuenem huic sancto sanguine iunctum. Iuuenis apud Episcopum grauitè conqueritur, Episcopus ut iuuenis animum mitigaret, Itane, inquit, ausus fuit te vel verbo violare? Faciam in eorem, quâ tota Alexandria mirabitur. Moxq; vocato ad se vectigalium magistro, iubet ut nihil amplius vectigalis, aut aliquod aliud Ecclesiæ debitum ab illo caupone exigat, sed ut immunem illum ab omni solutione, quæ quidem ipsi vel Ecclesiæ eius deberetur, relinquat. Hoc videlicet eius factum tota Alexandria mirata est.

Viro-

Virorum hæc sunt, aiebat Staurophila, in paucis fortium : quos & feminas aliquando ex Dei gratiâ æmulatas faciliè crediderim. Nam de beatâ Lydvvinâ Batauâ virgine proditum accepi, eam contumeliis & conuitiis à furenti feminâ profcissam, nullo modo fuisse commotam. Cùm illa deinde & in faciem eius fœdissimè exspueret, & clamoribus ac maledictis, tamquam vim passa, concitaret, mitissima virgo in patientiâ suâ animam possidebat. *Maleficium verò beneficio compensare volens, clam ei munusculū transmissit; dicebatq; suis: Illis ego debere me fateor, qui viam mandatorum Dei, quorum plenitudo dilectio est, me currere compellunt.* Theresia quoque, notissimæ sanctitatis virgo, hos ardentius amabat, Deoque precibus commendabat crebrius, quos sibi aduersarios & maximè inimicos cognouerat, quibus etiam non rarò beneficia impendebat: vt Episcopus quidam dicere soleret, non esse præsentius medium ad sanctæ illius heroidis amorem conciliandum, quàm iniuriâ eam vel damno afficere.

Hæc cum ipsa scias, filia, subijciebat Christus, quid est quòd antea ambigebas? Inde, Domine, aiebat Staurophila, quòd memoriæ non occurrerent, & præceptum de diligendis inimicis in Euangelio traditum, adeò

exi-

Sur. in Vitâ  
Tom. 2.  
cap. I.

Acta Ca-  
nonizar.  
relat. 2.  
art. 6.

eximium semper putauerim, vt paucissimi illud, & vix impleuerint. Est id quidem, aiebat Christus, magnæ perfectionis, quæ ipsa tamen & in veteri lege præscripta. Quid

Exod. 23, 4 enim est illud? *Si occurreris boui inimici tui, aut asino erranti, reduc ad eum. Si videris asinum odientis te iacere sub onere, non pertransibis, sed subleuabis cum eo.* Quid, quæso, sibi voluit Salomon, cum diceret: *Si esurierit inimicus tuus, ciba illum: si sitierit, da ei aquam bibere: prunas enim congregabis super caput eius, & Dominus reddet tibi?*

Mirum, subdebat Staurophila, in illâ lege, quæ nihil ad perfectum adduxit, tantam perfectionem legi & præscribi. Cui Christus: Virtutum celsitudinem haud facile assequitur infirmus animus, & passionum suarum caligine obnubilatus. Tu verò ad summa semper annitere, & ab iniuriarum memoriâ *tum demum perfectè te curatam intellige, non cum pro eo qui te contristauit oraueris, non cum illum muneribus affeceris, non cum ad mensam tuam eum perduxeris: sed cum, cognitâ illius aliquâ calamitate, siue corporali siue spiritali, quasi ipsa eam perpeffa fueris, ita te angî dolore atque lacrymari perspexeris.*

Climacus  
Grad. 9.

Hei mihi Domine, inquebat Staurophila, quàm longè sum ab hac perfectione! Et quando eò perueniam, quò tot Sancti & Sanctæ

Sanctæ suis exemplis viam strauere? Noli desperare, aiebat Christus, *nec tuis te viribus hoc implere posse confidas: sed obtine precibus, vt ipse hoc qui imperat, præstet. Quia petentes libenter exaudit, quando hoc petitur largiri, quod iubet.* Neque verò te deicere Sanctorum præstantissima exempla, aut pusillanimum reddere debent; *illa siquidem in altero è duobus te optimè erudient; aut enim imitationem sanctæ formæ excitabunt: aut ad tui ipsius agnitionem, & eius, qua in te est fragilitatis, demonstrationem per beatissimam humilitatem te conuertent.* Crede mihi, filia, magna imperfectio est, suam non ferre imperfectiorem; & impatientiam ostendere, quia minùs sis patiens. Nam & hoc æquo animo tolerandum, donec ad altiora, Spiritu sancto aspirante, promouearis. Interim studium & laborem huc adferre oportet.

Gregor.  
Hom. 35.  
in Euang.

Climac.  
Gradu 26.



Mihi ablit gloriari nisi in CRVCE Dñi  
nostri IESV CHRISTI. Gal. 6, 14.



Non omis est, sed honos; non dedecus, at decus ingēs  
Tecum vel minimam CHRISTE. tulisse CRVCEM.

## CAPVT XVII.

*Vt in CRUCE gloriandum.*

Mihi absit gloriari nisi in CRUCE Do-  
mini nostri Iesu Christi. Gal. 4, 14.

*Non onus est, sed honos; non dedecus, at de-  
cus ingens,  
Tecum vel minimam Christe tulisse CRV-  
CEM.*



ORONIDEM salutaribus moni-  
tis tandem imponere volens  
Christus, Vnum hoc, inquie-  
bat, superest Staurophila, fir-  
missimè tibi vt persuadeas,  
summam dignitatem, summam gloriam,  
summum honorem in eo situm, vt mecum  
& pro me baiules tibi CRUCEM. *Quid enim*  
*gloriosus, quàm mihi tanta & tam dura pro*  
*vobis passo, vicem reddere? plagas plagis, pro-*  
*bra probris, cruorem cruori rependere? An*  
non honor habetur seruo, si ex eodem bibat  
calice, ex quo Rex & Dominus? Fit hoc,  
cùm tribulationis calicem, à me prius ex-  
haustum, aliis quoque bibendum trado. Vn-  
de Apostolis illis, confessum ad dexteram

Tertull.  
lib. de Re-  
surrect.  
carnis.

R

vel

vel sinistram meam ambientibus, dicebam :

Matth. 20, 23. Thom. à Villâ nouâ Conc. de S. Iacob. *Calicem quidem meum bibetis ; insinuans magni amoris , & aeterna hereditatis esse signum , consortes eos hic facere calicis & passionis meae.*

Philipp. 1, 29. *Intellexerunt optimè hanc dignitatem Petrus & Paulus , quorum hic ait : Vobis donatum est pro Christo , non solum vt in illum credatis , sed vt etiam pro illo patiamini. Ille vero : Communicantes Christi passionibus gaudeate , vt & in reuelatione gloria eius gaudeatis exultantes. Si exprobramini in nomine Christi , beati eritis , quoniam quod est honoris , gloria & virtutis Dei , & qui est eius spiritus super vos requiescit. Hic nimirum potissimus qui in hac vitâ haberi potest honor , & in hoc tibi , Staurophila , gloriandum.*

Cui illa : Hoc docuisti me , Domine ; nihil per ostentationem aut vanam gloriam facere , imò adrepentem , & comitis instar se bono operi adiungentem prorsus reijcere ; Quomodo igitur in CRVCE gloriabor ? Cui Dominus : Gloriam quærere , aut aduentitiâ delectari , prohibui equidem , quia vtrumque malum : omnem tamen gloriam non exclusi , tantum vt qui gloriatur , in Domino gloriatur.

2. Corinth. 10, 17.

Quid autem est in Domino gloriari ? rogabat Staurophila. Illud nimirum , respondebat Christus , non seipsum commendare , sed

Cornel. in 2. ad Corinth. 10, 17

sed

sed à Domino commendationem & appro-  
bationem exspectare, ita vt illi, cuius patien-  
tia donum est, illa ipsa accepta feratur, illi  
omnis gloria adscribatur, ad illius laudem  
& gloriam omnia dirigantur. *Omnis gloria* Ps. 44, 14.  
*filie Regis ab intus, non foris est: hoc est, non* Bernard.  
*in flore sæni, aut in ore vulgi, sed in Domino:* Sermon. 25.  
*quòd conscientie solus sit arbiter Deus, cui soli* in Cant.  
*placere desiderat, & cui placere, sola vera &*  
*summa gloria est.* Talis enim cum Psalte di-  
cit: *Non nobis Domine, non nobis, sed nomini* Ps. 113, 16  
*tuo da gloriam.*

Gloria tibi, Domine, aiebat Staurophila,  
quia erudisti famulam tuam, vt hanc non in  
se, sed in te & à te peteret. Sed enim, cum  
CRUX tua fuerit turpissimæ mortis suppli-  
cium, & ignominie signum, scire aueo, an &  
Dominus meus in CRUCE baiulanda potue-  
rit gloriari. Cui Christus: Ego, filia, glo-  
riam meam non quæsiui, nec hominibus  
placere desiderauit: gloriam verò, quæ à so-  
lo Deo est, semper quæsiui. CRUCEM tamen,  
ne nescias, velut imperij mei insigne prætu-  
li, vt Propheta prædixerat: *Cuius principa-* Isa. 9, 6.  
*tus super humerum eius. Principatus enim* Theophyl.  
*meus erat CRUX, propter quam me Deus ex-* in cap. 23.  
*altauit. Et sicut in signum dignitatis, alij bal-* Luc.  
*theum, alij mitram portant, sic & ego CRU-*  
*CEM. Et sanè si inquiras, inuenies non aliter*

*me in vobis regnare, nisi per asperitates & CRUCEM, quo fit ut delictiosi inimici sint CRVCIS. An putas vacare mysterio, quòd supplicij mei fuerim gestator? Non vacat: factum enim id ut lignum CRVCIS in scriptum mihi conuerterem potestatis, & pulchrâ specie triumphi mei portarem trophæum, & inuicta patientia humeris, lignum salutis adorandum regnis omnibus inferrem, tamquam & tunc ipsâ operis imagine omnes imitatores meos confirmarem, & dicerem: Qui non accipit CRUCEM suam, & sequitur me, non est me dignus. Quid ni ergo grata ignominia CRVCIS ei, qui Crucifixo ingratus non est? Nihil gloriosius quàm Christi portare opprobrium. unde vox illa prorsus exultationis & salutis: Mihi absit gloriari, nisi in CRUCE Domini mei Iesu Christi.*

Leo Ser. 8.  
de Pass.  
Dom.

Matth. 20,  
33.

Bernard.  
Serm. 25.  
in Cant.

Gal. 4, 14.

Verè, inquiebat Staurophila, gloriosum omnino CRUCEM portare, nam qui Regibus inferuiunt, quàm accepti illis sint, ex fauoribus & muneribus, ex diuitiis & stemmatibus ab iis acceptis facillè apparet. Tui verò, Domine, quàm grati tibi sint ministri, ex impositis manifestatur CRVCIBVS. Sic enim nobilitatus Tobias, ab Angelo audiuit: *Quia acceptus eras Deo, neceffe fuit ut tentatio probaret te.*

Tob. 12, 13.

Vtinam ita saperent, inquiebat Christus,

&

& intelligerent omnes filij hominum ! qui dignitates & honores magnâ ambitione quærunt, qui diligunt vanitates & insanias falsas. Verè enim terre **CRUCEM** propter me Chrysost. Hom. 8. in Epist. ad Ephes. illustrius est quàm sine Apostolum, siue Doctorem, siue Euangelistam esse. Magna dignitas hæc, & regno quouis ac consulatu maior. Qui diligit & ardet Deum, eligit potius vincula & **CRUCEM** ferre propter ipsum, quàm celos inhabitare: non ita caput splendidum reddit imposita corona margaritis conspicua, ut catena ferrea & **CRUX** quæ propter Deum fertur. Potius mihi habetur malè affici pro Deo, quàm honorari à Deo.

Non omnes, inquit Staurophila, capiunt Math. 19. 11. verbum hoc, sed quibus datum est à Patre. Paradoxam enim hanc Staurosophiam, non caro & sanguis, sed Pater cælestis reuelauit. Ita est, respondebat Christus, abscondita sunt hæc à sapientibus & prudentibus, & reuelata paruulis. Nouerat hæc Paulus, paruus in oculis suis, magnus in oculis Dei, qui ait: *Libenter gloriabor in infirmitatibus meis,* 2. Corinth. 12. 9. 10. *ut inhabitet in me virtus Christi. Propter quod placeo mihi in infirmitatibus meis, in contumelijs, in necessitatibus, in persecutionibus, in angustijs pro Christo: dum enim infirmor, tunc potens sum.* Seipsum autè & aliis componens, dicebat: *Ministri Christi sunt? plus*

Ibid. c. II,  
23, 24, 25.

ego. Hanc autem gloriam quibus sibi arroget titulis, quaeso, animaduerte. *In laboribus plurimis, in carceribus abundantius, in plagis supra modum, in mortibus frequenter. A Iudeis quinquies quadragenas unâ minus accipi. Ter virgis cæsus sum, semel lapidatus sum, ter naufragium feci, nocte & die in profundo maris fui.* Ecce hæc illa sunt, in quibus vas illud electionis gloriatur.

Quoties vel audio vel lego hæc, toties, inquietat Staurophila, prorsus in stuporem ab eo: quis enim non miretur Apostolici pectoris inuictam patientiam, & robur illud animi quouis adamante fortius? Hominem mortalem, Apostolatus sui insignia & velut gentilitia arma recensere, morbos, pericula, ærumnas, famem, sitim, frigus, nuditatem, quæ apud homines prorsus despiciabilia! Quis sapiens, & intelliget hæc? Respondebat Christus: Non id adeo abstrusum, & mundo incognitum. nonne & Gentiles dixerunt: Agere & pati fortia, Romanum est? *Ignis aurum probat, miseria viros fortes. Numquam virtutis molle documentum est. Militares viri gloriantur vulneribus, quia calamitas virtutis occasio est: Dux lectissimos mittit, qui nocturnis hostes aggrediantur insidijs: Præceptores plus laboris ab his exigunt, in quibus certior spes est.* CRVX igitur lectissimos & glorio-

Seneca l.  
de Prouid.  
cap. 5.

riofissimos Dei ostendit milites, & quis non in Domino gloriatur, se hoc numero cense-  
 ri? Fuit in hoc censu S. Secunda, *in cuius con-* Breniar.  
 Roman.  
 10. Iulij.  
*spectu cum Iudex sororem Ruffinam acerrime  
 virginis iussisset cedi, ita Iudicem interpellavit:  
 Quid est, quod sororem meam honore, me affi-  
 cis ignominia? Iube ambas simul cedi, quæ si-  
 mul Christum confitemur.*

Si gloriari oportet, inquiebat Staurophila,  
 aut aliquando expediat, vera hæc demum  
 gloria, ad Dei gloriam pati, & aliam nullam,  
 nisi in Domino quærere. Quis mihi det si-  
 milem fieri in gloria Sanctorum; & non glo-  
 riari, nisi in CRUCE Domini mei Iesu Chri-  
 sti? Tu, ô Domine, gloria mea, tu exultatio  
 cordis mei, in te gloriabor, & exultabo totâ  
 die: pro me autem nihil, nisi in infirmitati-  
 bus meis. Quærant Iudæi, quærant mun-  
 dani gloriam quæ ab inuicem est: ego hanc Ioan. 5, 44.  
 requiram, quæ à solo Deo est. Veritas mea,  
 misericordia mea, gloria mea, Deus meus,  
 & omnia, tibi soli laus, hdnor & gloria, tibi  
 soli benedictio, claritas, sapientia, & gratia-  
 rum actio in sæcula sæculorum, Amen.

Qui sunt CHRISTI, carnem suam CRVCIFIXERUNT cum vitijs et concupiscentijs. Gal. 3, 24.



CHRISTE Deus, CRVCIFIGE meam, CRVCIFIGE  
rebellem

Hanc carnem, in vitium ne malefana ruat.

## CAPVT XVIII.

## Via CRVCIS finis, carnis CRVCIFIXIO.

Qui sunt Christi, carnem suam CRVCIFIXERVNT cum vitiis & concupiscentiis. *Gal. 5, 24.*

*Christe Deus, crucifige meam, crucifige rebellem*

*Hanc carnem, in vitium ne male sana ruat.*



is dictis sermonem iterque se absoluisse credebat Staurophila: verum occurrens Christus, Quod felix faustumque, inquit, via quidem confecta hactenus, nisi quod altera supersit cura, priore non paulo difficilior. Quænam hæc? aiebat illa. an non vniuersam iam absolui Stauropædiam? an non cursum consummaui? Consummaſti, aiebat Christus, vtcumque cursum, metam tamen non prorsus attingiſti. Quid igitur reliquum? subiiciebat Staurophila. Hoc, respondebat Christus, vt CRVCIS, quam mecum hactenus tulisti, deinceps etiam affigam. Meæ etenim finis Stauropho-

August.  
Enchirid.  
cap. 53.

Leo Serm.  
19. de Pass.

Bernard.  
Epist. 245.  
ad Guarin.  
Abbat.

riæ hic fuit, vt baiulata tandem affigerer  
CRVCI. *Quidquid enim gestum est in CRVCE  
meâ, ita gestum est, vt his rebus non mystice  
tantum dictis, sed etiam gestis configuraretur  
vita Christiana, quæ hîc geritur. Ibi ergo se  
constituat Christianus, quò ego Christus eum  
mecum sustuli; & ad id dirigat omnem viam  
suam, vbi scit humanam saluatam esse natu-  
ram. Ibi, ô Staurophila, fige tui cursus profe-  
ctusq; metam, vbi ego posui meam. Factus  
enim sum Patri obediens vsque ad mortem,  
mortem autem CRVCIS. Quantumlibet er-  
go cucurreris, si vsque ad mortem non perue-  
neris, brauium non apprehendis. Hoc igitur  
feriò etiam agendum, siquidem mea esse ve-  
lis. Egône Domine, aiebat Staurophila, tua  
esse nolim, cui me totam iam pridem con-  
secraui? Tua non sim, bone IESV? Auertat  
hoc Deus! *non sis qui tuuse esse potes  
Alterius non sit qui suus esse potest.**

Et esse mihi potiùs non libeat, quàm sine  
te esse. Quid enim ego sine te, nisi palmes  
extra vitem, arbor sine radice, corpus sine  
animâ? Tua sum, Domine, tibi adhærere,  
bonum mihi & desiderabile.

Generosè, inquiebat Christus, loqueris,  
sed si verè, quod dicis, desideras, id facere  
necesse est quòd meam te verè faciat. Quid  
illud, Domine? aiebat Staurophila. *Parata  
sum,*

Psal. 118,  
60.

sum, & non sum turbata, vt custodiam manda-  
ta tua. Cui Christus: Meus est, filia, qui suus  
non est. Et Staurophila: Tuus est, Domine,  
qui suus non est? quid hoc est, quæso, æni-  
gmatis? An non audisti, respondebat Chri-  
stus, Apostolum dicentem: *Qui Christi sunt,* Gal. 5, 24.  
*carnem suam crucifixerunt cum vitijs & con-*  
*cupiscentijs?* Quid enim hoc? nisi quòd  
meus non sit, nec spiritum meum habeat,  
cuius non fuerit crucifixæ caro. Et an hunc  
suum dixeris, *qui pro animi sui motu membra* Cassian.  
*sua quoquam mouendi vel conuertendi non ha-* lib. 4. c. 35.  
*bet potestatem?* Suus ergo non est, qui cruci-  
fixus est: qui verò crucifixus est, ille verè  
meus est.

*Congruit siquidem deuotioni fidelium, vt* Beda in  
*qui crucifixi passionem celebrant, reprimenda-* cap. 5. ad  
*rum carnalium voluptatum CRUCEM sibi ipsi* Galat.  
*faciant. In hac autem CRUCE per totam istam*  
*vitam, que in medijs tentationibus ducitur,*  
*perpetuò debet pendere Christianus. Hac enim* August. l. 7.  
*est, ô Staurophila, hominis vita tranquilla,* contra  
*cum omnes motus eius veritati consentiunt,* Manich.  
*& vocantur gaudia, & amores sancti, & casti*  
*& boni. Si autem consentiunt, nihilominus*  
*dum negligenter reguntur, conscindunt & dis-*  
*sipant animum, & faciunt vitam miserrimam,*  
*& vocantur perturbationes, & libidines, &*  
*concupiscentia mala. De quibus vobis iam præ-*  
*cipitur,*

*cipitur, ut eas cum quanto potestis labore crucifigatis in vobis, donec absorbeat mors in victoriâ.*

Meritò, inquebat Staurophila, CRVCI ad-  
iudicatur

Nazianz.  
Carm. 18.  
aduersus  
Carnem.

*Exitiosa caro, mundi labentis amica;*

*Celesti ac vite praelia dura mouens.*

*Hostis amica caro, blandissima pugna, bonumq;*

*Infidum, vetitos semper edensq; cibos.*

*Cænum, massa grauis plumbi, limosa catena:*

*Bellua pugnaci prodita materiâ.*

Tecum enim sentio, mi Domine, crucifigatur caro, quæ concupiscit aduersus spiritum. Tolle, tolle, crucifige eam, quæ quotidianum mihi exhibet prælium. *Condelector enim & ego legi Dei secundum interiorem hominem: video autem aliam legem in membris meis, repugnantem legi mentis meæ, & captiuantem me in lege peccati, quæ est in membris meis. Igitur ego ipsâ mente seruius legi Dei; carne autem legi peccati. Infelix ego homo, quis me liberabit de corpore mortis huius?*

Rom. 7,  
22.

Responderebat Christus: Libertatem hanc carnis adferet crucifixio, si nimirum mortificare didiceris membra tua quæ sunt super terram; in his enim vitia & concupiscentiæ resident. Cùm ad eò necessaria, aiebat Staurophila, hæc crucifixio, ne molestum, quæso, sit, paulò clariùs eam ancillæ tuæ exponere.

Audi

Audi igitur, aiebat Christus, Duo sunt CRVCIS genera, vnum corporale, aliud spirituale. August. Scrm. 20. de Sanctis. Vnum à potu atque epulis temperare, appetitum gula à delectationibus coërcere, ab his, quæ per tactum & gustum, visumq; decipiunt, sensum viriliter reuocare, ac violenter abstrahe-  
re. Alterum CRVCIS genus est pretiosius ac sublimius, motus animi regere, & perturbationes illius modestiæ tranquillitate placare, ira ac superbia impetus quasi feram bestiam refranare, litigare quotidie contra vitia sua, increpare se quadam censurâ austeritatis, & rixam quodammodo cum homine interiore conserere. Pretiosa enim in conspectu Domini, & gloriosa CRVCIS, cogitationes malas in potestatem redigere, voluntates proprias abnegare, easq; regentis imperio subingere.

Aliquantò iam meliùs capio, aiebat Staurophila, spiritualement hanc carnis crucifixionem: verum, vt equidem arbitror, non fit illa sine clavis, quare de illis quoque nonnihil instrui velim. Rectè mones, aiebat Christus, sunt enim clavi spirituales, quibus patibulo CRVCIS affigatur caro. An non Regius Vates dixit: *Confige clavis à timore tuo carnes meas, à iudicijs enim tuis timui? Configat carnes timor Domini, & iudiciorum eius, & seruituti redigat. Quòd si carnes ista reijciunt clauos diuini timoris, hand dubiè dicitur:* Psal. 118. sic legit Ambros. August. & alij. Ambr. in illū locum.

Non

- Gen. 6, 3. *Non permanebit spiritus meus in his hominibus, quoniam carnes sunt. Nisi igitur affigantur CRVCI hæ carnes, & configantur clavis à timore Domini, non permanebit in his spiritus Dei. Qui autem configitur, mortificatur vt peccato deficiat, Deo viuat. Habet & clauum suum charitas, felix qui eo mernerit transfigi. Valida est vt mors charitas, durus sicut inferi, zelus. Non te ergo offendat duritia clauorum, quia est duritia charitatis: nec validus clauorum rigor, quia valida est etiam charitas, sicut mors. Charitas sicut mortis ictus interimit. His clavis charitatis configatur anima, configatur & caro, vt & ipsa dicat, quia vulnerata charitate ego sum. Optimi, aiebat Staurophila, hi clauis, quibus ad optatam peruenitur libertatem! dulces clauis, qui carnem cruciant, animam lætificant! suaues clauis, qui carnem mortificant, spiritum viuificant! Verùm quis malleus eos mihi infiget? Cui Christus: Numquid non verba mea quasi malleus conterens petram? Verbum Domini clauos timoris & amoris facilè tibi infiget, vt ad illicita deinceps non mouearis. Viuus est enim sermo Dei & efficax, & penetrabilior omni gladio ancipiti, pertingens vsque ad diuisionem anime ac spiritus, compagum quoque ac medullarum. Utinam Domine, inquebat Staurophila,*

rophila, hoc malleo transfigas clavis tuis car-  
nem meam ! vtinam timoris clauo pedes,  
amoris clauo manus ita CRVCI affigas, vt  
imaginem mortis tuæ in carne meâ expri-  
mens, membra mea non ampliùs fiant *ar-* Rom.6,13  
*ma iniquitatis peccato !*



Mihi mundus CRVCIFIXVS est, et ego  
 mundo. Gal. 6, 14.



CRVX mihi mundus, ego CRVX illi: mortua viuo  
 Illi, quæ pro me mortua vita fuit.

## CAPVT XIX.

*Vt mundus crucifigendus.*

Mihi mundus CRVCFIXVS est, &  
ego mundo. *Gal. 6, 14.*

CRVX mihi mundus, ego CRVX illi: mortua  
vivo

*Illi, qua pro me mortua vita fuit.*



ONVM, aiebat Christus, hoc  
tuum, ô Staurophila, votum,  
sed præter carnem & aliud et-  
iamnum restat crucifigendū.  
Dic, obsecro Domine, aiebat  
Staurophila, quidnam illud? Mundus, in-  
quiebat Christus, & quidquid ad illum per-  
tinet. *Sicut enim me exaltato in CRUCE do-*  
*lores obtinuerunt habitatores Philisthijm, &*  
*tunc conturbati sunt principes Edom, sic non*  
*aliter timebunt te demones, nec aliter tremor*  
*tuus veniet super eos, nisi videant in te CRV-*  
*CEM meam, nisi & tu potueris dicere, Mihi*  
*mundus crucifixus est, & ego mundo. Talem*  
*enim oportet esse Christianum, & hanc vocem*  
*semper habere in ore. Nihil hac mortificatione*  
*felicius. Hoc est beata vitæ fundamentum. Si*

Origenes  
Homil. 6.  
in Exod.

Chrysost.  
in cap. 6.  
Epist. ad  
Galat.

ita Domine, inquiebat Staurophila, oportet fieri, iam duo erunt in CRVCE vnâ, & non ego tantum, sed & mundus mecum CRVCI affigendus. Non tibi mirum hoc videatur, aiebat Christus, nam dum ego *visibiliter in carne CRVCIFIXVS sum, inuisibiliter quoque in eadem CRVCE diabolus cum principatibus suis & potestatibus affixus est CRVCI, tunc quod erat contrarium vobis ( vt Paulus ait ) tuli de medio affigens CRVCI mex, exuens principatus, & potestates traduxi, liberè triumphans eas in ligno CRVCIS. Duplex ergo ratio CRVCIS; vna illa quâ ego crucifixus vobis reliqui exemplum; & hac secunda, quâ CRVX illa trophæum diaboli fuit, in quo & crucifixus est, & triumphatus. Ad eandem formam duo contraria tibi sunt crucifigenda, tu ipsa nempe mundo, & mundus tibi.*

Origenes  
Hom. 8. in  
Iosue.

Coloff. 2,  
14.

Origenes  
loc. citat.

Ambr. in  
cap. 6. ad  
Galat.

Chrysof.  
in cap. 6.  
ad Galat.

Intricatius hoc mihi videtur, inquiebat Staurophila, quàm vt capere queam. Elucidabo igitur, aiebat Christus: *Mundo crucifigeris tunc, cum veniens princeps huius mundi in te non inuenit quidquam: & tibi mundus crucifigitur, cum peccati concupiscentias non recipis. Amor CRVCIS mex vitam, mundi verò amor parit mortem: inuicem ergo sibi moriantur, & mundus tibi, & tu mundo. Mundum autem intellige, non colum neque terram, sed res temporarias, laudem ex hominibus,*

bus, famulitium, gloriam, opes; hæc & omnia qua vulgo videntur esse magnifica, tibi sint mortua, & tu vicissim illis. Nec illa te capiant, aut manibus iniectis captiuum ducant, neque illorum cupidine tenearis. Vtinam, ô Saluator mundi, aiebat Staurophila, mundus cum flore suo & sæcularibus desideriis in corde meo ita exarescat, vt penitus mihi moriatur, & crucifigatur; nihil vt illius concupiscam, nihil illius me delectet, nihil illius in me viuat! Respondit Christus: Et quando tibi crucifigeretur mundus, nisi pro te crucifigeretur, per quem factus est mundus? Sine me, filia, nihil potes, in me autem potes omnia. Certissimum autem hoc adiutorium quod tibi in me, & per me est, satis insinuaui Apostolus, dicens: *Mihi autem absit gloriari nisi in CRUCE Domini nostri Iesu Christi, per quem mihi mundus CRUCIFIXVS est, & ego mundo.* Obserua Staurophila, & expende illud, per quem mihi mundus crucifixus, hoc enim non poterat Paulus ex se, sed tantummodò per me. Subijciebat rursùm Staurophila: Et ego Domine de abundantia gratiæ tuæ iam dicere mihi posse videor: *Mihi mundus crucifixus est. Omnia enim que mundus amat, delectatio carnis, honores, diuitiæ, vana hominum laudes, CRUX mihi sunt.* Si autem mihi mundus crucifixus est, scio quia

August. de  
Verb. Apo-  
stoli.

Gal. 6, 14.

Bernard.  
Serm. 7. de  
Quadrag.  
Anselm. in  
cap. 6. ad  
Galat.

*mortuus est. Non diligo eum, scio quia præterit. Non concupisco eum, scio quia corruptela consumetur. Eum proinde quasi fœtidum vito, quasi lutum caueo, quasi nociturum relinquo.* Benè id quidem, aiebat Christus, & non ad insipientiam tibi: sed bonum quoque ad vltiora te extendere, vt non tantum mundus tibi sit crucifixus, *sed & tu mundo.* Quid autem hoc? nisi vt talem te exhibere studeas, vt à mundo quasi mortua concupisci nõ possis: & sicuti mundi gloriam non quæris, ita nec mundi gloria te quærat, sed velut

Anselm. ci.  
tato loco.

*foetens ab eo contemnaris? Plerumque autem contingit, vt iam homo mundum mente non teneat, sed tamen mundus eum occupationibus astringat. Et ipse quidem mundo iam mortuus est, sed ipsi mundus adhuc mortuus non est. Quasi enim viuus adhuc mundus eum conspicit, dum alijs intentum, suis actibus aliò rapere contendit.* Inuehitur in similes Apo-

Coloss. 2.  
20.

stolus, cum ait: *Si mortui estis cum Christo ab elementis huius mundi, quid adhuc tamquam viuentes in mundo decernitis?* Qui mundo mortuus est, quid adhuc negotiis mundi se implicat? Cum non modò mortuum in corde suo mundum mortuis relinquere debeat sæcularibus, sed talis insuper esse, vt etiam iis *que mundus reputat CRVCEM, illis affixus sit, illis adhareat, illa toto amplectatur affectu.*

Bernard.  
loc. cit.

Sub-

Sublimis, inquiebat Staurophila, & Apostolica prorsus eminentiæ hic gradus est, quem Paulum designasse putauerim, cum dixit: *Tamquam purgamenta huius mundi facti sumus, omnium peripsema vsque adhuc.* I. Corinth. 4. 13. Anselm. in illum loc. Tales scilicet mundanorum reputatione erant, ut totus mundus, illis sublatis, omnimodâ sorde videretur purgatus, adeò denique superflui & immundi, atque hominum vsui inutiles, velut peripsema, siue purgamentum ferri, vel corium pomi, quod vndique aufertur, ut ipsum pomum dulciùs comedatur. Ita est, mea Staurophila, subijciebat Christus, non Apostoli dumtaxat, sed & vniuersi qui mihi seruire voluerint, mundo sunt despicabiles, quorum hæc iam olim ad Deum lamentatio: *Miserere nostri Domine, miserere nostri, quia multum repleti sumus despectione. Quia multum repleta est anima nostra, opprobrium abundantibus, & despectio superbis.* Pf. 122. 4. Verùm, quod omnes seruos meos consolari debet, exiturus de hoc mundo ad Patrem præmonui & præmuniui eos, dicens: *Si mundus vos odit, scitote quia me priorem vobis odio habuit. Si de mundo fuissetis, mundus quod suum erat diligeret: quia verò de mundo non estis, sed ego elegi vos de mundo, propterea odit vos mundus.* Ioan. 15. 18.

Quàm bonum, Domine, aiebat Staurophila, & quàm iucundum immundû hunc

mundum, qui tuos odio habet, perfecto odio odisse! Quam vile hunc sibi crucifigere, illique vicissim crucifigi! sed vnum hoc te obsecro, efficacem vt suggeras rationem, quâ incitata validius id velim & valeam.

August. 2.  
de Trin.

Subiecit mox Christus: *In quantum Dei sapientiam, per quam facta sunt omnia, spiritaliter intelligis, in tantum carnalibus affectibus moreris, vt mortuum tibi hunc mundum deputans, ipsa huic mundo moriaris, & dicas: Mihi mundus crucifixus est, & ego mundo. Nemo enim faciem, id est, manifestationem ipsius diuinæ sapientia potest videre, & viuere. Ipsa enim est species, quæ rapit omnem animam rationalem desiderio sui, tantò ardentior, tantò mundiorem: & tantò mundiorem, tantò ad spiritalia resurgentem: tantò autem ad spiritalia resurgentem, tantò à carnalibus morientem.* Atque hæc, vt arbitror, satis ad confirmandum te, ne conformeris huic sæculo, aut illius quidquam requiras. Vtique satis, aiebat Staurophila, nihil enim iam in mundo mihi placet, non ille me tenet, nihil illius teneo. Quidquid ille conferre potest, non me delectat adeptum, non contristat ademptum, vnicum hoc mihi votum, ô Amor meus! tibi adhærere, tibi vniri.

## CAPVT XX.

*Cum Crucifixo simul crucifigi oportet.*

Christo confixus sum CRVCI.

*Galat. 2, 19.*

*En meus est CRVCFIXVS Amor ! me figite  
clavi :*

*Et liceat Domino cum moriente mori.*



URGENS porrò Staurophila, & cœptum continuans sermonem, ista subiunxit: Cùm toto corde te desiderem, ô dilecte votorum meorum, & iugiter ad te fustpirem. Quid, quæso, est quod te hactenus, prout volui, inuenire non valui? *In Cant. 3, 1.*  
*lectulo enim meo per noctes quæsiui quem diligit anima mea, quæsiui illum, & non inueni. Surrexi, & circuiui ciuitatem, per vicos & plateas quæsiui quem diligit anima mea, quæsiui illum, & non inueni. Quid est hoc Domine? vsquequò non datur adhærere tibi, tibi coniungi, tibi vniri?*

Inde scilicet, aiebat Christus, quòd cùm quæras, non quæras vbi oportet: tu enim me quæris in lectulo, in præsentis vitæ aliquantulâ requie, at ego non habito *in terrâ sua-* *Iob. 28, 13.*

CHRISTO confixus sum CRVCI. Gal. 2, 19.



En meus est CRVCIFIXVS Amori me figite clau:  
Et liceat Domino cum moriente mori.

*uiter uiuentium.* Tu quæris per vicos & plateas ciuitatis, sed ego non in foro, non in publico, non in angulis reperior ciuitatis. Tu quæris in mundo, sed ego non sum de hoc mundo. Si carnem crucifixisti cum vitiis & concupiscentiis, si mundus tibi iam crucifixus, & tu mundo, & nihil iam aliud quære quàm quod me delectat, ascende ad montem myrrhæ, ad montem Caluarix, ibi inuenies cubile meum, in quo cubo, in quo requiesco, in meridie charitatis meæ. Ibi inuenies *ferculum Salomonis de lignis Libani*, super omnia enim ligna Cedrorum CRVX mea excelsior. Ibi, veluti *argenteas* inuenies *columnas*, clauos illos, qui ferculo CRVCIS me affixerunt. Ibi inuenies diuinæ naturæ meæ *reclinatorium aureum*, & *ascensum purpureum*. Fuit enim CRVCIS illa

*Arbor decora & fulgida,  
Ornata Regis purpurâ.*

Ibi inuenies *mediâ charitate constrata propter filias Ierusalem*, medium enim CRVCIS ipse ardentissimâ flagrans charitate occupauit, offerens me in holocaustum diuini amoris igne combustum, vt filias Ierusalem ad me, meumque amorem & imitationem trahe-rem. Eia igitur dilecta mea, huc ascende, si quidem mihi desideras adunari. *Sequere me exaltatum à terrâ, vt non solum supra te, sed*

Cant. 3.  
Ludouicus  
de Ponte  
lib. 6. in  
Cantic.  
exhort. 32.  
§. 4.

Venant.  
Fortun in  
Hymno.

Bernard.  
Serm. 4. de  
Ascens.

*& supra omnem quoque mundum mentis fastigio colloceris, vniuersa quæ in terrâ sunt, deorsum aspiciens, & despiciens, sicut scriptum est: Cernent terram de longè.*

Isaia 33.

Hoc, aiebat Staurophila, etiam atque etiam desidero. Sed dic, quæso, ancillæ tuæ, quanam ratione non solum corporeo, sed etiam spirituali modo quispiam CRUCEM conscendat? Nimirum, inquebat Christus, cum per ærumnas & afflictiones supra res terrenas asurgit, ac tentationes carni dolorem inurentes, velut quosdam clauos lubenter excipit, ut beatæ vitæ dulcedinem afferentes. Clauus enim pedes manusque penetrans, clauis est cælum referans, portasque aperiens æternales. Vtinam Domine, aiebat Staurophila, conclauari & configi tibi possim, ut æternæ salutis suauitate perfruar! Huc CRUX, & clauis te ducent, aiebat Christus. Vide autem an non ipsa crucifixi hoc insinuet figura & situs.

Basil Homil. de Baptism.

*Quemadmodum enim qui crucifigitur mortis subiectus condemnationi, ab illis disiungitur, cum quibus aliquando vitæ commercium habuit, sublimior iam illis, qui in terrâ adhuc repunt factus: ita & qui mecum crucifigitur, ab omnibus in vniuersum, qui secundum hoc seculum viuunt, ab alienatus est, & sublatâ iam mente, ad caelestem conuersationem exaltatus, verè & cum fiducia dicere poterit, Nostra conuer-*

uerfatio in calis est. Reuerà enim qui patibu-  
 lo CRVCIS affixus est, non iam præsentia con-  
 templatur, nec de suis affectionibus cogitat, non  
 pro die crastino sollicitudine curag; distendi-  
 tur, nullà possidendi concupiscentiã permoue-  
 tur, nullà superbiã, nullà contentione, nullà a-  
 mulatione succenditur, non de præsentibus do-  
 let iniurijs, non præteritarum iam recordatur,  
 seq; cum adhuc spirat in corpore cunctis ele-  
 mentis credit esse defunctum, illuc præmittens  
 sui cordis intuitum, quò se non dubitat illicò  
 transiturum: ita te quoque timore & amore  
 Domini crucifixam, oportet non solum carna-  
 libus vitijs, verùm etiam ipsis elementis mor-  
 tuam, illuc habere oculos animæ defixos, quò te  
 sperare debes momentis singulis migraturam.

Domine, aiebat Staurophila, quid mihi est  
 in celo, & à te quid volui super terram? Amo

te Amor meus Crucifixe, amo amorem il-  
 lum tuum, quo configi clavis voluisti, ut qui  
 cumque amat, frui iam liberè amore possit; il-  
 liusq; inherere, & castis satiari amplexibus.  
 Eueniat hoc mihi! sed neque satior amplexi-  
 bus, ita auarus omnis amor est, nisi me totam  
 sensero eisdem amoris clavis Amori meo confi-  
 xam; ut nulla nos vis, tempestas nulla separa-  
 re possit.

Quàm nunc fapis, charissima! inquit  
 Christus, quàm diuina hæc tua vota! non

caro

Cassian.  
 lib. 4. c. 35.

Pl. 72, 25.

Carolus  
 Scrib. in  
 Amor di-  
 uin. parte 2.  
 cap. 8.

caro & sanguis reuelauit tibi, sed spiritus Patris mei, qui in cælis est. Eodem repletus & Paulus, dicebat: *Christo confixus sum CRVCI: viuo autem iam non ego, viuit verò in me Christus*. Animaduerte hic vt *ecstasim faciat diuinus amor, amatores suo statu dimouet, & sui iuris esse non sinit, sed in ea qua amant penitus transfert*. Ecstaticus hic meus erga vos amor ita me rapuit, meipsum vt pro vobis exinaniuerim, formam serui accipiens, in similitudinem hominum factus, & habitu inuentus vt homo, & tandem etiam pro hominibus crucifixus. Sic & Paulus *cùm diuino amore flagraret, excessiue illius virtutis particeps factus: Viuo, inquit, iam non ego, viuit verò in me Christus; tamquam verus amator, mentis excessum patiens. Vide autem exactam vitæ rationem, ac beatam illam animam admirare*. Quoniam enim seipsum mihi, & CRVCI totum præbuerat, & ad meam voluntatem omnia faciebat, non dixit, *Viuo Christo; sed, quod longè maius est, dixit, Viuit verò in me Christus*.

Admirari fatis nequeo, aiebat Staurophila, quo modo dicat Viuo, &, Non ego viuo, sed in me viuit Christus; quasi enim hæc contraria sunt, Viuo & Non viuo. Non capis hoc? inquiebat Christus: lucem adferat hæc similitudo. Surculus aliquis naturali excisus

Gal. 2, 19.

Dionys.  
Arcopag.  
de Diuin.  
nom. c. 4.Dionys.  
loc. citat.Chrysoft.  
in Epist. 2.  
ad Galat.exc  
nin  
tan  
om  
bon  
viu  
tuti  
me  
in f  
ipf  
Na  
te,  
in  
vo  
mo  
ter  
agla  
rin  
ga  
ru  
In  
&  
ti  
cuC  
h

excifus arbore, alteriq; inſitus, priori illi omnino mortuus, in alterâ illâ, cui inſertus eſt, tantùm viuit, & ab illâ ſuccum & vigorem omnem trahit: non ſecùs qui mihi & arbori CRVCIS inſeritur, priori, quâ mundo viuebat, vitæ extinctus ſuccum gratiæ & virtutis à me ſolo fugit, & nouâ vitâ viuit in me. Habebat ita Paulus vitam, non quidem in ſe, ſed in me. Viuebat, inquam, non tam ipſe in ſe ipſo, quàm in me, & ego in illo. Nam qui mundo mortuus *manet in charitate, in Deo manet, & Deus in eo.* Non viuebat in Paulo natura, non concupiſcentia, non voluntas propria; ſed tantùm ego, qui gratiâ meâ quaſi animâ & virtutibus, tamquam potentiarum motibus, cum ad omne bonum agebam & impellebam.

Quàm hoc, ô Domine, aiebat Staurophila, glorioſum! Næ ego felix omnino fuerim, ſi idem gratiæ tuæ munere mihi contingat! Hoc, ô Domine, votorum ſumma meorum, hoc æſtuantis animæ meæ deſiderium! Inſere me tibi, ô arbor vitæ, vt moriar mihi, & viuam in te. Transfige me clauis tuis, & tibi, CRVCIQUE tuæ ſtrictiſſimo annecte vinculo, numquã diſſoluendo. Etenim in CRUCE

*Dulce mihi tecum viuere, dulce mori.*

O liceat tantùm, Amor meus crucifixe! Da hoc amanti, qui vocare dignatus es fugientem,

tem, inuitare repugnantem, alligere nolentem. Nunc, ô Sponse sanguinum, quod antè tantopere reformidabam, *mihî pati cibûs, crucifigi voluptas, viuere Christus est, & mori lucrum.* Nam etiam moriendo non moriar, eò quòd *Te Vitam habeo in meipso.* Suspendium hoc elegit anima mea, non quo moriar, sed viuam. Nam quî moriar vitæ meæ pro me crucifixæ coniuncta? Quid in me, quæso, mors iuris haberet, quæ

Philipp. 1.  
21.  
Chrysoft.  
in Epist. ad  
Philipp.

Breniar.  
Rom. Fe-  
sto Exalt.  
Crucis.

1. Corinth.  
15:55.

Scriban.  
Amor. di-  
uin. part. 2.  
cap. 9.

1. Cor. 6,  
17.

————— *mortua tunc est,*  
*In ligno quando mortua vita fuit?*

*Vbi est ergo nunc mors victoria tua? vbi est mors stimulus tuus?* Non timeo illum, si tu mortua. Sed ô vita animæ meæ! ô anima vitæ meæ! si tu moreris, libenter etiam tecum moriar. Quomodo enim viuam sine vitâ, sine animâ? Age igitur

*Si iam fortè mori tibi stat sententia, Christe,*  
*CRVX ferat vna duos, mors ferat vna duos.*

Imò non iam duos, sed vnum ex duobus coadunatum. *Qui adheret Deo, inquit Apostolus, vnus cum eo spiritus efficitur.* Quid ergo qui tibi, ô dilecte, clavis connectitur? O vnicum bonum meum! æterna veritas, IESV mi! vni me tibi in veritate, nec diuellar à te in æternum. O! liceat in hoc amoris lecto cum dilecto viuere, cum Amore meo mori,  
cum

cum rediuiuâ vitâ meâ reuirefcere, & reuiuifcere in nouitate vitæ gloriofæ.

Dicebat hæc CRVCI affixa, dilecto fuo innixa & innexa Staurophila, iamq̄ue Amori fuo immoriens, vltimum pænè exhalabat spiritum.

Delectatus autem languentis Sponfæ fuæ amore Chriftus, ita fermonem concludit: Eia columba meâ, iam totius Stauropædiæ culmen tenes, metam nunc attingifti, brauium accipies. Mihi hæctenus compatiens, mecum iam conglorificaberis; mecum mortua, mecum viuificaberis; heres Dei, & coheres mihi futura regni cæleftis. *Nam vt me, qui me humiliâui factus obediens vsque ad mortem, mortem autem CRVCIS, Deus exaltauit, & donauit nomen quod eft super omne nomen, ita & omnes eos qui mihi compatiuntur, & paffionis meæ imitantur exemplum, Deus mecum exaltat in gloriâ.* Hæc namque VIA eft, quam coheredibus meis, vt exaltentur, aperui. Hæc VIA quæ ducit ad vitam, & regnum æternum.

Origenes  
lib. 7. in  
Epift. ad  
Rom.



# ARGVMENTVM LIBRI TERTII.

Vitam quæ faciat beatiorem,  
Christo Iudice, Christiane, CRVX est  
Arbor nobilis & decora valdè,  
Nulli germine, fronde, flore nulli,  
Nulli multiplici secunda fructu :

CAP. I.  
& II.

III.

Nam CRVX crimina tollit expiatque,  
CRVX discrimina criminumque tollit,  
Causa limina cordium recludit.

Et quisquam potes hanc vocare duram?  
Mœstam, difficilem, dolore plenam?  
Non est, credito, Christiane, non est;  
Credatur licet. Vtilis, incunda,  
Honestæ, & tolerabilis volenti est.

IV.

Hæc est quæ dubijs spei tenacem  
Anchoram tribuit natanti in undis.

Hæc sed, heu! premit, inquis, exprimitque  
Sudoris mihi defluentis imbres,  
Largos purpurei cruoris imbres.

V.

Obe! nil metuas, suavis vna  
Hic sanguis Domino merum propinat,

Et

*Et merum Domini tibi propinat.*

*CRVX quid non facit? illa cordis adem* VI.

*Deo construit & sacrat supremo.*

*Quid? quòd CRVX quoque fabricet co-* VII. &

*ronam,*

*Pulchram, perpetuam, bonam coronam.* VIII.

*Ecquid ampliùs hisce iam requiras?*

*Deo iungere tene concupiscis?* IX.

*Aude: te satis efficace vinclo*

*Numini bona CRVX, tibi que Numen*

*Adstringet socium. O beate! quidnam*

*Jam tuis poterit deesse votis?*

*Seu iuuet celeri celo ce calum* X.

*Seu curru petere: vna CRVX vtrumque,* XI.

*Et nauem tibi præstat, atque currum.*

*Quin scalas tibi malleum que præstat,* XII. &

*Illis ut supera Sionis arcem* XIII.

*Scandas, impete fortiore vt isto*

*Occlusi quatiens fores Olympi*

*Portas ingrediare sempiternas.*

*Felix o CRVCIBVS referta vita*

*Vitam quæ tribuit beatiorrem!*

REGIÆ  
VIAE CRVCIS  
LIBER TERTIVS.

*De bairiata CRVCIS fructibus.*

PRÆLOQVIVM.

Math. 7,  
14.



RECTA est VIA que ducit ad vi-  
tam. Non vnus in CRVCIS  
semitâ occurrit cruciatus; plu-  
ribus illa anfractibus, labori-  
bus ac periculis obsepta est, vt  
mirum minimè sit, si pauci eam ad finem  
vsque perambulent. Fatendum interim, tot  
vitæ spiritualis præsidia, tot pietatis admini-  
cula, tot prærogatiuas atque emolumenta in  
eadem inueniri, vt qui accuratè illa voluerit  
expendere, facilerè omnem, quæ detertere  
aliàs poterat, superaturus sit difficultatem.  
Fructuum nempe spes amplissima laboris  
mitigat minuitque magnitudinem; quan-  
tumque hic reuocat, tantum illa ad CRVCIS  
am-

REGIÆ VIÆ CRVCIS LIB. III. 291  
amplexum, & suscepti itineris continuationem prouocat.

Intellexit hoc dilecta Deo anima, quæ dicebat: *Ascendam in palmam, & apprehendam fructus eius.* Cant. 7, 8. Quid enim hoc? nisi, utcumque asper & scabrosus sit palmæ caudex, quia tamen fructum habet dulcissimum, intrepida ascendam, vincamque quidquid durum, ut optatis tandem fruar fructibus. *Minuitur enim ascendentis labor, dum fructus in arbore sentitur odor; difficultatemq; ascensus aufert dulcedo gustus.* Hugo de S. Victore l. 1. Instit. Monast. de bestiis c. 23. Phil. Carpath. in c. 7. Cant. *Palma est Christus, fructus eius salus; spes salutis in ligno*  
CRVCIS. Et verò ipse Christus formam serui accipiens, *acerbissimam CRVCIS mortem subire non dubitauit, eiusq; altitudines dolorum omnium & cruciatuum, ignominie atque dedecoris, non modò vicit, verùm etiam amabiles reddidit, & gloriosas planeq; caelestes & salutare.* Hinc Paulus egregius ille prædicator & doctor in CRVCIS ignominia & passione gloriatur, cum dicit: Mihi absit gloriari nisi Gal. 6, 14. *in CRUCE Domini nostri Iesu Christi. Hinc reliqui Apostoli, & ceteri fideles omnes, laborum præmia consecuti sunt, & consequentur. In hac vnâ tentamenta omnia & arumnarum tormina sedantur atque vincuntur: per hanc animi perturbationes & vulnera, vel lethalia, felicissimè curantur.*

Sed quòd absconditi vulgo sint hi fructus, hinc scilicet est quòd tardè adèd ad CRVCIS iter accingamur. Optima enim quæque natura celat, nec eorum pretium primâ fronte apparet. Aurum, argentum, rariora marmora terræ visceribus altè abstrusa iacent, vt nec eruta quidem aliam quàm vilis glebæ referant speciem. Vniones, gemmæ, lapides pretiosi partim in conchylibus & limacibus, partim in bufonibus, & id genus inamœnis reperiuntur bestiolis; primoque aspectu despiciabilia apparent. Pleraque aromata rudibus integuntur corticibus; at verò quàm intus hæc pulchra, pretiosa, & efficacia! Talis quoque CRVX, afflictio, & tribulatio; aspera prorsus & horrida est, absque eo quod intrinsecus latet: id verò nisi periti rerum æstimatores aperiant, quid mirum si magno eam studio passim & fugiant & auersentur ignari? Qui autem absconditum in eâ agnoscunt thesaurũ, nã illi vel maximè amant & amplectuntur. E cælo accersamus testimonium: Magnum illud Bæticæ decus Teresias, à morte cuidam gloriosa apparens, affirmavit, se nullam ob rem luculentiorẽ in cælo recepisse mercedem, quàm ob labores, CRVCES, & dolores hîc exantlatos; seque, si vllâ ex causâ in terram optaret redire, non aliã, mortalem hanc vitam cælestibus præ-

Ribera l. 5.  
Vir. S. Te-  
ref. c. 4.

posituram gaudiis, quàm vt ampliùs pate-  
retur. Maximi proinde momenti ad CRV-  
CIS iter ritè emetiendum fuerit, hæc aliaque  
attentiùs considerare & expendere.

Non defuit hac in parte Staurophilæ no-  
stræ suauissimus ductor, doctorque CRVCIS  
Christus. Oblatis enim toto itinere variis  
occasionibus, modò hunc modò illum  
CRVCIS explicabat fructum, vt ita & ala-  
criùs viam capefferet, &, quod ex fatigatio-  
ne suboriri solet, tædium animosiùs supera-  
ret. *Sunt enim qui in studijs spiritualibus fa-  
tigati: & versi in teporem, atque in defectu  
quodam spiritus positi, ambulant tristes VIAS  
DOMINI, corde arente & tædente, accedunt  
ad iniunctum CRVCIS ONUS, frequenter mur-  
murant, longos dies, longas conqueruntur &  
noctes, loquentes cum S. Iob: Si dormiero, di-  
cam, Quando consurgam? & rursus exspe-  
ctabo vesperam. Ergo vbi contingit tale ali-  
quid pati, si misertus Dominus appropiet no-  
bis in VIA quâ ambulamus, & incipiat loqui de  
calo qui de calo est; nec non fauorabile quid-  
piam cantare nobis de canticis Sion, narrare et-  
iam de ciuitate Dei, de pace ciuitatis, de eter-  
nitate pacis, de statu eternitatis, erit pro vehi-  
culo animæ dormitanti & pigritanti leta nar-  
ratio, ita vt pellat omne fastidium ab animo au-  
dientis, & à corpore fatigationem.* An tibi

Bernard.  
Serm. 32.  
in Cant.

Iob. 7. 4.

*aliud vel pati vel petere ille videtur, qui ait :  
Dormitavit anima mea præ tadio, confirma me  
in verbis tuis ?*

Pfal. 118,  
28.

Verba autem vitæ æternæ, & mellitissimas  
consolationes Staurophilæ in viâ suggestas  
tertio hoc Libro seorsim describemus: vt ita  
de CRUCE, velut ligno vitæ, fructus spiritua-  
les, & iustitiæ manipulos colligere dicamus.

Chrysoft.  
Hom. 4.  
ad Pop.  
Antioch.

Sic enim agricola letatur & gaudet tempesta-  
tem videns. Non enim præsentia respicit, sed  
futura; non respicit fulmina, sed manipulos  
computat; non marcescentia semina, sed ver-  
nantes spicas; non grauem imbrem, sed incun-  
disimam areæ ventilationem: sic & nos non  
præsentem spectemus afflictionem, sed orien-  
tem ex ipsâ utilitatem, exq; ipsâ nascentem  
fructum. Expectemus aream & manipulos, &  
non modo nihil graue ex præsentî CRUCE pa-  
tiemur, sed & innumera bona capiemus.



## CAPVT PRIMVM.

CRVX *seruat à lapsu, vincit tentationes.*

Verbum CRVCIS ijs qui salui fiunt,  
Dei Virtus est. 1. *Corinth.* 1, 18.

*Ne labar, CRVCIS hic fragiles labor atterit  
artus,  
Nam CRVCE malo premi, crimine quàm  
perimi.*



IXDVM Staurophila animo re-  
soluerat se abnegare, CRVCEM  
tollere, Christum sequi; cùm  
simul tres validissimi atque va-  
ferrimi hostes, Mundus, Caro,  
Dæmon, in eius perniciem coniurarunt. Vni-  
cum his erat studium, à stadio CRVCIS Stau-  
rophilam reuocare, sæculo reddere, & per  
spatiosam viam in æternâ præcipitare dam-  
nationem. Et nunc quidem aperto Marte,  
nunc ex insidiis aggredi decernunt. Occur-  
rebat in viâ collis quidam prominentibus  
faxis hinc inde præruptus, non modicam  
ascendenti præbens difficultatem: iuxta  
hunc in dumeto quodam subdoli se abdide-  
rant inimici. Qui vbi grauiùs ingemifcentem

Verbum CRVCIS, ijs qui salui fiunt,  
Dei virtus est. 1. ad Cor. 1, 18.



*Ne labar, CRVCIS hic fragiles labor atterit artus,  
Nam CRVCE malo premi, crimine quā perimi.*

audierunt Staurophilá, opportunè prodeunt, & variis technis ad se pertrahere conantur. Hinc illecebras suas explicabat mundus, & quidquid oculis gratum, dignitates, honores, titulos, & magna ostentabat nomina: inde suaue blandiens caro, voluptates, delicias, & quidquid sensibus amœnum proponebat, vt tantò grauior appareret CRVX, quantò hæc talia crederentur dulciora. Istihinc diabolus occultis & fraudulentis suggestionibus animum incitabat, atque hæc irritamenta malorum, quà poterat, ita depingebat, vt multò etiam appetibilia viderentur. Hærebat inter hæc etiamnum tyro in scholâ CRVCIS Staurophila, & quid ageret, quid statueret, vix ipsa nouerat. Nam cùm tentatoribus his plusculum attenderet, neque ab eorum lenocinio generosè se expediret, prona iam ibat in præcipitium; & ruisset planissimè, ni benignissimus IESVS pone eam, ipso, quod gestabat, CRVCIS ligno retinuisset, & veluti fræno quodam reuocasset in viam. Post modicum porrò interuallum, quod ei ad se colligendum indulserat, ita eam affari cœpit:

Agnoscisne, Staurophila, virtutem CRVCIS? ecquid iam tibi videtur? Absque CRUCE fuisset, perieras funditus, hostium tuorum ludibrium & præda effecta. Quid enim

in præceps ruentem sustinuit, quid reuocauit, nisi sola CRVX? Cui Staurophila: *Misericordias Domini in æternum cantabo. Misericordiæ enim tuæ deputo, bone IESV, quòd mala non perpetrarim, quòd in viâ peccatorum non steterim. Nisi quia Dominus adiuuit me, paulò minùs in inferno habitasset anima mea. Quare confitebor tibi Domine Deus meus in toto corde meo, & glorificabo nomen tuum in æternum. Quia misericordia tua magna est super me, & eruisti animam meam ex inferno inferiori.*

Lipf. lib. 2.  
de Conf.  
cap. 9.

\* Isidor  
Hisp.  
lib. 3. de  
Summo  
bonoc. 3.

\* August.  
in Psal. 97.

Hem! istud sapere est, inquiebat Christus: & hoc intelligere te volebam; CRVCES, quas immitto, aut flagelli loco, esse cum peccas, aut fræni ne pecces. Paterna manus est, quæ lapsabundos crebrò verberat vt reuocet; carnificis, quæ tardè, sed semel punit. *Vt medici sanguinem interdum prouide dimittunt, non quia aeger sis, sed ne agrescas: sic Deus per CRVCES quadam adimit, materiem aliàs & fomitem futura vitiorum. \* Quosdam enim præsciens multa peccare posse, flagellat eos infirmitate corporis ne peccent; vt eis vitiliùs sit frangi languoribus ad salutem, quàm remanere incolumes ad damnationem. \* Multi siquidem acceptâ sanitate lasciuiunt. Qui egroti casti erant, sanati adulteri sunt: qui dum egrotarent, neminem ladebant, receptis viribus inua-*

inuadunt & opprimunt innocentes. O quàm multi sceleratè sani sunt, qui innocenter agrotarent! Vitia reciduntur agritudine. Nimirum siluescit vitis, & in labruscas degenerat, nisi putetur: exorbitat homo, nisi flagelletur. Exclamabat hîc Staurophila: O Domine, refugium factus es nobis, non recedimus à te, bonas. Blandiris, ne fatigemur in viâ: castigas, ne aberremus à viâ. Quid ergo non misericorditer præstatur hominibus à te, Domine, à quo etiam tribulatio, beneficium est? nam res prospera donum est consolantis, res aduersa donum admonentis. Et nuper me cuiusdam amici languor admonuit, optimos esse homines dum infirmi sunt. Quem enim infirmum aut auaritia aut libido sollicitat? non amoribus seruit, non appetit honores, opes negligit. Denique, vt quidam ait:

*Luxuriat rarò discruciata caro.*

Contrà verò,

*Luxuriant animi rebus plerumque secundis:*

*Nec facile est aquà commoda mente pati.*

Quàm verè hæc, aiebat Christus, à te commemorata, tam velim eorum frequentius meminisse, & cùm opus est, in opus conferre. Quò enim instrumentum, si eo non vtaris? quid iuuerit medicina, si eam non sumas? quid proderit culter, si ad scindendum non adhibeatur? *Vtile quiddam est* CRVX

August.  
Tract. 7. in  
Ioan.  
Clem. Ale-  
xand. lib. 1.  
Pædag.  
c. 8.

Aug. Serm.  
de Verb.  
Dom.

August.  
Epist. 87.

Plinius 1. 7.  
Epist. ad  
Maxim.

Ouid. l. 2.  
de Arte  
amandi.

August. in  
Psalm. 50.

&

& tribulatio, vtile Medici ferramentum, contra diaboli tentamentum. sed nisi vtaris, ipsum tibi reddis inutile. Aduersa corporis, remedia sunt animæ. Ægritudo carnem vulnerat, mentem curat: languor vires libidinis frangit. Quid ni igitur vt talia suscipias & amplectaris? Incensâ domo gaudet possessor, si restinguendo igni aqua adferatur: cum peccati flamma in corde exardescere cœperit, misericorditer Deus tecum agit, si tribulationis aquam largiter super infundat. Væ autem his, qui in tribulatione positi, negligunt vitam emendare, & tam salutari remedio vt ad salutem. Vnde & Scriptura velut mirum quiddam enarrat, quòd ægrotauerit Afa dolore pedum vehementissimo & nec in infirmitate suâ quæsierit Dominum.

2. Paralip.  
16, 12.

Agnosco, inquit Staurophila, agnosco, Domine, diuitias misericordiæ tuæ. *Voluisti enim filios tuos erudire, & exercere laboribus, vt non essent sine timore, ne amarent aliquid aliud, & obliuiscerentur te verum bonum suum. Bonus es Deus. Si cessares, & non mires amaritudines felicitatibus sæculi, obliuiscerentur tui. Sed vbi angores molestiarum faciunt fructus animæ, fides quæ dormiebat, excitatur: & conuertuntur ad te, auersi à cupiditatibus suis prauis.*

Sed & alium, aiebat Christus, elicere fructum

ctum è CRVCE licet; nimirum eam non fræ-  
ni tantum loco cohibere à malo, sed ipsos  
etiam malorum incentores, diabolum ten-  
tantem, mundum allicientem, carnem blan-  
dientem proffigare ac prosternere. CRVX

*enim armatura inuicta est contra satanam,*  
*galea custodiens caput, lorica protegens pectus,*  
*clypeus tela maligni repellens, gladius diaboli-*  
*cas insidias appropinquare nullo modo sinens.*

In solâ CRVCE celestis victoria datur. Et ve-  
rò hac etiam gratiâ ego CRVCEM humeris

*meis tuli, tamquam strenuus Dux lanceam,*  
*quâ deiecturus eram aduersarium, \* vt qui in*  
*ligno vincebat, in ligno quoque vinceretur.*

*\* Vt igitur Dux sumptis armis quibus facile se*  
*tueri possit, ea dat etiam militibus suis, sic &*  
*ego feci, omnibus dicens: Qui vult venire post*  
*me, abneget semetipsum, & tollat CRVCEM*  
*suam, & sequatur me.*

*Benedictus es Domine Deus meus, inquebat*

*Staurophila, qui doces manus meas ad præ-*  
*lium, & digitos meos ad bellum. Sed obsecro*  
*te, num hæc armatura Christiani militis à*  
*signo CRVCIS, an à CRVCE viuâ, quæ ipsum*  
*reuerà disrueat, fumenda? Cur non ab*  
*utroque, aiebat Christus; signum enim*  
*CRVCIS contra omnium dæmonum ma-*  
*chinamenta validissimum est præsidium.*

*Huius signi tanta est auctoritas & potestas, vt*

*non*

Martial.  
Episc.  
Epist. 1.  
cap. 8.

Euthym.  
in cap. 19.  
Ioannis.  
\* Eccles. in  
Præfat. de  
Cruce.  
\* Chrysof.  
Serm. 1. de  
Ieiunio.  
Matth. 16.  
24.

Cyprian. in  
Serm. de  
Pass. Dom.

*non solum Israelitica limina munit, sed etiam ab his, qui Israeliticè non viuunt, solum Sacramenti signum repellat dæmonia. Nec minus virium habet tribulatio. Vt enim sal carnes à putredine & vermibus præseruat, non secus CRVX & afflictio mentem aduersus spirituales insidias præmunit. Sapientis animus tolerantiam rerum humanarum, contemp-tione fortuna, virtutibus omnibus vt mœnibus septus, vinci aut expugnari non potest.*

Cicero in  
Paradoxis.

Senec.  
l. 3. Natur.  
quæst.  
exord.

1. Cor. 9,  
27.

Greg. l. 2.  
Dialog.  
cap. 2.

*Nam animus contra calamitates fortis & contumax; luxuriæ non aduersus tantum, sed & infestus est. Et vide, quælo, num huc vltro etiam Sancti mei confugerint, cum blandientis Dominæ persentiscerent illecebras? An non Paulus castigabat corpus suum, & in seruitutem redigebat, ne reprobus efficeretur? An non Benedictus, cum ei versutus dæmon speciem feminæ, quam aliquando viderat, obiecisset, tantoque libidinis igne animum eius accendisset, vt pænè de descendâ eremo deliberaret, abiectis ilicò vestibibus nudum se in vrticas & vepres abiectis, & tamdiu in illis se volutauit, donec per cutis vulnera eduxisset vulnus mentis? & vide quo fructu, ex eo tempore, sicut post ipse discipulis perhibebat, ita in eo est tentatio voluptatis edomita, vt tale aliquid deinceps minimè in se senserit. En quid agat tribulatio sponte af-*

assumpta. Eodem spiritu Bernardus in lacum frigidâ tempestate, Franciscus in niues desiliit. Quorsum verò hæc? nisi quòd externa CRVX interiores tentationes vi suâ velut excutiat. Nisi igitur apprehenderis baculum CRVCIS, improbi canes latrare ac lacerare non cessabunt. *Si non uteris undique scuto patientia, non eris diu sine vulnere.* Bene est, inquiebat Staurophila, abundè est, *Pone me iam, Domine, iuxta te, & cuiusvis manus pugnet contra me. Quoniam firmamentum meum & refugium meum es tu: tu es patientia mea Domine, spes mea à iuuentute meâ.* In CRVCE triumphabo de hostibus meis, & non conuertar donec deficiant. O saluberrima CRVX quàm utilis nobis es! ô quàm pauci agnoscunt potentiam virtutis tuæ!

Thomas  
à Kemp.  
lib. 3. de  
Imitat.  
Christi  
cap. 35.  
Iob. 17, 3.  
Psal. 70, 3.



Pius et misericors est Deus, et remittet in  
die tribulationis peccata. *Eccli 2, 13.*



*Culpa animę vestem maculauit, lauit IESVS  
Sanguine, CRVX reliquum pulueris excutiet.*

## CAPVT II.

*CRVX emendat, & emundat à peccatis.*

Pius & misericors est Deus, & remittet in die tribulationis peccata.

*Eccli. 2, 13.*

*Culpa anima vestem maculauit, lauit Iesus Sanguine, CRVX reliquum pulueris excutiet.*



MENTALEM orationem summo manè Staurophila de more instituebat, atque hoc viatico quotidie munita in viam se dabat. Fuit cum pro argumento expenderet, quanta animarum dignitas, quanta gratiæ pulchritudo, quæ eas velut byssino candenti & splendido decentissime conuestiret. Deinde considerabat, quanta peccati deformitas, quæ totâ animæ vestem foetidissimo luto & stercore commacularet. Hæc dum in itinere, vt edocta erat, secû subinde ruminaret, alto suspirio ita ingemiscibat: Eheu! quis *emundabit conscientiam meâ* Heb. 9, 14. *ab operibus mortuis?* quis abluet à malitiâ cor meum? Vtinam deleantur iniquitates meæ, & expurgentur omnia delicta mea!

V

Cum

Cùm Christus ad interiores has voces respondens, Et hæc, inquit, Staurophila, virtus CRVCIS est, vt peccata deleat, conscientiam emundet, stolam animæ abluat, & super niuem etiã dealbet. Agnoscebat hoc prudens illa Sara, quæ Domino dicebat: *In tempore tribulationis peccata dimittis his, qui inuocant te.* An non Ecclesiasticus ait: *Pius & misericors est Deus, & remittet in die tribulationis peccata?* Et: *In die tribulationis commemorabitur tui, & sicut in sereno glacies, soluentur peccata tua.* Atque hinc est quòd opera illa, quibus peccata expiantur, & pro iisdem satisfat, pœnalia dicantur, & verè etiã sint; vt sicut culpæ delectatio æternum Numen offendit, ita voluntaria castigatio aut pœna patienter tolerata, Deum quoque placet ac mitiget.

Concil.  
Trident.  
sess. 14. c. 9.  
& can. 13.

Memini, inquebat Staurophila, hanc doctrinam me aliàs quoque audiuisse: & magnâ fanè animi voluptate legi ab vniuersali Synodo definitum, *temporalibus flagellis à Deo inflictis, & à nobis patienter toleratis, apud Deum Patrem per Iesum Christum satisfieri posse.* O quantum hoc beneficium! quanta afflictorum consolatio! Hoc siquidem pacto qui ritè cum CRVCIBVS & tribulationibus suis negotiari nosset, non modicum reportaret lucrum. *Et si enim acerba & grauis*

uis est Dei ira; tamen cum medendi vim habeat, eos, qui ipsam experiuntur, ad bonum provehit. Ita est, inquiebat Christus, sed rari admodum sunt qui considerent quanti sit muneris molestia corporalis, quæ & admissa peccata diluit, & ea, quæ admitti poterant, compefcit. Nam liuor vulneris, vt ait Sapiens, absterget mala: flagellorum dolor vel cogitatas, vel perpetratas nequitias diluit. Hinc viri sancti, quia corruptionis suæ vulnus non sine putredine esse considerant, libenter se sub manum Medici ad sectiones parant, vt aperto vulnere virus peccati exeat, quod sanâ cute intus occidebat. Peccatum enim sanies est; pœna, ferarum medicinale. Sicut igitur saniem habens, si non secatur, est in maioribus malis: ita peccans, si non puniatur, omnium miserrimus est. Hoc igitur erat, aiebat Staurophila, quod sibi volebat Ioannes Abbas, qui rogatus vt tertianâ laborantem curaret, respondit ei: *Rem tibi necessariam cupis abijcere. Vt enim corpora nitro, vel alijs huiusmodi lenimentis abluuntur à sordibus, ita anima languoribus, alijsq; huiusmodi castigationibus purificantur.*

Sed, obsecro Domine, quid illud est, quod animæ quædam etiam purgatissimæ vitæ grauius plerumque discrucientur, cum nefas videatur, vt illis noceat aduersitas, quibus nulla dominatur iniquitas? Respondebat

Didym.

apud Da-

masc. l. 3.

Parallel.

c. 49.

Gregor.

Part. 3. Pa-

stor. Ad-

mon. 13.

Prou. 20.

30.

Gregor.

l. 7. Moral.

cap. 7.

Chrysof.

Hom. 6. ad

Pop. Ant.

Ruffinus in

Vit. Pat.

lib. 2. c. 1.

Christus: Non legisti quid de Patre meo, cælesti agricolâ, iam olim dixerim? *Omnem palmitem, qui fert fructum, purgabit eum, ut fructum plus afferat.* Quid autem hæc purgatio, nisi tribulatio & CRVX? *Quod enim flagellum grano, quod lima ferro, quod fornax auro, hoc tribulatio homini iusto.* Purgatur hac, non destruitur: splendeat licet, & velut aurum rutillet, in fornace tamen tribulationis scoria eius excoquenda est. Nam & qui hominibus videntur perfecti, coram Deo suas etiam imperfectiones habent, à quibus eos, misericorditer sæuiens pius Pater, emundat, vindicans scilicet *in omnes adinventiones eorum.* Considera mihi hîc artifices: illi enim *pleraque faciunt & ostendunt imperitis: & cùm iam iudicauerint imperiti esse perfecta, expoliunt illa artifices, qui nouerunt adhuc quid illis desit, ut mirentur homines tantam expolitionem rebus accessisse, quas iam perfectas pronuntiauerant.* Fit hoc & in edificijs, & in picturis, & in vestibus, & propè in omni genere artium. Primò indicant illud iam quasi perfectum esse, ut oculi eorum amplius nihil desiderent. Sed aliud indicat oculus imperitis, aliud indicat artificis regula. Sic & viri sancti versantur ante oculos Dei, tamquam sine culpâ, tamquam perfecti, tamquam Angeli: non autem quid illis desit, qui vindicat in omnes

Ioan. 15, 2

Laurent.  
Iust. Lign.  
vit. de Pa-  
tient. c. 3.

Psal. 98, 8.

August. in  
Psalm. 98.

nes affectiones eorum. Vindicat autem non irascens, sed propitius: & ad hoc vindicat ut perficiat captum, non ut damnet eiectum. O quàm vtiliter, inquiebat Staurophila, hælitauit, quando tam luculenter ignorantia mea instruitur! Verè enim nemo mundus à foribus. Dum enim per varias actiones vitæ huius sollicitudo distenditur, necesse est de mundano puluere etiam religiosa corda sordescere. Et quis est, Domine, qui non aliquid inquinamenti hîc aut ibi contrahat? *Septies cadit iustus.* & vix etiam laudabili vitæ hominû, si absq; misericordiâ Redemptoris iudicetur!

Benè igitur, aiebat Christus, flagello *CRVCIS* puluis excutitur, quem ad deformationem animæ iniquitas assiduata congescit, ut exteriori vulnere sanetur plaga interior. Purgari ille non vult, qui Dei flagella non admittit. Tribulationis virga omnem terrenæ conuersionis puluerem excutit, ut animæ vestis purior nitidiorque euadat.

*Mens etenim certa, & puri sibi conscia cordis,*

*Hoc plus splendescit, quò magis atteritur.*

O quàm præstans, aiebat Staurophila, hoc beneficium! Ecquis non ambiat feruentissimis votis, ut *CRVCE* aliquâ affligatur, ut ita animæ vestis expurgetur? Memini enim eiectum in tenebras exteriores, qui nuptiali carebat veste; & in cælestem illam Ierusalem,

Leo Ser. 4.  
de Quadr.

Prou. 24,  
16.

Blesenf.  
Epist. 31.

Prosper  
Epigr. 52.

Math. 12,  
11.

Apoc. 21,  
27.

Hieron.  
Epist. 33.  
ad Castrut.

Ezech. 16,  
42.

Petr. Dam.  
libr. 8.  
Epist. 6.

non intraturum aliquid coinquinatum. Ut non minimum, inquebat Christus, hoc beneficium; ita magna ira est, quando peccantibus non irascitur Deus. unde & in Ezechiele ad Ierusalem, Iam, inquit, non irascar tibi, zelus meus recessit à te. Medicus si cessauerit curare, desperat. Laudanda proinde diuina dispensatio, quæ ad hoc suos temporaliter verberat, ut perpetuis eos flagellis abscondat: ad hoc premit, ut eleuet; ad hoc secat, ut sanet; ad hoc deijcit, ut exaltet. Qui enim bona agit, & mala suscipit, quidquid ei iusta retributionis in terrâ subtrahitur, hoc illi in celo multiplicius cumulatur. Porro autem Medici corporum, quos desperant, ad percipienda passim quæ petierint alimenta relaxant: at quos erigendos esse conijciunt, cuncta eis noxiæ delectationis edulia minaciter interdiciunt: antidota in super & amara propinant, ut per amaritudinis haustum, ad incolumitatis dulcedinem conualescant. Quid ergo mirum, si Medicus animarum, omnipotens Deus, & quos perpetuæ morti cernit obnoxios, viuere delectabiliter sinat; & quos ad vitam eligit, sub strictâ seueritatis suæ lege constringat? Nam & animalia, quæ in proximo mactanda disponimus, indulgentius victitare permittimus, & largiora illis alimenta præbemus: eorum verò penuriam & maciem paruipendimus, quæ ad usum seminis, & ad propa-

propagandam sobolem reservamus. Vites quoque & secunda arbores putationibus subiacent, steriles autem, & quæ ignibus sunt tradenda, ramis enagantibus, quo liberius eò diffusius patent. De tuis igitur pressuris atque molestiis gaude, & totis in Domino visceribus gratulare. Quia quò magis affligeris, tantò magis animæ vestis expurgatur & expolitur.

Attollebat hic vocem Staurophila: *O altitudo diuitiarum sapientiæ & scientiæ Dei!* <sup>33.</sup> *quàm incomprehensibilia sunt iudicia eius, & inuestigabiles viæ eius!* Quis enim non putaret misericorditer agi cum peccatoribus, cum eis parcitur, cum nullâ poenâ affliguntur? At verò magna misericordiæ iam est, nequitia impunitatem non relinquere, ne cogatur Deus in extremo gehennâ damnare. O quanta pœna, nulla pœna! Hoc nimirum est, inquit August. *Serm. 37. de Verbis Domini.* bat Christus, quod in Psalmis legisti: *Non audiuit populus meus vocem meam, Israël non intendit mihi.* Sed quid inde secutum? *dimisi eos secundum desideria cordis eorum, ibunt in adinventionibus suis.* Hoc & illud, quod per alium Prophetam dictum est: *Misereamur Pfalm. 80. 12. impio, & non discet iustitiam.* Quid enim est hoc, nisi, Si impiis miserearis & parcas, manebunt in suâ impietate, nec conuertentur ad iustitiam. Subiecit rursus Staurophila: *Misericordiam hanc ego nolo, Domine, super om-* Bernard. *Serm. 42. in Cant.*

- nem iram miseratio ista, sepiens mihi vias iustitiae. Satius profectò mihi iuxta Prophetam*
- Pfal. 2, 12. *consilium apprehendere disciplinam, ne quando irascatur Dominus, & peream de viâ instâ. Volo irascaris mihi Pater misericordiarum, sed illâ irâ, quâ corrigis deuium, non quâ extrudis de viâ: illud mihi tua benigna animaduersio parit, hoc formidolosa nutrit dissimulatio.*
- Hab. 3, 2. *Cùm enim sentio te iratum, tunc maximè confidopropitium: etenim cùm iratus fueris, misericordia recordaberis. Dicam igitur cum*
- Iob. 6, 10. *S. Iob, Hec mihi sit consolatio, vt affligens me dolore non parcas. Domine hîc vre, hîc feca, vt in aeternum parcas.*
- August.



## CAPVT III.

*CRVX oculos mentemque aperit.*

Sola vexatio intellectum dabit auditui.

*Isa. 28, 19.*

*Bos ego, corpus ager, CRVX stiuā, colonus*  
IESVS.

*Prò quantos fructus, si bona terra, feret!*



OLITVM CRVCIS iter cum Christo suo Stauophila carpebat: accidit autem vt campum quemdam, in quo agricolæ terram aratro subigebant, transirent. Hic oculorum curiositati nonnihil indulgens Stauophila, boues arantes, colonos stiuam tenentes defixius considerabat. Christus ab hoc spectaculo ad interiora eam suauiter reuocans, Vt, inquit, placet tibi hæc aratio, quam non indiligenter videris attendere? Sensit illa, emissitque oculos in se notari: pudore proinde suffusa, hiscere non audebat. At benignissimus IESVS modicam hanc noxam dissimulandam potius quàm perstringendam ratus, Præbet, inquit, & hoc rusticanum opus, quod te in VIA CRVCIS erudiat; nec frustra illud occurrisse arbitre-

Sola vexatio intellectum dabit  
auditui. *Isaię 28, 19.*



Bos ego, corpus ager, CRVX stiuua, colonus IESVS.  
Prøi quantos fructus, si bona terra, feret.

ris. Quid enim similius CRVCI quàm aratrum? nam bonus agricola cum parat terra solum vertere, non nisi per signum CRVCIS id facere conatur. Dum enim aratro dentale subiicit, affigit aures, stinam inserit, figuram CRVCIS imitatur. Atque hinc non difficulter elicies quid in arcano sensu sit aratrum ducere; id enim aliud non est, quàm quasi quodam compunctionis instrumento, ligno, & ferro Dominicæ Passionis, duritiem sui cordis atterere, atque ad proferendos bonorum operum fructus aperire. Est, inquam, vomere CRVCIS terram subiecti exterioris edomare. Nam quemadmodum terra opus habet ut aretur & proscindatur, ita anima fidelis, pro ligone indiget tentationibus & afflictionibus, ne producat malas herbas, ut eius emolliatur durities, ne nimium efferatur & exiliat. CRVX igitur aratrum est, ager ipse homo, agricola Pater cælestis.

Vixdum capio, inquiebat Staurophila, quid ex aratri huius ductu sperandum commodi. Quamquam enim CRVCES & afflictiones vomeris instar hominem totum conscindant, quorsum id tamen fiat, aut quo fructu, non vsquequaque intelligo. Scio autem, quòd qui arat, in spe fructus percipiendi debeat arare. Dicam apertius, inquiebat Christus. Ut aratrum terram aperit, & suscipiendo

Maxim.  
Taurin. de  
Cruce Do.  
mini Ho-  
mil. 2.

Beda c. 41.  
in Luc.

Faustus  
Rhegiens.  
Epist. 2.  
Tom. 3.  
Biblioth.  
PP.  
Chrysoft.  
Tom. 1. in  
Psal. 125.

piendo femini præparat; non secus CRVX & tribulatio cor referat, ad semen diuini verbi excipiendum, & ad eius veritatem agnoscendam aptum reddit. Quod enim in prosperitate homines ignorant, id in aduersitate vel serò tandem cognoscunt. An non

Isaie 18,  
19.

legisti, *Vexatio intellectum dabit auditui?* Vel licet enim furdascentem aurem CRVX, vt velit nolit attendere cogatur. Prosperitas verò stultorum aggrauat & obturat aures, vt audire nequeant. Appositè igitur de Deo

Iob 36, 15.

scriptum: *Eripiet de angustia suâ pauperem, & reuelabit in tribulatione aurem eius.* Quid

Gregor.  
1. 26. Moral. cap. 23.

autem est *aurem in tribulatione reuelare*, nisi *auditum cordis verberum plagis aperire*? Cùm enim *præcepta despicimus, piâ districtione nobiscum agitur, vt flagella timeamus.* *Aurem itaque cordis tribulatio aperit, quam sæpè huius mundi prosperitas claudit.*

Tandem, inquiebat Staurophila, capere videor, quod antea ignorabam; nempe hoc est quod vulgò dici solet, *Παθήματα, μαθήματα.* *Nocumenta, documenta.* Vnde Croesus Cyro dicebat: *Etsi molestiam mihi calamitates meæ attulerint, eadem tamen mihi doctrinæ loco fuerunt.*

Herod. l. 1.

Felices porrò illi, subijciebat Christus, qui hanc è CRVCE Philosophiam hauriunt! & ad paternas Dei castigationes oculos apertientes,

rientes, vitam emendant. Raphaëlis moni-<sup>Tob. 11,</sup>  
 tione edoctus Tobias imposito felle, patris<sup>13.</sup>  
 sui oculos serenauit: & in Euangelio legis,  
 luto cæcum à natiuitate fuisse illuminatum.<sup>Ioan. 9, 6.</sup>  
 Quid hoc aliud innuit, quàm aduersitatibus<sup>& seq.</sup>  
 & rebus naturâ contrariis mentis lumen re-  
 stitui? Hoc est ergo CRUCEM illuminare, ve-  
 xationem dare intellectum auditui. Fatetur  
 de se id Regius Vates. *Conuersus, ait, sum in*<sup>Pfal. 31, 4.</sup>  
*arumnâ meâ, dum configitur spina. Bene et*<sup>Bernard.</sup>  
*enim confixus est, qui conuersus exinde est; be-*<sup>Serm. 48.</sup>  
*nè pungitur, quisquis compungitur. Multi cum*<sup>in Cant.</sup>  
*sentiunt spinam, corrigunt culpam.* Vis aliud  
 exemplum? Magnus ille Babylonis Rex  
 Nabuchodonosor Deum non cognoscebat  
 cum diceret: *Nõnne hæc est Babylon magna,*<sup>Dan. 4, 27</sup>  
*quam ego ædificauit in domum regni, in robore*  
*fortitudinis meæ, & in gloriâ decoris mei? At*  
 postquam ab hominibus eiectus, cum bestiis  
 & feris habitauit, fœnum vt bos comedit,  
 & rore cæli corpus eius infectum est; tunc  
 tandem oculos ad cælum leuauit, tunc sen-  
 sus illi redditus, tunc benedixit Altissimo, &  
 agnouit quia non est qui resistat manti eius.  
 Impius Manasses & idololatra *sectabatur au-*<sup>2. Paralip.</sup>  
*guria, obseruabat somnia, maleficis artibus in-*<sup>c. 33. vsque</sup>  
*seruiebat, multaq; mala operatus fuerat coram*<sup>ad v. 12.</sup>  
*Domino, vt irritaret eum: postquam verò*  
 captus & *vinctus, catenis atque compedibus*  
 du-

*ductus est in Babylonem, tunc orauit Dominum Deum suum, & egit penitentiam valde Deo patrum suorum. Tunc cognouit quod Dominus ipse esset Deus. Prodigus ille adolescens in se reuersus non est, nisi postquam cœpit egere, filiquas cum porcis vorare, & tantum non fame perire; ita multi benè facere nesciunt, nisi malè illis fiat: malè agunt, nisi malè cum eis agatur.*

Baron.  
an. Christi  
602.

Cedren. in  
Annalib.

Psal. 118,  
137.

*Næ ille felix dicendus, aiebat Staurophila, cui percutiendo aperiuntur oculi, si antea non videbat. Beatus ille, qui aduersitate illud cognoscit, sine cuius notitia cælo exularet. Aperuit ita oculos, aiebat Christus, Mauritius Imperator, qui immemor Dei vixit, cum millia aliquot innocentium Christianorum à barbaro immanissimè cedi passus est, quos minimo pretio redimere licuisset. At cum ex variis prædictionibus & visionibus manum Domini ad ulciscendum agnouit, specimen edidit probatissimi Christiani, conficiens sibi è calice iræ Dei poculum medicina, quod sibi prodesset ad peccatorum purgationem, & perfectam salutem. Ante oculos enim eius, iussu Phocæ Imperatoris, necati sunt quinque eius filij. Tum ille compunctus, altâ philosophiâ dixisse fertur: Iustus es Domine, & rectum iudicium tuum. Tandem & ipse Mauritius ultimo loco occisus est, cum se casu superiorem in omni-*

omnibus demonstret. Vtinam, inquiebat  
 Staurophila, ita scaperent homines, ac intelli-  
 gerent, ideò mala aut permitti aut immitti à  
 Deo, vt mali esse desinant! sed *obscuratum* Rom. 1, 21  
*est insipiens cor eorum*; non norunt hæc bo-  
 na ex iis, quæ mala ipsi vocant aut putant,  
 elicere. Tua autem Domine prouidentia et-  
 iam hæc talia ad eorum salutem ordinat.

Hoc est, aiebat Christus, *diligentibus Deum* Rom. 8, 28  
*omnia cooperantur in bonum*. Ideò siquidem  
 permittuntur etiam bonis accidere mala, ne  
 summum bonum malè deserant, sed ad illud  
 in malis potiùs recurrant. *Matrum plurima* Chryso-  
*cùm nihil obsecrando proficere se viderint, lar-* I. I. de Pro-  
*uas quasdam, horroresq; fragmenta parant, atque* uid. Dei.  
*ita pueros ad reditum impellunt; persuadentq;*  
*ad se iterùm recurrere*. Idem & hominibus  
 contingit: quando enim malignus ille dæmon  
 eos perterret, quando ingruit aliqua CRUX  
 vel afflictio, tunc frugi efficiuntur, tunc seip-  
 sos agnoscunt; tunc ad Deum omni studio re-  
 currunt.



Auxilium de tribulatione. P<sup>sal.</sup> 107, 13.



Tuta salutifere miseram CRVCIS anchora firmet,  
Tota vel equoreis naufraga mergor aquis.

## CAPVT IV.

CRVX anchora spei, tessera salutis.

Auxilium de tribulatione. Psalm. 107, 13.

Tota salutifera miseram CRVCIS anchora  
firmet,  
Tota vel equoreis naufraga mergor aquis.



MBVLANTEM aliquando ad  
littus IESVM, ponè cum CRV-  
CE sequebatur Staurophila.  
Ecce autem sæuior quædam  
exorta procella incautam in  
mare deiecit. Cumque fluctuum volumini-  
bus paulò iam abriperetur longiùs, illacry-  
mans exclamabat: *Saluam me fac Deus, quo-* Psal. 68, 1.  
*niam intrauerunt aque vsque ad animam meã.*

*Veni in altitudinem maris, & tempestas de-* vers. 15.  
*mersit me. Eripe me, Domine, de luto, vt non* vers. 6.  
*infigar, neque absorbeat me profundum. Cùm*  
hæc & his similia altâ lugubrique voce que-  
reretur, Christus ad eam, Quid est, inquit,  
quòd ipsa tibi, quâ licet, non succurras? An  
nescis CRVCEM, quam geris, anchoræ tibi lo-  
co esse, quâ in mediis etiam fluctibus fir-  
mam te reddas ac tutam? Dicebat hæc

X

Chri-

Christus, & simul apprehensâ eius CRVCE, ad terram benè madentem, & tantùm non exanimem reduxit.

Post modicum temporis vt ad se rediit, ita eam allocutus est: Animaduertisne, Staurophila, hos aliosque, qui tibi in hoc itinere accidere casus, totidem documenta esse, quæ aut VIAM CRVCIS cautè perambulare, aut virtutem eius multò maximam te edoceant? Ecce enim, quid aliud est præfens sæculum, quàm mare magnum & spatiosum, plenum procellosis voraginibus? Pelagus hoc longè lateque protensum, diuersis peccatis, & variis tentationibus, velut quibusdam fluctibus æstuat. *Mens quippe humana, quot tentationes patitur, tot flatibus mouetur. Hanc enim plerumque ira perturbat. cum recedit ira, succedit inepta latitia. luxuria stimulis urgetur: æstu auaritia longè lateq; ad ambienda, quæ terrena sunt, tenditur. Aliquando hanc superbia eleuat, aliquando verò inordinatus timor in infimis deponit. Et quàm magnam faciunt tempestatem multitudines cupiditatum, quæ velut in quodam fretto corporis nauigantem hinc atque inde perturbant, vt gubernator sui esse animus non possit.*

Gregor.  
l. 11. Moral. c. 23. in  
c. 13. Tob.

Ambros.  
Apol. poster. pro  
David, c. 3.

Horresco, inquiebat Staurophila, auribus oculisque hauriens discrimina & fluctus, cum quibus mihi quotidie luctandum. *Quod enim*

*enim mare abruptius quam sæculum? tam infidum, tam mobile, tam profundum, tam immundorum spirituum flatibus procellosum.*

Ambros.  
Præf. in  
4. lib. super  
Luc.

Quis autem euadere pericula hæc poterit? quis emergere de profundis aquarum, de lacu miseriæ, & de luto fæcis? Neque ego, aiebat Christus, fidere huic pelago te velim.

*Noli credere, noli esse securus. Licet in modum stagni fusum æquor arrideat, licet vix summa iacentis elementi spiritu terga crissentur, magnos hic campus montes habet. Intus inclusum est periculum, intus est hostis. In illo æstu, charybdæis luxuriæ salutem rotat. Ibi ore virgineo, ad perpetranda naufragia, scylla seu renidens libido blanditur. Hic barbarum littus, hic diabolus pirata, cum socijs portat vincula capiendis.*

Hieron.  
Epist. 1. ad  
Heliod.

Sed enim, aiebat Staurophila, doce, quæso, benignissime IESU, vt me in hisce fluctibus dirigam. Docuit te, inqueiebat Christus, Apostolus meus Paulus, cum diceret: *Fortissimum solatium habemus, qui confugimus ad tenendam propositam spem: quam sicut anchoram habemus animæ tutam ac firmam. Quem admodum enim de naui quæ in anchoris est, recte dicimus quod iam in terrâ sit, adhuc tamen fluctuat, sed in terrâ quodammodo educta est contra ventos, & contra tempestates; sic contra tentationes huius peregrinationis nostræ*

Hebr. 6,  
18.

August. in  
Psalm. 64.

Anton.  
Balingh. in  
Soopa-  
diâ, tit. Ad-  
uerfitas.

*spes nostra fundata, facit nos non abripi in saxa. Nec melior anchora salutari CRUCE, quæ ipsam suâ figurâ manifestè repræsentat. Echinus Marinus, quem fluctus vehementiores ad terram deuoluere, violenterque allidere solent, periculi metuens, vt vitæ suæ prouideat, spinis, quibus totus inuolutus est, minutiozem aliquem calculum colligit, vt eo se quodammodò libret stabilitaque contra procellas, ne earum vi in siccum propellatur. Idem & te facere oportet. Sæuiant venti, exurgant procellæ, non tibi, sed Deo adiutori tuo innitere. Me veram petram & lapidem angularem tolle, illique firmâ spe inhæreas, & nulla te deiciet tempestas. Dic*

Ps. 72, 28.

*cum Prophetâ: Mihi autem adhærere Deo bonum est, ponere in Domino Deo spem meam.*

Philipp. 1,  
19.

*Inhærebat huic anchoræ tribulationibus vndique cinctus S. Paulus, Scio, inquit, quia hoc mihi proueniet ad salutem, per vestram orationem, & subministrationem Spiritus Iesu Christi, secundum expectationem & spem meam, quia in nullo confundar: sed in omni fiducia, sicut semper, & nunc magnificabitur Christus in corpore meo, siue per vitam, siue per mortem.*

Sed & hoc euidentiùs intelligere velim, aiebat Staurophila, quæ CRUX mihi futura anchora spei, aut quomodo in tantâ salutis in-

incertitudine tribulatio labantem animum  
ita fulciat, vt certam beatitudinis concipiat  
fiduciam. Num ignoras, aiebat Christus, tri-  
bulationem prædestinationis esse symbolū?

CRUCEM, arrham salutis, & æternæ beatitu-  
dinis tesseram? *Quem enim Deus diligit, per  
aqua, per iniqua, per fluxus & refluxus perdu-  
cit ad portum. Et quemcumque potioribus do-  
nis exornare sublimiterq, transformare decre-  
uerit, eum non blandè & molliter lauare, sed*

*totum in mare amaritudinis immergere con-  
suevit. Quo autem fructu? nisi illo, de quo*

Sara dicebat: *Hoc pro certo habet, omnis qui  
te colit (ô Deus!) quod vita eius, si in probatio-  
ne fuerit, coronabitur: quia post tempestatem,  
tranquillum facis; & post lacrymationem &  
fletum, exultationem infundis.* Apertius dixit

Apostolus: *Si quid patimini propter iustitiam,  
beati. Hac est enim gratia, si propter Dei con-  
scientiam sustinet quis tristitias, patiens iniu-*

*sè. Et quid clariùs, quàm quod ipse in Euan-  
gelio dicebam: Beati qui persecutionem pa-  
tiuntur propter iustitiam, quoniam ipsorum*

*est regnum calorum. Certa itaque atque secu-  
ra est expectatio promissæ beatitudinis, ubi  
est participatio Dominicæ CRUCIS. Qui enim*

*compatitur, & conglorificabitur. O amplif-  
simum, aiebat Staurophila, spei fulcrum! ô  
quantum auxilium in tribulatione! Non*

Tribulatio symbolū  
prædestinationis.

Lipfius  
Centur.  
miscel.  
Blot. Inffit.  
spirit. c. 8.  
§. 3.

Tob. 3, 21.

1. Petr. 3,  
14.  
1. Petr. 2,  
19.

Matth. 5,  
10.

Leo Ser. 9.  
de Quadr.

n. b. h. w.

adedò CRVX affligere deinceps poterit, quàm  
 expectatio æternæ salutis consolari. Tu au-  
 tem Domine, qui *dominaris potestati maris,*  
 & *motum fluctuum eius mitigas,* governa me  
 in hoc æquore, ne peream in fluctibus. *Vnco*  
 CRVCIS *retrahere me ab hoc pelago ad te sola-*  
*men unicum, quem à longè (quasi stellam ma-*  
*tutinam & Solem iustitiæ) vix lacrymantibus*  
*oculis in littore caelestis patriæ me exspe-*  
*ctantem video. Exaudi Deus salutaris noster,*  
*spes omnium finium terræ, & in mari longè. In*  
*mari turbulento versor; tu in littore stans,*  
*aspicis pericula nostra: saluam me fac propter*  
*nomen tuum. Da, Domine, inter scyllam & cha-*  
*rybdim ita tendere, & tenere medium, ut utro-*  
*que periculo evitato, secunda perueniam ad*  
*portum.*

Ps. 88, 10.

August. in  
Soliloq.

Psal. 61, 6.



## CAPVT V.

*Ex CRUCE vinum spirituale.*

In mundo pressuram habebitis.

*Ioan. 10, 33.**Si graue formides CRUCIS hoc torcular acerba,  
Eia age, dulce bibas, quod fluit inde, merum.*VTVMNVS erat, & vis colligen-  
dis aut vino torculari expri-  
mendo passim exercebantur a-  
gricolæ. Non poterat id non  
frequenter in oculos mentem-que Staurophila incurrere: nam quaquauer-  
sus pergeret, vindemiam cernere erat. Com-  
moda hæc Christo visa occasio, vt more suo  
fructum aliquem CRUCIS discipulæ aperi-  
ret. Ita proinde inquit: Non est, mihi crede  
Staurophila, quod tribulationis emolumentum  
luculentius repræsentet, quam hæc botro-  
rum, quam cernis, in torculari expressio,  
idque velim non indiligenter abs te confi-  
derari, ne sub pressurâ CRUCIS animo defi-  
cias.Volute mihi erit, aiebat illa, audire hoc  
mysterium, neque iniucundum fore sermo-  
nem suspicor de vino, *quod latificat Deum* Iudic. 9, 13.

In mundo pressuram habebitis. Ioan. 16, 33.



*Si graue formides CRVCIS hoc torcular acerbe,  
Eia age, dulce bibas quod fluit inde merum.*

*& homines.* Mixta erit, inquit Christus, oratio, siue, vt ita dicam, suauis-amara; dulcedinem enim propinabit vinum, at pressuram & afflictionem exprimet torcular. *Qualis qualis fuerit, aiebat Staurophila, grata erit; quia à sacro tuo ore, & de re saluberrimâ; quare tota iam audire gestio.*

Principio, aiebat Christus, illud aduerte- August. in  
Psalm. 83.  
re te velim, quid agatur in visibilibus torcularibus, & hoc ipsum spiritualiter agi in hominibus videbis. *Vua certè pendet in vitibus, & oliua in arboribus, pro his enim fructibus solent torcularia preparari. Et quamdiu pendet in frutetis suis, tamquam libero aëre perfruuntur: & nec oliua oleum est, nec vua vinum ante pressuram. Sic sunt & homines, quos* Rom. 8, 29  
*prædestinavit Deus conformes fieri imaginis Filij sui, qui præcipuè in passione magnus botrus expressus est. Huiusmodi ergo homines, antequam accedant ad seruitutem Dei, fruuntur in hoc seculo, tamquam deliciosâ libertate, velut vua, aut oliua pendentes. Sed quoniam dictum est: Fili, accedens ad seruitutem* Eccli. 2, 1.  
*Dei, sta in timore, & prepara animam tuam ad tentationem; accedens quisque ad seruitutem Dei, ad torcularia venisse se cognoscat, contribulabitur, conteretur, comprimetur; non vt in hoc seculo pereat, sed vt in apothecas Dei defluat. Exuitur carnalium desideriarum in-*



tegumentis, quasi vinacijs. Vnde Paulus ait :  
 Coloss. 3, 9 *Exuite vos veterem hominem cum actibus  
 suis, & induite nouum. Hoc totum non fit nisi  
 de pressurâ, propterea torcularia nominantur.  
 In pressuris constituti ad hoc conteruntur, vt  
 amorem, quo ferebantur in ista mundana, se-  
 cularia, fluxa, peritura exuentes, passi in eis in  
 hac vitâ tormenta, & tribulationes pressura-  
 rum, & abundantiam tentationum, incipient*  
 Psal. 9, 10. *querere illam quietem, quæ non est de hac vi-  
 tâ, & sit Dominus refugium pauperi: & in hac  
 pressurâ defluit vinum, defluit oleum, quæ  
 sunt bona desideria.*

August. in  
 Psal. 55.

Desidero, aiebat Staurophila, ô deside-  
 rium & satietas cordis mei, prælo CRVCIS  
 quanta quanta sum comprimi, vt bona desi-  
 deria de bono corde exprimantur. Scio enim  
 quia in torculari fructuosa pressura est. *Vna in  
 vite pressuram non sentit, integra videtur, sed  
 nihil inde manat: mittitur in torcular, calca-  
 tur, premitur, iniuria videtur fieri vne, sed  
 ista iniuria sterilis non est, imo si nulla iniu-  
 ria accederet, sterilis remaneret.* Rectè dixisti,  
 aiebat Christus: botrus enim quamdiu in  
 vite pendet, nec in vini saporem liquatur,  
 cui vtilis est? putrescet sensim, aut à volucris  
 cæli comedetur. Si verò in torculari pre-  
 matur, vinum defluit, & in cellarijs recon-  
 ditur. CRVCIS pondere hîc premi, tribula-  
 tio-

tionibus oportet fatigari, vt anima tamquam vinum in æterna tabernacula mereatur recondi. Erras profectò, Staurophila, erras, si cogites te integram & non probè contusam, peruenturam ad cælum. *Miserere mei Domine*, clamabat Dauid, *quoniam conculcauit me homo*. Dic & tu idem cum illo: sed noli timere, quia conculcauit te homo, vinum habeto; *una facta es, vt calceris*. \* *Vt enim botri vineæ calcati ac pressi latissimum liquorem vini suo agricolæ atque vinitori effundunt: sic viri Dei iusti ac sancti diris cruciatibus atque pressuris hominum, botrorum instar, afflictæ ac torti, per victoriam salutarem cultori Deo, mihiq; cælestem latitiam de se pariunt ac promunt.*

Psal. 55. 1.

August. in  
Psalm. 55.\* Philo.  
Carpath.  
in cap. 7.  
Cant.

Non reformido calcari, reponebat Staurophila, modò cælestibus recipiar vasis. O quàm gloriosum erit premi! quàm dulce cruciari! modò efficiar vinum suauissimum, dignum Dilecto meo ad potandum, labijsq; & *dentibus illius ad ruminandum*. Sitit enim anima mea refocillare sitim æstuantissimæ animæ tuæ, Domine IESV, nostri amore languide. Meritò tu quidem id feceris, inquietabat Christus, debitum enim id meo in te amori. Et ingrata prorsus fueris, anquantisque nomine parum digna, si gratiam referre negligas. Quanti enim mihi stetit, vt sponsæ  
mex

Cant. 7. 9.

Isai. 63, 3. *meæ vinum optimum propinarem? Torcular enim calcavi solus, & aspersus est sanguis super vestimenta mea, & omnia indumenta*

Caat. 1, 13. *mea inquinavi. Ego botrus Cypri, in vineis Engaddi, botrus Terræ promissionis è CRVCIS vecte suspensus, qui spiritalis vindemiæ, passionis scilicet meæ tempore, torculari CRVCIS expressus, vinum lætitiæ fidelibus propinaui. Hoc vinum germinans virgines, \*ma-*

Zach. 9, 17. *gnificentia regiam dignum, \*vinum verè cor*

\* Esther 1, 7. *hominis lætificans, vt qui illud biberit, non*

\* Psal. 103, 15. *immeritò exclamet: Calix tuus inebrians*

Psal. 22, 5. *quàm præclarus est! Magnum proinde non erit, si vt vicem mihi reddas, & ipsa velut vua matura in torculari conculceris, vt defluente vino potes dilectum animæ tuæ. Præpara igitur te ad pressuras, sed noli esse arida, ne de pressurâ nihil exeat.*

August. in Psal. 55.



## CAPVT VI.

*CRUCE homo fit templum Dei.*

Nescitis quia templum Dei estis, &  
Spiritus Dei habitat in vobis?

*1. Corinth. 3, 16.*

*Inspice, & adifica mihi tale in pectore tem-  
plum,*

*Quale tibi in molli CRUX mea signat humo.*



Id pulcherrimi cuiusdam tem-  
pli occursum nonnihil subsi-  
stens Staurophila, ædificij ma-  
gnitudinem, structuræ sym-  
metriam, aliaque similia ac-  
curatius contemplabatur. Et paulò confidē-  
tior effecta, Christo dicebat: *Magister, qualis* Marc. 13, 1  
*structura! & quales lapides!* Cui Christus,  
Opportunè, inquit, me ducis ad sacram  
hanc ædem, quæ interioris templi in ani-  
mâ Deo exstruendi typum suggerit. Nam &  
hoc CRUCIS baiulatione perficitur, vt ani-  
ma velut sanctissimum quoddam taberna-  
culum diuinæ Maiestati consecretur. Stupens ad hæc Staurophila, Egóne, inquebat,  
Deo templum ex me & in me construam?  
Quid hoc quæso mysterij? Respondebat  
Chri-

Nescitis quia templum Dei estis, et  
Spiritus Dei habitat in vobis. 1 Cor. 3, 16.



*Inspice, et edifica mihi tale in pectore templum,  
Quale tibi in molli CRVX mea signat humo.*

Christus: Tu quidē, ō Staurophila, *sublimi in domo habitas, quæ à Deo tibi fabricata est: corpus hoc dico, quod sic cōpegit, quod sic aptavit, quod sic ornavit & ordinavit, ut gloriose in eo & delectabiliter habitares. Sed & ipsi corpori domum fecit excelsam, aptissimam & decoram, dico autem sensibilem dico & inhabitabilem mundum. Nonne ergo indignum reputas, ut tibi ipse fecerit domum, tu verò ei templum edificare dissimules? Propterea iam ne dederis, ō filia, somnum oculis tuis, & palpebris tuis dormitationem, donec inuenias locum Domino, tabernaculum Deo Iacob.*

Bernard.  
Serm. 2. de  
Dedicat.  
Eccles.

Psal. 131, 4

*Sed, inquit Staurophila, ubi inuenitur huius edificij locus, aut quis poterit esse architectus? neque enim Altissimus in manufactis habitat. Quod ergo edificabo templum ei, qui dicit, & verè dicit: Cælum & terram ego impleo? Quid? respondebat Christus. An non legisti, Ego & Pater veniemus, & mansionem faciemus. Iam ergo ubi preparanda sit domus Dei facilè colligis: quoniam non capit eum, nisi imago sua. Anima capax illius est, quæ nimirum ad eius imaginem est creata. Propter quod iam festina, adorna thalamum tuum, quoniam complacuit Domino in te, & terra tua inhabitabitur. Exulta satis filia Sion, habitabit in te Deus tuus. Illa admirans, ait: Et unde hoc mihi, ut veniat Maiestas Domini mei*

Bern. ibid.

Ierem. 23,  
24.

Ioan. 14,  
23.

Isaia 62, 4.

Zach. 9, 9.  
Lucæ 1.

ad

et  
3, 16.

mplum,  
at humo.

ad me? quanta enim Dei benignitas? quanta dignatio? quanta gloria animarum, quod Dominus vniuersorum, & qui nullam habet indigentiam, templum sibi fieri iubeat in illis.

1. Cor. 3,  
16. 18.

Cui Christus: Credisne, Staurophila, Scripturis? scio autem quòd credas. quid igitur illud est? *Templum Dei sanctum est, quod estis vos?* Et: *Nescitis quia templum Dei estis, & Spiritus Dei habitat in vobis?* Eia igitur, ædificemus, spirituale hoc tēplum. Nec est quòd de formâ anxie quæras: nam Prophetæ

Ezech. 43,  
10.

olim dixit Deus: *Ostende domui Israël templum, & metiantur fabricam eius.* Audiui illud iam pridem, aiebat Staurophila, sed sensum eius affecuta non sum, nec modò quid sibi velit profus capio. Ipse Deus apud Prophetam, aiebat Christus, satis explicat quorsum velit figuram domus & fabricæ, & omnem descriptionem eius filiis Israël ostendi, nimirum *ut custodiant, inquit, omnes descriptiones eius, & præcepta illius, & faciant ea.*

Voluit itaque instaurari templum iuxta ideam & dimensiones quas accuratissimè Ezechieli delineauerat. Templum autem Dei, quod quisque moliri debet, *non lapides aut lutum est, sed homo ipse qui figuram Dei gestat. Quod templum non auro & gemmarum donis corruptibilibus, sed æternis virtutum muneribus ornatur.* Nec mysterio vacat, quòd

Lactant. de  
Iust. lib. 5.  
cap. 8.

quòd idea templi CRVX sit. Cruciformes enim sunt pænè omnes, quæ Deo exstruuntur Basilicæ. Quin & in templo illo antiquo facile videre est, totam illius formam ita fuisse dispositam, vt CRVCIFIXI viam quamdam referret imaginem. Nam si in ipso vestibulo corpus extensum, vt meum in CRVCE positum fuit, imagineris, dexteram manum ad portam Meridianam, sinistram ad Aquilonarem, pedem vtrumque ad Orientalem spectare portam aspicias. Caput autem verget ad Sanctum sanctorum, vbi sedes erat Dei. *Caput enim Christi, Deus.* 1. Cor. II, re verò holocaustorum in medio pectoris <sup>3</sup> mei situm erat, in quo oblatum est illud sacrificium laudis, quò vno sacrificiorum omnium longè maximo omnia antiquæ legis sunt sacrificia consummata. A latere altaris dextro mare ænèum collocatum, sanguinem & aquam à latere meo manantem referebat. Quid autem totum hoc denotat, nisi eum quem diuina Maiestas velut templum inhabitare decreuerit, vitam debere agere crucifixam, CRVCISQUE mortificationem iugiter in suo corpore portare?

Iam video, inquiebat Staurophila, quòd templi illa tendebat exstructio, quam mihi non vno nomine tam feridè commendabas: hoc enim inde conficitur, vt qui CRVCEM

Y

tulerint

Hæc ex  
Villalpan.  
tom. 2. l. 4.  
& lib. 5. variis locis.

tulerint quotidie, magnâ Dei dignatione templum fiant diuinæ Maiestatis. Id scilicet volui, inquiebat Christus. Excruciati enim afflicti, infirmi, domus sunt & habitaculum Dei. Glorietur enim Deus se cum his velut domesticis habitare. *Hæc dicit excelsus & sublimis, habitans aternitatem, & sanctum nomen eius in excelsis, & in sancto habitans, & cum contrito & humili spiritu.* Habitat ergo cum contritis, contusis, ærumnosis & afflictis. Et alibi, auersatus manufacta templa, disertè ait, se pauperulos & calamitosos potius inhabitare. *Calum, inquit, sedes mea, terra autem scabellum pedum meorum! Quæ est ista domus, quàm edificabitis mihi? & quis est iste locus quietis meæ? Omnia hæc manus mea fecit, & facta sunt vniuersa ista, dicit Dominus. Ad quem autem respiciam, nisi ad pauperulum, & contritum spiritu, & trementem sermones meos? Viden' cum quibus, & in quibus Deus habitet? Et an non Paulus idipsum testatur, dicens: Libenter gloriabor in infirmitatibus meis? quare autem? ut inhabitet in me virtus Christi. Quasi dicat: Libenter in morbis, doloribus & afflictionibus gloriabor, quia per ea, quasi in domo propriâ & tabernaculo suo inhabitat in me virtus & fortitudo Christi. Nam vbi deest humanum auxilium, ibi maximè adest diui-*

Isa. 57, 15.

Isaia 66, 1.

2. Cor. 12,  
9.

diuinum. Vnde optimè Propheta : *Tibi de-* Psal. 10, 14  
*relictus est pauper, orphano tu eris adiutor.*

Hoc si verum, aiebat Staurophila, immò quia verum est (nefas enim de eo vel leuiter addubitare) non verebor & ego cum valse illo electionis dicere : *Placeo mihi in infir-* 2. Cor. 12,  
*mitatibus meis, in contumelijs, in necessitati-* 10.  
*bus, in persecutionibus, in angustijs pro Chri-*  
*sto.* Sed obsecro te, ô sapientissime archite-  
 cte, doce vlteriùs, quo pacto templi fabrica  
 debeat construi. Faciam id, sed breuiter, aie-  
 bat Christus, tu accuratiùs singula nota. *Pri-* Ex S. Do-  
*mum iacienda sunt fundamenta, quæ fides est,* roth. Doct.  
*sine quâ impossibile est placere Deo. Constitue* 14.  
*deinde supra fundamentum ædificium ex-* Hebr. 11, 6  
*cellentissimum. Adijce lapidem obedientiæ:*  
 apponat & virtus alterum patientiæ lapidè:  
 singulæ deinde adiectæ virtutes, singuli lapi-  
 des erunt. Charitas annectet parietè parieti.  
 Bitumen humilitas est, quæ ceteras virtutes,  
 vt tales sint, efficit. Tectum timor Dei. Corona  
 quæ supra tectum præcipitur in lege adhiberi,  
 ne paruuli cadant, prudentia est. In hoc  
 ædificio exstruendo tua desudet industria, vt  
 habere inhabitantè spiritum sanctum possis.

Breui hoc compendio, aiebat Staurophila,  
 multiplices virtutes commendari cerno,  
 quarum singulæ plurimas habeant difficul-  
 tates: & quæ ego paupercula omnes has com-  
 parem?

parem? Quid vis? aiebat Christus. ex vno lapide non fit domus: plures, immò omnes virtutes ad spiritualem fabricam concurrunt; sed eas expetere & expectare oportet à Domino virtutum, *qui dat omnibus affluenter, & non improperat.*

Sed redeamus ad schema CRVCIS, quod potissimum imitandum proposui. Scias autem, nisi errare velis, tibi seruandas omnes CRVCIS dimensiones, & in hoc exactissime iuxta Apostoli mei instructionem incur-  
 Ephes. 3, 18. *bandum, vt possis comprehendere cum omnibus Sanctis, qua sit latitudo, & longitudo, & sublimitas, & profundum.* Iuxta hanc formam tota spiritualis machina dirigenda est. Latitudo CRVCIS est transuersum illud lignum, in quo porrectæ sunt manus; longitudo, ipsum CRVCIS hastile; altitudo, accedit, si CRVX erigatur, est enim altitudo summitas CRVCIS erectæ; profundum, est infimum CRVCIS terræ infixum. Hæc iam mystico

animæ templo applicemus. *Latitudo* sit charitas ad omnes, etiam inimicos, ita vt ex amore Dei homo nullam omnino refugiat  
 Ex August. Scm. 3. de Annuntiat. Domini, in Plal. 103. Hom. 3. ex Quinquag. CRVCEM, à quocumque demum illa, & quomodocumque proueniat. *Longitudo*, perseverandi longanimitas, vt CRVCEM ferentes quotidie, in eâ perseverent vsque in finem. *Altitudo* sit spes cælestium præmiorum: &

cor sursum, siue directa in Deum intentio. *Profundum* quod in terrâ figitur & occulta-  
tur, inscrutabilia significat iudicia Dei; unde  
timor, humilitas, & soliditas omnium virtu-  
tum. O quàm pulchræ dimensiones hæ  
templum non manufactum absoluunt!

Sed quis mihi det, inquebat Staurophi-  
la, nulla vt earum fabricæ meæ desit? Tu Do-  
mine, qui eas docere non es dedignatus, pro  
bonâ voluntate tuâ ancillæ tuæ tribues. *Tu* Psal. 90, 9.  
*es enim spes mea & refugium meum.* Verùm,  
estne aliquid aliud in hac templi substru-  
ctione considerandum? Est, inquebat Chri-  
stus: lapides enim singuli ad CRVCIS regu-  
lam, & CRVCIS malleo debent conquadra-  
ri. Num te latet decantatum illud:

*Scalpri salubris ictibus,  
Et tunsione plurimâ,  
Fabri polita malleo  
Hanc saxa molem construunt,  
Aptisq; iuncta nexibus  
Locantur in fastigio.*

Breuiar.  
Rom.in  
Hym. De-  
dic. Eccle.

Vis autem scire quid sit quadrari? *Attende* August.in  
*similitudinem quadrati lapides, similem enim* Psal. 86.  
*te esse conuenit: in omni tentatione, in omni*  
*tribulatione stare oportet, non cadere. Si im-*  
*pellaris, si quâ verteris, noli cadere; nam qua-*  
*dratum lapidem quacumque verteris, stat.* Sed  
nec dolere fas fuerit, etsi instar lapidis dolari

contingat. Tanti enim est effici domum Dei, ut quiduis pro eo meritò tolerandum sit. Neque ego, aiebat Staurophila, iam refugio tribulationem, nec CRVCEM respuo, quæ P<sup>sal.</sup> 64, 5. me aptum faciat Dei habitaculum. *Templum enim Domini sanctum est, mirabile in æquitate: & quid volo, nisi ut sanctificetur Dominus in me, ut ab eo inhabitante & ego quoque sancta efficiar corpore & spiritu? Id utique, aiebat Christus, beneficio CRVCIS optimè assequêris: nam qui hîc seipfos præbuerint templum Dei viui, efficiuntur & ipsi P<sup>sal.</sup> 121, 3 lapides viui, reponendi in cælesti illâ Ierusalem, quæ edificatur ut ciuitas, ad quâ de peregrinatione hac suspirant desideria electorum. Quinimò non lapidem tantùm cælestis illius ciuitatis eum faciam, qui CRVCEM tulerit vsque in finē, sed maximis etiam honoribus augebo. Nam qui vicerit, faciam illum columnam in templo Dei mei, & foras non egredietur amplius: & scribam super eum nomē Dei mei, & nomen ciuitatis Dei mei nouæ Ierusalem, quæ descendit de cælo à Deo meo, & nomē meum nouum. O dulcissime Magister, inquebat Staurophila, fiat mihi secundum verbum tuum! Eia veniat aliquando tēpus illud, quo secundum misericordiam tuam magnam promissiones tuæ, quæ omne desiderium superant, in me compleantur! Votorū hæc summa meorum.*

## CAPVT VII.

## CRVCI decreta corona.

Esto fidelis vsque ad mortem, & dabo tibi coronam vitæ. *Apocal. 2, 10.*

*Aeternam doctâ CRVX fabricat arte coronam:*

*O quantum est, Christi pro CRVCE ferre CRUCEM!*



IA CRVCIS faxis aspera, vepribus horrida, longitudine tædiosa, tota denique angusta & permolesta, in maximas sæpè angustias Staurophilam conijciebat. Fuit, cùm pusillanimitate spiritus oppressa, seriò meditaretur viam deserere, CRUCEM abijcere, & tot exantlatos labores vnico momento reddere irritos. Sed *fidelis* 1. Cor. 10, *est Deus, qui non patitur suos tentari supra id* <sup>13.</sup> *quod possunt, sed facit etiã cum tentatione prouentum, vt possint sustinere.* Nam affulsit illicò afflictæ illi miserantis Christi benignitas, qui blandè eam consolans, *Esto, inquit, fidelis vsque ad mortem, & dabo tibi coronam vitæ.* Apoc. 2, 10 Aspera est hæc via, nec inficior, & scio quanta sustineas; at noli deficere, hisce dolo-

Esto fidelis vsque ad mortem, et dabo  
tibi coronam vitæ. *Apocal. 2, 10.*



*Æternam doctâ CRVX fabricat arte coronam:  
O quantum est CHRISTI pro CRVCE ferre  
CRVCEM!*

ribus æterna respondet corona. *Beatus liqui-* Iac. I, 12.  
*dem qui suffert tentationem; quoniam cum*  
*probatus fuerit, accipiet coronam vitæ, quam*  
*repromisit Deus diligentibus se. Ad hæc*  
*Staurophila: Delectat quidem mentem im-*  
*marcescibilis illa gloriæ corona; sed heu!*  
*nimiùm frangor & pænè fatisco. Cui Chri-*  
*stus: Mitte querelas. Nisi tentatio, nec corona;* Chrysof.  
*nisi certamina, nec præmia; nisi studia, nec ho-* Hom. 4. ad  
*nores; nisi tribulatio, nec remissio; nisi hiems,* Pop.  
*nec æstas. Ergo quando tentaris, cognosce quia*  
*paratur corona. Nonne tentatio Ioseph virtu-* Ambros.  
*tis est celebratio? nonne iniuria carceris, corona* lib. 4. c. 4.  
*est castitatis? \* Ut gubernatorem navis tempe-* in Lucam.  
*stas, Athletam stadium, militem acies, magna-* \* Basil.  
*nimum calamitas, sic Christianum hominem* Orat. 11.  
*tentatio probat.* de Patient.

Ego verò, inquiebat Staurophila, imbel-  
 lis miles, vires mihi deesse sentio, nec athle-  
 ticè valeo depugnare, multò minùs vincere.  
 Non pugnare te, Staurophila, sed tolerare  
 doceo. Non inferre, sed perferre mala, coro-  
 nam meretur. *Ladendo vincere, satanicarum*  
*legum est; ac proinde in Olympicis illis certa-*  
*minibus, quæ in ipsius honorem celebrantur, sic*  
*coronam consequuntur qui decertant. At in*  
*spirituali palæstrâ, contraria coronarum lex est.*  
*Hic enim lege sancitum est, ut qui percutitur,*  
*non qui percutit, coronâ donetur. Hoc demum*

S. Isidor.  
 Pelus. 1. 2.  
 Epist. 169.

*caleste stadium, hoc Angelorum theatrum merito esse creditur.*

At durum est, inquiebat Staurophila, per faxa, per sentes & spinas graue hoc pondus CRVCIS circumferre. Quid times spinas? respondebat Christus. an non de illis crescunt rosæ, quibus coroneris in cælis? Ne vearis igitur, mea Staurophila, ad imitationem capitis tui, pro te spinis coronati, sentes & vepres pro diademate & sermo decôris tibi imponere, & ego dabo tibi coronam de lapide pretioso. Elige, cum electâ meâ Catharinâ Senensi, hîc spineam, vt postea recipias coronam auream.

Domine, vt video, inquiebat Staurophila, aurea hæc corona magni constat, & incudem & malleum pati oportet vt fabricetur.

Quid ni ita fiat? aiebat Christus, *afflictiones coronæ horum sunt, qui in eis certamen sustinent. Nónne & super dorsum meum fabricauerunt peccatores, prolongauerunt iniquitatem suam? Si iam & iusti inter malleum & incudem ponantur, ipsâ impiorum malleatione Deus eis coronam gloriæ componit. Habeto igitur & tu mentem fixam & duram sicut incudem, vt per alternos malleorum ictus & crepitus percussa, ludibriis & maledictis irrisionibusq; laceßita, iniurijs affecta, infracta, & in nullo laesa seu dissoluta perseuerans, tota lenis*

S. Nilus in  
Parænci.

Psal. 128, 3

Blesens.  
Epist. 134.

Climach.  
Grad. 4.

lenis & plana immobilisq; persistas. Malleum autem non pati, mollis est animi. Opportunè nonnemini Pythagoras dicebat: *Et si argentum sis, ex te tamen nec obolus proba moneta fiet, cum tam impatiens existas.* Ita tibi quoque iure dixerim, quamuis argentea, quamuis aurea sis, pluribus precibus Deum fatigēs, nullius tamen pretij es, quia malleorum impatiens: & ideo ex te pretiosa non fiet corona. Quibus verò infractus inter aduersa stat animus, næ illi splendidissimas sibi fabricant coronas. Talis S. Secunda Martyr, quæ tyranno aiebat: *Gloria nominis Christiani verberum ictibus augetur, & tot conciliat coronas sempiternas, quot temporarijs flagellorum ictibus pulsatur.* Quid verò hinc consequitur, nisi quòd vbi deest CRVX, vbi deest malleus, defuturam quoque coronam? Crede mihi Staurophila, *Sit tribulationes Sanctorum crudeli miseratione minuuntur, paulatim gemmis corona ipsorum priuantur; quia quanto in hoc seculo magis fuerint afflicti, tanto post resurrectionem maioribus honoribus extollentur.*

Non leuis, inquebat Staurophila, sub CRUCE perseuerandi mihi indicitur necessitas. Nam si absque eâ periculum subeo amittendi æternam gloriæ coronam, quiduis potius tolerauerim, quàm huic me discrimini expo-

Drexel.  
Gymnal.  
patient.  
part. 2. c. 1.  
§. 3.

Surius in  
Vitâ 10.  
Iulij.

Laurent.  
Iust. in  
Ligno vitæ  
de Patient.  
cap. 3.

Apoç. 3, 11 exponam. Et Christus: *Tene, filia, quod habes; ut nemo accipiat coronam tuam.* Si CRVX pre-  
mat, malleus contundat, tribulatio affligat,  
non tristitia hæc nimum consideres, sed oculos conijcias in eam quæ tibi repromittitur coronam. Hæc dolorem minuet, & leuior erit omnis CRVX, quàm huius condierit consideratio.

Cyprian.  
l. 4. Epist. 6.  
de Exhort.  
Martyrij.

*Ad agonem secularem exercentur homines, & parantur, & magnam gloriam computant honoris sui, si illis, spectante populo, & Imperatore presente, contigerit coronari. Ecce agon sublimis & magnus, & corona caelestis premio gloriosus, ut spectet suos certantes Deus, & super eos, quos filios facere dignatus est, oculos suos pandens, certaminis spectaculo perfruatur! Quanta gloria dignitas, quanta felicitas, præsiede Deo coronari! Verè hoc magnum, inquebat Staurophila, sed quotusquisque horum in ipso certamine recordatur? Non legisti, aiebat Christus, quantus ad passionem stimulus fuerit Quadraginta Martyribus, & carceris custodi coronarum, quas exspectabant, intuitus. Cùm enim ob fidei confessionem vinculis constricti hiemis tempore frigidissimo, nudi sub aperto aëre pernoctare iussi essent, ut frigore congelati necarentur, ita orabant: *Quadraginta in stadium ingressi sumus, quadraginta item, Domine, coronâ**

Breuiar.  
Roman.  
9. Martij.

coronâ donemur, ne vna quidem huic numero desit. Cùm autem ianitor carceris quosdam è calo descendentes Angelos, tamquam à Rege missos, qui coronas triginta nouem militibus distribuerent, intueretur, ita secum loquebatur: *Quadráginta hi sunt, quadragesimi corona ubi est? Quæ dum cogitaret, vidit vnum ex illo numero, cui animus ad frigus ferendum defecerat, in proximum tepesactum balneum desiliisse.* Sed ille coronæ incensus cupiditate, excitatis custodibus, vestes sibi detrahit, ac Christianum se clarâ voce professus, Martyribus se adiunxit. Tanti momenti est coronam respicere, coronam meditari! Cogita, quæso, quâ lætitiâ exultabis, quo gaudio perfundêris, cùm dulcissimâ voce sponsum animarum aliquando dicentem audies: *Veni sponsa Christi, accipe coronam, quam tibi Dominus preparauit in æternum?*

Breuiar.  
Rom. Ant.  
de Virg.



## CAPVT VIII.

*Maiorne CRVCI & passionibus, quàm  
actionibus corona respondeat.*



IS dictis, ad alia properabat Saluator, nisi Staurophila retinuisset; Superest, ô Domine, inquit, nodus quidam, què num sciendi curiositas, an coronæ cupido nexuerit, haud ipsa scio. Tu, ô æterna sapientia, iudicabis, & si mereatur, etiam dissolues. Propone, inquit, Christus, vt audiam. In hoc enim patientiæ stadio etiam ad diuerticula quædam deflectere, minimè mihi molestum, dummodò in Viam redeamus. Ab eâ, inquit, Staurophila, quæstiuncula mea non abibit: quin potius, vt credo, eam promouebit. Sed quid moras necto? quod me remoratur hoc est: Anne amplior & pretiosior corona reposita sit CRUCEM ferentibus, quàm ijs, qui absque eâ multis bonis incumbunt operibus? Nolo te lateat, Staurophila (inquit, Christus) bona agere, & mala pati, Christianum, hoc est, tuum esse; vtrùm autem præter, maiori-ve dignum præmio, tum dicam, cum ipsa, vnde hoc tibi inciderit, aperueris. Legebam,  
inquit-

inquebat illa, nuper sanctæ Lydvvinæ virginis Vitam, & in eâ, vt generosissima illa Dei Sponsa vigesimum octauum in suâ infirmitate agens annum, cum incredibili Martyrij arderet desiderio, in mentis excessu viderit *coronam pretiosissimam, gemmis diuersorum colorum variegatam, necdum tamen in orbem penitus absolutam. Ad se autem vt redijt, cogitabat quam illa esset corona,* à Domino varijs afflictionibus exerceri, vt orbem hunc absolueret. Exaudiuit eam Deus; & ecce quidam milites cubiculum eius ingressi indignis modis corpusculum eius variè afflictum, & hydropisi tumidum, absque vilo pudore contrectant. Addunt turpissima conuitia, vocant bestiam, prostibulum, voracem, & multa alia, nec paucis eius vulnera cumulant vulneribus, ita vt sanguis in paleas vicinosque pannos deflueret. Post illorum discessum, Angelus ad eam venit instar Solis splendidus, aitque: *Salue charissima soror; ecce nunc absoluta est CORONA, quam nuper imperfectam vidisti; ludibria & vulnera corpori tuo imposita fuere gemmae, quas in illâ CORONA & adesse vidisti, & deesse.* His lectis, ita mecum ratiocinabar: Quid est quod illuminatissima hæc virgo, non vnâ CRUCE tot annis excruciatâ, nouas flagitarit tribulationes, vt CORONAM suam

Ioannes  
Brugman-  
nus in Vitâ  
part. 3. c. 6.  
apud Sur.  
tom. 2.

fua exornaret atque perficeret? Cur, quæ-  
fo, bonis operibus id potiùs conata non fuit,  
nifi quòd tribulationis malleo eam citiùs

Ambr. l. 1. r. sciret absolui? *Nam quos manet CORONA,*  
Offic. c. 1 } *exspectat iniuria. & per dolores quibus hîc af-*  
Greg. Nyf. *ficimur, vel peccata expiamus, vel, si non tot*  
fen. apud *peccata habemus, splendidiore CORONAS ac-*  
Damaſc. *cipimus.* Confirmabat me quoque in hac opi-  
lib. 3. Pa- *nione & illud quòd de ſanctâ Gertrude le-*  
rallel. c. 49. *geram, quæ cum noctem duxiſſet inſomnem,*  
Inſinuat. *atque inde plurimum debilitata, viribusq; ef-*  
diuin. pic- *ſet deſtituta, obtulit huiusmodi defectum Do-*  
tatis lib. 3. *mino, in laudem æternam, ad ſalutem om-*  
cap. 70. & *nium. Cui dixit Dominus: In infinitum ac-*  
Bloſ. in *ceptius mihi eſt, dum quis in infirmitate ſua*  
Monili c. 9. *poſt conſumptas per vigiliam vires, defectum*  
*illum virium humiliter ſuſtinendo, mihi of-*  
*fert, quàm dum aliquis corpore ſanus, qui bene*  
*vigilare poteſt, totâ nocte in oratione perui-*  
*gilat. en cauſas dubitationis noſtræ.*

Vt video, aiebat Chriſtus, non extra femi-  
tam ambulas, neque improbare velim pro-  
babilem hanc tuam collectionem. *Etenim*  
*exigua moleſtia propter Deum aquanimiter*  
*tolerata, incõparabiliter præſtantior eſt, quàm*  
*ſint multa & grandia bonorum operum exer-*  
*citia. Atque homini vtilius eſt, etiam modi-*  
*cum grauamen patienter pro Dei honore vel*  
*amore ſuſtinere, quàm grandia opera patrare.*

Et

Bloſ. in In-  
ſtit ſpiri-  
tual. c. 8.

Idem in  
Speculo  
Spint. c. 8.

Et quid dicam? *Nihil Deo acceptius, nihil tibi salubrius in mundo isto, quàm libenter pati pro Christo tuo, & si quidem aliquid melius & utilius saluti hominum, quàm pati, fuisset, id utique verbo & exemplo ostendissem.* Quantum consolationis, inquebat Staurophila, est in verbis istis! quantum lætitiæ calamitosæ & afflictis hæc adferre debent! cùm vident, maiorem se fabricare CORONAM, quo plures & grauiores pertulerunt CRVCES. Sed absconditum est hoc verbum à cordibus multorum, & fortè fidem vix inuenierit.

Cur autem, inquebat Christus, non credant? an non Sancti quique in eâ se fuisse mente testati sunt, cùm CRVCIBVS & morbis ab aliis functionibus, multisque actionibus bonis præpediti, neutiquam questi sunt, meritorum quæstum hoc pacto sibi immitti? Quid? quòd & in beneficijs CRVCES numerarint, atque hoc nomine vel maxime sibi fuerint gratulati. *Magna enim hæc dignitas, & Regno quouis ac Consulatu maior.* Neque pro Deo pati cuius passim conceditur, estque id magnarum virtutum, præstantissimarumque actionum, pro Dei gloriâ proximique salute obitarum, merces amplissima. Vnde meritò Philippensibus gratulatur Apostolus, quòd ijs *donatum esset non solum*

Thomas à Kemp.  
lib. 2. de Imitat. Christi,  
cap. 12.

Chrysoft.  
Hom. 8. in Epist. ad Ephes.

Phil. 1, 29.

*ut in Christum crederent, sed etiam ut pro illo paterentur.*

Ruff. in  
Vitis Pa-  
trum lib. 3.  
num. 158.

Pelagius  
L. 5. in Vitis  
Patrum  
num. 65.

Subit animum, inquiebat Staurophila, quemdam huius animi fuisse, qui frequenter ægrotaret. *Contigit autem ut vno anno nullam eum aduersa contingerent:* hinc bonus ille cepit affligi, flere, & grauius etiam queri, ac dicere: *Reliquisti me, Domine, & noluisti me presenti hoc anno visitare.* Et alius patris patientiæ, in morbo cibum recusabat à Fratre oblatum, dicens optare se in eâ infirmitate ad alios triginta annos à Deo relinqui. Abstinuissent, ni fallor, his votis, si tantumdem bonis exercitijs, quantum malorum perpeffione, sperassent consequi.

Sed reduc me etiam in memoriam, subiciebat Christus, qui mundi Redemptor & Seruator sum. Vide autem cuius operi humani generis redemptio potissimum adscribatur. Erat vnaquæque actionum mearum meriti prorsus infiniti, & tamen mundi salus passioni, morti, & effuso maxime tribuitur Sanguini. Quam crebro cantari audiuisti: *Adoramus te, Christe, & benedicimus tibi, quia per CRUCEM tuam redemisti mundum.* Altius, inquiebat Staurophila, extolli CRUX nõ poterat, Domine, quam ut instrumentum fieret redemptionis nostræ. Nihil ad tribulationes seu mitigandas, siue commendandas

Missale  
Roman.

das melius excogitari, quàm quòd per illas  
saluus fieret mundus. *Quam magnificata sunt* P<sup>sal.</sup> 103,  
*operata tua, Domine! omnia in sapientia fecisti.* 24.

Quis igitur, inquiebat Christus, dubiter,  
num plus actionibus an perpeffionibus tri-  
buendum? cum his peculiariter reconcilia-  
tio humani generis, peccati expiatio, rese-  
ratio cæli, diuino decreto fuerit referuata? Et  
discite hinc, filij Adæ, populus acquisitionis  
meæ, quanta peccati grauitas, quæ tali tam-  
que operoso egebat remedio: discite quan-  
ti mihi steterit vestra salus, quamque exi-  
mius meus erga vos fuerit amor: discite tri-  
bulationum & CRVCIVM dignitatem; & vt  
mei gratiâ dura quæque toleranda sint, qui  
tam atrocia, tamque immania pro vobis,  
cùm adhuc inimici essetis, pertulerim.

Vnicum hoc tuum, mi Redemptor, exem-  
plum, aiebat Staurophila, assensum non tam  
petit, quàm extorquet. Nec video quî relu-  
ctari vltra, quis posset. Quid si & alterum,  
aiebat Christus, puri hominis adiecero, con-  
fectumne videbitur negotium? Confectum,  
aiebat Staurophila. Tum Christus: Specta  
mihi igitur *maximum illum patientiæ certato-*  
*rem, & immobilem petram, Iob, & bonos eius*  
actus cum passionibus compone, & iudica  
*vnde amplius illuxerit. Quandonam erat Iob*  
*illustrior, quando domum suam omnibus ad-*  
*uenien-*

Chrysof.  
Epist. 7. ad  
Olympia.  
paucis hîc  
& ibi præ-  
termissis.

uenientibus aperuit, an cùm ea ruente, verba amara non protulit, sed potiùs Domino benedixit? Cùm hoc quidem virtus esset, istud ærûna? Quando splendidior erat, dic mi, cùm sacrificabat pro filijs suis, & eos ad concordiam congregabat: an cùm defossi, & amarissimo genere fuissent mortis extincti, cùm magnâ Philosophiâ pertulit quod euenit? Quando potiùs ille radiavit, quando de tonsurâ ouium suarum calefacti sunt humeri nudorum: an cùm audiens ignem descendisse de calo, & exedisse cum Pastoribus greges, non est commotus, neque turbatus, sed amantiessimè pertulit casum? Quando maior illuxit, cùm sanitate corporis ad oppressorum patrociniùm utebatur, conterens molas iniquorum, & ex medio dentium rapiens rapinam, miseris portus existens; an cùm hoc idem corpus eius, hoc est indigentium scutum, vermibus videbatur absumi, sedens in stercore, & testâ illud radens. Impleo, inquit, tabo glebas terræ? Atqui illa quidem omnia præclara facinora erant; ista verò omnia passionis: sed tamen ista illum clariorem, quàm illa fecere. Hac enim maximè amarissima certaminum portio, & maiorem virtutem requirens, & animam fortiorem, & mentem Philosophiâ appositiorem, quæ maiorem circa Deum habebat charitatem: & præterea, cùm illa quidem fierent, etsi impudenter & valde crudeliter,

attamen

attamen contradicit diabolus; dicens; Num- Iob 1, 9.  
 quid gratis colit Iob Deum? hac verò cum con-  
 tigissent, confusus abscessit, terga dans, quòd  
 neque vel impudentem contradictionem, um-  
 bram saltem habentem aliquam, posset oppo-  
 nere. Hac enim CORONÆ perfectio, hoc vir-  
 tutis cacumen, ista fortitudinis aperta proba-  
 tio, hoc verissimum Philosophiæ incremen-  
 tum. Hac itaque cogitans, ac retractans quan-  
 tum sit lucri, acta cum molestijs ac doloribus  
 vita, gaude & delectare quæstuosam, & mille  
 plenam CORONIS VIAM CRVCIS per fre-  
 quentissimas passiones deambulans.

Ibid. non-  
 null. inter-  
 icctis.



Cum ipso sum in tribulatione. *Psal. 90, 15.*



*Quàm leue, sponsa, iugū CRVCIS efficit vna volūtas!  
Te mihi CRVX sociat, me caro sumpta tibi.*

## CAPVT IX.

CRVX Christo vnit, & conformat.

Cum ipso sum in tribulatione.

Psalm. 90, 15.

Quam leue, Sponsa, iugum CRVCIS efficit  
vna voluntas!

Te mihi CRVX sociat, me caro sumpta tibi.



DELINITA optimis Christi sermonibus Staurophila, inhiabat magis ac magis suauissimos CRVCIS fructus ex eius ore capere, & carpere: ad Christum prouidē conuersa, Obsecro te, inquit, dilecte mi, Perge & alias CRVCIS prerogatiuas exponere, vt tantò libentiùs eam feram, quantò cognouero vtiliorem. Vberri- mus, aiebat Christus, & longè præstantissimus fructus est, quem Psalmista his verbis indicauit: *Inxatà est Dominus ihs qui tribulato* Psalm. 33, 19  
*sunt corde. idemque Deum ita loquentem*  
*inducit: Cum ipso sum in tribulatione, eri-* Psalm. 90, 15  
*piam eum, & glorificabo eum.* Quid autem maius? quid excellentius concipi potest, quàm habere Deum sibi præsentem, & auxiliantem in tribulatione: Quare non imme-

ritò idem sibi gratulabatur, Deo dicens:

Pfal. 22, 4. *Si ambulauero in medio umbrae mortis, non timebo mala, quoniam tu mecum es.* Quid enim timeat mali, cum quo summum est

Rom. 8, 31 bonum? *Si Deus pro nobis*, aiebat Apostolus, *quis contra nos?* & quàm confidenter in medijs ærumnis aiebat ille, *Libera me Domine, &*

Iob 17, 3. *pone me iuxta te, & cuiusuis manus pugnet contra me.* An non præsentissimum hoc Dei auxilium expertus est castissimus Io-

Sap. 10, 13. *seph, quem æterna Sapientia venditum non dereliquit, sed à peccatoribus liberauit eum, descenditq; cum illo in foueam, & in vinculis non dereliquit eum.* Vidésne iam quid illud

fit, *Cum ipso sum in tribulatione?* tantumdem enim valet, ac si dixisset: *Contributor afflicto: sicut enim qui meus est, in tribulatione mecum est; sic & ego in tribulatione cum illo sum.*

Interfari volens Staurophila, Licétne, inquit, pace tuâ, Domine, quæ animú meum pulsât, proponere quæstionem? Licet verò, aiebat Christus. Tum illa: Vereor vt parum calamitosus & miseris vera videatur hæc tua doctrina. Plerumque enim se à Deo derelictos, obliuioni traditos, & prorsus conqueruntur desolatos. Et ille ipse Psalmista, qui

Pfal. 33, 19 ait, *Deum iuxta esse ijs qui tribulato sunt corde;* quoties, quæso, expostulat, & conqueritur

ritur se velut desertum? An non hæc illius voces: *Deus, Deus meus, respice in me, quare me dereliquisti?* Et, *Ne derelinquas me Domine Deus meus, ne discesseris à me? Usquequò Domine obliuisceris me in finem, usquequò auertis faciem tuam à me? Quare faciem tuam auertis, obliuisceris inopia nostra, & tribulationis nostra?* Quis verò credat Deum præsentem illi, qui de absentia eius sic lamentatur?

Respondit Christus: Adest quidem Deus afflictis, in quibus patitur, sed præsentiam suam non semper manifestat. In tribulatione inuocantem exaudit ipse aliquando in abscondito tempestatis; in quâ veluti tectus latet, & ad iustorum probationem tantisper faciem suam abscondit. *Stat nonnumquam post parietem, respiciens per fenestras, prospiciens per cancellos, obseruans scilicet quemadmodum athleta pius, nonnihil sibi relictus, in acie decertet.* Antonius ille, magnus Eremita à dæmonibus *flagellatus atque confossus*, mirisque modis exagitatus, absentem Dominum, & sui, dum colluctaretur, oblitum credidit, nam cum *radium ad se lucis insuere* cerneret, illic præsentiam Domini intelligens, & ex intimo pectore trahens longa suspiria, dicebat: *Vbi eras, bone Iesu? Quare non à principio adfuisisti, ut sanares vul-*

Psal. 21, 1.

Psal. 57, 2, 2

Psal. 12, 1.

Psal. 43, 2, 4

Psal. 80, 8.

Cant. 2, 9.

Athanaf. in  
Vitâ An-  
ton. cap. 8.

nera mea? Et vox ad eum facta est, dicens: Antoni, hic eram; sed expectabam videre certamen tuum. Ita ergo adest Deus in tribulatione, etiamsi absconditus.

Bernard.  
Serm. 16.  
in Psal.

Qui habit.

Et sanè ex ipsa tribulatione, Deum adesse in tribulatione, cognosci potest. *Quis enim sustineret? quis subsisteret? quis persisteret sine eo?* Si mecum Deus, aiebat Staurophila, in tribulatione, quid aliud præter ipsam requi-

Psal. 72, 27

\* August.  
de Trinit.

ram? *Mihi adharere Deo bonum est, quia omnes qui elongant se ab eo, peribunt.* \* *Quanta enim hominum miseria, cum illo non esse, sine quo non possunt esse?* Prorsus ita est, inquebat Christus: & vis exemplo hoc discere?

August.

Serm. 105.  
de Temp.

*Perdiderat Iob omnia illa quæ dederat Deus; sed habebat ipsum omnia qui dederat, Deum. O virum putrem, & integrum! O sedum, & pulchrum! O vulneratum, & sanum! O in stercore sedentem, & in celo regnantem! Diues abundè fuit, qui omnibus ablatis, Deum retinuit, & in eo omnia.* Bonum proinde & mi-

Bernard.

Serm. 17.  
in Psal.

Qui habit.

*hi, inquebat Staurophila, tribulari, Domine, dummodò ipse sis mecum, quàm regnare sine te, epulari sine te, sine te gloriari. Bonum mihi in tribulatione magis amplecti te, in camino habere te mecum, quàm esse sine te vel in celo.*

Psal. 72, 25

*Quid enim mihi est in celo, & à te quid volui super terram?*

Rectum nunc, aiebat Christus, consecuta

es sensum, cùm intelligis CRUCES esse glutinum, quo Deus animæ, & anima vicissim Deo conglutinatur. Non meministi quid sancta Gertrudis diuinitus aliquando intellexit? Reuelatum ei fuit, quòd, quemadmodum annulus est signum desponsationis, ita aduersitas, tam corporalis quam spiritualis, humiliter propter Deum tolerata, sit verissimum signum diuinae electionis, & quasi desponsatio animæ cum Deo: in tantum ut grauatus quisque confidenter dicere possit: *Annulo suo subarrhauit me Dominus meus.* Eadem & aliàs intellexit, quòd quandoque Dominus (cuius deliciae sunt esse cum filijs hominum) nihil inueniens in homine propter quod placitâ dignatione ipsum adesse deceat, tribulationes vel molestias tam corporales quam spirituales immittit, ut inde habeat opportunitatem manendi cum illo, quia Scriptura veritatis dicit; *Iuxtà est Dominus his qui tribulato sunt corde.* Et rursus ipse Dominus: *Cum ipso sum in tribulatione.*

Blos. Mon.  
spirit. c. 10.

Blos. ibid.  
Prou. 18,  
31.

Psal. 33, 19  
Psal. 90, 15

Prò quanta, exclamabat Staurophila, diuinæ miserationis dignatio! quis credat tantâ summâ illâ Maiestate vermem hominem fieri, ut quasi eius amicitiam ambiret, delicias suas fateatur esse cum filijs hominum? O Domine, quid est homo, quia magnificas eum, & quare apponis erga illum cor tuum? Tantâ

Prou. 8, 31.

Iob 7, 17.

ne

ne hominis est familiaritas, vt ei CRVCEM & afflictionem immittas, vt iusto velut titulo ei adesse, ei te queas coniungere? Quàm admirabile mysterium, quòd CRVX, contèpta apud prudentes huius sæculi, arrha annulusque sit diuinæ desponsationis! O CRVX venerabilis, quàm abscondita est dignitas tua à cordibus eorum qui terrena sapiunt! Dicebat hæc Staurophila, & inardescēbat animo, iamque vehementer & Christum & CRVCEM propter eum diligebat.

Fouendū hunc igniculū putauit Christus. Est, inquiebat, filia, & aliud in CRVCE quod alternum nutrire valeat amorem, nec amanti illud abscondam. Conciliatrix amoris, amantium est similitudo, & morum humorumque certa quædam cōgruentia. Tanto autem erga humanum genus amore incensus fui, vt *non rapinam arbitratus esse me æqualem Deo, memetipsum exinanierim formam serui accipiens, in similitudinem hominum factus, & habitu inuentus vt homo.* Cur autem censes id me fecisse? nimirum vt ita homines ad me amandum allicerem, quibus per omnia assimilatus essem absque peccato. Nunc autem, dic mihi, quid arbitraris ab homine vicissim requiri? an non vt & ipse meam, quā licet, affectet similitudinem, formam æmuletur, imitetur mores, sequatur

tur vestigia? An non idè cælestis Pater meus  
*quos præscivit, hos & prædestinavit conformes* Rom. 8, 29  
*fieri imaginis Filij sui?* Quomodo autem, in-

quiebat Staurophila, poterimus fieri conformes  
 imaginis tuæ? Si, respõdebat Christus, ad  
 exemplar vitæ & passionis meæ viam mei  
 imaginem vitæ & moribus exprimar, & sic

cut ego propter vos CRUCEM suscepi, & in  
 eâ mortuus fui, ita & vos *per commune con-* Leo Ser. 9.  
*sortium CRUCIS, aliquid, quod propter vos* de Quad.

*gesti, agatis.* Hoc scilicet est quod Apostolorum  
 Princeps monebat *communicare Christi* 1. Pet. 4, 13  
*passionibus. Qui autem CRUCEM portat,* Pet. Dam.  
*passioni Redemptoris sui verè communicat.* Serm. de  
 Inuent.

Quælibet enim CRUX, quodlibet grauamen  
 imaginem excellentissime passionis meæ re-  
 fert, & in eo homo promereri potest perfectam  
 eiusdem passionis participationem. Nemo si-  
 quidem ita cordialiter sentit passionem Chri-  
 sti, sicut is cui contigerit similia pati.

Quis loquetur, aiebat Staurophila, *potentias* Psal. 105, 2  
*Domini?* Quis enarrabit mirabiles adinven-  
 tionis amoris tui? Quid enim nobilius mili-  
 ti, quàm deferre arma Regis? Quid gloriosius  
 sponsæ, quàm assimilari sponso? Vnde sum-  
 ma hæc mihi iam dignitas, abnegare meip-  
 sam, & CRUCEM tollere post te? Vt enim, qui  
 eiusdem sunt Ordinis, eodem vtuntur & ha-  
 bitu; & quorum eadem insignia, vnus cen-

sentur

sentur familiae & nobilitatis : ita non iniuriâ Cruciferam me, tui Ordinis & de familia gloriabor esse IESV Crucifixi.

Gloriatio hæc, inquiebat Christus, non erit inanis: non solum enim patienter CRUCEM ferens mihi conformatur, sed ego, velut ei vnitus, in eodem patior. Ipsum enim me fidelibus meis inclusi, vt quod eorum vni

A&. 9, 4.

fiat, mihi factum reputem. Vnde Saulo Ecclesiam persequenti dicebam : *Saule, Saule, quid me persequeris?* Et in iudicio immiseri- cordibus dicturum me protestatus sum:

Matth. 25,  
45.

*Quandiu non fecistis vni de minoribus his, nec mihi fecistis.* Patior itaque in singulis membris meis, quibus vires & adiutorium suggero, vt tantò leuius sit CRUCEM ferre, quò meliore focio & auxiliatore decorantur.

August. in  
Psal. 61.

Iam, intelligo aiebat Staurophila, quid sibi voluerit Augustinus, cum diceret : *Vnus homo cum capite & corpore suo Iesus Christus, Saluator corporis, & membrorum corporis, duo in carne vnâ, & in voce vnâ.* Passiones itaque Christi non in solo Christo, imò passiones Christi, non nisi in Christo. Si enim Christum intelligas caput & corpus, passiones Christi non nisi in Christo. Non minus, aiebat Christus, id intelligebat felicissima illa & verè beata Martyr Felicitas, quæ cum in carcere parturiret, nec eiulatus posset comprimere, vnus

ali-

aliquis licitorum acerbo scommate dixit: Si nec hos quidem dolores, ô femina, ferre queas silentio, illos quomodo feres, cum vrêris, secaberis, laniaberis. Huic Felicitas prudentissimè & prorsus Christianè, iam, inquit, pro me patiôr, at tunc in me passurus est Christus. Prout dixit, sic contigit. Nam cum feris obijceretur, nullos eiulatus, sed nec villos gemitus prodebat.

Domine, subijciebat Staurophila, qui ista attentius expenderit, te scilicet afflicto adesse, tibi CRVCE eum desponsari, te ipsum in illo pati, huic procul dubio CRVX amara non accidet. Et mirum planè, ni toto eam pectore summisque votis ambiat. Quare minus nunc stupeo generosum illud sanctissimæ Heroidis Teresiæ votum, quo inexplebili desiderio optabat AVT PATI AVT MORI. Quàm dulcis quoque erat CRVX Magdalenæ de Pazzi, quæ dicebat, se non desiderare breuem vitam & celerem mortem, quia in cælo nulla esset passio: *Desidero ergo, inquebat, vivere diu, quia desidero amore Dei diu pati, non tantum martyria, sed & morbos, calumnias, infortunia, & quæuis aduersa.* Amanti igitur dulcis tribulatio, quæ acerba & prorsus intolerabilis non amanti. *Nonnumquam enim in tantum confortatur homo ex affectu tribulationis & aduersitatis,*

Vincen.  
Puccinius  
in Vita.

Thom. à  
Kemp.  
de Imit.  
Christil. 2.  
cap. 12.

ob

ob amorem conformitatis CRVCIS Christi, ut se sine dolore & tribulatione esse non veller: quoniam tantò se acceptiorem Deo credit, quantò plura & grauiora pro eo ferre poterit. Neque verò, inquiebat Christus, addubitare ampliùs decet, num ex amore CRVCES immittantur, cùm eas philtera quædam & illecebras amoris ipsa cognoscas. Non enim sic calcem infusa accendit aqua, atque tribulatio in amantium mentibus diuinum amorem. CRVX sanè & afflictio bonum est occultum, quod nemo compensare queat: adeò ut si quis centum annos flexis à me genibus CRVCEM amicabilem precetur, nec sic tamen illam emereri possit. Equidem malim afflictiones creare ex nihilo, quàm amicos meos CRVCIS expertes relinquere.

Suso in  
Dial. æter-  
na Sap.  
cap. 13.



## CAPVT X.

*Præsidio CRVCIS mare sæculi  
transfretandum.*

Per multas tribulationes oportet nos  
intrare in regnum cælorum.

*Actor. 14, 21.*

*Non timet Aeolios ratis hac fera flamina,  
fratres,  
CRVX malus, remus, CRVX cui clauus  
adest.*



VM longo satis tempore VIAM  
CRVCIS Staurophila peram-  
bulasset, iamque salutare il-  
lud onus tantum amare, quã-  
tum principio horrere didicif-  
set; appropinquabat tandem viã vitãque  
terminus: quando Christus sponsam suam  
recreare volens, naui impostam docere cœ-  
pit, vt CRVCIS præsidio per sæculi huius  
pelagus turbulentissimum, ad cælestis patriã  
portũ transfretare oporteret. Et age, inquie-  
bat, ô Staurophila, quod reliquum est iti-  
neris commodius hac naui mecum confi-  
cies, non longè enim es à patriã, & deside-  
rato toties sine. *Sic autem contingit homini*

A. a

in

Per multas tribulationes oportet nos  
intrare in regnum cælorum. Act. 14, 21.



Non timet Æolios ratis hæc, fera flamina, fratres:  
CRVX malus, remus, CRVX cui clauus adest.



na, fratres:  
uus adest.

## LIBER TERTIVS.

371

in hac vitâ, tamquam si videat quisque de longinquo patriam, & mare interiaceat; videat quò eat, sed non habeat quâ eat. Sic. & ad illam stabilitatem quæ est in cælo; volunt homines peruenire, sed interiacet mare huius sæculi quâ eundum. Ut ergo esset & quâ irent, veni ego inde ad quem ire volebant. Et quid feci? Institui lignum quo mare transeat. Nemo enim potest transire mare huius sæculi, nisi CRUCE, portatus. Hanc CRUCEM aliquando complectitur & infirmus oculus, & quia non videt longè quò eat, non ab illâ recedat, & ipsa illum perducet. Mare transeundum est: noli lignum contemnere, quia quâ transeat ad patriam non est, nisi ligno porteris: in mari enim ambulare non potes, sicut ego ambulavi, navi ergo portare. Eripe te, si potes, à submersione: si non vis mergi, tabulam apprehende, ligno portare, CRUX te perducet.

Perlibenter, aiebat Staurophila, portari me permifero, quæ CRUCEM hæcenus, & sæpe etiam permolestam portavi. Verùm, quod aliàs considerasse me vix memini, quàm multa hîc cerno CRUCIS mysterium oculis animisq; ingerentia. Quid enim anchora aliud quàm geminata CRUX? Signum quoque CRUCIS naturaliter visitur in ipsâ navi, cum velis tumentibus vehitur, cum expansis palmulis labitur. Mare enim non

August.  
Tract. 2. in  
Ioannem.

August. in  
Psal. 51.

Minut.  
Felix in  
Octauio.  
Iustin.  
Martyr  
Apolog. 2.

scinditur, nisi trophæum istud, quod malus appellatur, saluum in naui maneat. Iam clauus à CRVCE quantum abludit? & remorum vice CRVCEM fungi posse, quis non videat?

Max. Taurin. Ser. 56. tom. 3. Ambros.

Non malè, inquebat Christus, CRVCIS sacramentum in naui considerasti. Nam cum à nautis scinditur mare, prius ab ipsis arbor erigitur, antenna sustollitur, velum distenditur, vt CRVCE Domini aquarum fluenta rumpantur: & hoc Dominico securi signo, portum salutis petunt, periculum mortis euadunt. Figura enim sacramenti quadam est, velum suspensum in arbore, quasi Christus sit exaltatus in CRVCE, atque idè confidentiâ de mysterio veniente homines ventorum procellas negligunt. Sine arbore CRVCIS nauis infirma est; statim eam diabolus inquietat: at vbi signum hoc CRVCIS erigitur, statim & diaboli iniquitas repellitur, & ventorum procella sopitur. Vis nunc, ô Staurophila, patientiæ nauigio cæli petere portum? in ipso velo me veluti crucifixum considera, aspiciens in auctorem fidei, & consummatorem IESVM, qui, proposito gaudio, sustinuit CRVCEM.

Hebr. 11.

Psal. 118, 103.

Quam dulcia faucibus meis, aiebat Staurophila, eloquia tua Domine, quæ spirituâli nauigio sæculi superare fluctus, & ad cælestem docent nauigare Ierusalem! Concupisco

pisco proinde, si ita tuæ visum bonitati, pluribus de his instrui.

Audi ergo, inquiebat Chistus, breuem mysticæ naus descriptionem. Similis est omnis status Ecclesiæ magnæ nauis, quæ per undosum pelagus ad magnam potentis regni urbem properare cupit. *Naus huius Domini, ipse omnipotens Deus est; gubernator verò ego unigenitus eius Filius; prosper ventus, Spiritus sanctus. Ipsum mare, hic mundus habeatur; ventorum verò varietates & turbinum, diuersis tentationibus conferantur: persecutiones, tribulationes, & pericula, fluctibus exaquantur. Promontoria & loca confragosa, hi sunt, qui in potestatibus sæculi sunt Iudices, & pericula minantur & mortes. Dithalassa loca, quæ duplicibus unda fallacis æstibus verberantur, hypocrita sunt, & dolosi: nec desunt piratæ, & Sirenes, aliaque innumera pericula. Iam verò rapidus vortex, & tartarea charybdis, & saxis illisa naufragia, ac mortifera subuersiones, quid aliud æstimanda sunt, quàm peccata? Viden' vt hîc non modica patendi sit materia, ampla hîc fluctuum & tribulationum seges? sed nauis quæ longanimitatis & patientiæ asseribus compacta est, quæ bitumine timoris Dei intus ac foris benè oblita, per medias procellas securæ perueniet ad portum salutis.*

Clemen.  
Roman.  
Epist. I. ad  
Iac. fratrem  
Domini.

Admirabatur Staurophila tam accuratam tamque breuem nauticæ rei descriptionem; & In paucis verbis, inquebat, Domine, quanta mihi consideranda proponuntur! Quot virtutes exercendæ! quot pia

Pfal. 92, 4. obeunda exercitia! *Mirabiles, ô Staurophila, inquebat Christus, elationes maris; sed mirabilis in altis Dominus, huic indefinenter supplicandum, benignam largiatur auram, quâ nauigantes discrimina cuncta superent.* Si quâ deinde pusillanimitas spiritus, si animi deiectione, si tædium aut impatientia aliqua per rimas influxerit, exhaurienda statim erit conscientia sentina. Quàm multa, inquebat Staurophila, incommoda secum adfert nauigatio, præsertim diuturnior. Sanè vt lætissimum ad patriam tendere, ita nescio quàm triste in hoc mari magno tot difficultatibus die noctuque nauigare.

August. de Cant. nouo c. 2. Tom. 9. *Sed inter hæc tristitia, inquebat Christus, celenusina nostrum dulce cantemus, ALLELUIA, vt lati ac securi ingrediamur sempiternam ac felicissimam patriam. Non metuat anima mare hoc magnum, cuius fluctus ac turbines sentit inimicas sæculi potestates. In Deo sperantes multi iam Sancti hos fluctus spreuerunt, multi calcauerunt, multi per aquas securi ad patriam peruenierunt. Sed, inquebat Staurophila, multi quoque naufragium fecere,*

cere, multi submersi sunt in profundum quasi lapis.

Quid tum, inquiebat Christus, absque naui non transitur pelagus; qui decumanos fluctus, qui procellas & tempestates exhorrescit, iisve cedit, mirum non est si naufragium patiatur. Peritus nauta omni vento prosperè nauigat; nouit enim velum ita obliquare, vt contrario etiam vento portum petat. In mari non semper malacia, nec vllum nauigium à procellâ liberum. *Non enim nihil significat nauis illa portans me, & Discipulos meos, quæ contrario vento laborabat in fluctibus. Si in naui pericula sunt, sine naui certus interitus. Opus ergo naui, vt huius mundi submersiõibus vindicaris.*

August.  
Serm. 22.  
de Diuersis  
edit. Lo-  
uan.

Verùm, ne quid præteream, occultum inimicum, ac valdè fraudulentum, qui nauim validè remorari possit, hîc tibi detegam. Quantâ potes sollicitudine & curâ, ô Staurophila, illud cura,

*Ne vita ipsa tuæ immittas Echeneida carnem,*

Nazian. in  
Carm. ad  
Virgin.

*Quæ veluti iniectâ properantem compede puppin*

*Detinet, ac tantam cogit subsistere molem.*

Voluptas carnis, mundiq; prosperitas, CRUCES & tribulationes respuunt, nec aduerso vento nauigare didicerunt. Epulonis nauis

nullam habebat CRVCEM, prospero utebatur vento, sed hoc vento ad infernum nauigauit. Lazari nauis plena erat CRVCIBVS, & aduerso ferebatur vento; sed hic flatus eam in sinum Abrahæ, tamquam in portum tranquillissimū duxit. Et cum fluctus essent tam multi, vicissimque alios super alios Lazarum impeterent, non tamen demersum est nauigium. Diuitis verò nauiserat plena mercium, ac secundo nauigabat vento, verum ad naufragium festinabat, eò quòd onus nolebat circumspectè ponere.

Circumspectiorem me facient, aiebat Staurophila, monitiones tuæ, quæ munitiones quoque aduersus hostium insultus, & varias fluctuationes mihi erunt. Sed scire hoc vnicum tandem velim, an patientiæ hæc nauis optatum etiam subintret portum. Subintrat, inquiebat Christus, & quidem citissimè ac securissimè. Nec est quòd dubites, si me-

Aët. 14, 21. *mineris istius: Per multas tribulationes oportet nos intrare in regnum calorum.* Animaduertis hîc, credo, aquas tribulationum rate CRVCIS secandas, & sic peti portum regni cælorum. *Quòd autem CRVX ad patriam post multos errores redire faciat, satis declarani, cum latroni in CRVCE posito dicerem, Hodie mecum eris in paradiso. Qui vtiq; diu oberans ac naufragus aliter ad patriam paradisi,*

Ambros.  
Serm. 51.  
tom. 5.  
Luc. 23, 44

de quâ primus homo exierat, redire non poterat, nisi fuisset arbori religatus. Sic CRVCIS rate mundi discrimina illecebrosa licet transire, ita melioris vitæ cursus non incidit in scopulos voluptatis. Acclamabat hîc Staurophila, O quàm benè nauigant, qui in nauibus Christi CRVCEM sicut arborem præferunt, atque inde explorant flabra ventorum, ut corpora sua dirigant ad sancti Spiritus gratiam, in ligno Domini tuti atque securi. Felices profus, qui non permittunt naues suas vago fluctu errare per maria, sed ad portum salutis, & ad consummationem gratie cursus sui directione contendunt, ut fidâ tandem statione potiantur, ubi naufragium timere non possint.

Ambros. in  
Psal. 47.



Quadrigæ tuæ, saluatio. Hab. 3, 4.



Quam tuleram, tulit hæc me CRVX: CRVCI et  
 ipsa volucres  
 Adde rotas; si vis currere, currus erit.

## CAPVT XI.

*Vehiculo CRVCIS caelestem adiri  
Ierusalem.*

Quadrigæ tuæ, saluatio. *Hab. 3,4.*

*Quam tuleram, tulit hæc me CRVX, CRVCI  
& ipsa volucres  
Adde rotas, si vis currere, currus erit.*



ROSPERO vento, cum eo cui obediunt venti & mare, litus attingit Staurophila, cumque è naui exscendisset, ita eam Christus excepit: Agendum, dilecta mea, feliciter emensi sumus hoc mare, nec longè sumus à regno Dei, tot votis desiderato. Breue autem quod restat curriculum, curru potiùs conficiemus; partim, vt varietate hac itineris subleuetur molestia; partim, vt citiùs eò pertingas, vbi te speras sine fine mansuram. Dici vix potest, vt hæc Staurophilam delectarint, quæ tacita secum cogitabat, an, veluti alia emolumenta CRVCIS hæctenus exposita ex CRVCE ferè conflata fuerant; ita quoque vehiculum quoddam exhiberetur CRVCIS, quo cale-

cælestem patriam liceret adire. Id verò vt videbat IESVS, statim respondit: Dubitâsne Staurophila, num currum tibi CRVX præstare queat? Et quid obsecro illa mihi aliud fuit, quàm triumphalis currus, quo de mundo, morte & diabolo trophæum erigens,

Luc. 24, 16 cælestem Ierusalem gloriosus intraui. *Oportebat enim pati Christum, & ita intrare in gloriam suam.* An non legisti Prophetam, triumphum CRVCIS meæ describentem? *Cornua, ait, in manibus eius.* cornua scilicet CRVCIS, quibus clavis affixus fui, atqui *ibi abscondita erat fortitudo mea.* Pergit verò narrare, vt in triumphum ducti captiui. *Ante faciem, inquit, eius ibit mors. Egredietur diabolus ante pedes eius.* Quæris quando? Tum

Hab. 3, 4, 5 nimirum, cum *exspolians Principatus & Potestates, traduxi confidenter, palàm triumphans illos in memetipso.* CRVX enim trophæum diaboli fuit, in quo & crucifixus est, & triumphatus. Ne verò currus Prophetam oblitum putes, subiunxit: *Qui ascendes super equos tuos, & QVADRIGÆ tuæ saluatio.*

Coloss. 2, 15. *Origen.* Hom. 8. in Iosue. Hab. 3, 8. *triumphatus.* Nam vt Elias, qui typum mei gessit, curru & equis igneis per turbinem in cælum ascendit; ita & ego, post CRVCEM & passionem, propriâ virtute cælos penetraui. Quid verò iam restat, nisi vt qui consors fuerit CRVCIS meæ, eâdem, veluti vehiculo, euehatur

2. Reg. 4, 11.

in cælum? CRVX siquidem & tribulatio, *habitus victoria, & palmata Christianorum vestis est, talique curru triumphant.* Hoc in veritate tibi dico. *Si libenter, ô Staurophila, CRVCEM portas, portabit te, & ducet te ad desideratum finem, ubi scilicet finis patiendi erit.*

Tertull. in  
Apolog.  
cap. 50.  
Thom. à  
Kemp. l. 2.  
cap. 12.

Oblectabatur plurimum hisce sermonibus Staurophila, & exclamans aiebat: *Quàm bonus Israël Deus, his qui recto sunt corde!* Quàm magna, Domine, misericordia tua super me! qui CRVCEM mihi cõuertis in currum, & quod portandum mihi erat onus, eo ipso me portari & vehi in cælum decreuisti! Clarissimè videre mihi nunc videor, quomodo *diligentibus Deum omnia cooperentur in bonum.* Hoc nimirum erat, Staurophila, subijciebat Christus, quare *ingum meum suave, & onus dixerim leue. Verè enim leue onus est, quod portantem non grauat, sed leuat.* *Quid eo leuius onere, quod non solum non onerat, sed & portat omnem, cui portandum imponitur?* Est onus exonerans, sicut pennæ auium, quæ ferunt à quibus feruntur. Nam esto, appositis pennis onus crescat, tamen sarcina est leuior. Atqui hoc de hac quadrigâ meâ intelligas velim. *Sic enim oneri grauissimo Legis accedens quadriga Euangely, & auxit perfectionem, & difficultatem minuit.*

Psal. 72, 1.

Rom. 8, 28

Matth. 11,  
30.

Bernard.  
Epist. 72.

Et

August. in  
Plal. 59.

Et ideo non grauis est sarcina CRVCIS:  
*Portent illam homines, & inuenient quàm sit  
leuis, quàm suavis, quàm incunda, quàm rapiens  
in celum, & à terrâ eripiens.*

Placebat Staurophila mirum in modum  
spiritualis hic currus: proinde de singulis eius  
partibus benignissimum Magistrum interro-  
gandum duxit, Opto, inquit, mi Domine,  
particulariùs cognoscere, quænam huius  
currus rotæ, qui equi, quis auriga. Næ tu, in-  
quiebat Christus, semel & simul multa pro-  
ponis, quæ singillatim differenda. Quatuor  
spiritualis huius currus rotæ sunt, totidem  
virtutum gemmæ, quibus trophæum CRV-  
CIS ipsemet exornauit: *Charitas* scilicet, *Obe-*  
*dientia*, *Patientia*, & *virtutum radix Humili-*  
*tas*. Ego enim CRVCI affixus ad *Iudeorum*  
*blasphemias humilis, ad vulnera patiens* fui,  
& charitatem nemo maiorem habuit, quàm  
ego, qui animam meam non pro amicis tan-  
tùm, sed & pro inimicis posui. *Obedientia* fuit  
*consummata*, nam *inclinato capite tradidi spi-*  
*ritum, factus obediens vsque ad mortem*. Hicce  
ego rotis currum CRVCIS instruxi, vt es-  
sem vobis *obedientia forma, incentiuum amo-*  
*ris, patientia speculum, humilitatis exem-*  
*plum*.

Bernard.  
Ser. 1. in die  
Paschæ.

Quàm pulchræ, aiebat Staurophila, rotæ  
currus tui, Domine! ô quàm volubiles! quàm  
apta

apta vt nos ad cælum subleuent ! Sed concupiscit anima mea vlteriùs de ijs audire dulcissimum eloquium tuum. Ausculta igitur, ô filia, aiebat Christus. Primò rotam amoris nuncupauit. *Vt enim corpus pondere, sic animus amore fertur, quocumque fertur.* \* *Non laborat amor: nam quò plus amaueris, hoc leuiorem sarcinam ferēs: quandoquidem amorem geris, qui ultra celos omnes ad dilectum vsque portat ac euehit. Etenim amans spiritus, quocumque vult peruolat, cunctis illi celis patentibus.* Vide mihi nunc, quàm congruè vehiculum CRVCIS amoris voluatur rotâ. Nam

*Quantacumque CRVX sit mora,*

*Vix apparet breuis hora,*

*Nec sentitur pra amore.*

Altera rota est vera Obedientia, & conformitas cum voluntate diuinâ. *Nam qui diuinam voluntatem in omnibus sequi conatur, is curru vehitur, cum omnibus CRVCIBVS ipsi alioqui ferendis.* Alij verò, qui hanc itineris agendi rationem & compendium ignorât, ponè sequuntur pedites, & onerosas CRVCES aut morosè trahunt, aut laboriosè ferunt. Itaque expeditus & gaudens homo voluntati Dei conformis, per medias ærumnas ad caelestem patriam securus pergit.

Rota tertia, Patientia est; quæ quantum promoueat ad regnum Dei assequendum,

non

August.  
lib. 10. de  
Ciuit.  
\*Rufbroc.  
lib. De 7.  
amoris  
grad. c. 4.

2.

Dorothei.  
Serm. de  
Obed.

3.

Act. 11, 21

non semel iam doctum dictumq̄. *Per multas enim tribulationes oportet intrare in regnum celorum. Et quod in presenti est momentaneum & leue tribulationis vestræ, supra modum in sublimitate eternum gloriæ pondus operatur.*

2. Cor. 4, 17.

†

Ephes. 4, 10.

Bernard. Sermon. 4. de Ascens. Domini.

Denique quarta rota, *Humilitas* est; sine quâ qui ad cælum ascendere concupiscit, verissimè descendit: qui autem se humiliat, exaltabitur. Hanc rotam ego in meipso ostendi, *quoniam qui de calis descendi, ipse sum & qui ascendi.* Qui aliter vadit, cadit. Vide ergo *ne ductoris imò seductoris iniqui aut vestigium aut consilium sequaris*, ne de curru fortè corruas. Atque hæc de rotis.

Bernard. Sermon. 1. in Dedic. Eccles.

Subiecit verò *Staurophila*: Non graue fit Domino meo, si sermonem non nihil interrupo. Video enim rotas hæc perungēdas. *Necessè est enim ut unctio spiritalis gratiæ adiuet infirmitatem nostram, deuotionis adipe liniens CRVCES patientiæ nostræ. Quia nec sine CRUCE sequi te licet, & sine unctiōne, CRVCIS asperitatem ferre quis posset?* Hinc enim est quòd multi abominantur & fugiunt aduersa, CRUCEM quidem videntes, sed non etiam unctiōnem. Vnde ergo vnguentum huic rei necessarium? Ex me, respondebat Christus, qui à chrismate nomen sumpsit. Vnixit enim me Pater *oleo lætitiæ præ consortibus meis*: quòd non mihi soli serua-

Psal. 44, 9.

ui, sed & in alios deriuatum est. *Oleum enim* Cant. 1, 2  
*effusum nomen* meum. & de plenitudine eius  
 omnes athletæ mei postea peruncti sunt.  
 Haud satis assequor, inquebat Staurophila,  
 quid hoc sibi velit. Cui Christus: Sicut ego  
 descendens in aquas Iordanis, non illas  
 modò, sed omnes omnino sanctificaui, &  
 aptas feci ad sanctificationem Baptismi; ita  
 quoque postquam exiui è ciuitate baiulans  
 mihi CRUCEM, in vnâ illâ omnes alia à me  
 vncto eodem oleo latitiæ delibutæ sunt.  
 CRUCES enim antea erant admodum in-  
 suaues, horridæ, asperæ, & iugum planè  
 grauissimum: verùm ego *computrescere feci* Isa. 10, 27.  
*iugum à facie olei*, vt deinceps CRUX esset  
 iugum suaue, & onus leue. Quare illi qui  
 prius à CRUCE maximè abhorrebant, eam  
 postea vehementer etiam desiderarunt. Vnde  
 exclamat quæcumque est talis: *Trahe me,* Cant. 1, 3.  
*post te curremus in odorem unguentorum tuo-*  
*rum. Quid si ipsam vnctionem in se effusam* Bernard.  
*sentiret, cuius ita tenui exhilarata fragrantia* Sermon. 22.  
*promouetur vt currat, mirum si non & vola-* in Cant.  
*ret. Suspirans hinc Staurophila, Sicut adipe,* Psal. 62, 6.  
*& pinguedine repleatur anima mea,*  
*& labijs exultationis laudabit os meum.*

Sed anhelo, vt de equis quoque benignitas  
 tua sermonem pertexat. Equi, inquebat  
 Christus, quibus currus euehitur, sunt desi-

Bernard. in  
Sentent. *derium ex amore caelestis patriæ, & affectus vi-  
dendi Deum, quibus datur fortitudo, & cir-  
cumdatur hinnitus: calcaria verò, fluxa labili-  
tas presentium, & stabilis aternitas futuro-  
rum. Quàm celeriter, Dilecta mea, hi equi,  
aquilis etiam velociores, eò te perducent,  
quò totâ auiditate tendis? O bonorum equo-  
rum iugum mirabile! quibus fræna pacis, habe-  
na sunt charitatis, constricti inter se concordie  
vinculis, & ingo fidei subiecti! Quàm felix  
est, Domine, inquiebat Staurophila, qui equis  
hisce & salutaribus quadrigis tuis velitur!*

Habac. 3, 8 *verissimè enim scriptum est: Quadrigæ tuæ  
saluatio: iis siquidem expeditissimè ad æter-  
nam perueniemus salutem. Sed de equorum  
Rectore, siue Aurigâ vnicum, precor, adijce  
verbum. Auriga, inquiebat Christus, ipse  
ego sum, Verbum Patris; qui noui equos  
gubernare, vt æqualis omnium sit cursus; &  
segniore flagello iustitiæ excito, vt currant,  
& à terris ad superiora se subrigant, atque  
ad cælum eleuent. Hoc flagello fugata sunt  
illecebræ seculares, exterminatus mundi Prin-  
ceps, Iustorum cursus impletus est. Quid iam  
tibi videtur de toto hoc Equitatu. Satis, in-  
quiebat Staurophila, suauius equitat, quem  
currus patientiæ portat. Rectissimè enim  
Quadriga tua ad cælestem dirigit Ierusalem,  
& veram immortalitatem. Quàm mul-*

Ambros.  
vbi supra

ti enim sunt qui tribulationibus exercitati

*Mortis sacræ compendio*

*Vitam beatam possident?*

Absque CRUCE ad cælum vix peruenissent, aut testudineo incedentes gradu, post diurnos Purgatorij ignes eò serò tandem euolassent. Sed hæc Martyrum, vt credo, prærogatiua est; quorum Currus velocior. Atque vtinam & mihi hæc obtingat felicitas!

Quid ni contingat? aiebat Christus, numquam enim abest Martyrij tempus. *Sine ferro & flammis Martyrem esse licet, si patientiam in animo veraciter conserues.\* Multi ducunt martyrium in lecto, prorsus multi: iacet fidelis in lecto, torquetur doloribus, orat, exauditur; imò non exauditur, sed exercetur, & vt recipiatur filius, flagellatur. Non cedit doloribus per impatientiam, nec malis artibus quærit sanitatem, certat tamen viriliter. Vires non habet, & diabolum vincit: fit martyr in lecto, coronante illo, qui pro illo pependit in ligno.* Viden' vt à curru CRUCIS non excludantur, qui aduersâ valetudine discruciantur? Confide ergo & tu filia, & cum gaudio patientiæ curru in cælum vehere, quia

*Labor hic paruus est, & breuis vita.*

*Merces grandis est, quies infinita.*

*Toties martyr Dei efficeris,*

*Quoties pro Deo pœnam pateris.*

Breuiar.  
Roman. in  
Hym. de  
Mart.

Idiota de  
Verâ pa-  
tient. c. 10.  
\*August.  
Sermon. 39.  
de Diuers.  
cap. 8.

Thom. à  
Kemp. in  
Cant. de  
Patient.

Ascende ad me in montem. E<sub>xod.</sub> 24.12.



Scande tibi faciles CRVX prebet idonea scala  
En patet ad Superos REGIA (Scande) VIA.

## CAPVT XII.

CRVX *scala, quâ ascenditur in  
domum Dei.*

Ascende ad me in montem. *Exod. 24, 12.*

*Scande, tibi faciles CRVX præbet idonea  
scalas,*

*En patet ad Superos REGIA (scande) VIA.*



ALENTIBVS votis & rotis fen-  
sim Staurophila supernæ Ieru-  
salem appropinquabat, quam  
cùm à longè vtrumque aspi-  
ceret, ita eam Christus excita-  
uit: *Leua nunc, amica mea, oculos tuos, &  
vide ciuitatem illam supra montem posi-  
tam. Hæc est enim Ierusalem illa, quæ sursum  
est, quæ edificatur vt ciuitas, cuius participa-  
tio eius in idipsum. Hæc ciuitas Regis magni,  
cuius fundamenta in montibus sanctis.*

Vix se tenebat hæc audiens Staurophila,  
& præ lætitiâ exultans, aiebat: *Gloriosa dicta  
sunt de te ciuitas Dei. Beati omnes, qui dili-  
gunt te, & qui gaudent super pace tuâ. Letata  
prorsus sum in his quæ dicta sunt mihi, quia  
stantes erunt pedes nostri in atrijs tuis Ierusa-  
lem. Sed quis iam deducet me in ciuitatem*

Gal. 4, 26.

Psal. 121, 3

Psal. 47, 9.

Psal. 86, 1,

Psal. 86, 2.

Tob. 13, 18

Psal. 121, 1

Psal. 59, 10

*munitam? quis adducet, Domine, in montem  
Psalm. 5, 4. sanctum tuum, & in tabernacula tua? Quis  
dabit mihi pennas, sicut columbae, & volabo,  
& requiescam?*

Excepit Christus: Non opus est alis, sed  
SCALIS: neque enim volando, sed gradatim  
ascendendo peruenitur in montem Domi-  
ni. Non meministi vt Patriarcham Iacob  
Deus olim solatus sit, ostendens illi SCALAM  
Gen. 28,  
12. *stantem super terram, & cacumen illius tan-  
gens caelum: Angelos quoque Dei ascendentes  
& descendentes per eam, & Dominum inni-  
xum scala? Memini, inquit Staurophila,  
historiæ huius: sed expone, quæso, spirituale  
quod in eo latet mysterium. Et Christus:  
Philo 1. de  
Somnijs. *Miranda sunt hæc prorsus; continent enim  
perillustre laboris & patientiæ exemplum. Sca-  
Tertull.  
1. 3. Cont.  
Marcion. *la enim hæc ostendit arduum iter ad caelum,  
quo quidem alij per labores CRVCESQUE  
perueniant; unde alij difficultate superati  
decidant. Sed utcumque laborem habeat hic  
ascensus, aiebat Staurophila, illud tamen  
dulcissimè solatur, quòd gradibus his supe-  
ratis, aditus pateat in caelum. Ita est, inquit  
Christus, & hoc voluit æterna Dei Sa-  
Sap. 10, 10 *pientia, cum profugum ira fratris iustum de-  
duxit per vias rectas, & ostendit illi regnum  
Dei, & dedit illi scientiam Sanctorum: honestauit illum in laboribus, & compleuit labores  
illius.****

*illius.* Iam tum sanè id Iacob agnoscebat,  
 unde & euigilans, pauensque dicebat: *Quàm* Gen. 28.  
*terribilis est locus iste! non est hìc aliud nisi*  
*domus Dei, & porta celi.* nimirum hæc ideò  
 illi ostensa, vt nec fratrem, nec ærumnas,  
 nec dolores vllos refugeret, quibus ni-  
 mirum sciret cælestes adiri mansiones, &  
 requiem parari æternam. Quis, inque-  
 bat Staurophila, similes mihi concedat  
 scalas, vt ascendam ad montem Domini,  
 & ad domum Dei Iacob? Ecce terra deorsum,  
 quam calcamus pedibus nostris: ecce iam calum  
 sursum, quod videmus oculis nostris; & ascen-  
 dere gestiens, canto: *Ad te leuavi oculos*  
*meos, qui habitas in celis. vbi sunt ergo scala?*  
*tanta enim interualla conspicio inter calum &*  
*terram, tantam separationem & tanta spatia*  
*locorum; & illuc volo ascendere, & scalas non*  
*video.* An nescis, respondebat Christus, vt in  
 alijs, ita & hìc ipsam tibi præsidio fore CRV-  
 CEM? *quàm magna enim & mira ego cælestis*  
 Architectus de CRUCE meâ feci? Ex ipsâ  
 enim *scalas cæli, per quas hominem lapsum*  
 ad cælestem patriam leuarè, construxi. *O qua-*  
*les scala! quarum caput in calum positum, per*  
*quas ipse & ascendi, & descendi, & propter cõ-*  
*firmationem ipse super eas incumbo! Ascende*  
*secura, si desideras calum: non te terreat earum*  
*nec angustia, nec longitudo, nec altitudo: nihil*

Isaie 2, 3.  
 August. in  
 Psal. 122.

August. de  
 Cataclyf.  
 tom. 9.

*timeas, non nutant gradus eius, quos ego Architectus sic confirmaui, ut in eius ligno manus meas clavis affigi voluerim. Desuper autem scalæ innitor, ut lassis manum porrigam, ut ascendentes meo ad labores prouocem aspectu.*

Hieron:  
Epist. ad  
Iulian.  
tom. I.

O Domine, inquit Staurophila, quanto desiderio desiderat anima mea per SCALAM CRVCIS ascendere in Bethel, in domum Dei nostri! Huc enim me prouocat, huc inuitat facies illa tua decora, in quam desiderant Angeli prospicere. Sed ascendere conanti porrige, quæso, manum, & ostende iam quomodo CRUX & tribulatio SCALA sit cæli.

Habet hoc, respondebat Christus, omnis aduersitas & CRUX, ut quantum hominem in cerore deprimere videtur, tantum subleuet ad cælum, Deo que faciat viciniorem. Ita aquæ diluuij quod magis increfcebant, & arcam Noë obruere videbantur, eò magis à terrâ ad sidera eleuabant. Quàm sæpè afflicti, gementes, excruciiati experti sunt se ipsâ CRUCE à terrenis ad cælestia sustolli! nec ipsa id nescis, Staurophila. Scio Domine, inquit illa, sed totam scalæ fabricam si fas sit, nouisse luberet. Cui Christus, Latera huius Scalæ sunt duo illa verba, *Sustine, & abstine*. Quid verò de gradibus dicam, quos

quos tibi Paulus *demonstrat*, & ascendentes quamplurimos inuitat: *Flecto, inquit, genua mea ad Patrem Domini nostri Iesu Christi, ut det vobis comprehendere cum omnibus Sanctis, quæ sit altitudo & latitudo, longitudo & profundum. Quatuor gradus posuit CRVCIS. Non ergo laboriosæ sunt hæ scalæ. Quatuor gradus habent, & perducunt ad cælum. In altitudine caput positum est crucifixi. Sursum cor habeat Christianus ad Dominum, quod interrogatus quotidie respondet, & ascendit unum gradum: in latitudine CRVCIS manus affixæ sunt crucifixi. Perseuerent manus Christiani in operibus bonis, & secundum gradum ascendit. In longitudine CRVCIS corpus pependit crucifixi. Castiget quis corpus suum observationibus, ieiunijs illud suspendat, ut seruituti animæ subijciat, & tertium gradum ascendit. In profundo CRVCIS occultum est quod non vides, sed inde exurgit hoc totum quod vides. Adsit fides Christiana, quod non potest comprehendere, credat corde, altiora à se non querat, spes eum nutriat, & tunc quartum gradum ascendit. Per hos gradus ascenderunt Sancti omnes, continentes, coniugati fideles, euaserunt ruinas mundi, migrauerunt ad loca tutissima.*

Felices prorsus, inquit Staurophila, hi gradus, quibus ad felicitatem conscenditur

æternam! Vtinam, Domine, celeri cursu illos  
 superare queam! Cui Christus: *Ascēssiones* has  
 in corde disponere oportet in hac valle lacry-  
 marum, in loco quē tibi Deus posuit. Ille etenim  
 benedictionem dabit, vt eas de virtute in vir-  
 tutem, donec videas Deum deorum in Sion.  
 Non te terreat labor, non reuocet difficul-  
 tas: neque enim ad aureum Salomonis re-  
 clinatorium aditus patet, nisi per ascensum  
 purpureum. Nōne vides vt ipsa CRVX, ex  
 quā *scalas* mihi in cælum feci, fuerit ornata  
 Regis purpurā? Non legisti *rubrum* fuisse  
 indumentum meum, & velut calcantium in  
 torculari? Age igitur, cruenta Sponsi tui lege  
 vestigia, & imitationis feruore eisdem infiste,  
 vt cum eo simul ascendas in montem san-  
 ctum, & in tabernacula æterna. Parata sum,  
 subijciebat *Staurophila*, & non sum turba-  
 ta, vt sequare vestigia Dilecti mei, vt *ascendam*  
 ad *populum accinctum nostrum*: nam, vt non  
 semel intellexi, *sancti Martyres ad cælestis re-*  
*giæ ianuam gradibus pœnarum suarum ascen-*  
*dentes, scalas sibi quodammodo de equuleis,*  
*catastis, & CRVCIBVS fecerunt.* Sed obsecro,  
 Domine, trahere me post te, quia retrahit à te  
 corpus hoc aggrauans animam. Dirige quæ-  
 so gressus meos, ne commoueantur pedes  
 mei: operi manum tuarum, Domine, porri-  
 gas dexteram, ne corruam in conspectu ad-  
 uer-

Psal. 83;

Cant. 3, 10

Isaia 63, 2.

Hab. 3, 16

Saluian.  
 lib. 3. de  
 Gubernat.  
 Dei.

uerfariorum meorum. Vix hæc elocuta erat, cum Christus extensâ manu apprehendit eam, & subleuauit ad se in montem, dicens: Optimum, Dilecta mea, factum, quod imploraris auxilium meum, nec in potentiâ tuâ, sed in me solo habueris fiduciam. Nam *qui sperat in Domino, subleuabitur*: nec unquam de deserto huius mundi ascendere poterit anima, nisi innixa super Dilectum suum. Cui illa: Docuisti hoc, Domine, ancillam tuam, ut speraret in te. Propterea confitebor tibi, & exultabo in Deo IESU meo. *Benedictus Deus meus, & exaltetur Deus salutis meæ. Deus, qui præcinxit me virtute, & posuit immaculatam viam meam. Qui perfecit pedes meos tamquam ceruorum, & super excelsa statuit me. Et dedisti mihi protectionem salutis, & dextera tua suscepit me. Propterea diligam te Domine fortitudo mea, & benedicam nomini tuo in seculum, & in seculum seculi.*

Prouer. 29,

25.

Cant. 8, 5.

Hab. 3, 18.

Psal. 17, 47

V. 33.

V. 1.

\*Psal. 144,

1.



Pulsanti aperietur. Luc. 11, 10.



Hem! CRVCE pulso fores, Proceres attollite  
portas:  
Cognitus hic vobis (eia aperite) sonus.

## CAPVT XIII.

CRUX regni cælorum pandit portas.

Pulsanti aperietur. *Luc. II, 10.*

Hem! CRUCE pulso fores, Proceres attollite  
portas,  
Cognitus hic vobis (eia aperite) sonus.



VECTA iam erat Staurophila  
ad ipsum montis fastigium, in  
quo ante ipsam Ierusalem lata  
quædam area, non admodum  
tamen longa protendebatur.  
Hic verò Christus Dilectam suam ita affatus  
est: In proximo est, mea Staurophila, vt im-  
pleatur desiderium tuum, ecce enim hæc est  
ciuitas Regis magni.

Viden' vt luce splendidâ fulgeat, cuius  
fundamenta in montibus sanctis, & lumen *Psal. 47, 9.*  
eius simile lapidi pretioso, tamquam lapidi  
iassidis, sicut crystallum; ecce murum ma- *Apoc. 21,*  
gnum, & altum habentem portas duodecim: *II.*  
tota structura muri ex lapide iasside; ipsa ve- *Ibid. v. 18.*  
rò ciuitas aurum mundum simile vitro mun- *21.*  
do. Singule portæ ex singulis margaritis, &  
platea ciuitatis aurum mundum tamquam vi-  
trum perlucidum. Quàm grata hæc oculis,  
quàm

quàm iucunda! Nec auribus hîc sua deest  
 Tob. 13, oblectatio; nam per *vicos eius* perpetuum  
 22. & suauissimum *Alleluia* cantabitur. Lætitia  
 Psal. 33, 1. gestiens Staurophila exclamabat: *Quàm*  
*dilecta tabernacula tua, Domine virtutum!*  
*concupiscit, & deficit anima mea in atria*  
*Domini: quia melior est dies vna in atrijs tuis,*  
 Psal. 25, 8. *super millia. Dilexi enim, Domine, decorem*  
*domus tue, & locum habitationis glorie tue.*

Meritò sanè, inquebat Christus; hîc enim  
 Isaie 61, 3. dabitur tibi, omnibusque lugentibus corona  
 pro cinere, oleum gaudij pro luctu, pal-  
 Apoc. 21, 4. lium laudis pro spiritu mœroris. Hîc abster-  
 get Deus omnem lacrymam ab oculis Sancto-  
 rum, & mors ultra non erit, neque luctus,  
 Isaie 60, 5. neque clamor, neque dolor erit ultra, quia pri-  
 ma abierunt. Tunc, ô charissima, videbis,  
 & afflues, & mirabitur & dilatabitur cor  
 Psal. 35, 9. tuum. Tunc inebriaberis ab ubertate domus  
 Dei, & torrente voluptatis potaberis. Tunc  
 quoque cum alijs Sanctis gratulabunda di-  
 ces: *Sicut audiuimus, sic vidimus in ciuitate*  
*Domini virtutum, in ciuitate Dei nostri.*

Domine, inquebat Staurophila, vt hæc  
 Psal. 41, 5. *recordata sum, effudi in me animam meam,*  
*quoniam transibo in locum tabernaculi admi-*  
*rabilis vsque ad domum Dei.*

Sed, ô Domine, si inueni gratiam in ocu-  
 lis tuis, iam ampliùs noli tardare, sed ostende

de mihi, obsecro, gloriam tuam. Ita suspirans, & velut ceruus desiderans introitum caelestis Ierusalem, leniter ducente & comitante Christo, deambulabat Staurophila, donec tandem peruentum est ad portam ciuitatis; cum Christus ad eam: *Hæc porta Domini, iusti intrabunt in eam.* Iam, ô dilecta, cursum consummasti, fidem seruasti, reliquum est vt intres in gaudium Domini, receptura coronam iustitiæ. An non vides vt te candidatorum Martyrum exercitus exspectet, vt Virginum turba inuitet, vt omnis curia caelestis cum gaudio acclamet: *Veni sponsa Christi, accipe coronam, quam tibi Dominus preparauit in æternum?* Eleuans porrò oculos Staurophila, videre sibi visa est turbam magnam stantem ante thronum in conspectu Agni; & omnes (vt apparebat) amicti stolis albis, & palma in manibus eorum. Cui Christus: *Hi qui amicti sunt stolis albis, qui sunt? & vnde venerunt?* Ait illa: *Domine mi, tu scis. Et dixit: Hi sunt qui venerunt de tribulatione magnâ, & lauerunt stolas suas, & dealbauerunt eas in sanguine Agni, ideò sunt ante thronum Dei, & seruiunt ei die ac nocte. Non esurient, neque sitient amplius, nec cadet super illos Sol, neque ullus estus: quoniam Agnus, qui in medio throni est, reget illos, & deducet eos ad vitam*

Psal. 117.,

19.

Breuiar.

Rom.

Apoc. 7. 13

Ibid.

vita

*vite fontes aquarum.* O vtinam eorum iungar consortio! aiebat Staurophila; vtinam societate fruar ciuium supernorum, qui me expectant, donec retribuas mihi! Sed quid agimus, Dilecte mi? en fores etiamnum clausæ sunt: quis eas referabit? Clamare vix ausim, atque vt excelsâ voce inclamen, repulsam timeo. Memini enim fatuas illas

Matth. 25, 12. virgines, quæ dicebant, *Domine, Domine, aperi nobis*, audiuisse durum illud *Nescio vos.*

Quid hæsitas? inquiebat Christus. ipsâ  
Luc. 11, 10. CRUCE tuâ, ceu malleo, validissimè portas has pulsa, *pulsanti enim aperietur.* Nec insolentiam metue, *regnum enim calorum vim patitur, & violenti rapiunt illud.* Nonne

Matth. 11, 12. omnes admonens olim dixi: *Contendite intrare per angustam portam*, vt scirent fas esse non tantùm pulsare, sed multâ etiam vi & contentione viam sibi in cælum aperire: *quia multi quarent intrare, & non poterunt.* Id verò aptissimè fecerit CRUX,

Luc. 13, 24. quæ paradisum referat, & cælestis regni clavis est. Iubentis vocem secuta Staurophila, semel iterumque, quantâ vi poterat, ianuam cæli CRUCE pulsabat, dicens: *Attollite portas, principes, vestras, & eleuamini portæ æternales, & introibo in tabernaculum Dei mei.* Nec mora; statim apertum est cælum; & electa illa post tot CRUCES

ces & tribulationes, exultans & lætabunda admissa est in atria Domini. Antequam verò intraret, chartam quamdam in terram dimisit, quam adstantium quidam auidè rapiens, & pià curiositate aperiens, vidit in eâ scriptum

## TESTAMENTVM STAVROPHILÆ.

✠ In nomine Domini nostri IESV  
CHRISTI Crucifixi, Amen.

**S**taurophila athereos iam iam subitura penates,

*Hæc mittit genti verba suprema sua.*

*Hactenus, ut licuit, nostros spectastis agones,*

*Et VIA quo passu sit mihi trita CRVCIS.*

*Nunc meritum bonitate suâ mihi pandit Olympum,*

*Qui fuerat nostræ Duxq; Comesq; viæ.*

*Sed tamen extrema (vel in ipso limine celi)*

*Signa voluntatis scribere posse dedit:*

*Insit & Aligerum, qui me custodit, Achatem,*

*Hæc TESTAMENTI verba notare mei.*

*Illa ego tot pridem, magnosq; experta labores*

*Staurophila, è CRVCIS hac sat benè nota*

*VIA;*

*Exiguo vixi calebs, & paupere censu:*

*Patris opes CHRISTI nomine, pauper habet.*  
*At mihi ductoris largo de munere IESV*  
*Sunt bona, pauca quidem, sed meliora super.*  
*Horum, mortales, ego vos ex asse relinquo*  
*Heredes, & ius omne resigno meum.*

*Protulit aeterna quæ CHRISTVS dogmata*  
*vite,*

*Quæq; salutifera sunt CRVCIS apta VIÆ;*  
*Hæc ego Testatrix, tribus his signata libellis,*  
*Aeternum vobis nuncupo, lego, dico.*

*Quæ CRVCIS in stadio vestigia nostra le-*  
*guntur,*

*Lego eadem, vestro sed relegenda pede.*

*CRVX superest, nostræ CRVX maxima causa*  
*salutis,*

*Quâ mihi nil toto gratius orbe fuit;*  
*Hanc quoque transcribo, capite, & citò ferte*  
*ferentem*

*IESV Staurophoris præmia mille CRVCEM.*  
*Illa triumphalis Superûm mihi currus ad aulâ:*  
*Si placet hæc vobis meta, tenete VIAM.*

*Actum in atriis caelestis Ierusalem, regnante*  
*à ligno CRVCIS Domino nostro IESV*  
*CHRISTO:*

*Ego STAVROPHILA ancilla*  
*CHRISTI Testamentum meum*  
*relegi, signavi, subscripsi. ✠*

*Hæc*

Hæc dilapsa cælo continebat scheda. Interim Staurophila intrauit in gaudium Domini sui, in gaudium illud, quod solum est verum & solidum gaudium: *quod non de creaturâ, sed de creatore concipitur; cui comparata omnis aliunde iucunditas, mæror est; omnis suauitas, dolor est; omne dulce, amarum; omne decorum, fædum; omne postremò quodcumq; aliud delectare possit, molestum.*

Bernard.  
Epist. 114.

Quis verò cogitare sufficiat, quanto deuotionis affectu tota in eius occursum caelestium legionum prodierit multitudo? quibus ad thronum glorie canticis sit deducta, quàm placido vultu, quàm serenâ facie, quàm diuinis amplexibus à Sponso suscepta?

Bernard.  
Serm. i. de  
Assumpt.  
B. M. A.  
R. I. A. E.

Sed frustra omnino sim, si quod in illâ viuentium regione iam videt, audit, gustat, & tranquillissimâ possidet securitate, exponere voluero. Quia *nec oculus vidit, nec auris audiuit, nec in cor hominis ascendit, quæ preparauit Deus iis, qui diligunt illum.*

I. Cor 2, 9

Res ista fide non capitur, spe non attingitur, charitate non apprehenditur; desideria & vota trãsgreditur. Quid igitur? desperandumne est? minimè: *estimari non potest, ACQVIRI POTEST.* Quo autem pretio? *quanto labore digna est requies, quæ non habet FINEM?*

Augustinus.

August. in  
Psalm, 93.

*Si verum vis iudicare, aeterna requies aeterno labore rectè emitur. Verum hoc est; sed noli timere,*

404 REG. VIÆ CRVCIS LIBER TERTIVS.  
*mere, misericors est Deus. Si enim haberes æternum laborẽ, numquam peruenires ad æternam quietem. Ergo vt aliquando peruenias ad id quod emis, non in æternum laborandũ est, non quia non valet tanti, sed vt possideatur, quod emitur. Decies centena millia annorum in labore quid valent? Decies centena millia annorum habent FINEM; quod tibi dabo, dicit Dominus, non habebit FINEM. Qualis misericordia Dei? nec dicit, Decies centena millia annorum labora; non dicit, Vel mille annos labora; non dicit, Quingentos annos labora; sed, Cũ viuís labora, in paucis annis. Inde iam requies erit, & FINEM non habebit.*

Augustin.  
lib. 22. de  
Ciuit. Dei  
cap. 30.

O requies æterna! Ô FINIS sine FINE!  
Ô gaudium immensum! Ô tranquillissima  
quies in Deo ipso! *qui est desideriorum nostrorum FINIS, qui sine FINE videbitur, sine fastidio amabitur, sine fatigatione laudabitur. Ecce quid erit in FINE, sine FINE! Nam quis alius noster est FINIS, nisi peruenire ad Regnum cuius nullus est FINIS?*

HUC REGIA CRVCIS ducit VIA;  
huc suo, vt vidimus, itinere peruenit Staurophila, hic etiam totius nostræ sc̄riptionis ad Dei vnus gloriam sit tandem.

FINIS.

IN

INDEX LOCORVM  
S. SCRIPTVRÆ

QVÆ  
IN HIS LIBRIS  
EXPLICANTVR.

GENESIS.



APVT 6. *Vers.* 3. Non permanebit spiritus meus in homine in æternum, quia caro est. *Paginâ* 270

28, 12. Viditque in somnis scalam stantem super terram, & cacumen illius tangens cælum. 390

42, 21. Meritò hæc patimur, quia peccauimus in fratrem nostrum. 199

EXODVS.

4, 3. Virga Moysis versa est in colubrum. 139  
23, 4. Si occurreris bovi inimici tui, aut asino erranti, reduc ad eum. 254

23, 15. Si non tu ipse præcedas, ne educas nos de loco isto. 161

DEUTERONOMIUM.

33, 9. Qui dixit patri suo, & matri suæ: Nescio vos. 110

19. Inundationem maris quasi lac fugent. 213

Cc 3 IVDI.

INDEX LOCORVM

I V D I C V M.

16, 21. Eruerunt oculos eius, & clausum in carcere molere fecerunt. 85

T O B I A S.

3, 13. In tempore tribulationis peccata dimittis his, qui inuocant te. 306

12, 13. Neceſſe fuit vt tentatio probaret te. 44

I V D I T H.

8, 26. Reputantes peccatis noſtris hæc ipſa ſupplicia minora eſſe. 199

E S T H E R.

5, 3. Oſculata eſt ſummitatem virgæ eius. 240

I O B.

1, 21. Dominus dedit, Dominus abſtulit. 245

6, 10. Hæc mihi ſit conſolatio, vt affligens me dolore non parcat. 312

36, 15. Reuelabit in tribulatione aurem eius. 316

P S A L M I.

2, 12. Ne quando irafcatur Dominus, & percaſtis de viâ iuſtâ. 312

15, 4. Multiplicatæ ſunt infirmitates eorum, poſteâ accelerauerunt. 224

22, 4. Virga tua & baculus tuus ipſa me conſolata ſunt. 241

29, 7. Ego dixi in abundantia meâ: Non moueboꝝ in æternum. 170

31, 4. Conuerſus ſum in arumnâ meâ, dum configitur ſpina. 317

10. Multa

S. SCRIPTURÆ.

	10. Multa flagella peccatorum.	81
sum in 85	33, 19. Iuxta est Dominus iis qui tribulato sunt corde.	359
	20. Multa tribulationes iustorum.	15
	34, 6. Via eorum tenebra & lubricum.	86
	44, 14. Omnis gloria filia Regis ab intus.	259
dimit- 306	49, 15. Inuoca me in die tribulationis.	221
te. 44	54, 16. Descendant in infernum viuentes.	202
	55, 1. Miserere mei Domine, quoniam conculcavit me homo.	331
	62, 6. Sicut adipe & pinguedine repletur anima mea.	385
c ipsa 199	72, 5. In labore hominum non sunt, & cum hominibus non flagellabuntur.	200
s. 240	76, 3. In die tribulationis meae Deum exquisiui manibus meis.	223
	79, 6. Potum dabis nobis in lacrymis in mensura.	51
245 ns me 312	80, 12. Dimisi eos secundum desideria cordis eorum, ibunt in adinventionibus suis.	311
is. 316	82, 17. Imple facies eorum ignominia, & quaerent nomen tuum Domine.	224
	90, 15. Cum ipso sum in tribulatione.	359. 363
bera- 312	98, 8. Et ulciscens in omnes adinventiones eorum.	308
rum, 224	106, 13. Clamauerunt ad Dominum cum tribularentur.	222
onfo- 241	115, 4. Calicem salutaris accipiam, & nomen Domini inuocabo.	216
noue- 170	118, 28. Dormitauit anima mea praeter radio, confirmata me in verbis tuis.	294
dum 317	37. Auerte oculos meos, ne videant vanitatem.	153

INDEX LOCORVM

129. Confige timore tuo carnes meas. 269  
 119, 1. Ad Dominum cùm tribularetur clamaui. 222

PROVERBIA.

- 3, 11. Disciplinam Domini, fili mi, ne abicias cùm ab eo corripieris. 177  
 12, 7. Verte impios, & non erunt. 106  
 13, 4. Vult & non vult piger. 57  
 16, 11. Pondus & statera iudicia Domini sunt. 49  
 19, 2. Qui festinus est pedibus, offendit. 155  
 24, 16. Septies cadit iustus. 309  
 25, 21. Si esurierit inimicus tuus, ciba illum: si sitierit, da ei aquam bibere: prunas enim congregabis super caput eius, & Dominus reddet tibi. 254  
 29, 25. Qui sperat in Domino, subleuabitur. 395

ECCLESIASTES.

- 2, 12. Quid est homo, vt sequi possit Regem factorem suum? 166  
 7, 27. Virum de mille vnum reperi: mulierem ex omnibus non inueni. 99

CANTICA.

- 1, 2. Adolescentulæ dilexerunt te. 124  
 Oleum effusum nomen tuum. 385  
 3. Trahe me post te, in odorem vnguentorum tuorum curremus. 59. 385  
 12. Fasciculus myrrhæ dilectus meus mihi, inter vbera mea commorabitur. 164  
 2, 16. Dilectus meus mihi, & ego illi. 211  
 3, 1. Quæsiui illum, & non inueni. 279  
 9. Fer-

S. SCRIPTURÆ.

269	9. Ferculum sibi fecit Rex Salomon delignis Libani, columnas eius fecit argenteas, &c.	281
cla- 222	4, 9. Vulnerasti cor meum in vno oculorum tuorum.	221
icias	7, 8. Ascendam in palmam, & apprehendam fructus eius.	291
177	8, 5. Innixa super dilectum suum.	395
106	6. Fortis est vt mors dilectio.	270

S A P I E N T I A.

49	1, 11. Custodite vos à murmuratione, quæ nihil prodest.	177
155	3, 2. Deus tentauit eos, & inuenit illos dignos se.	165
309	10, 10. Iustum deduxit Dominus per vias re-ctas, & ostendit illi Regnum Dei.	390
lum: gre- 254		
abi- 395		

ECCLESIASTICVS.

gem 166	2, 4. Sustine, & in dolore tuo patientiam ha-be.	233
erem 99	13. Pius & misericors est Deus, & remitter in die tribulationis peccata.	305
	16. Væ his, qui perdiderunt sustinen-tiam.	181
	10, 29. Noli extollere te in faciēdo opere tuo.	187
124	23, 38. Gloria magna est, sequi Dominum.	165
385	27, 12. Stultus sicut luna mutatur.	192
ento- 385	34, 2. Quasi qui apprehendit vmbra, & per-sequitur ventum, sic & qui attendit ad visa men-dacia.	191
mihi, 164	35, 21. Oratio humiliantis se nubes penetra-bit.	219.

INDEX LOCORVM

ISAIA S.

- 3, 12. Qui te beatum dicunt, ipsi te decipiunt. 192  
 7, 15. Ut scias reprobare malum, & eligere bonum. 131  
 9, 6. Factus est principatus super humerum eius. 259  
 10, 27. Computrescet iugum à facie olei. 385  
 26, 10. Misereamur impio, & non discet iustitiam. 311  
 28, 19. Sola vexatio intellectum dabitur tui. 316  
 30, 21. Hæc est via, ambulate in eâ. 7  
 66, 2. Ad quem respiciam, nisi ad pauperculum & contritum spiritu. 338

I E R E M I A S.

- 4, 18. Viæ tuæ & cogitationes tuæ fecerunt hæc tibi. 199  
 23, 29. Numquid non verba mea quasi malleus conterens petram? 270

E Z E C H I E L.

- 1, 11. Facies eorum & pennæ eorum extentæ desuper. 153  
 16, 42. Iam non irascat tibi, zelus meus recessit à te. 310  
 43, 10. Ostende domui Israel templum, & mentionetur fabricam eius. 336

M I C H A E A S.

- 7, 9. Iram Domini portabo, quoniã peccavi ei. 199  
 HABA-

S. SCRIPTURÆ.

H A B A C V C.

3, 2. Cùm iratus fueris, misericordiæ recordeberis.	312
4. Quadrigæ tuæ saluatio.	380
16. Vt ascendam ad populum accinctum nostrum.	394

II. M A C H A B.

6, 13. Multo tempore non sinere peccatoribus ex sententiâ agere, sed statim ultiones adhibere, magni beneficij est indicium.	247
--	-----

E X N O V O

T E S T A M E N T O.

M A T T H Æ V S.

5, 44. Diligite inimicos vestros, benefacite his qui oderunt vos.	250
6, 1. Attendite ne iustitiam vestram faciatis coram hominibus, vt videamini ab eis.	151
6, 3. Nesciat sinistra tua, quid faciat dextra tua.	190
22. Si oculus tuus fuerit simplex, totum corpus tuum lucidum erit.	18
10, 38. Qui non accipit crucem suam, & sequitur me, non est me dignus.	44. 165
11, 30. Iugum meum suaue est, & onus meum leue.	381
12, 48. Quæ est mater mea, & qui sunt fratres mei?	110.
13, 22. Qui	

INDEX LOCORVM

- 13, 22. Qui autem seminatus est in spinis, hic  
est qui verbum audit, & sollicitudo sæculi istius, &  
fallacia diuitiarum suffocat verbum. 90  
16, 23. Vade post me satana. 159  
20, 23. Calicem quidem meum bibetis. 258

L V C A S.

- 2, 35. Tuam ipsius animam pertransibit gla-  
dius. 31  
6, 22. Beati eritis cum vos oderint homi-  
nes. 230  
9, 23. Dicebat autem ad omnes. 10  
Si quis vult post me venire. 54  
Abneget semetipsum. 105  
Tollat Crucem. 138  
Crucem suam. 127  
Quotidie. 179. 182  
Et sequatur me. 157. 163  
11, 34. Si oculus tuus fuerit simplex, totum cor-  
pus tuum lucidum erit. 152  
13, 24. Contendite intrare per angustam por-  
tam. 400  
19, 5. Zachæe festinans descende. 158  
23, 26. Imposuerunt illi Crucem portare post  
Iesum. 158  
44. Hodie mecum eris in paradiso. 376  
24, 26. Oportuit pati Christum, & ita intrare in  
gloriam suam. 208

I O A N N E S.

- 2, 4. Quid mihi & tibi est mulier? 109  
10, 33. In mundo pressuram habebitis. 327  
13, 15. Exemplum dedi vobis, vt quemadmo-  
dum ego feci, ita & vos faciatis. 164  
14, 6. Ego

S. SCRIPTURÆ.

- 14, 6. Ego sum via, veritas, & vita. 166  
15, 2. Omnem palmitem, qui fert fructum,  
purgabit eum, vt fructum plus adferat. 308  
18. Si mundus vos odit, scitote quia me  
priorem vobis odio habuit. 277  
18, 11. Calicem, quem de dit mihi Pater, non  
vis vt bibam illum? 216

ACTVS APOSTOLORVM.

- 9, 4. Saule, Saule, quid me persequeris? 366  
14, 21. Per multas tribulationes oportet nos in-  
trare in Regnum cælorum. 376.

AD ROMANOS.

- 8, 18. Non sunt condignæ passionis huius tem-  
poris ad futuram gloriam quæ reuelabitur in no-  
bis. 205  
28. Diligentibus Deum omnia cooperantur  
in bonum. 319  
29. Quos præsciuit, hos & prædestinauit  
conformes fieri imaginis Filij sui. 365  
38. Quis nos separabit à charitate CHRIS-  
TI? 214

I. AD CORINTHIOS.

- 1, 18. Verbum Crucis pereuntibus stultitia  
est. 78  
Verbum Crucis iis, qui salui fiunt, Dei  
virtus est. 295  
3, 16. Nescitis quia templum Dei estis, & spi-  
ritus Dei habitat in vobis. 336  
4, 13. Tamquam purgamenta huius mundi fa-  
cti sumus, omnium per ipsam vsque adhuc. 277  
7, 28. Tri-

INDEX LOCORVM

- 7, 28. Tribulationem tamen carnis habebunt  
huiusmodi. 95  
10, 13. Fidelis est Deus, qui non patietur vos  
tentari supra quàm potestis. 49. 174  
31. Omnia in gloriam Dei facite. 153  
11, 12. A Domino corripimur, ne cum hoc  
mundo damnemur. 195

II. AD CORINTHIOS.

4. 16. Id quod in præfenti est momentaneum  
& leue tribulationis nostræ, æternum gloriæ pon-  
dus operatur in nobis. 174  
5, 15. Qui viuunt, iam non sibi viuunt, sed ei,  
qui pro ipsis mortuus est. 108  
6, 8. Per gloriam, & ignobilitatē, per infamiam,  
& bonam famam; vt seductores, & veraces. 25  
7, 4. Superabundo gaudio in omni tribula-  
tione nostrâ. 231  
10, 17. Qui gloriatur, in Domino gloriatur. 258

AD GALATAS.

- 2, 19. CHRISTO confixus sum Cruci. 279  
20. Viuo autem, iam non ego: viuit verò in  
CHRISTVS. 107. 284  
5, 24. Qui CHRISTI sunt, carnem suam  
crucifixerūt cum vitis & concupiscentiis. 125. 267  
6, 14. Mihi absit gloriari, nisi in Cruce Do-  
mini nostri IESV CHRISTI. 260. 275. 291  
*Ibid.* Mihi mundus crucifixus est, & ego  
mundo. 17. 275

AD EPHESIOS.

- 3, 18. Vt possitis comprehendere cum omni-  
bus Sanctis, quæ sit lauitudo & longitudo, & subli-  
mitas, & profundum. 340. 393.  
A D

S. SCRIPTURÆ.

AD PHILIPPENSES.

1, 29. Vobis donatum est pro CHRISTO,  
non solum ut in illum credatis, sed ut etiam pro  
illo patiamini. 258

3, 18. Inimici Crucis CHRISTI. 69

AD COLOSSENSES.

2, 14. Chirographum decreti, quod erat con-  
trarium nobis, & ipsum tulit de medio, affigens il-  
lud Cruci. 274

15. Exspolians principatus & potestates, tra-  
duxit confidenter, palam triumphans illos in se-  
metipso. 380

20. Si mortui estis cum CHRISTO ab ele-  
mentis huius mundi, quid adhuc tamquam viuen-  
tes in mundo decernitis? 276

3, 9. Expoliantes vos veterem hominem cum  
actibus suis. 106

AD THESSALONICENSES I.

3, 3. Nemo in tribulatione moueatur, ipsi enim  
scimus quod in hoc positi sumus. 38

AD HEBRÆOS.

4, 12. Viuis est enim sermo Dei, & efficax, &  
penetrabilior omni gladio ancipiti. 270

6, 18. Confugimus ad tenendam propositam  
spem, quam sicut anchoram habemus animæ tu-  
tam ac firmam. 323

10, 20. Initiaret viam nouam & viuentem per  
velamen. 9

12, 1. Aspicientes in auctorem fidei, & con-  
summatores IESUM. 164.

2. Pro-

INDEX LOCORVM S. SCRIPTVRÆ.

2. Proposito sibi gaudio sustinuit Crucē. 207  
5. Flagellat omnem filium quem recipit. 212  
11. Omnis disciplina in præsentī quidem videtur non esse gaudij, sed mœroris. 230  
13, 13. Excamus ad eum in castra, improprium eius portantes. 137

I A C O B V S.

- 1, 2. Omne gaudium existimate, fratres mei, cum in tentationes varias incideritis. 230  
12. Beatus vir qui suffert tentationem, quoniam cum probatus fuerit, accipiet coronam vitæ. 345  
5, 13. Tristatur quis in vobis? oret. 219.

I. P E T R I.

- 4, 13. Communicantes CHRISTI passionibus gaudete. 230. 258. 365

A P O C A L Y P S I S.

- 1, 9. Particeps in tribulatione, & Regno, & patientiâ in CHRISTO IESV. 208  
2, 10. Esto fidelis vsque ad mortem, & dabo tibi coronam vitæ. 343  
3, 19. Ego quos amo arguo & castigo. 46.



# INDEX RERVM MEMORABILIVM.

## A.



- B*negatio sui. 105  
 Corpori & ani-  
 ma necessa-  
 ria. 111  
*E*ius exemplum in Chri-  
 sto. 109  
 In Abraham Patriar-  
 châ. 110  
 In eremitâ quodam. 107  
*A*bsalom segetes Ioab combu-  
 rens, cuius typus. 224  
*A*dolentis ad meliora con-  
 uersi prudens respesum. 107  
*A*dversa praestant secundis.  
 247  
 Vide, *A*fflictio, *CRVX*,  
 Tribulatio.  
*A*egrotare quantum subinde  
 bonum. 298  
*E*tatem primam Deo conse-  
 crandam. 123  
*A*fflictione modicâ redimitur  
 aeterna. 65  
*A*fflictio dignum reddit Deo.  
 165  
*A*fflicti templû Domini. 338  
 In iis *CHRISTVS* pati-  
 tur. 366  
 Vide, *CRVX*, Tribulatio.  
*A*gatha leta in paenis. 232  
*A*gnes gaudet suppliciiis. *ibid.*  
*A*lexander Patriarcha redi-  
 mit qui aurum ei surripue-  
 rat. 252  
*A*liare holocaustorum pe-  
 ctus *CHRISTI*. 337  
*A*man tristis ob negatum  
 honorem. 93  
*A*maniti *CRVX* in votis. 367  
*A*mato assimilari, votum a-  
 mantium. 124  
*A*mbitosorum cura & cru-  
 ciatus. 93  
*A*mor non laborat. 214. 383  
 Extâsim facit. 284  
*A*mor *CRVCIS* vitam, a-  
 mor mundi parit mortem.  
 274  
*A*nchora spei, *CRVX*. 321.  
 324  
*S. Andrea* ad *CRVCEM* an-  
 helatio. 67  
*Andreana CRVX*. 21  
*A*nima potentia vt abnegan-  
 da. 112  
*A*nima purgata cur plerumq;  
 affligantur. 307  
*A*nnuus desponsationis cum  
*CHRISTO*, *CRVX*. 363  
*Antonio* in tentatione demo-  
 num *Deus* adest. 361  
*A*pphithagma veterum Mo-  
 nachorum de voluntate  
 propria. 160  
*Aratro CRVCIS* terra cor-  
 dis profcendenda. 315  
D d     Arcus

INDEX RERVM

Arcus spiritualis, CRVX.

219

Armatura Christiani militis, CRVX. 301

Ars spiritualis sagittadi. 221

Arsenij visio de duobus lignum transuersum portantibus. 149

Asinus molam vertens, figura peccatoris. 85

Auari martyrium. 91

Aulica vita quam misera. 94

Aulici martyres saculi. ibidem.

B.

Baiulationis CRVCIS quis finis. 265

Baiulatores CRVCIS pauci. 56

Beatitudinis aeterna prognosticon afflictio. 248

Item gaudere in tribulationibus. 231

S. Benedictus in spineto se volutans, carnis vicit tentationem. 302

Beneficio virgo quadam iniurias compensabat. 217

Beneficium Dei tribulatio. 200. 241. 247

Beneplacitum diuina dispositionis piis laritia causa. 218

Boni maliq. dispari affliguntur euentu. 143

Bonifacius martyr ungulis excarnificatus inbilat. 242

Botri vinea calcati, viri infli. 331

Botrus Cypri, CHRISTVS crucifixus. 332

C.

Calamitas viru probat. 345

Calix passionis a Dei manu acceptandus. 216

Caro crucifigenda. 265

Quam exitiosa. 268

Cartharina Senensis afflictionibus delectabatur. 133

Spineam elegit coronam

pra aurea. ib. 246

Christianus CHRISTVM sequatur. 166

In hoc positus vt perferat. 38

CHRISTO conformetur. 266

Perpetuo sit crucifixus. 267

CHRISTVS Magister & Doctor veritatis. 12

Infans aduersa pra prosperis elegit. 130

Capus fidelium. 167

Vinctus nos vngit. 384

Vt in nobis viuat. 284

Omne cruciatuum genus tulit. 26. & seqq.

Dolor eius de singulis hominum peccatis. 27

Amans paupertatis. 29

Saturatus opprobriis. 30

Cur CRVCEM elegerit. 74

Cur crucifixus. 144

Cur a CRUCE non descendit. 185

Quo animo CRVCEM tulit. 181

Proposito sibi gaudio sustinuit CRVCEM. 207

Cur CRVCEM baiulauerit. 260

Vt

MEMORABILIVM.

	<i>Vt in eâ gloriatus sit.</i>	259	<i>Quidnam sit.</i>	17
	<i>Est imitandus.</i>	163	<i>Quotuplex illa sit.</i>	20
345	<i>Eius erga nos amor.</i>	215	<i>Olim infamis stipes, seruilè</i>	
<i>manu</i>	<i>Quis verè sit eius.</i>	267	<i>supplicium.</i>	71
216	<i>Illi seruire.</i>	73	<i>A CHRISTI membris de-</i>	
265	<i>Illi conformamur per CRV-</i>		<i>corata, felix &amp; dulce</i>	
268	<i>CEM.</i>	365	<i>lignum.</i>	72
<i>affictio-</i>	<i>Illi configi CRVCI vt pos-</i>		<i>Inter mala non haben-</i>	
<i>133</i>	<i>simus.</i>	282	<i>da.</i>	129
<i>ronam</i>	<i>Citharâ canere spirituali-</i>		<i>Cur homini necessaria.</i>	39
<i>b. 246</i>	<i>ter.</i>	229.234	<i>Cuiusque viribus à Deo</i>	
<i>VM se-</i>	<i>S. Clara in morbo gratias</i>		<i>commensurata.</i>	49
166	<i>Deo refert.</i>	243	<i>Libratur à Deo priusquam</i>	
<i>rat. 38</i>	<i>Clauis amoris.</i>	270.282	<i>immittatur.</i>	50
<i>forme-</i>	<i>Clauis spirituales quibus ho-</i>		<i>Quid sit CRVCEM tolle-</i>	
266	<i>mo crucifigendus.</i>	269	<i>re.</i>	19
<i>us. 267</i>	<i>Clauis ianua cali.</i>	400	<i>Absque dilacione tollen-</i>	
<i>ster &amp;</i>	<i>Coniugatorum CRVCEM.</i>	95	<i>da.</i>	124
<i>12</i>	<i>Conscientia vermis quantum</i>		<i>Sua cuiq; ferenda. 127. 134</i>	
<i>prospe-</i>	<i>tormentum.</i>	86	<i>Integra ferenda.</i>	170
<i>130</i>	<i>Consolatio à CRVCE non</i>		<i>Vndecumque veniat, velut</i>	
167	<i>abest.</i>	212	<i>de paternâ Dei manu ac-</i>	
384	<i>Consuetudo mitigat afflictio-</i>		<i>cienda.</i>	215
284	<i>nes.</i>	179	<i>Eam ferre quanta digni-</i>	
<i>genus</i>	<i>Corona tribulationibus per-</i>		<i>tas.</i>	261
<i>&amp; seqq.</i>	<i>ficitur.</i>	352	<i>Eius beneficio homines pror-</i>	
<i>lis ho-</i>	<i>Maiore passionibus quam</i>		<i>sus indigni.</i>	368
27	<i>actionibus debeat. 350</i>		<i>Eam cum IESV gestantium</i>	
29	<i>Coronari à Deo, quanta di-</i>		<i>diuersa intentio.</i>	197
<i>30</i>	<i>gnitas.</i>	348	<i>Aratrum est spirituale. 315</i>	
<i>elege-</i>	<i>Creaturam qui prafert Deo,</i>		<i>Character ouium CHRI-</i>	
74	<i>non fructur creatore.</i>	69	<i>STI.</i>	13.213
144	<i>Cruciarj apud Romanos</i>		<i>Nummus quo emitur re-</i>	
<i>descen-</i>	<i>CRVCEM suam fere-</i>		<i>gnum Dei.</i>	33.209
185	<i>bant.</i>	87	<i>Cantico celebrata.</i>	235
<i>EM tu-</i>	<i>Crucifixi figura Salomonis</i>		<i>Expugnat animæ hostes. 301</i>	
181	<i>templo expressa.</i>	337	<i>Philtrum &amp; illecebra diui-</i>	
<i>o susti-</i>	<i>Crucifixio spiritualis.</i>	269	<i>ni amoris.</i>	368
207	<i>Crucifixus diabolus.</i>	274	<i>Clauis regni calorum. 400</i>	
<i>uulauo-</i>	<i>Homo ite spiritualiter.</i>	282	<i>Consolatione non caret. 212</i>	
260	<i>CRVX asperum quid so-</i>		<i>Eâ vix quisquam vitur</i>	
<i>Vt</i>	<i>nat.</i>	11	<i>D d 2 malè,</i>	

INDEX RERVM

- malè , prosperitate vix  
quisquam bene. 248  
Vide, Afflictiō, Tribulatio,  
aliaq; toto Indice passim  
occurrentia.  
Currus triumphalis, CRVX.  
380  
Eius rota. 382  
Quomodo vngenda. 348  
Equi huius currus, & au-  
riga. 386  
S. Cyprianus auditâ mortis  
sententiâ, Deo gratias re-  
spondit. 242  
Viginti quinque aureos car-  
nifici numerari iussit. 251

D.

- Damones timent in quibus  
CRVCEM conspiciant. 273  
Davidis regis humilitas. 75  
Despici pro Deo, quam bo-  
num. 75  
DEVS adest tribulatus.  
53. 259  
Occultat suam subinde  
praesentiam, 361  
Eam probat ipsâ tribulatio-  
nis tolerantia. 362  
Vt pater amatissimus CRV-  
CES immittit. 53  
In balance CRVCEs expen-  
dit. 50  
Dulcedo est quâ cuncta dul-  
corantur. 209  
Ab eo prouenientia bona  
censenda. 129  
Illo vt digni efficiamur 165  
Deo gratias quam bona ora-  
tione. 244  
Plus valet vnum Deo gra-

- tias in aduersis, quam sex  
millia in prosperis. 239  
Dilatatio in negotio salutis no-  
xia 121  
Dimensiones CRVCEs. 181.  
340. 391.  
Diuitia quot secum adferant  
angores. 23  
Spina vocantur. 90  
Domus anima corpus, cor-  
poris mundus, Dei anima.  
335  
Duce quam maximè opus in  
viâ spirituali. 158  
Dulcedo amoris. 214

E.

- Echinus marinus vt procellis  
se opponat. 324  
Eduardi Anglorum regis pia  
humilitas. 76  
Eligere CRVCEM nefas,  
sed oblata acceptanda.  
130. 134  
Epulo ob delicias damnatus.  
41  
Equi Currus CHRISTI.  
386  
Erubescere CRVCEM non  
oportet. 142  
Esther summitatem virgæ  
Assueri ex oculaus, quid  
mysticè designet. 240  
Exemplo aliorum CRVX  
suscipienda. 124  
Exempla imitationem exci-  
tare debent, non pusillani-  
mitatem. 255  
Orantium in tribulatione.  
222  
Gratias agentium. 242  
Ini-

MEMORABILIVM.

Inimicis bene facientiū. 251	Fructuum spes minuit dolo- rem. 290
Gaudentiū in aduersis. 231	Fugere CRUCEM nemo po- test. 183
Extasim facit diuinus amor. 284	Fundamentum vitæ spiri- tualis mortificatio. 273
Exultatio S. Andrea in CRV- CE. 67	
Anima beatitudini vicina. 398.	
<b>F.</b>	
Fabrica templi spiritualis, e- iusq; idea. 336	
Familia cura quantum onus. 97	
Fastidium CRVCIS quo mo- do pellatur. 293	
S. Felicitas dolebat in partu, gaudebat in martyrio. 366	
Ferenda non traheda CRVX. 138	
Fides afflictiones docet esse bonas. 130	
Filij quot parentibus adse- rant cruciatu. 99	
Filiorum est patri in omnibus velle placere. 211	
Filiorū Dei character CRVX & tribulatio. 213	
Flagellat pater filium cui ser- nat hereditatem. 213	
Flagello CRVCIS pecca- torū puluis excutitur. 309	
Flagellis à Deo inflictis Deo possumus saluis facere. 306	
Fomes diuini amoris CHRIS- TVS. 215	
S. Franciscus tribulationes sorores suas vocabat, & pro iis gratias agebat. 131	
Francisci Xauerij patiendi desiderium. 132	
	<b>G.</b>
	Gaudendum in tribulatione. 227
	Qui id fecerint. 231
	Gebenna cogitatio patientia stimulus. 202
	S. Gertrudis virium defectum Domino offert. 352
	Gloria Sanctorū in cal. 0399
	Gloriandum in CRUCE. 257
	Gloriari in Domino quid sit. 258
	Gloria vana quantum ma- lum. 151
	Quam inanis. 191
	Meritum dissipatrix. 193
	Bono operi subdole se immi- scet. 189
	Perfectos infestat. 188
	Vt superanda. 152
	Eius remedium. 190
	Gluten quo anima Deo con- iungitur, CRVX & affi- ctio. 363
	Gradus scala CRVCIS. 393
	Gratia agenda in tribulatio- nibus. 237. 241
	Martyribus aequatur id fa- ciens. 244
	Gratiarum actio discriminat malos à bonis. 245
	Maior ob aduersa, quam prospera referenda. 247

INDEX RERVM

<i>Pro beneficiis non admodum magna.</i>	239	<i>Iniuriarum memoriã quis perfectè liber.</i>	254
<i>Debita inimicis &amp; persecutoribus.</i>	250	<i>Inferi CHRISTO vt arbori debemus.</i>	285
<i>S. Francisci in tribulatione.</i>	133	<i>Intellectus abnegatio.</i>	113
<i>Aliorum item.</i>	242	<i>Intèritio recta sit, &amp; ad Deum directa.</i>	153
<i>Grauiora nemo patitur quàm ferre queat.</i>	51	<i>Bona vana gloria insidiatur.</i>	190
		<i>Eius gradus.</i>	195

H.

<i>Heraclius Imperator triumphali ornatu CRUCEM ferre nequit.</i>	154	<i>Ioannes Abbas morbum agrotò necessarium curare renuit.</i>	307
<i>Honor maximus, tribulationes pati.</i>	258	<i>Ioannis Eleëmofynarij pia vindicandi ratio.</i>	252
<i>Honoris appetitus quantis laboribus obnoxius.</i>	92	<i>Iob in arumis gratias agit.</i>	239. 241.
<i>Honoris cupidus luna comparatus.</i>	192	<i>Instar campana percussus suauem edidit sonum.</i>	245
<i>Horror CRVCIS vt mitigetur.</i>	138	<i>Omnibus ablatis Deum retinuit.</i>	362
<i>Hofles anima.</i>	295	<i>Passionibus illustrior quàm actiombus, etiam bonis.</i>	356
<i>Eorum tentationes.</i>	297	<i>Eius calamitates &amp; patientia.</i>	25
<i>CRUCE prostigantur.</i>	301	<i>Obijcit ei demon quòd propter mercedem Deo seruiret.</i>	44
<i>Humilitas in CRVCIS baiulatione seruanda.</i>	154	<i>Ira Dei qua optanda.</i>	312
<i>Rota est in curru CRVCIS.</i>	384	<i>Miserationis plena.</i>	243

I.

<i>Iacobus intercisus quoties membro priuabatur, toties Deo gratias agebat.</i>	242	<i>Ira scitur maximè Deus, cum peccatoribus non irascitur.</i>	310
<i>Iactantia in pio opere vitanda.</i>	149	<i>Iudicium proprium in re spiritali maximè nocet.</i>	159
<i>Ierusalem superna descriptio.</i>	389. 397		
<i>Incipientes cur minus tententur.</i>	169		
<i>Inferni imago in auaro.</i>	92		

L.

<i>Labor non est in amore.</i>	214
<i>Lacedamonij vt puerorum experiantur indolem.</i>	46

Laudes

MEMORABILIVM.

Laudes quarere quàm va-	uerfis ad Deum conuer-
num. 150	sus. 318
Iis delectari, p. ericulosū. 189	Membrum capiti suo compa-
S. Laurentius aff. aris gratias	riatur. 167
agit. 242	Mercede aternâ consideratâ
Lazarus aduerso vento in fi-	afflictiones dulcescunt. 184
num Abrahâ delatus. 376	Misericordiâ Dei magna,
Luxuria malum. 90	dum hîc peccatores punit.
Lydvvina virgo iniurias be-	311
neficiis compensat. 253	Monachorum pia simplicitas,
Ei ostensum vt perscienda	ligneam CRUCEM cir-
esset corona. 351	cumferentium. 17
	Monachorum probatio. 47
	Monachorum trium diuer-
	sus in iniuriis affectus. 146
	Morborum CRUX quàm
	vtilis. 23
	Anima beneficium est. 299
	Eâ ad triginta annos qui-
	dam optat affligi. 354
	Moriatur homo sibi, vt uiuat
	Deo. 108
	Moriendi cum CHRISTO
	votum. 286
	Mors incerta. 123
	Mortificatio Christiano ne-
	cessaria. 109
	Quinq; sensuum & poten-
	tiarum anima. 112
	Carnis. 268
	Moses elegit affligi cum po-
	pulo Dei, aspiciens in re-
	munerationem. 206
	Mulier viro quanta CRUX.
	98
	Mundus lacrymarum val-
	lis. 1
	Mare. 322. 374
	Amarus est ne ametur. 40
	Crucifigendus nobis est. 273
	Illi despecti, à Deo electi. 24

M.

Magdalena de Pazzi lon-	gam optabat vitam, vt
diu posset pati. 397	
Magister in re spiritali	quàm necessarius. 158
Malleo CRUCIS lapides	templi spiritalis caden-
di. 341	
Cæli fores pulsanda. 400	
Malum cuiq; suum molestissi-	imum apparet. 173
Malus spiritalis nauis	CRUX. 372
Manasses vincit & compe-	ditus Deum agnoscit. 318
Marco & Marcelliano tor-	menta epula. 232
Beata MARIAE Virginis	CRUX. 22. 35
Doloris gladius. 37	
Mare est presens seculum.	322. 374
Quàm periculosum. 323	
Martyres in lecto. 387	
Maurimonij incommoda. 96	
Mauritius Imperator in ad-	

INDEX RERVM

Nihil illius nos detineat. 276  
 Ve illi moriamur. 275. 278  
 Murmurare ob CRUCEM, quàm malum. 177

N.

Nabuchodonosor Deum in prosperis ignorans, agnoscit in aduersis. 317  
 Natura superanda. 66  
 Naufragium passus diues Epulo vento secundo. 376  
 Navigatio spiriualis describitur. 373  
 Nauigantium spiriuale celesisma. 374  
 Nautis CRUCEM exprimit. 371

Eâ mare seculi transfrandandum. ibid.  
 Necessitatem ad Deum recurrendi CRUX imponit. 223

Nicolaus Staurophorus lignea baiulans CRUCEM. 18

Nobili CRUX non erubescenda. 74

Nobilium CHRISTI insignia CRUCES. 260

Nocuenta documenta. 316

Novitius Carthusianus ut in proposito fuerit confirmatus. 172

Nummus quo calum venale est, CRUX, & tribulatio. 33. 209

O.

Obediens CRUCE vitit ut pro vehiculo. 383

Oculus mentis intentio cordis. 152

Oculus aperit CRUX. 316  
 Oculi Tobia felle, caci natalo sunt curati. 317  
 Ode in CRUCE exultantis. 235

Officina variarum CRUCIVM. 20

Omnibus in rebus vanitas & afflictio. 88

Opera satisfactoria cur sint pœnalia. 306

Opinio aduersa videri facit grauiora. 171

Opprobrium CRUCIS exemplo CHRISTI ferendū. 141

Orandum in CRUCE. 219

Quare. 221

Quomodo. 225

Oratione inuatur afflictio. 222

Oratio pro agnoscendâ viâ salutis. 6

Osculo CRUX & tribulatio excipienda. 240

P.

Palpari post resurrectionem cur CHRISTVS se permiserit. 205

Parentum amor mortificandus. 109

Paterna manus est que CRUCEM imponit. 215

Patientia quid sit. 45

Eius initium & finis. 145

Gradus. 146

Patiens quis verè dicendus. 134

Pati pro Deo, maius quàm mortuos suscitare. 240

Vtilius quàm magna operari. 352

Patris

MEMORABILIVM.

316  
nati  
317  
ntis.  
RV-  
20  
us &  
88  
sint  
306  
facit  
171  
nem-  
1.141  
219  
221  
225  
222  
viâ  
6  
alatio  
240  
onem  
se  
205  
can-  
109  
RV-  
215  
45  
145  
146  
dus.  
uam  
240  
ope-  
352  
arris

Patris disciplinam non repel-  
lant filij. 212  
Paulus in tribulationibus ge-  
stiens. 261  
Quanta eius in aduersis fi-  
ducia. 324  
Apostolatus eius insignia.  
262  
Pax animi vt acquiratur.  
234  
Peccator CRVX debita. 199  
Peccator nullam habet re-  
quiem. 84  
Perfectio omnibus Christianis  
prescribitur. 145  
Persa gratias agebant, cum à  
Rege inberentur flagellari.  
240  
Perseuerantia in CRVCE ne-  
cessaria. 181.185.266  
Petrus inuersè crucifixus. 21  
Philosophi discipulus triennio  
mercedem soluit iniuranti-  
bus. 251  
Placens sibi displicet Deo. 188  
Pœna huius vitæ magis meri-  
toris quàm futura. 201  
Præceptū de diligendis inimi-  
cis qui impieuerint. 251  
Præmia nutriūt patientiam.  
205  
Preteritum CRVCIS abscondi-  
tum. 292  
Probatio fortitudinis in ad-  
uersis. 262  
Procrastinatio periculosa. 122  
Prosperitas huius vitæ for-  
midabilis. 41.84  
Futura damnationis indi-  
cium. 248  
Prosperitati succedit aduersi-  
tas. 42

Psallere quid sit. 227  
Psalterium spirituale quomo-  
do tangendum. 234  
Puluis peccatorum CRVCE  
excutitur. 309  
Purgant animam tribulatio-  
nes. 308  
Purgatorij pœnis pro peccatis  
velle satisfacere; impru-  
dens dictum. 201

Q.

Quadragesima martyribus ca-  
lestes corona destinatur. 345  
Quadrato lapidi similis sit  
iustus. 341  
Quanam vniuscuiusque di-  
cenda CRVX. 119  
Quatuor curvus CRVCIS  
rota. 382  
Querela afflictorum à Deo  
se devehētos dicentium, re-  
iecta. 361  
De Deo in aduersis quàm  
stulta. 199  
Indicium ea est hominis in-  
grati. 246  
Illi in aduersis non indulgen-  
dum. 178  
Impiorum de neglectâ viâ  
salutis. 79.84  
Pia cuiusdam quod integro  
anno non fuisset afflictus.  
354  
Quotidie ferēda CRVX. 182

R.

Redemptio humani generis  
cur CHRISTI passioni po-  
tius quàm actionibus ad-  
scribatur. 354

Dd 5 Re.

INDEX RERVM

Regnat in nobis CHRISTVS	Sceptrum CHRISTI CRVX.
per asperitates. 260	259
Regni CHRISTI CRVX,	Schola CHRISTI viam
sceptrum. 74	docet CRVCIS. 12
Regnum calorū sine CRVCE	S.Secunda ignominiam repu-
non obtinetur. 208	tat non torqueri. 263
Regū cura & CRVCES. 83.	Flagellorum icibus aiebat
Religio summa, in infirmitate	sibi coronas cudi sempiter-
gratias agere. 244	nas. 347
Religiosi CRVCIS à Geni-	Sensualitas malorum irrita-
libus appellati Christia-	mentum. III
ni. 78	Sequi Deum quàm glorio-
Relinquere semetipsum ut	sum. 165
homo possit. 106	Serui CRVCIS soli inue-
Remora spiritalis, caro no-	niant viam beatitudinis.
stra. 375	208
Resignatio in afflictione neces-	Serui fugitivi olim CRVCE
saria. 226	notati. 73
Quanti facienda. 249	S.Servulus paralyticus hym-
Est suavis melodia in au-	nis Deum in morbo cele-
ribus Dei. 234	brat. 243
Rotæ curvus CRVCIS, cha-	Signi CRVCIS efficacia. 301
ritas, obedientia, patientia,	Simon Cyrenæus CRVCEM
humilitas. 382	ferens post IESVM, quid
	designet. 158
	Situm CHRISTI refocillare
	ut liceat. 331
	Spes gloria in tribulatione.
	208
	Solatiū laboris est. 205
	206
	Eius intuitu CRVX tole-
	randa. 203
	Staurophila unde dicta. 2.11
	Stephano quid lapides effece-
	rit dulces. 207
	Stulta mundi elegit Deus. 78
	T.
	Templum Domini anima no-
	sira. 335
	Quomodo

MEMORABILIVM.

CRVX.  
viam  
12  
repu-  
263  
aiebat  
piter-  
347  
rrita-  
III  
lorio-  
165  
inne-  
adinis.  
RVCE  
73  
hym-  
cele-  
243  
301  
VCEM  
quid  
158  
illare  
331  
one.  
205  
tole-  
203  
2.11  
effece-  
207  
us. 78  
na no-  
335  
omodo

Quomodo adificandum. 339  
Salomonis CHRISTVM  
exprimebat. 337  
Cur ad CRVCIS formam  
exstruatur. ibidem.  
Tentatio vana gloria ex sui  
confidentia accidit. 189  
Carnis dolore superatur.  
302  
Pios frequenter exercet. 169  
S. Teresa virgo aduersarios  
impensius amat. 253  
Eius votum, Aut pati, aut  
mori. 367  
Vt pati posset, celo vellet de-  
scendere. 292  
Tharsis mundanorum ciuitas  
quid significet. 2  
S. Thecla tormenta delicias  
reputabat. 232  
Themistoclis dictum: Periera-  
mus, nisi perissemus. 200  
S. Theodorus martyrium ob-  
iens Domino benedicit. 242  
Timoris via 198  
Timorem Dei tribulatio ex-  
citat. 247  
Torcular spirituale vinum  
exprimens, CRVX est. 329  
Tribulatio hominē probat. 43  
Pabulum electorum. 214  
Ad Deum ire cōpellit. 224  
Pius consolatio est. 241  
Anima cuiusq; statum in-  
dicat. 225  
Abluit peccata. 306  
Predestinationis symbolum,  
& arrha salutis. 325  
Pramiū habet immensū. 249  
Ab eā nemo liber. 82  
Vide, Afflictio, & CRVX.

Triumphus CRVCIS &  
Crucifixi. 380

V.

Velle CHRISTVM sequi, pri-  
mum in itinere CRVCIS.  
55.59  
Veris descriptio. 3  
Via ad patriam presens vi-  
ta. 40  
VIA CRVCIS, via  
salutis. 10.11.182  
Quam difficilis. 343  
Via triplex bona intentionis.  
198  
Via virtutis ardua. 12  
Viduarum labores & dolo-  
res. 101  
Vinum spirituale è torculari  
CRVCIS. 330  
Virga aurea Assueri osculo  
excipienda CRVX est. 240  
Virga Moysis CRVX assimi-  
lata. 139  
Virgo quadam vt ad perfe-  
ctionem pertigerit. 217  
Visio cuiusdam Religiosi de  
varietate hominum CRV-  
CEM ferentium. 125  
Vnctione spiritali linienda  
CRVCES. 384  
Vnire suas afflictiones meri-  
tis CHRISTI vtilissim-  
um. 226  
Voluntas humana quam im-  
becillis. 57  
Quam varia & mutabi-  
lis. 119  
Propria abneganda. 113  
Cum illa in calum non ad-  
scendendum. 160  
Volun-

INDEX RERVM MEMORABILIVM.

<i>Voluntati Dei se conformet</i>	CEM.	63	
<i>homo.</i>	184	<i>Vuis comparari homines in</i>	
<i>Pacem habet, quid id fa-</i>		<i>hoc saculo.</i>	329
<i>cit.</i>	235	<i>Vxorum seruitus.</i>	97
<i>Voluntatis Dei adimplerio,</i>		Z.	
<i>piorum solatium.</i>	132		
<i>Voluptates quàm noxia.</i>	89	<i>Zachaus cur iussus ex arbo-</i>	
<i>illis studentes fugiunt CRV-</i>		<i>re descendere.</i>	158.


FINIS.




63  
es in  
329  
97


rbo-  
158.


ANTVERPIÆ,  
EX OFFICINA PLANTINIANA  
BALTHASARIS MORETI.  
M. DC. XXXV.



XII







Biblioteka Jagiellońska



stdr0029814

---

251

100  
140

---

40

81

---

100  
200  
300

Haef ten